





154



De veteri ritu
NVPTIARVM
& jure

CONNUBIORVM:
 Barnabas Brissonus,
 Antonius } Hotmanus.
 Franciscus }

AMSTELCDAMI,
Apud PETRVM le GRAND.
 c1o 1oc LXII.





AD LECTOREM.



*Abes hic, benigne Lector,
Nuptiarum omnia, qua
quidem ex veterum scri-
ptis erui atque observari
potuere, sacra atque solennia: florido
Briffonii stylo, Hotmanorumque con-
signata. Quem libellum cum jam diu
desiderari, ob ejusque præstantiam uti-
litatemque requiri, atque à quam plu-
rimis expeti cerneremus; dignissimum
profecto, qui à nobis recuderetur, ju-
dicavimus. Ceterum fœde corruptum
depravatumque exstitisse eum hæte-
nus, non ignari; ea nobis cura cura
precipue fuit, ut, si non in totum ema-
culatus, (quis namque Angia stabu-
lum hoc, nisi Hercules quispiam se-
mel simulque expurgare potuisset?)
multo tamen, quam ante, correctior
nitidiorque prodiret. Veste itaque eum
nova, & quasi Nuptiali, quæque ejus
formam merito commendare possit, in-
duimus; nihilque, quod ad ornatum
ejus*

*ejus faceret, omisimus: confusionem
in eo omnem evitavimus; ac proinde
auctorum quæ citantur loca, legum-
que allegationes, distinctis typis expres-
simus: innumerosque ejus navos ac
maculas, quæ ejus faciem hætenus
deturparunt, sustulimus. Quod sane
passim, qui conferre editiones non gra-
vabitur, deprehendet. Adeoque labo-
rem hunc nostrum probis probatum iri
non diffidimus. Tu frueres, Lector,
& vale.*

B. BRIS-



B. BRISSONII, I. C.

Et in suprema Parisiensi

CURIA PRÆSIDIS,

DE RITU NUPTIARVM,

Liber Singularis.



Icturus de ritu nuptiarum ,
pauca de sponsalibus , quæ ea-
rum celebritatem antecedunt ,
præfabor. Fuit autem hoc in
more priscis temporibus posi-
tum , ut qui uxorem ducturus esset, ab eo un-
de ducenda erat, eam in matrimonium da-
tum iri stipularetur : idque qui nuptum da-
turus erat , sponderet : qui contractus stipu-
lationum sponsionumque , dicebatur spon-
salia. Hoc Servium Sulpicium *in libro de do-
tibus* , Neratium Priscum *in libro de nuptiis* ,
tradidisse, Gellius scriptum reliquit *a*. Qui-
bus Ulpianus & Florentinus consentiunt ,
b qui sponsalia quoque à spondendo dicta , &
sponsi sponsæque appellationem inde ductam
credunt , quod veteribus stipulari & sponde-

A

re

a lib. 4. no. Attic. cap. 4. *b* in l. 2. & 3. D.
de sponsalib. l. spons. D. de verb. signif.

re uxores futuras moris esset. Nec clam me est, horum nominum originem à Græco fonte Verrium Flaccum idoneum auctorem derivasse, qui, ut apud Sex. Pomp. legimus, sponforum, & sponfarum nomen inde tractum existimabat, quod ~~avordas~~ interpositis rebus divinis facerent. Sed à priore harum vocum notatione qui dissentiret præter unum Verrium, præterea inveni neminem. Veteris certe moris, quo prius illud etymon nititur, multa sunt in Plauti Comœdiis non obscura impressa vestigia. Sic enim ille in *Aulularia* Megadorum ab Euclione filiam stipulantem facit:

M. Quid nunc etiam mihi despondes filiam?

E. Illis legibus,

Cum illa dote quam tibi dixi. M. Sponden ergo? E. Spondeo.

In *Trinummo* quoque Lysiteles à Charmide ita stipulatur:

Sponden ergo tuam gnatam uxorem mihi?

Ch. spondeo: & mille auri Philippum dotis.

Et paulo post:

Ist hac lege filiam tuam sponden mihi uxorem dari?

Ch. Spondeo. Ca. & ego spondeo idem hoc.

Sed & in *Curculione* Phædromus ita à milite stipulatur:

Ph. Spondesne miles mihi uxorem tuam?

M. spondeo.

Inde

Inde Arnobius, libro 4. *adversus gentes*, fabulosa gentilium deorum conjugia ridens: *Vxores, ait, dii habent, atque in conjugalia federa conditionibus veniunt ante quasitis: habent pactas, habent interpositis stipulationibus sponsas.* Memini etiam idem ipsum Servium grammaticum adnotare ad eum Virgilii versum, qui est lib. 10. *Æneidos*:

Quid soceros legere, & gremiis abducere patas?

Nec vero à filiæ duntaxat patre nuptum datum iri, sed & à patre viri ductum iri sponsio interponebatur, si modo Donato fides accommodanda est, qui Terentii verba *ex prima Andria scena* ad eam rem expendit, quæ ita habent:

Hac fama impulsus Chremes

Utro ad me venit, unicam gnatam suam

Cum dote summa filio uxorem ut daret.

Placuit: despondi: hic nuptiis dictus est dies.

Ad constituenda plane sponsalia nudus consensus sufficiebat: nec quicquam intererat utrum testatio interponeretur, an aliquis sine scriptura sponderet. Denique & absenti absens per epistolam vel internuncium recte despondebatur. *a* In tabulas tamen ut plurimum sponsalitiæ conventiones referebantur. Ex quo illud Iuvenal. *b*.

A 2

Si

a 1. sufficit. 1. in sponsalibus, D, de sponsalib.

b Sat. 6. 7. & 8.

*Si tibi legitimis pactam junctamque tabellis
Non es amaturus.*

Tertullianus in libro de virginibus velandis: *Hæ sunt tabella priores naturalium sponsaliorum & nuptiarum.* Quæ tabulæ signatoriis, eorum qui interfuerant, anulis obsignabantur. Unde Juvenalis de nuptiis contrahendis agens,

Veniet, ait, cum signatoribus auspex.

Apulejus Apolog. 2. *Habes, Æmiliane, causam totam, cur tabula nuptiales inter me & Pudentillam non in oppido sint, sed in villa urbana consignata.*

In argumentum etiam contractorum sponsaliorum à sponso sponsæ arrhæ dabantur: quemadmodum ex Paulo lib. 2. *sententiarum*, & ex Gratiani, ac Valentiniani, aliorumque Imperatorum constitutionibus intelligimus *a*. Quin & anulus sponsæ pignoris loco mittebatur, quem *pronubum* Tertullianus in lib. *de cultu feminarum* vocat, *Aurum*, inquit, *nulla novat præter uno digito, quem sponsus oppignerasset pronubo anulo.* Isidorus Hispalensis lib. 20. *Etymolog. Femina*, ait, *non usæ sunt anulis, nisi quos virgini sponsus miserat: neque amplius quam binos aureos in digitis habere solebant.* Item lib. 2. de divin. offic. cap. 15.

Quod

a 1. si quis officium. D. de ritu nupt. l. arrhis.
1 mulier. C. de sponsalib.

Quod in primis, ait, nuptiis, anulus à sponso sponsa datur, sit nimirum vel propter mutua dilectionis signum, vel propter id magis, ut eodem pignore eorum corda jungantur. Unde & quarto anulus digito inseritur. Ideo quia in eo vena quadam, ut fertur, sanguinis ad cor usque perveniat. Quam eandem rationem Gellius ^a & Macrobius ^b ex Appione & Atteio Capitone reddunt, cur apud Romanos communi assensu receptum esset, anulum in digito qui minimo vicinus est, quem & medicinalem vocant, atque adeo manu præcipue sinistra gestare. Nicolaus quoque Pontifex ad consultationem Bulgarorum rescribens, ut est apud Gratianum, Et postquam, ait, arrhis sponsam sibi sponsus per digitum fidei anulo insignitum desponderit. Sed & hunc ipsum morem, Juvenalis à me subjecti versus indicant: c

Conventum tamen & pactum & sponsalia nostra

Tempestate paras, jamque à tonsore magistro Pæcleris, & digito pignus fortasse dedisti.

His à Paulo d relatam speciem adjungamus licet, in qua sponsum alienum anulum sponsæ muneri misisse proponit. Ferreum vero anulum, cumque sine gemma, sponsæ mitti

A 3

arate

^a lib. 10. c. 10.^b lib. 7. c. 13.^c Sat. 6.^d in l. si donatæ. 36. §. ult. D. de don. int. vir.

ætate sua consueville, Plinius *lib. 33. Naturalis historia* auctor est.

Cæterum à qua ætate sponsalia contrahi olim poterant, ex Modestino *lib. 4. differentiarum* liquet: cujus ipsamet verba ponam: *a In sponsalibus contrahendis ætas contrahentium definita non est, ut in matrimoniis. Quapropter à primordio ætatis sponsalia effici possunt, si modo id fieri ab utraque persona intelligitur: id est, si non sint minores quam septem annorum.* Quæ verba certam nominatim sponsalibus contrahendis præscriptam ætatem non fuisse significant. Quamquam quod ad legis Papiæ præmia attinet, ea demum sponsalia probari admittique Augustus constituit, quibus biennio post justæ ac legitimæ nuptiæ accedere possent, ut proinde minores natu decem annorum virgines frustra sponsæ haberentur. Cujus rei constituendæ causa fuit, quod sponsaliorum obtentu, quæ ad exitum & effectum brevi perducere per sponsarum immaturam ætatem non poterant, legi fraudem fieri animadvertisset. Id quod ex Dione *lib. 54.* didici, cujus hæc sunt verba: *ὡς δ' ἐν βερίφῃ πινὲς ἐχθροὶ ἀνδρὸς τῆς μὲν πρῆξις τῆς γαμηκῆς τῶν ἐκαρπύων, τὸ δ' ἔργον αὐτῶν ἐπαρτείουτο, ἀποστέταξε μηδεμίαν ἐχθρὴν ἰσχύειν μεθ' ἧν ἐδὲ δυοῖν ἐτοῖν διελθόντοι γαμήσθαι τις τῆς τε, δέκεν πάντως ἐχθροῦ τὴν γή*

a 1. in sponsalibus. 14. D. de sponsal.

ἔπειτα αὐτῆς ἀπολαύσαντες. Δώδεκα γὰρ παῖς
 κήραις ἐς τὴν ἑξάμην ὥραν ἔτη πλήρη, κατὰ τὴν
 εἰπόν, νομίζε[ται].

Quorum verborum senten-
 tiam quia nec assecutus est, nec expressit
 interpres, ego in eorum gratiam quibus
 Græca lingua minus innotescit, in Latinum
 ea convertam ut potero. Quoniam autem, ait
 Dio, quidam infantes puellas despondentes, præ-
 miis quidem conjugum fruebantur, ceterum
 effectum rei, & conjugum opus non præstabant,
 ea sponsalia vires nullas habere constituit, post
 qua duobus transactis annis sponsa duci mini-
 me posset: Hoc est, ut omnino decennis virgo
 desponderetur, si quidem ex ea commodi quid
 capere sponsus vellet. Duodecimo namque anno
 virgo matura viro & nubilus, ut jam ante di-
 xi, existimatur. Quam eandem Augusti con-
 stitutionem Zonaras totidem prope verbis
 retulit, quæ sunt ab ejus interprete, ne quem
 debita laude fraudem, fidelius, ac planius
 quam ab illo altero, viro alioquin erudito,
 ac bene de Græcis merito, reddita. Atque hoc
 nimirum est, quod breviter ac strictim, more
 suo, Tranquillus in ejusdem Principis vita
 scribit his verbis: a Cumque etiam immatu-
 ritate sponsarum, & matrimoniorum crebra
 mutatione vim legis eludi sentiret, tempus
 sponsas habendi coarctavit. Quo procul dubio
 pertinet Cuius b locus quem ex ejus lib. 1. ad l.

A 4

Iuliam

a cap. 34. b l. pen. D. de sponsalib.

Juliam & Papiam Pandectarum concinnatores delibarent. In eo ita est: *Sape iusta ac necessaria causa non solum annum vel biennium, sed etiam triennium aut quadriennium & ulterius trahunt sponsalia: veluti valetudo sponsi sponseve, vel mortes parentum, aut capitalia crimina, aut longiores peregrinationes quæ ex necessitate fiunt.* Itaque à septimo anno utiliter quidem contrahi sponsalia potuisse, non dubium est: verum eorum demum sponsaliorum nomine quæ cum virginibus decem ad minus annos natis contraherentur, ex lege Papia, commodi lucrive quid percipi poterat.

Hæc de sponsalibus, quæ viam ad explicanda nuptiarum solennia muniant, breviter prædicenda censui. Sponsalibus factis, consequens erat nuptiis diem dici. Nec vero temere & è re nata, ac quolibet, prout incidisset, die nubebant: sed in ea re non levem mensium, temporum ac dierum delectum habebant. Novarum certe Calendarum posteros omnes dies à nuptiis habitos alienos; Sex. Pomp. libro. 12. scribit. Mensis item Maius, quemadmodum Plutarchus *ἐν Αἰθίοις* testatur, nuptiis infausus & inauspicatus existimabatur. Ex quo illud olim vulgi sermone tritum proverbium: *mensē Maio nubunt mala.* Ovidius lib. 5. Fastor. *Nec vidua tadis eadem, nec virginis apta*
Tem-

Tempora, quæ nupsit, nec diuturna fuit.

Hac quoque de causa, si te proverbia tangunt,

Menſe malas Maio nubere vulgus ait.

Dies etiam alios qui nuptiis contrahendis vitabantur Macrobius lib. 1. c. 15. recenſet: cujus ipſamet verba ſubjicere ſatius fuerit:

*Nec hoc pratermiſerim, ait, quod nuptiis copu-
landis Calendas, Nonas & Idus religioſas, id
eſt, de vitandas cenſuerunt. Hi enim dies præ-
ter Nonas feriati ſunt: feriis autem vim cui-
que fieri piaculare eſt. Ideo tunc vitantur
nuptiæ, in quibus fieri vis virginibus videtur.*

Sed Verrium Flaccum juris Pontificii peritiſ-
ſimum dicere ſolitum refert Varro, quia feriis
tergere veteres foſſas liceret, novas facere jus
non eſſet, ideo magis viduis quam virgini-
bus idoneas eſſe ferias ad nubendum. Subji-
ciet aliquis: Cnr ergo Nonis, ſi feriatus dies
non eſt, prohibetur celebritas nuptiarum? Hu-
jus quoque rei in aperto cauſa eſt. Nam pri-
mus nuptiarum dies verecundia datur: poſtri-
die autem, nuptam in domo viri, dominum in-
cipere oportet adipiſci, & rem divinam facere.

Omnes autem poſtriduanæ dies, ſeu poſt Calez-
das ſeu poſt Nonas Iduſve, ex aquo atrii ſunt.
Ideo & Nonas inhabiles nuptiis eſſe dixerunt,
ne nupta aut poſtero die auſpicaretur liberta-
tem uxoriæ, aut atro immolaret, quo neſus eſt
ſacra celebrari. Idem etiam auctor c. 16. ejus-
dem libri ex Varrone, Mundus, ait, cum patet,

*deorum tristium atque inferum quasi janua
patet. Propterea non modo pralium committi,
verum etiam delectum rei militaris causa ha-
bere, ac militem proficisci, navem solvere,
uxorem liberum quarendorum causa ducere,
religiosum est. Parentalibus quoque, quæ
mense Februario celebrabantur, conjugium
propter infaustos & ominosos ejusmodi dies
vitandum esse, Ovidius libro 2. Fastorum
præcipit his versibus:*

Postea prateriti tumulis redduntur honores,

Prodigiisque venit funeribusque modus.

Dum tamen hac fiunt, vidua cessate puella,

Exspectet puros pinea tada dies.

Nec tibi, qua cupida matura videbere matri,

Comat virgineas hasta recurva comas.

Conde tuas hymenae faces, & ab ignibus atris

Aufer, habent alias mæsta sepulchra faces.

Pomponii tamen nuptias pridie Idus Fe-
bruar. celebratas, Cicero lib. 2. Epist. ad Q.
frat. Epist. 2. indicat. Sed & Saliorum die-
bus festis, abstinendum nuptiis, idem Ovi-
dus suadet lib. 3. Fastor.

*Nubere, ait, si qua volet, quamvis propera-
bitis ambo,*

Differ, habent parva commoda magna mora.

Contra conjugio aptissimum esse id tempus
quod Idus Iunias sequitur, ostendit lib. 6.
quo loco filiae diuturnam salutem precatus,
ita concludit:

Hanc

*Hanc ego cum vellem genero dare, tempora
tadis*

*Apta requirebam, quaque cavenda forent.
Tunc mihi post longas monstratur Iunius idus,
Vilis & nuptis, utilis esse viris.
Primaque pars hujus thalamis aliena reper-
ta est.*

*Nam mihi sic conjunx sancta, dialis ait.
Atque ad hunc superstitiosum dierum nu-
ptialium delectum referenda suspicor hæc
Ciceronis ex lib. 2. Epist. ad Q. fratrem ver-
ba: De nostra Tullia, tui me hercule aman-
tissima, spero cum Crassipede nos confecisse.
Dies erant duo qui post Latinas habentur re-
ligiosi. Ceterum confectum est.*

Jam ubi nuptiis dictus dies venerat, ma-
xima circa comendam orandamque spon-
sam cura impendebatur. Quod priusquam
exponam, recte atque ordine facturum me
puto, si usurpatas ab antiquis matrimonio-
rum contrahendorum formas aperiam. Tri-
bus autem generibus uxores quæsitae inve-
nio: usu, farre, coëmptione. Arnobius lib. 4.
adversus gentes: *Vxores enim ii habent, atque
in conjugalia federa veniunt conditionibus
ante quasitis: usu, farre, & coëmptione ge-
nialis lectuli sacramenta conducunt.* At Ci-
cero in *Topicis* duo tantum uxorum genera
facit: Si ita, inquit, *Fabia pecunia legata
est à viro, si ea uxor materfa. esset, si in ma-*

nium viri non convenerat, nihil debetur. Genus est enim uxor: ejus dua forma: una matrumfamiliarum; ha sunt qua in manum convenerunt: altera earum, qua tantummodo uxores habentur. Sed enim discidium hoc facile Ulpiani interventu componitur: qui in manum tam farre quam coëmtione conveniri in Institutionum fragmentis docet. Itaque Boëthius ad illum Ciceronis locum, totidem quot Arnobius uxorum quærendarum modos constituit. Et confarreationem quidem solis Pontificibus convenisse scribit. Tametii à primo urbis ortu id ritus genus institutum, omnibusque peræque nuptiis far intervenisse, Dionysius Halicarnasseus indicare videtur, cum ita scribit: α ἐκάλην τε τὰς ἱερὰς οἱ παλαιοὶ γάμους ῥωμαϊκῇ πεποιηθεία φιλαμειβοῦντες φάρρακια, ἐπὶ τῇ κθινωνίας τῇ φάρρῳ, ὁ καλῶν ἡμεῖς ζέαν. Idem subjicit, non nuptiis modo sed & sacrificiis omnibus far à priscis Latinis adhibitum. Quod & Arnobius lib. 2. adversus gentes testatur: Tuis, ait, neque ipse Romulus, aut religionibus artifex in comminiscendis Numa, aut esse scivit aut nasci: ut pium far monstrat, quo peragi mos fuit sacrificiorum solennium munia. Ovidius lib. 1. Fastor.

*Ante deos homini quod conciliare valeret
Far erat, & puri lucida mica salis.*

Nondum

a lib. 1. Antiquit.

*Nondum pertulerat lachrymatas cortice
myrrhas*

*Acta per equoreas hospita navis aquas.
Tura nec Euphrates, nec miserat India costum,
Nec fuerant rubri cognita fila croci.*

Asconius in 3. contra Verrem oratione: *Nefarium est, quod sacra polluit, farre pio solita celebrari.* Incruenta quippe, & à sanguine pura, prisca sacrificia ex Numæ instituto erant, atque ut Plutarchus loquitur, ἀναιμικτοὶ αἵτε πολλαὶ δὲ ἀλφίται καὶ ἀποσιδῆς καὶ ὅτε πελίσσιων ποιεῖν ὄρωσι. Quinetiam inter ejus instituta idem auctor hoc refert: μὴ θύειν αἶδου ἀλφίτων. Valer. Max. lib. 2. *Memorabil. cap. 1.* de priscis Romanis agens: *Erant adeo continentia attenti, ut frequentior apud eos pultis usus, quam panis esset. Ideoque in sacrificiis Mola, quæ vocabatur, ex farre & sale constat.* Mola quippe secundum Sexti Pomp. interpretationem nihil aliud erat, quam far tostum & sale aspersum. & quod eo molito hostiæ aspergerentur, inde Molæ nomen invenit. Virgilius lib. 2. *Æneid.*

Et salsa fruges, & circum tempora vitta.
Ubi Servius, *Salsa fruges,* ait, *sal & far,* quod dicitur *Mola salsa:* quæ & frons victimæ & foci aspergebantur, & cultri. Fit autem de horna fruge, & horno sale. Ut Horatius: *Et horna fruge.* Quæ Horatii verba habentur lib. 3. *Carmin.*

Od. 23. Ex quo eodem loco duos itidem
versus proferam. in quibus ita est:

Mollibit aversos penates

Farre pio, & saliente mica.

Quo genere loquendi etiam Tibullus utitur,
Elegia 4. lib. 3.

*Et vanum, ait, metuens hominum genus,
omina (sic enim lego) noctis,*

Farre pio placant, & saliente sale.

Simili modo Ovidius lib. 4. Fastor.

Farra dea, micaque licet salientis honorem

Detis, & in veteres tura grana focos.

At Virgilius, non in secundo duntaxat *Æneid.*
unde paulo ante versum retuli, sed & lib. 12.
fruges falsas dixit:

Dant fruges, inquit, manibus falsas:

Quod Servius interpretatur, *far & sal*: quibus
rebus, ait, & cultri aspergebantur & victi-
ma. Quo exemplo, Arnobius, lib. 3. adver-
sus gentes, *Nisi tura, inquit, & falsas fruges
dii acceperint, nequeunt bene facere.* Idem
lib. 6. *Non tura, neque fruges falsas, non de-
nique vinum liquens paterarum effusionibus
inferamus.* Eaque de causa Mola, falsa dice-
batur. Horat. lib. 2. Sat. 3.

Ante aras, spargisque mola caput, improbe, salsa.

Et Martialis alicubi:

Consumsi falsasque molas, & turis acervos:

Ovidius farra mixta sale dixit lib. 1. Fastor.
in his versibus:

*Inde vocor Ianius, cui cum Cereale sacerdos
Imponit libum, farraque mixta sale.*

Far plane genus esse frumenti optimi, Servius in lib. 1. Georg. adnotat. Ceterum, ut Latini, farreas Molas, ita Græci κερθινὰς ἑλὰς sacrificiis suis adhibebant, quemadmodum est ab Eustathio accurate copioseque expositum in lib. 1. Iliad. qui ex Dione ἑλὰς esse docet, τὸ μίγμα τὸ ἐκ κερθῆς καὶ αἰλῶν. Meminit & Suidas in verbo ἑλοθυτεῖν. Quo in vocabulo mendum esse apud Moschopul. in lib. πρὸς σχεδῶν, admoneo. Ubi ἑλαὶ pro ἑλὰι legitur. Quem errorem ipsa satis definitio convincit. Sic enim explicat: αἱ αἰλὰι μίμνυμα κερθαὶ καὶ τοῖς θυμέσιν ἐπιβαλλόμεναι. Sed ut ad propositum tandem aliquando redeat oratio, consentanea his quæ de farris usu diximus, Plinius, propius ad nostrum argumentum accedens, lib. 18. Natural. histor. cap. 3. tradit: *Quin & in sacris, ait, nihil religiosius confarreationis vinculo erat: novæque nupta farreum præferebant.* Unde Apulejus lib. 10. de Asino aur. *matrimonium confarreare* dixit. Nec verò uxorem duci olim nisi sacrificiis peractis potuisse, Servius notat in 3. Æneid. ad eum versum: *Connubiis arvisque novis operata juventus.* Inde Seneca in Octavia. Actu 4.

— *Vidit attonitus tuam*

*Formam Senatûs, turba cum superis dares,
Sacrasque*

*Sacræque grato spargeres aras mero,
 Velata summum flammæo tenui caput.
 Et ipse lateri junctus atque harenis tuo
 Sublimis inter civium lata omina
 Incessit, habitu atque ore lætitiæ gerens
 Princeps superbo. Talis emersam freto
 Spumante Peleus conjugem accepit Tethin.
 Valerius Flacc. lib. 8. Argonautic.*

*Inde ubi sacrificas cum conjugè venit ad aras
 Æsonides, unaque adeunt, pariterque precari
 Incipiunt: ignem Pollux undamque jugalem
 Prætulit, ut dextrum pariter vastantur in
 orbem.*

Et mox:

Primus & ecce fero, quatioque hanc lampada vestro

Conjugio: primus celebrosalia sacra.
 Plane apud Hetruscos & Priscos Latinos in
 conjunctione nuptiali à novo marito & à
 nova nupta primum porcum immolari con-
 suevisse, Varro lib. 2. de re Rustic. cap. 4. au-
 ctor est. Ut ut sit, quo ritui olim confarra-
 tio perageretur, unus Ulpianus, ac ne is
 plene quidem, explicat in fragmentis Titulo-
 rum ex ejus Corpore exceptorum, cum ita scri-
 bit: *Farre convenitur in manum certis verbis,*
& testibus decem præsentibus, & solenni sa-
cificio factò, in quo panis farreus adhibetur.
 Quemadmodum autem confarreatione
 iungebantur, ita diffarreatione conjugia
 dirime-

dirimebantur. Sex. Pomp. lib. 4. *Diffarreatio genus erat sacrificii quo inter virum & mulierem fiebat dissolutio: dicta diffarreatio, quod fieret farreo libo adhibito.* Sed omissam suo jam tempore confarrecandi adsuethudinem, aut certe inter paucos retentam, Tiberius Imp. apud Cornel. Tacit. lib. 4. narrat.

Igitur ad alia duo matrimoniorum genera, coëmtione & usu contracta, gradum faciamus. Prioris Cicero in *Orat. pro Murena* meminit. Concipi vero certis verbis coemtionem solitam, idem indicat lib. 1. de *Orat.* cum ait: *Nam neque illud est mirandum, quibus verbis coemtio fiat, nesciat, eundem ejus mulieris, qua coemtionem fecerit, causam posse defendere.* De ejus certe formula totoque adeo coemtionis ritu quod proferam aliud nihil habeo, præterquam quod est à Boethio lib. 2. *commentarior. ad Topica Ciceron. ex Ulpiani institutionibus* relatum. Boethio in ipsis lapsæ jam Latinitatis ruinis, & ut ita dicam, parietinis nato, ut & aliis ejusdem ævi seculi scriptoribus, tantum tribuo quantum eum ex veterum libris, quibus nos injuria temporum orbari sumus, hausisse video. Nec enim sum nescius, eum in illis suis *Topicorum commentariis*, quorum sex duntaxat libri ex septem, quos se conscripsisse ipsemet

met lib. 1. de differentiis topic. testatur, ad nos salvi pervenerunt, in crassos ac supinos errores esse prolapsum. Quale illud est, quod ad explicationem ejus loci adfert, quo Cicero legem jubere scribit, *Affiduo affiduum vindicem esse*. Quod jussu legi Æliæ Sentia (etenim Sanctia contra ejus, ut existimo, mentem libri impressi scriptum habent, quando nulla ejus nominis lex in veterum monumentis, quod sciam, exstat) attribuit: ejus utique nec interpretes esse Sextus Ælius, ex quo interpretationem *affidui* Cicero producit, potuit: ac nec ipse Tullius ex ea lege, quæ post ejus demum obitum, imperante Augusto, in aliam penitus sententiam lata est, exemplum nisi fatidico spiritu & mentis afflatu proferre. Qui error eo perniciosior est, quod ex ejus commentariis in ordinem verborum Ciceronis manavit. Etenim imperitus quidam, legis verbum, quod erat à Cicerone, de Lege 12 tabularum sentiente, ut ex Gellio patet, a simpliciter, sicut & alio ejusdem libri loco b, prolatus, explanare volens, margini ex Boethii commentariis interpretationem vitiosam adscripsit. quæ deinde in contextum irrepsit. Quod vitium altissimas deinde radices in omnibus codicibus egit. Similiter & illud apud Boethium

nota

a lib. 16. noct Attic. cap. 10.

b in loco ex
comparatione.

nota dignum est, quod maximæ capitis diminutionis exemplum à deportatione sumit: *a* qua tamen constat libertate salva solam civitatem amitti. Nam deportati quidem ἀπόλιδες fiunt & ad peregrinitatem rediguntur, ceterum libertatem naturalem, & ea omnia quæ meri sunt gentium juris, retinent. *b* Et quamvis erroris ejus Callistratus, aut forte Callistrati titulo Tribonianus, patronus advocari possit, *c* non eo tamen ab instituta accusatione desistam: in eaque subscriptores melioris notæ veteres omnes consultos habebō: qui mediæ capitis diminutioni, aquæ & ignis interdictionem & eam quæ in ejus locum successit deportationem subjiciunt. *d* Verum hæc nihil ad hujus libri institutum pertinent: ad quod ut redeam, ipsamet Boethii de coemptionis ritu verba recensebo: *Coemptio*, ait, *certis solennitatibus peragebatur: & sese in coëmendo* (perperam enim in impressis codicibus communicando legitur) *invicem interrogabant: vir ita, An sibi mulier materfa. esse vellet: illa respondebat, velle. item mulier interrogabat, An vir sibi paterfa. esse vellet: ille respondebat, velle. itaque mulier in viri*

con-

a lib. 2. comment. in locum ab adjunctis.

b l. quidam. D. de pœnis. l. si deportati. §. 1. D. de legat. 3. l. neque. §. 1. D. de milit. test.

c l. cognitionum. §. ult. D. de var. & extraord.

d Ulpian. in fragment. Tit. 11.

conveniebat manum , & vocabantur hæ nuptia per coemptionem. & erat mulier materfam. viro loco filia. Hæc ille: quæ totidem verbis refert Servius in lib. 4. Æneid. occasione sumpta ex illis Virgilii verbis,

Reppulit, & dominum Æneam in regna recepit.

Idem ad eum ex lib. 1. Georgic. versum ;

Teque sibi generum Tethis emat omnibus undis.

Quod ait, emat, inquit ille, ad antiquum nuptiarum pertinet ritum : quo se maritus & uxor invicem emebant : sicut habemus in jure. Quo etiam Virgilium respexisse, Nonius Marcell. in lib. de propriet. sermon. antiq. existimat : cui interpretationi & Isidorus lib. 5. Etymolog. accedit. Coemptionem porro imaginariis venditionibus peractam , ut & adoptionem , credibile est : in eaque facienda nummos aliquot dicis causa intervenisse. Id enim in aliis quoque legitimis actibus observabatur, in quibus specie tenus Mancipationum solennia repræsentanda erant. Cujus moris vestigia à nobis in nostris nuptiis usurpari quidam opinantur, tredecim nummorum numeratione. Verum ego ex Barbararum coloniarum , quæ in Gallias ex Germania migrarunt , ferroque & armis sedes occuparunt , moribus id in usu mansisse potius crediderim. Tam enim Burgundiones quam Saxones uxores suas à parentibus vel tutoribus earum emisse

emisse observavi: idque ex capite seu titulo 14. & 34. earum legum quas Gundobaldus Rex Burgundionibus scripsit: & ex Tit. 6. 9. & 17. legum Saxonicarum patet. Idque pretium nuptiale appellatur in Tit. 12. legum Burgundion. & erat 100 solidorum ex Saxonum legibus, ut cap. 6. docet. Enimvero quæ coemptione in manum convenerant uxores, proprie matrumfam. nomine exaudiebantur, ut Cicero Topici auctor est. Gellius lib. 18. cap. 6. Illud compendio probabilius est, quod idonei vocum antiquarum enarratores tradiderunt, matronam dictam esse proprie quæ in matrimonium cum viro convenisset, quoad in eo matrimonio maneret, etiam si sibi liberi nondum nati forent; dictamque esse ita à matris nomine, non adeptæ jam, sed cum spe & omine mox adipiscendo: unde ipsum quoque matrimonium dicitur. Matrem autem familias appellatam esse eam quæ esset in mariti manu mancipioque, aut in ejus, in cujus maritus, manu mancipioque esset: quoniam non in matrimonium tantum, sed in familiam quoque mariti, & in sui heredis locum venisset. Eadem harum vocum differentia à Servio traditur in lib. 11. Æneid. quem quisquis cum Gellio contulerit, non dubitabit *mancipi* pro *mancipio* semel atque iterum mendose apud illum scriptum



ptum esse. Matrisfa. vero *ex Ulpiani lib. 54. aut 59. ad edictum* (variant enim codices) nobis à Triboniano proposita definitio, verbis in quorum interpretatione versabatur, aptata fuit, non ad prisca sermonis proprietatem relata. Illud conniventibus oculis prætereundum non est, quod in viri familiam venisse Gellius scribit eam quæ in manum conveniret. Nam hujus in alienam familiam transitus ratione, capite minui censebatur: indeque in minimis capitis minutionibus conventio in manum numeratur. Ulpianus Tit. 11. fragmentor. *Minima capitis diminutio est per quam & civitate & libertate salva, status duntaxat hominis mutatur. Quod sit adoptione & in manum conventionne.* Hinc illustratur quod Cicero in Topicis scribit: *Si ea mulier testamentum fecit qua se capite nunquam diminuit, non videtur ex edicto Prætoris secundum eas tabulas possessio dari.* Ubi Boethius, *Mulieres*, ait, antiquo jure tutela perpetua continebat. Recedebant vero à tutoris potestate qua in manum convenissent. Itaque fiebat eis prioris status permutatio, & erat capite deminuta qua viri convenisset in manum. Quod autem de perpetua mulierum tutela Boeth. notat, Ulpiani verbis comprobatur, quæ sub Tit. 11. fragmentor. sunt posita. Sic autem habent: *Tutores constituuntur tam masculis quam feminis:*

minis : sed masculis quidem impuberibus duntaxat , propter atatis infirmitatem : feminis autem tam impuberibus quam puberibus , & propter sexus infirmitatem , & propter forensium rerum ignorantiam. Cicero pro Muræna : Mulieres omnes, propter infirmitatem consilii, majores in tutorum potestate esse voluerunt. Quamobrem Augustum memoriæ proditum est summi beneficii loco & jure singulari Liviæ uxori & Octaviæ sorori concessisse τὰ σφέτερὰ ἄνδρ' κυρίῃ πινὸς διοικεῖν. Hæc enim sunt Dionis lib. 49. hoc ipsum referentis verba : quæ indultum eis fuisse sine tutore auctore res suas gerere significant. Quod & Vestalibus licuisse , Plutarch. in Numa docet, qui inter reliqua earum virginum privilegia hoc recenset : καὶ τ' ἄλλα πρῶτ' ἐστὶν ἄνδρ' ἀρρεστὰς ἀγγέλλοντας ὡς αὐτὸς τῶν παιδῶν. Sed enim inter mulierum ac pupillorum tutores lata erat differentia. Nam pupillorum quidem pupillarumque tutores, ut Ulpia. in Fragment. explicat a, & negotia gerebant & auctoritatem interponebant. Mulierum autem tutores auctoritatem duntaxat interponebant. Idcirco Cato apud Livium b majores voluisse dicebat, nullam ne privatam quidem rem feminas sine auctore agere. Cui L. Valerius apud eundem respondens, Nunquam, inquit, salvis suis exhi-

tur

tur servitus muliebris, & ipsa libertatem quam viduitas & orbitas facit, detestantur. Unde Apulejus *Apolog.* pro se ipso secunda, emtionis à Pudentilla factæ testem, ut auctorem, ejus tutorem Cassium Longinum citat: *Ad-est, ait, etiam tutor auctor mulieris, vir gravissimus & sanctissimus, omni cum honore mihi nominandus Cassius Longinus. Quare, Maxime, cujus emtionis auctor fuerit. Ex illa vero tutorum differentia Cicero Topicis argumentum à dissimili ita ducit: Non quemadmodum quod mulieri debeas, recte ipsi mulieri sine tutore auctore solvas; ita quod aut pupilla aut pupillo debeas, recte possis eodem modo solvere. Ubi Boethius (nam quæ ab eo bene dicta sunt non reticeo) Mulieres, ait, antiquitus perpetua tutela tenebantur: pupilli item sub tutoribus agunt. sed mulieribus si quid debitum fuisset, sine tutoris auctoritate poterat solvi: pupillis vero minime. Et mox: Illa perpetua tutela etiam provec̃ta jam atate continentur: illorum tutela certus annorum numerus terminum facit. Differt enim persona mulierum à persona pupillorum vel in eo, quod pupilli non perpetua reguntur tutela: mulieres vero perpetua. Vel quod pupillus nullum sua etiam ministranda utilitatis judicium habere potest: cum sit aliquis mulieribus, etsi non firmus, in explicanda familiaris rei utilitate delectus.*

Attus. Haftenus ille. Nec tamen quod tutore minime auctore mulier promiferat, magis debebatur quam quod pupillus fine tutoris auctoritate fpondidiffet, ut ex Cicerone *pro Caccinna* liquet: nec mulier quæ in tutela erat, manumittendi ius potius quam pupillus habebat, quod eft ab Ulpiano *Tit. 1.* traditum. Præterea pupillos fuos adrogandos dare tutores non poterant, quod tantam eſſe tutoribus in pupillos auctoritatem poteſtatemque fas veteres non ducerent, ut caput liberum, fidei fuæ commiſſum, alienæ ditioni ſubjicerent. quemadmodum ex Gellio didicimus *2.* At mulieri in manum convenienti tutores utiliter auctoritatem præſtabant: licet ex conventionẽ in manum eadem prope quæ ex adrogatione effecta ſequerentur. Et vero ſine tutorum auctoritate non potuiſſe in manum mulierem convenire, Cicero *pro Flacco* ſatis dilucide oſtendit. Inde idem pro Cluentio: *Nubit genero ſocrus, nullis auſpiciis, nullis auctoribus.* Quod autem ea tutela legitima tam à Cicerone quam ab Ulpiano appellatur, indicio eſt, lege 12 Tab. introductam. Id quod verum puto, & ex Athenienſium legibus hoc caput à Decemviris deſcriptum, quandoquidem & apud illos mulieres tutorum, quos *κνείας* vocabant,

B

bant,

bant, potestate continerentur, ut est à Buzo in *lingua Græca Commentar.* observatum. Jam, propinquorum tutela conventionē in manum mulieres liberatas, ut Boethius supra citato loco perstrinxit, mirum non est: cum eo modo capite minuerentur, statumque ac familiam mutarent, & in virorum mancipium redigerentur; in quorum manu eas fuisse, etiam Cato in eo quem paulo ante produxi Livii loco dicit. Quin etiam in manum conveniendo mulierem cum capite fortunas quoque suas in familiam ac domum mariti transtulisse sciendum est. Nam, ut Cicero in *Topicis*, in loco ab effectis, scribit, *cum mulier viro in manum conveniebat, omnia quæ ejus fuerant, viri fiebant dotis nomine.* Unde Boethius, uxore defuncta quæ in manum convenisset, bona ejus ad virum pertinuisse bene colligit. Quapropter Lucio Flacco inter cetera vitio datum legimus, quod Valeriæ genzilis suæ, quæ Androni Sestilio nupsisse dicebatur, bona avertisset, ejusque hereditate virum, ad quem ea legitimo jure pertinebat, fraudasset. Quod crimen Cicero in ea quam pro eo reo dixit, oratione ita refellit, ut in manum Sestilio convenisse Valeriam neget. Idque argumento ab enumeratione partium ducto probat. Nam si in manum convenisse dicatur, utique usu vel coem-
tione

rione convenisse eam necesse fuisse dicit,
 cum hæ solæ essent inter ejus conditionis
 & qualitatis personas usitatæ matrimonio-
 rum species. Atqui usu convenire in ma-
 num non potuisse, docet hac ex jure sum-
 ta ratione; quod de tutela legitima, qua
 majorum more Valeria continebatur, nihil
 potuerit absque tutorum omnium auctori-
 tate usu diminui: ut proinde ei non licuerit,
 tutoribus minime auctoribus factis, alienæ
 se ditioni subicere, in alienamque fami-
 liam se & bona sua transferre. A quo non
 abhorret quod idem *lib. 1. Epist. ad Attic.*
 ita scribit: *De Tadiana re mecum Tadius lo-*
cutus est, te ita scripsisse, nihil esse jam
quod laborares: quoniam hereditas usu capta
est. Id mirabamur, te ignorare de tutela le-
gitima, in qua dicitur esse puella, nihil usu-
capi posse. Diminuendi enim verbo in hanc
 sententiam usos veteres apparet ex Se-
 natusconsulto de petitione hereditatis.
 a Coemtionem vero, quod erat alterum
 partitionis membrum, in manum peræque
 convenire non potuisse Valeriam con-
 tendit, cum ei rei auctoritatem Flaccus
 qui è tutorum numero erat non præstitis-
 set: ac per hoc sine eo auctore dicta ab
 ea dote nihil actum esse, ibidem adseve-

B 2

rat.

- a 1. item veniunt. §. item placere. & 1. deper-
 ditum. D. de petition. hered.

rat. Quod & in *Oratione pro Caccinna* pro certo ac constanti ponit. Ideoque ex lege Julia de maritandis ordinibus, à Prætorè urbano tutor mulieri virginive, quæ ex ea ipsa lege nubebat, ad dotem dandam, dicendam, promittendamve dabatur, si legitimum tutorem ea non haberet, ut est ab Ulpiano memoriæ proditum *a*. Atque hæc erant jura quæ sibi conventionis in manum beneficio maritus in bonis uxoris vindicabat. Vice versa etiam uxor eorundem & bonorum & sacrorum cum viro socia ac particeps fiebat. Qua communione merito existimavit Romulus inter se arctiori vinculo colligatum conjuges iri. Est enim hujus rei origo ab ejus legibus arcessenda, quibus hoc comprehensum fuisse Dionys. Halicarn. auctor est *b*, γυναῖκα γαμετὴν καὶ νόμος ἑρῆς συνελθῆσθαι ἀνδρὶ καὶ γυναικὶ ἀπ᾽ πάντων εἶναι καὶ θεοῖσιν τε καὶ ἑρῶν. Unde mirum non est, Nuptias à Modestino *c* divini & humani juris conjunctionem definiri, & à Gordiano *d* uxorem rei divinæ & humanæ sociam appellari. Quapropter nec turpe judicium ob res viro subtractas adversus eam dari prudentibus placuit *e*, quam societas vitæ quodammodo dominam faceret.

a Tit. 11.

nupt.

expil. hered.

b lib. 2.

c in l. 1. D. de ritu

d in l. adversus. C. de crim.

e l. 1. D. rer. amot.

ceret. Hinc quoque forte ab initio moribus comparatum fuit, ut ne inter conjuges factæ donationes valerent. Quod & aliis postea rationibus utile visum est. Quas inter etiam hanc Plutarch. *ἐν Αἰτίαις* commemorat, *ὅτι θεῶν κτίσιν καὶ γυναιξὶ εἶναι τὰ ἀνδρῶν, καὶ ἀνδράσι τὰ γυναικῶν*. Ex iisdem etiam Romuli legibus descendisse Halicarnasseus admonet, quod usu apud Rom. invaluit, ut viro mortuo superstes uxor non aliter ac patri filia heres existeret: & quidem eo sine liberis defuncto totam ex asse hereditatem sibi vindicaret: liberis vero relictis æquam cum iis partem ferret. Ac plane suorum heredum loco ac numero ejusmodi uxores habitas, & perinde atque illos heredes vel exheredes scribi debuisse, ne præteritione earum testamenta vitarentur, ex veteri jurisprudentia intelligimus. Sic enim Ulpianus, *in fragmentis Titulorum ex ejus Corpore excerptorum*, scribit a: *Sui heredes instituendi sunt vel exheredandi. Sui autem heredes sunt, liberi quos in potestate habemus, tam naturales quam adoptivi. Item uxor qua in manu est, & nurus qua in manu est filii quem in potestate habemus*. Et alias b: *Adgnascitur suus heres, aut adgnascendo, aut adoptando, aut in manum conveniendo, aut in locum sui heredis succedendo*. Quod

B 3

nec

a Tit. 22.

b Tit. 23.

nec Servium latuit, qui in 7. *Æneid.* ad illum Virgilii versum,

— *Quasitas sanguine dotes*

*Abnegat, externusque in regnum quaritur
heres.*

De jure, ait, traxit, ut non generum, sed heredem diceret. Nam per coemptionem facto matrimonio sibi invicem succedebant. His consequens est, à muliere herede scripta viro, cui ea in manum convenisset, inutiliter legatum relictum fuisse: ut & juris ipsa ratio dicat, & ex eo inferri potest, quod Ulpianus Tit. 23. fragmentor. definit his verbis: Ei, cujus in potestate, manu, mancipioque est heres scriptus, legari non potest. Quinetiam mancipari eam à viro potuisse, argumento est quod Sex. Pomp. ex Ælio Gallo scribit, Remancipatam eam dictam quæ mancipata erat ab eo cui in manum convenerat. Itaque in eo quod ab Ulpiano scriptum est a, eum qui liberum caput mancipatum sibi vel à parente vel à coemtore manumisit, per similitudinem patroni tutorem fiduciarium effici; videndum est, ne ad maritum coemtoris nomen, potius quam ad alium quemquam referendum sit. Ex his satis patere arbitror, quid esset, in manum convenire. Quod loquendi genus
ab

ab Apuleio *lib. 8.* non semel est usurpatum.

Ceterum de uxorum usu quærendarum forma nihil à quoquam veterum auctorum literis proditum reperi. Tentari quidem certe, non incolorate posset; nec vero quid obftet, præter juris rationem qua Flacci partes tueri Cicero nifus est, video, Usu partas ac quæsitæ uxores eas fuisse quæ matrimonio causa in domum absque coemtionis solennibus deductæ toto vertenre anno cum viro adsuessent: quæ post id temporis ex 12. Tab. in manu mancipioque viri fuerint, quasi usu, id est, possessione viro mancipatæ. Usus enim pro possessione veteres dicebant. Et ita 12. Tab. scriptum erat: *Annus usus esto.* Unde & *usucapionis* nomen. Usus vero legitimus fuisse dominiorum quærendorum & adipiscendorum modum nemo ambigit. Et vel juris civilis auctoribus tacentibus, ejus rei unus locupletissimus esset testis Horatius, cum ait:

Si proprium est quod quis libra mercatur & are,

Quadam, si credis consultis, mancipat usus. Proinde quemadmodum res mobiles, vel semoventes, anno possessæ, possessoris, ex jure Quiritium, fiebant: ita mulierem quæ cum viro una matrimonii causa anno integro morata esset, ei uxorem cum re & effectu

partam conciliatamque fuisse suspicari possumus. Probabile hoc facit, quod annui hujus usus interrumpendi interpellandique gratia trinoctio perfecto à viro uxorem abnoctare lex 12 Tab. jubebat. Hoc enim de usurpatione uxorum, id est, usus earum interruptione, ex Q. Mutio Scævola Gellius & ab eo mutuatus Macrobius prodiderunt. Cujus usurpationis quæ fuisset utilitas non video nisi in manum & mancipium viri per annuam possessionem mulier transitura fuisset. Quorsum enim, quæso, de usurpatione annui uxorum usus lege cautum fuisset, si non ejusmodi usu aliquid viro præter nudum matrimonii nomen accessisset? Nam ad uxoris inane consortium (id est, conventionis in manum viribus destitutum) consequendum, annum expectari nihil attinebat, quod mero consensu, mutuaque voluntate, protinus conjuges nanciscebantur. Necesse est igitur amplius aliquid annuo usu maritum nactum ac consecutum fuisse. Quæ res existimandi copiam præbet, ut, quemadmodum servus venditus & traditus, neque tamen emtori mancipatus, nec in jure cessus, nec ab ipso annum possessus, in bonis tantum ejus erat; non autem, quoad horum quid intervenisset, ex jure Quiritium ejus fiebat: sic quæ nec farre nec coemptione in manum convenisset, sed in

in domum duntaxat pro uxore deducta esset mulier, uxor quidem habebatur: ceterum non ante in manum viri convenisse censebatur, quam apud eum annum nulla trinoctii absentia interposita implevisset. Transacta vero annua die, tum usu viro quæsitæ uxor judicabatur, pro eoque erat ac si in manum solennibus verbis convenisset, utpote usu ac possessione, quod solennitati defuerat, supplente. Sed hæc ut sunt in conjectura posita, & à me investigandi tantum, non etiam adfirmandi gratia proposita, ita à lectoribus accipi & æqui bonique consuli velim. Liberum enim suum cuique de his iudicium, imo vero liberam suspicionem relinquo. Ad eam certe uxorum usu quæsitæ speciem Plautus, sive quis alius argumenti Amphitryonis auctor est, adluisse videtur his versibus:

*In faciem versus Amphitryonis Iuppiter ,
Dum bellum gereret cum Telebois hostibus ,
Alcumenam uxorem cepit usurariam.*

Nisi quis malit ex alio Prologi versu, quo usuram corporis ejus cepisse eum scribit, verba ea interpretari. Equidem assentiri iis non possum qui solo usu uxores cum concubinis confundere conantur. Aliud enim semper fuit uxorum, aliud concubinarum nomen. Nec uxorii nominis dignitas concubinis unquam est tributa. Hoc ergo inter eas

quæ quoquo modo in matrimonium convenissent (quas Cicero tantummodo uxores, Gellius matronas appellatas scribit), & concubinas, intererat, quod illæ matrimonii, hæ consuetudinis solius causa haberentur. Atque ex affectu & animo habentis ea res plerumque censebatur. Quamquam in liberæ mulieris ejusque ingenuæ, quæ corpore quæstum non fecisset, consuetudine non concubinatus, sed matrimonium intelligebatur; ut Modestinus *lib. 1. Regular.* scribit: *a* qui & illud eodem libro tradiderat, *b* Stuprum committere cum qui liberam mulierem consuetudinis, non matrimonii causa contineret. Honestæ quippe vitæ & ingenuam, minime prostituti corporis, mulierem in concubinato habere non licebat: sed vel in matrimonio habere necesse erat, vel qui hoc recusabat, in legem Juliam de adulteriis incidere, stuprique crimen committere judicabatur. *c* Ex earum verò mulierum, quæ vel in matrimonio vel in concubinato promiscue haberi poterant, consuetudine, utrum matrimonium an concubinatus induceretur, ex destinatione animi eorum qui eas habebant pendebat. Nam si maritali eas honore & affectione viri prosequerentur,

a l. in liberæ. D. de ritu nupt. *b* l. stuprum.
D. ad l. Jul. de adult. *c* l. in concubinato.
D. de concubin.

rentur, uxores; sin minus, concubinæ cen-
 sebantur. Ex illis suscepti, justî ac legitimi; ex
 his, vulgo quæsitî ac spurii existimabantur.
 Quamobrem obscurum jam nemini esse pu-
 to, quod concubinam ex sola animi destina-
 tione æstimari oportere Paulus scribit.
 * Exemplum appositum suppeditat Capito-
 linus in M. Antonino philosopho: qui Fau-
 stina uxore mortua, à secundis nuptiis cum
 Imperatorem abstinuisse scribit: enîsam ta-
 men esse quamdam Fabiam ut in ejus matri-
 monium coiret; sed illum, ne tot liberis su-
 perduceret novercam, concubinam dum-
 taxat sibi adscivisse, procuratoris uxoris suæ
 filiam. Aliud etiam occurrit ex Papiniano
lib. 8. Responsor. quo Cocceium Cassianum,
 virum clarissimum, Rufinam quamdam in-
 genuam, pleno honore dilexisse, ex eaque
 filiam suscepisse memorat: cum tamen pro
 concubina eam habuisset, nec uxorio eam
 nomine dignatus esset, & filiam alumnae
 nomine nuncupasset, vulgo quæsitam eam
 filiam judicatam refert. Itaque quæ concu-
 bina fuerat, mutata voluntate uxor haberi
 poterat. Testem habemus eundem Papinia-
 num *lib. 12. Responsor.* *Donationes*, ait,
b in concubinam collatas, non posse revo-
cari, convenit: nec, si matrimonium

B 6

inter

* 1. penul. D. de concubin.
 D. de donationib.

b 1. donationes.

inter eosdem postea fuerit contractum, id irritum recidere, quod ante iure valuit. An autem maritalis honor & affectio pridem praecesserit, personis comparatis, vita conjunctione considerata, perpendendum esse respondi. Neque enim tabulas facere matrimonium. Cui optime quadrat quod Quintilianus lib. 5. cap. 11. ita scribit: Ex contrario nihil obstat quo minus justum matrimonium sit mente coeuntium, etiam si tabula signata non fuerint. Nihil enim proderit signasse tabulas, si mentem matrimonii fuisse non constabit. Mens ergo & voluntas viri, uxorem à concubina (quæ modo in concubinato retineri iure poterat) separabat: cum ad matrimonii substantiam tabularum nuptialium obsignatio necessaria non esset. Unde Imp. Probus Fortunato rescriptit a, quam liberorum procreandorum causa domi habuerat uxorem, non eo minus ei justam uxorem esse quod tabulæ nuptiales nullæ intercessissent. Dignitate item uxor à concubina distinguebatur, ut noster Ulpianus significat b. Atque ideo Aelius Commodus Verus, Spartiano referente, uxorem dignitatis esse nomen, non voluptatis, dicebat. Plane eam quæ uxoris loco sine nuptiis in domo esset, pellicem ex quorundam

a l. si vicini. 9. C. de nupt.
§. 4. D. de legat. 3.

b l. item legato.

dam sententia appellatam esse Paulus refert *a*. Cujus tamen vocis aliam idem interpretationem ex *Massurii Sabini libro Memorialium* adducit, ubi rectius, meo quidem iudicio, *Memorabilium* legeretur. Nam hanc fuisse libri cujusdam ab eo editi inscriptionem, Macrobius *lib. 3. Saturnalior. cap. 6.* ostendit. At Gellius pellicem appellatam, probrosamque habitam, quæ juncta consuetaque esset cum eo, in cujus manu mancipioque alia matrimonii causa foret, Numæ lege docet *b*, in qua ita erat: *Pellex adem Iunonis non tangito. Si tangit, Iunoni crinibus dimissis agnum feminam cadito.* Ac de uxorum quidem generibus & differentiis satis.

Ceterum antiquitus nuptiæ non nisi captatis prius auguriis fiebant. Iisque faciendis Auspices (quo nomine τὰς ἐκ αἰνῶν ἐσπεῖς appellatos Plutarch. ἐν Αἰζοῖς scribit) olim interponebantur, ut Valer. Max. *lib. 2. cap. 1.* tradit, his verbis: *Apud antiquos non solum publice, sed etiam privatim nihil gerebatur nisi auspicio prius sumto. Quo ex more nuptiis etiam auspices nunc interponuntur: qui quamvis auspicia petere desierint, ipso tamen nomine veteris consuetudinis vestigia usurpantur.* Sic Tacitus de nuptiis Messalinæ tractans *lib. 11. &*

B 7

de

a in l. libro. 144. D. de verb. signif. *b* l. 4. c. 3.

de Neronis cum Pythagora conjugio *lib. 15.*
agens, utrobique auspicum adhibitorum me-
minit. Plautus etiam in Prologo *Casinae*:
Utro, ait, ibit nuptum, non manebit auspi-
ces.

Cicero pro Cluentio: *Nubit genero socrus,*
nullis auspicibus, nullis auctoribus, funestis
ominibus. Lucanus *lib. 2. de bello Pharsal.*
Pignora nulla domus, nulli coiere propinqui,
Iunguntur taciti, contentique auspice Bruto.
Iuvenalis, *Sat. 10.*

— *Tyriusque palam genialis in hortis*
Sternitur, & ritu decies centena dabuntur
Antiquo: veniet cum signatoribus auspex.
Symmachus *lib. 2. Epistol. Sororem Pom-*
peiam olim viro maturam te auspice in manus
optat accipere. Servius in *1. Æneid. ad illum*
versum,

Cui pater intactam dederat, primisque jugarat
Ominibus. Id est, auguriis. Et secundum Ro-
manos locutus est, qui nihil nisi captatis facie-
bant auguriis, precipue nuptias. Idem in
lib. 4. Æneid. ad eos versus,

Diis equidem auspicibus reor & Iunone se-
cunda

Huc cursum Iliacas vento tenuisse carinas.
Dii, ait, qui sunt auspices matrimoniorum,
Æneam huc venire fecerunt. Nuptia enim ca-
ptatis auguriis fiebant. Quod ille Lucani &
Iuvenalis paulo ante prolatis testimoniis
compro-

comprobat. Hinc Claudianus in Epist. ad Serenam:

Atque utinam sub luce tui contingeret oris

Conjugis in castris & solio generi

Optatum celebrare diem, me jungeret auspex

Purpura, me sancto cingeret aula toro.

Idem in Rufin. lib. 1.

— *Hac auspice tada*

Oedipodem matri, nata junxere Thyesten.

Seneca in Troade, Act. 4. Sc. 1.

Quicumque hymen funestus, illatabilis,

Lamenta, cades, sanguinem; gemitus habet;

Est auspice Helena dignus.

Ac de hujusmodi auspiciis accipiendus est ille Suetonii in Claudio locus, quo Valeriam Messalinam uxorem supplicio adfecisse eum Imperatorem narrat, dote prius inter auspices consignata. Erat autem prosperrimi augurii nuptialibus negotiis accipitris circi altero pede claudi aspectus, ut Plinius lib. 10. cap. 8. prodidit. Quinetiam his conjugali-
bus auspiciis antiquitus Pylumnum & Picumnus deos deputatos, Nonius Marcellus, Varronis auctoritate adductus, in cap. de doctorem Indagine scribit.

His ita expositis tempus est ad novæ nuptæ cultum, vestitum, ornatumque trans-
eamus. Ac primum ut à vertice incipiam, senis crinibus eam ornari solitam reperio: five quod is ornatus vetustissimus esset, seu
quod

quod eo virgines Vestales ornabantur, quarum castitatem viris suis nubentes spondebant, quemadmodum Sex. Pompeius tradit. Cælibari præterea hasta, quæ in corpore gladiatoris abjecti occisique stetisset, nubentis caput, eodem auctore, comebatur: ut, quemadmodum illa fuerat conjuncta cum corpore gladiatoris, sic ipsa cum viro esset: vel quia matronæ in Junonis Curitis tutela essent, quæ ita à ferenda hasta (quæ Sabinorum lingua *curis* dicitur) appellabatur: vel ut fortes viros genituram ominarentur: vel quod nuptiali jure imperio viri subjiciebatur nubens, quia hasta summa armorum & imperii est. Hanc autem consuetudinem alia hujus instituti addita ratione Plutar. in *Romulo* retulit: Ἐνιοὶ δὲ λέγουσι, καὶ τὸ τὴν κέκνην γαμικρῆς αἰχμῇ ἀφαιρῖσθαι δεξιᾶν, σύμβολον εἶναι τῇ μάχῃ καὶ πολεμικῶς τὸν πρῶτον γάμον γινώσκειν, καὶ ὃν ἐπὶ παλαιοὶ ἐν τοῖς αἰπείοις ἐπὶ κρημνῶν. Quibus verbis Plut. nos ad eum librum rejicit qui vulgo *Ῥωμαϊκὰ* inscribitur, quem tamen ipse *Αἰχμῶν* inscripsisse videtur. Verba autem ejus in eo libro hæc sunt: Διὰ τὴν γαμικρῶν αἰχμῇ δεξιᾶν κέκνην ἀφαιρῖναι; Cujus rei causas complures, hanc vero Sexto Pompeio concordantem adfert. Ἡ περὶ μὲν παλαιοὶ τὴν γαμικῶν εἰς τὴν Ἡρᾶς αἰνῆπτον. Ἡρᾶς δὲ ἱερὸν τὸ δένρον νερόμιας, καὶ τὴν ἀγαλματικῶν

των αὐτῆς δόρυ ἐκείνηται ἐκ πλείστα. ἡ
Κυρῆς ἡ πρὸς ἐπανομιάδην. τὸ γὰρ δόρυ κύριον
ἐκείλην οἱ παλαιοί.

Curitis porro Junonis etiam Martian.
Felix lib. 2. de nupt. Philolog. inter cetera
ejus deæ cognomina meminit. Necnon Sex-
tus Pompeius, *Curitim*, ait, *Junonem* appella-
bant, quia eandem ferre hastam putabant.
Ovid. lib. 2. Fastor.

*Sive quod hasta curis priscis est dicta Lati-
nis.*

Eum vero de quo agere cœpimus morem
idem Ovid. lib. 2. Fastor. eo qui jam à me
supra relatus est loco perstringit; mense Fe-
bruario, quo inferis parentabatur, nuptiis
abstinendum hac periphrasi monens:

*Nec tibi, quæ cupida matura videbere matri,
Comat virgineas hasta recurva comas.*

Arnobius lib. 2. adversus gentes, veteres
quosdam ritus desuetudine sublato recen-
sens, *Cum in matrimonia*, inquit, *conveni-
tis, toga sternitis lectulos, & maritorum ge-
nios advocatis, nubentium crinem calibari
hasta mulcetis.* Corona deinde redimiri no-
væ nuptæ consueverant. Tertullian. in lib. de
corona militis. *Coronant & nuptia spon-
sos.* Catull. in carmine de nuptiis Julix &
Manl.

*Cinge tempora floribus
Suave olentis amaraci.*

Lucanus

Lucanus, de nubente loquens,

Turritaque premens frontem matrona corona

Translata vitat. & quæ sequuntur.

Claudianus etiam Stiliconem ad nuptiarum apparatus corona tempora cingere sic admonet:

Solitas galea

Fulgere comas;

Stilico, molli

Necte corona.

Enimvero recta tunica novæ nuptæ inducebantur, qualem prima Caia Cæcilia texuit, ut est à Plinio *lib. 8. Natural. histor. cap. 48.* relatum. Quod quidem ex felici textricis conjugio in usum venisse non dubito; cujus memoriam, boni ominis causa, in nuptialibus ritibus novas nuptas usurpasse constat.

Cingulo insuper nupta cingebatur, quod vir in lecto solvebat. Factum id ex lana ovis, Sex. Pomp. scribit: ut sicut illa in glomis sublata, conjuncta inter se est; sic vir suus secum vinctus cinctusque esset. Cingulum id Herculano nodo vinctum vir omnis gratia solvebat, ut sic ipse felix in suscipiendis liberis esset, sicut Hercules fuit, qui 70 liberos reliquit. Inde Catull. in nupt. Iul. & Manlii:

Te suis tremulus parens

Invocat: tibi virgines

Zonula

Zonula solvunt sinus.

Et in carmine ad Januam:

Nec quarendum aliunde foret nervosius illud,

Quod zonam posset solvere virgineam.

Et alias:

Tam gratum mihi quam fuit puella

Pernici aureolum tulisse malum.

Quod zonam solvit diu ligatam.

Ovidius in Epistola Phyllidis ad Demophoontem:

Cui mea virginitas avibus libata sinistris,

Castaque fallaci zona revincta manu.

Arnob. lib. 3. adversus gentes: Nisi virginalia vincula jam ferventes dissolverent atque imminentes mariti. Citatur & à Nonio Marcello hic Varronis versus Γέροντος διδασκάλου. Novus maritus taciturnus, taxim solvebat cingulum. Ab hac vero cingulorum replicatione Junoni, quæ conjugalibus federibus præesse credebatur, Cinxia cognomen inditum fuit. Sex. Pompejus, Cinxia, ait, Junonis nomen sanctum habebatur in nuptiis, quod initio conjugii solutio erat cinguli quo nova nupta erat cincta. Arnobius lib. 2. adversus gent. Vñctionibus superest Vaxia, cingulorum Cinxia replicationi. Ex quo emendandus est Martiani Felicis locus, apud quem lib. 3. de nuptiis Philolog. in ea oratione quam Philologia ad Junonem habet, ita vulgo legitur: Iterducam,

¶ Domi-

Et Domiducam, Vnxiā, Cinthiamque mortales puella debent in nuptias convocare. ubi Cinxiā proculdubio legendum est.

Junoni autem multos habitos in nuptiis honores, quod ea jungendis & conciliandis matrimoniis præesse censeretur, præter Plutarchi supra citatum locum, Ovidius non semel in *Epistol. Heroid.* indicat. Veluti in *Epistol. Phyllidis ad Demophoont.*

Iunonemque toris qua præsidet alma maritis.

Et in Epist. Medæ ad Jafon.

Conscia sit Iuno sacris præfecta maritis.

Et in Epist. Hypsipyles.

Non ego sum furtim tibi cognita: pronuba Iuno Adfuit.

Sed & Virgil. lib. 4. Æneid.

Iunoni ante omnes, cui vincla jugalia cura.

Statius Papin. in Sylvis.

— *Dat Iuno verenda*

Vincula, & insigni geminat concordia tæda.

Junonem plane nuptiarum præsidem Dio Chrysostomus, *oratione septima*, quæ *Euboica aut Venator* inscribitur, vocat. Eaque ratione *τελείας* cognomine à Græcis Iuno ornatur. Plutarch. *ἐν Αἰθίαις*, *quæstione secunda*: Πέντε δὲ ἑῶν τὰς γαμωτάς οἶονται· Διὸς τελείας καὶ Ἡῤας τελείας, καὶ Ἀφροδίτης καὶ Πειθῦς· ἐπὶ πᾶσι δὲ Ἀρτέμιδος. Non enim *adultæ Iuno* eo verbo exaudienda est, quemadmodum illic perperam interpretes vertit,

vertit, sed *nuptiarum præsēs*. Epitheton namque hoc à voce τέλει descendit, quæ antiquis *nuptias* significabat. Pollux, *libr. 3. Onomast.* Προτελείας ἐλέγαντο ἔ μόνον αἱ νύμφαι, ἀλλὰ καὶ οἱ νύμφιοι, καὶ τέλει ὁ γάμος ἐκαλεῖτο, καὶ προτέλαιοι οἱ γεγαμηκότες. Διὰ τούτο καὶ Ἡρα τέλεια ἡ ζυγία. ταύτη γὰρ τοῖς προτελείοις προτέλουν. & quæ sequuntur. Suidas, Ἡρα, ait, τέλεια καὶ Ζὺς τέλει, ἐπιμῶντο ἐν τοῖς γάμοις ὡς πρύθωνες ὄντες τῶ γάμων. τέλει δὲ ὁ γάμος. Διὸ καὶ προτέλεια ἐκαλεῖτο ἡ θυσία ἡ πρὸ τῶ γάμων. Eustath. in 2. *Iliad.* Τέλει γὰρ, ait, ὁ γάμος, ὅθεν τελείως τὰς γεγαμηκότας ἐλέγαν. Idem in 12. *Iliad.* Ἐκ δὲ τῶ λοιπῷ τέλει, ὁ σημαίνει τὸν γάμον, τὰ προτέλεια, ὧν χρῆσις μὲν μόνη πρὸς Αἰλίου Διονυσίου, ἐρμηνεία δὲ πρὸς Πανστανία, ἐπὶ τὴν ὅτι προτέλεια ἡ πρὸ τῶ γάμων θεία, ἴσως τὰ λεγόμενα θεώρητα. ἐκεῖθεν δὲ καὶ τέλαιοι οἱ γεγαμηκότες, καὶ τελειωθῆναι τὸ γῆμα. Itaque τέλεια Juno nihil aliud quam γαμήλιον significat. quod epitheton Junoni tributum Servius in 4. *Æneid.* ad versum, *Et Iunone secunda*, notat. Quem quidem interpretis Plutarchi errorem eo dissimulandum non putavi, quod eo quoque in fraudem illectum Ludovicum Vivem videam in suis ad cap. 22. lib. 4. de civit. Dei Commentariis. Junoni vero τῇ τελείᾳ sacra facientes fel cum reliquis

reliquis victimarum extis non porrigebant ; sed demtum & divulsum abjiciebant ; mystice significantes , bilem omnem atque iracundiam à nuptiis abesse oportere. Quod me Plutarchus ἐν γαμηλοῖς ὡς θυγέλεμασι docuit. Sed est ille ejus auctoris locus in Frobenianis codicibus , duobus in verbis corruptus. Sic enim scriptum habent : Οἱ τῇ γαμηλίᾳ θύοντες ὥρα τὴν σχολὴν ὡς συγκαταγίξουσιν τοῖς ἄλλοις ἱεροῖς, ἀλλ' ἰξιλόοντες ἔρριψαν παρὲς τὸν βωμὸν, ἀνιτιομύθευ νομοθέτες, τὸ μηδέποτε εἶναι σχολὴν μηδὲ ὀργὴν γάμῳ παρεισέναι. Atqui legendum est γαμηλία θύοντες Ἦρα. Rursus, σχολὴν, id est, *fel*, non σχολῶν, quod aliud penitus significat. Qui melocus admonet, ut aliud huic adfine & cognatum apud eundem auctorem librariorum vitio commissum erratum corrigam. Nam in Νύμφῃ, quo loco anni menses recenset, passim ita scriptum est : Τῶν δὲ ἐφεξῆς τὸν μῆνὸς μαῖον καλεῖσιν, ὃν Μαΐας, Ερμῆ γὰρ ἀφιεῖω, τὸν δὲ ἰάνιον, ἀπὸ τῆς ὥρας. Ubi Ἦρας legendum esse contendo. Idque sequentia verba manifeste demonstrant, in quibus ita est : εἰσὶ δὲ πέντε οἱ τῆς ἡλικίας ἐπαυόμενοι εἶναι λέγονται πρὸς βυτίους καὶ νεωτέρας. μαῖωρις γὰρ οἱ σπριβύτεροι παρ' αὐτοῖς, ἰανιώρις δὲ οἱ νεώτεροι καλεῖνται. Apparet enim Plutarchum duplex Junii mensis etymon attingere ,
quem

quem à Junone nonnulli, à junioribus alii dictum censent. ut & idem ἐν Αἰθίοις, & Macrobian. lib. 2. Saturnal. cap. 12. testis est: *Junius*, inquit, *Majum* sequitur: aut ex parte populi, ut supra diximus, nominatus; aut ut Cingius arbitratur; quod *Junonius* apud Latinos ante vocitatus, diuque apud Aricinos Pranestinosque hac appellatione in fastos relatus sit: adeo ut, sicut Nisus in commentariis fastorum dicit, apud majores quoque nostros hac appellatio mensis diu manserit, sed post detritis quibusdam literis, ex *Iunonio Junius* dictus sit. Censorinus in lib. de die natali cap. 18. Junium quoque à Junone potius quam junioribus dictum putat: quod illo mense maximi Junoni habentur honores. Quibus & Bedam in lib. de ratione tempor. adde. Hanc certe lectionem omni scrupulo amoto rectam esse, D. Amiotus, Abbas Bellosanensis, vir raræ doctrinæ, & ea, quam magna cum laude sustinet, regiæ institutionis cura vere dignus, mihi scriptorum codicum auctoritate comprobavit: qui & illud me docuit, in eadem *Numa* vita, paulo post in Februarii mensis etymologia mendum esse. Nam cum vulgo τοῖς φητοῖς ἐναγίζουσι καὶ τότε, legatur; τοῖς φητοῖς legendum esse, veteres codices, quos ille accuratissime evoluit, ostendunt. De cujus lectionis veritate nemo dubitabit, qui eo mense

mense iusta diis manibus solvi, & mortuis
 parentari solitum, secum reputabit. Quod
 ex Ovidii Fastis, Macrobio *lib. 1. Saturn.*
cap. 13. aliisque veterum scriptis cuius in
 promptu esse potest. Verum, ut ad propo-
 situm redeat oratio, ex ea superstitiosa genti-
 lium opinione, quam de Junone animo con-
 ceptam habebant, multa ei deæ secundum
 munerum, potestatum, ac in re uxoria offi-
 ciorum varietatem ac diversitatem, cogno-
 mina indita fuisse observavi. Primum enim
 à conjunctione maris & feminæ *Iuga*, Sexto
 Pomp. teste, vocabatur; exemplo Græci
 sermonis, quo *Ζυγία* vocabatur. Quod no-
 men Apuleius Græcissans *lib. 6. de Asino aurr.*
 usurpavit. Quæ appellationis hujus notatio
 à Dionysio Halicar. his verbis comproba-
 tur: Ζὼς γὰρ καὶ Ἡρα πρῶτοι ζευγνύοντες τε καὶ
 συνδυάζοντες. ἔτι τοι ὁ μὲν καὶ πατὴρ καλεῖ-
 ται πάντων, ἡ δὲ ζευγία ἀπὸ τῆς ζευγνύουσα τὸ θῆ-
 λυν αἵρεσι. Musonius etiam: Οὔτις, αἶν, μέ-
 γα καὶ ἀξιοσπένδατον ὁ γάμος ἐστὶ, καὶ ταύτη δη-
 λον. Θεοὶ γὰρ ἐπιτεροπόουσιν αὐτὸν, καὶ ὁ νομί-
 ζονται παρ' ἀνθρώποις μεγάλοι· πρῶτον μὲν
 Ἡρα. καὶ ἀφ' ἧς τὸ ζυγίαν αὐτὴν ὠρεσασθερέου-
 σιν. Quod verò de iugo, matrimonio con-
 trahendis imponi solito, Servius & post
 cum Isidorus commemorant, quia idoneo-
 rum & locupletum auctorum testimonio ab
 eis non firmatur, admittere non ausim. Nec
 sum

sum nescius, Plauti ex *Curculione* versum ad hanc rem proferri posse. in quo ita est, *Iamne ea fert jugum?* Sed id μετὰ φεραῖς dictum esse, probabilius est. quemadmodum illud Horatii:

*Nondum subacta ferre jugum valet
Cervice.*

Ut autem à matrimoniorum conjunctione *Iuga* & *Zygia*, ita à mulieris in domum mariti deductione *Domiduca* & *Iterduca*, à cingulo novæ nuptæ *Cinxia*, ab unctione *Vnixia*, Juno appellabatur. Et ita actui cuique peculiare numen stulta gentilitas adsignabat. Quam ridiculam eorum superstitionem B. Augustinus lib. 6. de civit. Dei cap. 9. ita exagitat. *Cum mas & femina conjunguntur, adhibetur deus Iugatinus. Sit hoc ferendum: Sed domum est ducenda qua nubit: adhibetur deus Domiducus. ut in domo sit, adhibetur deus Domitius: ut maneat cum viro, additur dea Manturna. Et paulo post: Impletur cubiculum turba numinum, quando & paranympbi inde discedunt. Adest dea Virginensis, & deus pater Subigus, & dea mater Prema, & dea Pertunda, & Venus, & Priapus. Virginensis quidem, ut ibidem indicat, ad hoc, ut virgini zona solvatur. Subigus, ut viro subigatur. Prema, ut subacta, ne se commoveat, comprimatur. Cujusmodi etiam ineptias Arnob. lib. 2. adversus gent. scite ridet.*

Verum ut ad instituta pergamus, Coronam, ex verbenis à se lectis compositam, nova nupta, Sex. Pomp. teste, sub amiculo ferebat. Eandem & soccos luteos gestasse, Catullus suspicandum relinquit. Sed ut hoc obscurum est, ita velo obnubi solitam cum ad virum deduceretur, tam certum est quam quod certissimum. Tertullianus de virginibus veland. *Atquin*, ait, *etiam velata ad virum ducuntur*. Unde nuptiarum nomen ductum esse, consentiens in unum omnium Grammaticorum fert opinio. Nubere enim & obnubere priscis velare & operire significabat, ut Sex. Pomp. non uno loco, Non. Marcell. & alii complures notant. Quo in significato Arnob. lib. 3. *adversus gent.* hoc verbo usus est. *Quod aqua*, inquit, *nubat terram*, appellatus est cognominatusque Neptunus. Caper, in lib. de orthograph. *Vir ducit, mulier nubit, quia pallio obnubit caput suum genasque*. Velum autem id quo nuptæ operiebantur, flammeum vocabatur: quo boni ominis gratia eas velari solitas Sex. Pomp. tradit, idcirco quod eo assidue Flaminica uteretur, cui divortium facere non licebat. Sueton. in Neron. cap. 28. *Puerum Sporum exsectis testibus etiam in muliebrem formam transfigurare conatus est: cum dote & flammeo per solenne nuptiarum celeberrimo officio ad se deductum pro uxore habuit*. De quo

Im-

Imperatore etiam Tacit. lib. 15. agens, *ipse*, inquit, *per licita atque illicita fœdatus; nihil flagitii reliquerat, quo corruptior ageret, nisi paucos post dies uni ex contaminatorum grege, cui Pythagora nomen fuit, in modum solennium conjugiorum denupsisset. Inditum Imperatori flammeum.* Martial. lib. 11. Epigrammat.

Flammea texantur sponsa: jam virgo parata est.

Tondebit pueros jam nova nupta tuos.

Idem lib. 12.

Proluxere faces, velarunt flammea vultus.

Juvenalis Sat. 6. de muliere crebris divortiis maritos mutante:

Permutatque domos, & flammea conterit.—

Quintilian. declamat. 306. *Operiet flammeo canos.* Tertullian. in lib. adversus Valentinian.

His nuptiis recte deducendis pro face & flammeo tuus, credo, ille arcanus ignis erumpet.

Apuleius Apolog. 2. *Venit igitur ad eum nova nupta secura & intrepida, pudore dispoli-*

to, flore exoleto, flammeo obsoleto. Ambrosius in libr. de viduis: *Suasimus, fateor, ut*

vestem mutares, non ut flammeum sumeres; ut à sepulchro recederes, non ut thalamum

præparares. Proinde Catullus, initio carmi-

nis de nuptiis Lulie & Manlii, Hymenæum ad flammeum capiendum excitat. Et alio ejusdem carminis loco,

Tollite, ait, pueri, faces,

Flammeum videor videre.

Claudian. in Epithalamio,

Iam nupta trepidat sollicitus pudor,

Iam produnt lachrymas flammea supplices.

Idem lib. 2. de Raptu Proserp.

— *Et vultibus addunt*

Flammea, sollicitum praevelatura pudorem.

Idem in carmine Honorii & Mariæ :

Ipsa caput distinguit acu, substringit amictus,

Flammea virginis accommodat ipsa capillis.

Juvenalis, Sat. 10.

— *Cui nubere Caesaris uxor*

Destinat, optimus hic, & formosissimus idem

Gentis patricia rapitur miser, extinguendus

Messalina oculis, dudum sedet illa parato

Flammeolo.

Seneca in Octavia, de Poppæa Neroni nubente :

Velata summum flammeo tenui caput.

Martianus Capella lib. 5. de nuptiis Philo-

log. In quibus, ait, species rerum collocanda

sunt, veluti nuptiarum, velatam flammeo nu-

bentem. Idem lib. 9.

Flammea virginem qua obnubere sueta pu-
dorem,

Regina deme pronuba.

Apuleius rursus lib. 4. de Asino aur. Iam fe-

ralium nuptiarum miserrima virgini chora-

gum struitur. Iam tade lumen atra fuliginis

cinerem

cinerem arcessunt, & sonus tibia Zygia mutatur in querulum Lydii modum, cantusque latus hymenai lugubri ululatu, & puella nuptura deterget lachrymas ipso flammeo. Hoc vero velamen luteum erat, ut hæc Plinii verba declarant, quæ ex ejus lib. Natur. histor. 21. cap. 8. apposui. Lutei video honorem antiquissimum in nuptialibus flammeis totum feminis concessum, & fortassis ideo non numerari inter principales, hoc est, communes maribus ac feminis, quoniam societas principatum dedit. Ex quo Lucan. lib. 2. de bello Pharsal.

*Non timidum nupta leviter tectura pudorem
Lutea demissos velarunt flammea vultus.*

Rapi plane, ut Sextus Pomp. auctor est, simulabatur virgo ex gremio matris, aut si ea deesset, ex proxima necessitudine, tum cum ad virum transferebatur: propterea quod ea res Romulo feliciter cessisset, qui per vim sibi suisque ex Sabinis uxores quælivit. Ex quo illud Catulli,

*Qui rapis teneram ad virum
Virginem.*

Expofui quo cultu atque ornatu nova nupta ad virum procederet. Unde lucem accipient Halicarnassei hæc verba ex lib. 3. *Antiquit. Μετὰ τὸ τοῦ γυναικὸς ἡγομεναι μὲν οἷον, οἷς ἔθος ἐστὶν ἡγομενᾶν τὴν γαμετὴν. Deinceps de pompæ apparatu ac traductionis ritu*

agam. Solennis autem moris fuisse, ut in viri domum, tanquam conjugii mansionem ac domicilium, nuptæ traducerentur, abunde libro primo *Selectarum ex jure civili Antiquitatum*, multis jureconsultorum & aliorum auctorum testimoniis probavimus: quæ quod inde facillime peti possint, huc transferenda non censui. Unde *uxorem ducere*, quasi *domum ducere*, imminute Latini dicunt, quemadmodum ex compluribus Plauti locis patet. Sic enim in Aulularia:

E. *Quod sempiternum tibi salutare sit procreandis liberis.*

M. *Ita dii faxint.* E. *volo te domum uxorem ducere.*

Idem Trinummo, Actu 5. Sc. 2.

Nunc quid causa est quin uxorem cras domum ducat?

Et in Epidico, Actu 2. Sc. 1.

Genere natam bono pauperem domum ducere uxorem.

Idem Cistellar. Act. 2. Sc. 1. (mum.

Illam extrudet, cum hanc uxorem ducet do-

Item Act. 1. Scen. 1.

Ei nunc alia ducenda est domum,

Sua cognata.

Atque ex hoc more repetenda est ejus ratio, quod jure civili cavetur *æ*, nuptiis mulierem domi-

æ l. exigere. 65. D. de judic. l. cum quædam puella. D. de jurisd. l. ult. §. item rescripserunt. 3. D. ad municipal. l. ultim. C. de incol.

domicilium suum mutare , & in viri domici-
lium transire. Quod & ex juris disciplina Ser-
vius adnotat ad illum Virgilii versum lib. 4.
Æneid.

Et patrio Andromachen iterum cessisse marito.

Item unam post matrimonium viri & uxo-
ris domum dici *a* mirandum non est , *δυοῖν οἶκον*, ut Plutarch. *libr. 4. Symposiacor. cap. 3.*
scribit , *εἰς τὸ αὐτὸ σκευήεντων*. Plane eam quæ
desponsata est ante contractas nuptias non
mutare domicilium , Modestinus belle tra-
dit *b*, quod in domum viri nondum sit dedu-
cta. Hanc autem conditionem , *Si in fami-
lia nupserit* , impletam videri statim atque
ducta est uxor , quamvis nondum in cubicu-
lum mariti pervenerit , traditum exstat *c*.
Enimvero deductio hæc vespere fiebat. An-
tiquitus siquidem non nisi noctu mulieres
ducebantur , ut Sex. Pompeius *libr. 14.* &
Servius *in 8. Eclog. Virgilii* ex Varrone , scri-
bunt. Unde Valerius Max. lib. 1. cap. 5. *At
Cecilia Metelli , dum sororis , adulta ætatis
virginis , more prisco , noctu connubia nu-
ptialia petit , omen ipsa fecit.* Tacitus quo-
que *libr. 11.* à Nerone cum Pythagora con-
fectas nuptias referens , *Et interdum* , ait ,
in viro nubente spectata , quæ etiam in
C 4 femi-

a l. 1. §. si vir. D. de Sen. Si l. *b* l. ea quæ. D.
ad municipal. *c* l. cui fuerit. 15. D. de condit.
& demonstr.

femina nox operit. Ea ratio est, cur noctem adesse in *Epithalamio* Catullus moneat, his verbis :

Vesper adest, juvenes, consurgite : vesper olympo.

Surgere jam tempus , jam pingues relinquere mensas.

Iam veniet virgo, jam dicetur hymeneus.

Pari de causa Claudianus in *Epithalamio* , Hesperii ortum præcinit.

Attollens thalamis Idalium jubar

Dilectus Veneri nascitur Hesperus.

Idem lib. 2. de raptu Proserpinæ.

Iam suus inferno processerat Hesperus orbi.

Pueri vero patrimi tres nubentem , Sex. Pomp. teste, deducebant. quorum unus faciem præferebat, reliqui duo nubentem tenebant. Unde Catullus in Carmine de nuptiis Jul. & Manl.

Mitte brachiolum teres,

Prætextate , puellula.

Fax porro ea quæ præferebatur, ex spina alba fiebat, ut idem Pomp. scribit. Ideoque Catullus in illo carmine cujus modo testimonium citavi ,

Pelle, inquit, humum pedibus, manū

Spineam quate tadam.

Eaque ratione Plinius, spinam nuptiarum facibus auspiciatissimam dixit. Non desunt tamen, qui nuptiales faces ex pinu confici solitas,

tas,

ras, omni asseveratione contendant, & apud Catull. legendum censeant, *pineam quate tadam*. Moventur Ovidii versibus ex lib. 2. *Fastor.* quo loci à conjugio per aliquot dies abstinentum, hac periphrasi suadet.

Dum tamen hac sunt, vidua cessate puella,

Exspectet puros pinea tada dies.

Quamquam illic absque ullo versus vitio, recte *spinea tada* legi posset. Sed proferam alios locos, qui eandem immutationem non ferant. Varro libr. 2. *de vita Pop. Rom.* ut est apud Nonium: *Cum à nova nupta ignis in face adferretur, foco Ædilis sumtus*, (sic enim lego) *fax ex pinu ablata esset, ut eam puer ingenuus adferret*. Idem Varro, Γέγοντες διδασκαλία. *Romaque noctu initia fieri solita, etiam nunc pinea fax indicat*. Quem ego Varronis locum, ad hanc quæstionem ea ratione accommodari posse censeo, quod in honorem Cereris faces in nuptiis prælatas Sex. Pomp. tradit. Tametsi Servius in 8. *Eclog. Virgili*, nulli id religioni acceptum fert; sed ex eo inolevisse, Varronis auctoritate fretus, scribit, quod non nisi noctu antiquitus à sponsis uxores ducerentur. Confirmat vero illam de pineis facibus opinionem Virgilius in *Ciri*, cum ait.

Pronuba nec castos incendet pinus amores:

Seneca in *Medea*, choro primo.

*Multifidam iam tempus erit succendere pinum.
Excute solennem digitis marcentibus ignem.*

Rursus idem Varro apud Charisium Sosipatrum: *In Asia*, ait, *fax ex spina alba proferatur, quod purgationis causa adhibetur.* Sane, spinæ albæ ad maleficia depellenda vim inesse, antiquitas credidit. Ovid. lib. 6. Fastor. *Sic fatus, spinam, qua tristes pellere posset
A foribus noxas, hac erat alba, dedit.*

Et postea:

*Virgaque lanalis de spina ponitur alba,
Qua lumen thalamo parva fenestra dabat.
Post illud neque aves cunas violasse feruntur;
Et rediit puero qui fuit ante color.*

Verum quid prohibet ex variis arborum generibus faces nuptiarum confici solitas dicere? Plinius enim in eo, cujus supra testimonio usus sum, loco, spinum quidem facibus nuptiarum auspicatissimam fuisse scribit; suis tamen temporibus carpimum & corylum facibus familiarissimas fuisse subjicit. Potest autem hic facium in nuptiis præferendarum mos aliis præterea testimoniis comprobari. Plautus *Casina*, Act. 1. Sc. 1. *Primum omnium huic lucebis nova nupta facem.*

Seneca in *Octavia*, Act. 2. Sc. 2.

*Hic mihi jugales præferat tadas deus,
Iungatque nostris igne Poppaam toris.*

Et iterum Act. 3. Sc. 1.

Tellure

*Tellure rupta, Tartaro gressum extuli,
Stygiam cruenta praeferens dextra facem
Thalamis scelestis: nubat his flammis meo
Poppaea nato.*

Idem, Aët. 1.

Qua nupta demens, nupsit incesta face.

Et alias: — *Conjugem captam sibi*

Toris nefandis flebili junxit face.

Cicero pro Cluentio Avito: *Non timuisse, si
minus vim deorum, hominumque famam; ac
illam ipsam noctem, facesque illas nuptiales.*

Virg. Eclog. 8.

Mopse, novas incide faces, tibi ducitur uxor.

Claudianus in carmine de nuptiis Honorii
& Mar.

— *Alii funalibus ordine ductis*

Plurima ventura suspendunt lamina nocti.

Ambrosius in lib. de viduis: *Vel cum accen-
sis funalibus mox ducitur, nonne pompa fu-
nebris exequias magis putas, quam thalamum
preparari?*

Statius Papinius in *Sylvis*, nuptiarum quan-
dam celebritatem describens,

*Fronde, ait, virent postes, & fervent com-
pita flammis.*

Possent & ex Epigrammatis Græcis com-
plura de nuptialibus facibus loca congeri:
Eas faces Catullus, in carmine de nuptiis Pelii;
& Cato, in lib. de re Rustica; non semel ta-
das jugales vocant: Valerius Flaccus faces

jugales lib. 2. Argonauticor. appellat. Lucanus lib. 2. de bello Pharsal. *faces legitimas*. Statius Papinius *tadas geniales*, in Genethliaco Lucani lib. 2. *Sylvarum*. & *festas tadas* lib. 3. Sylvar. ut & Claudianus lib. 2. *de raptu Proserpina*. Plutarchus ἐν Αἰνείας, à Romanis *cereos* appellatos tradit: ubi & illud adnotat, quinque, nec plures nec pauciores, in nuptiis accendi solitas faces. Est etiam ibidem observandum, quod nostram illam de restitutione loci ejus, quem paulo ante ex Varrone protuli, conjecturam confirmat, apud Ædiles accendi faces consuevisse. Hinc & nuptias *sancta federa tada*, Silius Italicus lib. 6. nominat. Fax autem illa, qua prælucante nova nupta ducta erat, rapi ab amicis consueverat; ne aut eam sub tecto viri, uxor ea nocte poneret, aut vir in sepulchro comburendam curaret, quo utroque alterius mors captari putabatur. Enimvero silentio præterire non possum quod quibusdam visum iri posse scio, in altum tolli nubentes priscis temporibus consuevisse. Qua de re nos subtilis ingenii vir noster Loiselius, ex Optati Afri lib. 6. admonuit, quo loco in Donatistas, qui virgines post crines semel solutos ad iteratam professionem adegerant, ita invehitur. *Invenistis igitur hujusmodi virgines, quæ jam spiritaliter nupserant: quasi secundo coegistis*
ad

*ad nuptias: ut crines iterum solverent imperastis. Hoc nec mulieres patiuntur qua carnaliter nubunt: ex quibus si alicui maritum mutare contigerit, non repetitur illa temporalis festivitas: non in altum tollitur, non populi frequentia procuratur. Verum ex suae id gentis potius quam Latiae moribus ab Opato mihi videtur esse dictum. Compertum siquidem habeo, apud Pœnos, Græcos, Ægyptios, usu receptum fuisse, ut nubentes fellæ insidentes, curruque sublimes vectæ, à patris domo in mariti domicilium transferrentur. Quod ego Apuleii, Pollucis, Synesii, Suidæ testimoniis ita aperte comprobo, ut nullus dubitationi reliquus sit futurus locus. Apuleius quidem *Apologia pro se ipso secunda* sic habet. *Venit igitur ad eum nova nupta secura & intrepida, pudore dispoliato, flore exoleto, flammeo obsoleto, virgo rursus post recens repudium, nomen potius asserens puella, quam integritatem. Vectabatur Octaphoro. Vidistis profecto qui adfuis-
tis, quam improba juvenum circumspectatrix, quam immodica sui ostentatrix. Pol-
lux vero lib. 3. Onomast. cap. 3. Επὶ ζύγῃς ἔ, inquit, αἱ νύμφαι ὡς ἐπὶ τὸ πολὺ μετή-
σαν. Quod latius ac copiosius à Suida expo-
nitur in voce ζύγῃς. Ζάξαντες, ait, πλὴν
λεῖψαντες κλινίδας, ἢ ἐστὶν ὁμοίᾳ διέδραι, πλὴν
τῆς νύμφης μέθοδον ποιῶνται. ὡς ἀφαιρόντες**

ἢ αὐτῷ ἐκ τῆ πατρὸς ἐξῆς ἐπὶ τῷ ἀμύχαν
 ἀγασσὶν ἐς τὰ τῷ γαμῶντος ἐπίτερος ἡμερῶν. κα-
 θῆν) ἢ πρὶς ἐπὶ τῷ ἀμύχαν, μίση μὲν ἢ νύμφη,
 πατέρων δὲ ὁ νύμφιος καὶ ὁ πύργος. Sy-
 nefius quoque *Epist.* 3. de puella post patru-
 i funus nubente agens, quem nos, quod
 ejus verba paulo obscuriora sunt, Latine lo-
 quentem faciemus. *Vix ergo, inquit, exspe-*
ctato septimo die, quo nos juxta mortuo fecera-
mus, epulumque funebre agita veramus, anum
deliram, nutricem suam, in vehiculum mulis
junctum tollens, meridie, quo tempore forum
populi frequentia repletum erat, insignibus nu-
ptialibus ornata, pompa more currum agens
recta Teuchira (nomen id est urbis Cyrenai-
 cæ præfecturæ) contendebat. Futurum enim
 est ut sequenti die fasciis redimita caput, ac
 Cybeles instar turrata urbem circumeat & ob-
 erret. Hæc ille. Sed & Constantinopoli idem
 usu receptum fuisse videtur, quemadmodum
 indicio sunt Claudiani versus, quos ex carmi-
 ne de nuptiis Honorii & Maria subjungam.
Ante fores jam pompa sonat, pilentaque sacra
Præ radiant ductura nulum: calet obvius ire
lam princeps.

At vero priscis Romanis, quorum dun-
 taxat ritus exequi mihi propositum est, curu-
 lem illam novæ nuptæ transvectionem in
 usu fuisse, nusquam legi. Quinimo à pueris
 patrimis & matrimis duobus manu ductam
 nubentem

nubentem, Sext. Pomp. non obscure significat.

Nubentes plane colus comta cum fuso & stamine comitabatur. Cujus moris gravissima duo testimonia proferam. Unum ex Plutarch. ἐν Αἰίοις. Τὴν νύμφην, αἶτ, εἰσάγουσ-
τες, νῆκος ὑποσποννύουσι. αὐτὴ δὲ εἰσφέρει μὲν
ἡ λαγύτῳ καὶ τὴν αἶττακτον. Alterum ex Pli-
nio, apud quem lib. 8. Natur. histor. cap. 48:
ita est : *Lanam cum colo & fuso Tanaquil, qua
eadem Cacilia vocata est, in templo Sangi du-
rasse, prodento se, auctor est M. Varro,
factamque ab ea togam regiam undula-
tam in ade Fortuna, qua Servius Tullus fue-
rat usus. Inde factum ut nubentes virgines
comitaretur colus comta, cum fuso & stami-
ne.* Illam autem de colo & fuso Caiæ Cæ-
cilix observationem nec Plutarch. præter-
misit, ejus hæc sunt in illo eodem lib. ver-
ba: Ἡ δὲ τὴν Γαίαν Κακίλιαν καλὴν καὶ αἰ-
γυθὴν γυναῖκα τῶν Τάρκυνι παίδων ἐν συνοικί-
σασαν, ἥς ἐν τῷ Σάγκτῳ ἱερῷ χαλκῆς ἀν-
δριάς ἔθηκεν, ἐκεῖ δὲ πάλαι καὶ σανδαλία καὶ
αἶττακτοι. Quo loci Σάγκτῳ pro Σάγῃ
scriptum esse, prima facie quis superioribus
Plinii motus verbis judicaret. Et ita certe
Genium cum nuncupat Livius lib. 8. *Ædes
ejus, ait, qua essent in Palatio, diruendas &
Bona Semoni Sango consueverunt consecran-
da. Quod ex eis redactum, ex eo anei orbes
facti*

facti, & positi in sacello Sangi versus aedem Quirini. Nam & Genii Sangi sacellum in eadem cum novo Quirini Templo regione urbis Romæ Pub. Victor & Sex. Ruffus collocant. Idem Livius lib. 32. Veliterni aedem fuisse Sangi narrat. Sextus etiam Pomp. lib. 14. *Propter viam, ait, fit sacrificium, quod est proficiscendi gratia, Herculi aut Sango, qui scilicet idem est deus.* Laetantius Firmian. lib. 1. divinar. Institut. cap. 15. *Privatim vero singuli populi, gentis aut urbis conditores, seu viri fortitudine insignes erant, seu femina castitate mirabiles, summa veneratione coluerunt; ut Ægyptiæ Isidem, Mauri Iubam, Macedones Cabyrium, Pœni Vranum, Latini Faunum; Sabini Sangum (aut, ut alii codices habent; Sancum).* Verum M. Cato in *Originum fragmentis*, quem Sabini Sangum (nam illic Sangnum vitiose scriptum est) dicerent, Romanos Sanctum pronunciasse, Barbaros Sagam dixisse, notat. Utrumque etiam promiscue dictum, B. Augustinus lib. 18. de Civit. Dei, cap. 19. declarat. Sabini etiam, ait, regem suum primum Sangum, sive, ut aliqui appellant, Sanctum retulerunt in deos. Ut proinde Σάγκτος scriptura apud Plutarchum mutanda esse non videatur: quam video Latinorum quoque auctorum in libris habuisse, veluti apud Ovid. lib. 6. Fastor. ubi deus

deus hic, aut semideus potius, quo de agimus, idem esse cum Fidio & Hercule declaratur his versibus:

Quarebam Nonas, Sancto Fidio ve referrem,

An tibi, semipater. Tunc mihi Sanctus ait:

Cuicunque ex illis dederis, ego munus habebo:

Nomina terna fero: sic voluere Cures.

Hunc igitur veteres donarunt ade Sabini:

Inque Quirinali constituere jugo.

Apud Silium etiam Italicum lib. 8. de bello Punico, quo loco de Nursinis & Tetricæ rupis accolis agit, versus hi leguntur:

Ibant, & lati pars Sanctum voce caneant

Auctorem generis: pars laudes ore ferebant,

Sabe, tuas, qui de patrio cognomine primus

Dixisti populos magna ditione Sabinos.

Sed & Varro (ex cujus recognitione magnam à philologis omnibus gratiam Vertranius Maurus, raræ vir. & reconditæ doctrinæ, inivit) lib. 4. de Lingua Lat. Vnde, ait, sub dio, divo, *Dius Fidius*. Itaque inde ejus perforatum tectum, ut videatur divum, id est, calum. Quidam negant, sub tecto per hunc dejerare oportere. Ælius Gallus *Dium Fidium* dicebat, *Dijovis filium*, Διόσκυρον, *Castorem*: & putabant, hunc esse *Sanctum*, ab *Sabina lingua*; & *Herculem*, à *Græca*. Accedat & *Dionysii Halicar.* auctoritas. cujus hæc sunt lib. 4. verba: Τῶν ὀρεῶν ἐστὶ μνημεῖον ἐν Ρ' ὧμῃ κείμηνον ἐν ἱερῷ Διὶς

Διὸς Πιστὶς, ὃν ῥωμαῖοι Σάγκλον καλεῖσι. In quibus verbis convertendis aptius, meo quidem iudicio, *Dium Fidium*, quam *Iovem fidei praesidem*, interpretes dixisset. De eo etiam accipiendum est, quod apud eundem auctorem *lib. 2. de Medio Fidio* narratur. Quem locum consulendum cuique relinquam: dum tamen errati, quod illic deprehendet, monito-rem me & præmonstratorem habeat. Nam *Μόδιον Φαΐδιον* cum vitio scriptum inveniet, pro *Μέδιον Φίδιον*. Non abūmili errore apud Sex. Ruffum, in descriptione regionis tertiæ urbis Romæ, *Sangi Fidoni*, pro *Fidii*, scriptum esse, facile existimarim. Ejus vero simulacrum ex marmore antiquo in *libro Epigrammat. urbis Roma* expressum est. Quin & in inscriptione quadam Reatina ita habetur: SANCTO FIDIO SEMIPATRI DE DECUMA VICTOR TIBEI LUCIUS MUMUS DONUM MORIBUS ANTIQUIS PRO URSURA HOC DARE SESE JUSSUM ANNO SUO PERFECIT. In qua inscriptione *semipatris* appellatio ad enarrationem Ovidii versuum notanda est. Atque ut in hoc vocabulo diutius, quamquam non sine fructu, immorantem me æquiore animo philologiæ studiosi ferant, adjiciam pro coronide, epitheti, quod à Livio Sango huic tribuitur, explicationem: qua gratum me eis fecisse, si candidi sunt, agnoscent. Quotus quisque enim

enim est, qui, in cum Livii locum incidens, quo *Semonem Sangum* nominat, insolentia vocis turbatus non hæsitet, ac subsistat? Ejus certe vocis vim ac potestatem unus mihi Fulgentius Placiades in libello *obscurarum vocum ad Chalcid.* patefecit: cujus verba, uti in scriptis libris (quorum ope libellum eum aliquando integritati suæ restitui posse, non diffido) habentur, producam. *Semones*, ait ille, *dici voluerunt deos, quos nec calo adscriberent, ob meriti paupertatem, sicne sunt Priapus, Hippona, Vertumnus; nec terrenos eos deputare vellent, pro gratia veneratione. Sicut Varro in Mystagogorum libro ait: Semoneque inferius derelicto, deum depennato attollam orationis alloquio. Ex quo auctore (nec enim alii indicii precium & τι μέρους deberi puto) postea Merulam & Beroaldum ejus vocis sensum assecutos deprehendi. Unde Semonem Sangum, id est, Semidem & Medioximum Livius dixit. De his autem deorum gradibus atque ordinibus videndus est Apuleius in lib. de Dogmate Platon. & iterum in lib. de deo Socratis, & Martian. Capel. lib. 1. de nupt. Philolog. Sed labor longius à proposito, ad quod tamen non ante revertar, quam admonuero, à Plutarcho reliquos omnes auctores in eo dissidere, quod non unius ex Tarquinii liberis, sed Tarquinii Prisci uxorem*

uxorem Caiam Cæciliam, quæ eadem Tanaquil vocitata est, fuisse scribant. Qua de causa Sex. Pompeii verba, quod ad rem apte faciant, subiungenda duxi. *Caia Cæcilia, ait, est appellata, ut Romam venit, quæ antea Tanaquil vocitata erat: uxor Tarquinii Prisci, Romanorum regis: quæ tanta probitatis fuit, ut id nomen ominis boni causa frequentent nubentes: quam summam adseverant lanificam fuisse.* Julius Paris in Epitom. lib. 10. Valer. Maximi: *Ceterum Caia usu super omnes celebrata est. Fertur enim, Caiam Cæciliam Tarquinii Prisci regis uxorem, optimam lanificam fuisse.* Quid ergo? Erroris aut oscitantiae reum Plutarchum agemus? Mihi crimen hoc tam diligenti Romanarum antiquitatum investigatori intendere religio esset. Crediderim itaque, scripsisse eum, Ταρκυνίαν ἐνὶ συνοικησίου. sed cum Ταρκυνίαν imperitus librarius descripsisset, nihilo peritiorum quendam, sensus supplendi causa, vocem παῖδων inseruisse.

Nunc ad rem. Præterea utensilia mulieris, & quæ in usu ac ministerio ejus erant, per puerum impuberem in vase operto gestari consueverant. Puer, *camillus*; vas ipsum, *cumerum* proprio nomine vocabatur. Varro lib. 6. de lingua Latina: *Igitur dicitur in nuptiis camillus, qui cumerum fert; in quo, quod sit in ministerio, plerique extrinsecus*

secus nectunt. Hinc camillus nominatur in Samothraces mysteriis. Dius quidam, administrator diis magnis. Verbum Græcum arbitrator, quod apud Callimachum in poematis ejus inveni. Verba vero hæc imperite sunt apud Sex. Pompeium, aut Paulum, ejus Epitomes auctorem, non depravata modo, sed & confusa, & permixta, lib. 3. in quo ita est: *Cumeram vocabant antiqui vas quoddam, quod opertum in nuptiis ferebant, in quo erant nubentis utensilia; quod & camillum dicebant, eo quod sacrorum ministrum* *κέρμιλλον* *appellabant.* Rectius vero alia parte cumerum vas esse dicitur nuptiale, à similitudine cumerarum, quæ fiunt palmeæ vel sparteæ ad usum popularem, sic appellatum. Quod vero ad *camilli* vocem attinet, apud eundem Sex. Pomp. lib. 6. traditur, Flaminium camillum, puerum dictum ingenuum, patrimum & matrimum, qui flamini Diali ad sacrificia præministrabat: camillosque ab antiquis ministros, secundum nonnullorum sententiam, omnes pueros appellatos: sicut habetur in antiquo carmine, cum pater filio de agricultura præciperet:

*Hiberno pulvere, verno luto, grandia farra,
camille, metes.*

Macrobius lib. 3. cap. 9. ex Statio Tullian. de vocabulis rerum, lib. 1. ait, Callimachum dixisse,

dixisse, *Tuscos Camillum appellasse Mercurium*: quo vocabulo significabant præministrum deorum. Unde apud Virgilium *Camilla* appellatur, Dianæ scilicet præministra. Romanos quoque, pueros puellasve nobiles, & investes, camillos & camillas appellasse, Flaminicarum & Flaminum præministros. Necnon Servius in lib. 11. *Æneidos*, *Camilla*, ait, *quasi ministra dicta est. Ministros enim & ministras impuberes, camillos & camillas in sacris vocabant. Unde & Mercurius, Hetrusca lingua, Camillus dicitur, quasi minister deorum.* Et ut symbolam quoque Græci auctores ad hujus vocabuli explanationem conferant, Dionysius Halicarn. lib. 2. *Antiquitat.*, ex Romuli institutis, sacra quædam per mulieres celebrata, memorat: in ejusque ministerii societatem etiam liberos vocatos. Orbis vero, & prole carentibus concessum, ex quaque tribu puerum & puellam eleganti forma optare ac seligere, quo sacris ministrarent: puer quidem, donec pubertatis annos attigisset; puella vero, donec nupsisset. Idem adjicit, quo munere apud Hetruscos, & antea apud Pelasgos, in Curetum & majorum gentium deorum mysteriis fungebantur, qui ab iis *κεῖδωλοι* vocabantur; eodem functos apud Romanos, qui *camilli* vocabantur. Sed & Plutarchus in *Numa*, τῶν ἱερῶν τῶν

τῷ ἱερῷ δὲ Διὸς ἀμφιθαλῇ παῖδα, *camillum* dici tradit. ὡς, ait, καὶ τὸν Ἑρμῆν, ὅπως ἔνιοι δὲ Ἑλλήνων καί μιν ἀπὸ τῆς Ἀλφειοῦ ποταμοῦ φέρουσιν. Quæ eo pluribus, ut senescentis jam vocabuli, vetustate pæne oblitteratam significationem excitarem. Quinetiam asses tres ad maritum nubentes deferrebant, ut apud Nonium Marcellum Varro scribit : quorum unum, quem in manu tenebant, tanquam ementi marito dare : alium, quem in pede habebant, in foco Larium familiare ponere : tertium, in sacciperio, in compito vicinali resignare solebant. Atque eo, quem supra descripsi, comitatu, nubentes ad mariti ædes accedebant.

Ædium porro fores floribus & frondibus ornari consueverant. Unde Catullus in carmine de nuptiis Pelei :

Vestibulum ut molli velatum fronde vireret.
Juvenalis, Satyr. 6.

*Longa per angustos figamus pulpita vicos,
Ornentur postes & grandi janua lauro.*

Lauro quippe postes ornare, tam in publicis quam privatis gaudiis moris erat. Tertul-
lian. Apologet. cap. 35. O nos merito dam-
nandos! Cur enim vota & gaudia Caesarum
casti & sobrii & probi expungimus? Cur die
lato non laureis postes obumbramus? Pli-
nius lib. 15. Natur. histor. cap. ult. *Laurus*
triumphis proprie dicatur, vel gratissima
domi-

*domibus ; janitrix Caesarum , Pontificum-
que , sola & domos exornat , & ante limina
excubat. Latinus Pacat. in Panegy. Theodos.
de publica quadam congratulatione tra-
ctans, Quid portas , ait , virentibus sertis co-
ronatas , quid auleis tardantes plateas , accen-
sisque funalibus auctum diem ? Rutilius
Claud. Itinerarii lib. 1.*

*Festa dies pridemque meos dignata parentes
Poste coronato vota secunda colat.*

Exornent virides communia gaudia rami.

*Ex hoc vero more , Juvenalis , de muliere
statim post nuptias divertente , dixit.*

*Ornatas paulo ante fores , pendentia liquit
Vela domus , & adhuc virides in limine ra-
mos.*

Statius Papin. lib. 1. Sylvar.

*Fronde virent postes , & fervent compita
flammis.*

*Glaudianus lib. 2. de raptu Proserpina , quo
apparatu ea in thalamos Plutonis veniens ex-
cepta sit , narrans,*

*Pars , inquit , aulaa tenent , alii pratexere ra-
mis*

Limina

*Enimvero pro foribus ædium mariti , in-
terrogatæ nubentes , quænam essent , Caias
se esse respondebant. Hoc ita auctor Epito-
mes lib. 10. Valerii Max. scribit. Ceterum
Caias usu super omnes celebrata est. Fertur
enim,*

enim, Caiam Cæciliam, Tarquinii Prisci regis uxorem, optimam lanificam fuisse. Et ideo institutum fuit, ut nova nupta ante januam mariti interrogata quanam vocarentur, Caiam esse se dicerent. Plutarchus plane ἐν Αἰθίοις eos qui nubentem introducerent ei verba hæc suggessisse testis est, Vbi tu Caius, ego Caia. Quorum verborum eum esse sensum quidam existimabant, Ubi tu dominus & paterfa., ego domina & materfa..ut, quemadmodum Jureconsulti in exemplis proponendis Caii Scii, & Lucii Titii; Philosophi vero Theonis & Dionis nomina usurpant: ita & in nuptialibus his cerimoniis, nomen Caiæ exempli causa fuerit usitatum. Aliis, Caiæ Cæciliæ nomini, quod ominis boni causa, ut jam ex Sex. Pomp. docuimus, nubentes frequentabant, morem hunc accepto ferendum esse magis placebat. Certe jureconsultos ridendi cares Marco Tullio argumentum præbuit in Orat. pro Muræna. Vt Caia, ait. quia in alicujus libris exempli causa id nomen invenerant, putarunt, omnes mulieres, qua coemtionem facerent, Caias vocari. Quintilianus lib. 1. cap. 7. Nam & Caius C litera notatur, qua inversa mulierem declarat: quia tam Caias vocitatas esse quam Caios, ex nuptialibus sacris apparet.

Postes vero januæ lana tangi à nubentibus, adipeque ungi & oblini consueverant.

D

Unde

Unde *uxores* quasi *unxores* dictas Grammaticis placet. Plinius lib. 22. Natural. histor. cap. 2. *Lanis auctoritatem veteres Romani etiam religiosam habuere, postes à nubentibus his attingi jubentes.* Ex quo illud Lucani, nuptiarum quandam festivitatem describentis, lib. 2. de bello Pharsal.

Infulaque in geminos discurrit candida postes. Plutarchus ἐν Αἰλικῷ, de nova nupta loquens, Εἰς τὸν θῆ, ait, τὸν ἵμενα καὶ τὸν ἄρ-
 ὀπος. Donatus in 2. scen. Hecyr. Terentii: *Vxor dicitur ab ungendis postibus, & figenda lana, id est, quod cum puella nuberent, maritorum postes ungebant, ibique lanam figebant.* Servius in 4. Æneidos, *Moris*, ait, fuit, ut nubentes puella simul ac venissent ad limen mariti, postes antequam ingrederentur ornarent laneis vittis, & oleo ungerent: & ideo *uxores dicta quasi unxores.* Quæ verba, ut alia pleraque, Isidorus, suppresso auctoris nomine, in suam Etymologiarum farraginem transscripsit a. Quod vero ad unctionem attinet, Plinius lib. 28. cap. 9. novas nuptas adipe lupino postes inungere solitas, ne quid mali medicamento inferretur, scribit. Inde Arnobius lib. 3. adversus gentes: *O egregia numinum, ac singularis interpretatio potestatum! Nisi postes virorum adipali unguine oblinerentur ab sponsis. & quæ*
 sequuntur,

a lib. 9. cap. ult.

sequuntur. ubi etiam unctionibus iis deam
Unxiam præfuisse scribit. Quod cognomen
antiquitatem Junoni indidisse, Martianus
Felix *libr. 2.* docet, in quo Philologia his
verbis Junonem affatur: *Cum nihil conta-*
gionis corporea sexu intemerata pertulerim,
Iterducam & Domiducam, Vnxiam, Cinxiam-
que mortales puella debent in nuptias convo-
care, ut earum & itinera protegas, & in opta-
tas domos ducas, &, cum postes ungent, fau-
stum omen adfigas.

Unctione peracta, nova nupta limen januæ
transsilibat, eoque modo in ædes induce-
batur. Religioni quippe habebant, si in trans-
grediendo mulier limen contigisset. Unde
Catul. in Carmine de nuptiis Jul. & Manl.

Transfer, omine cum bono,

Limen aureolos pedes,

Rasilemque subi forem.

Lucanus *lib. 2. de bello Pharsal.*

Turritaque premens frontem matrona corona

Translata vitat contingere limina. planta.

Plutarch. ἐν Αἰέκοις, hujus moris causas per-

quirens, Διὰ τί, ait, τὴν γαμετρίην ὅσα ἑῶν

αὐτὴ ὑποβήσκει τὸν (sic enim lege, non τὴν)

ἔδδον τῇ οἰκίᾳ, ἀλλ' ὑποβήσκειν οἱ παρὰ μποι-

τες; Cujus rei tres rationes adfert. Unam

quod Sabinæ à Romanis raptæ, eodem gene-

re ac modo sint in ædes introductæ. Hoc

enim valent ea verba: πότερον ἢ π. γὰρ

πρῶτας γυναῖκας ἀρπάξαντες ὕτως εἰσῆνεγκαν,
 αὐταὶ δὲ σὺν (ita enim veteres codices recte
 habent) εἰσῆλθον; Quam rationem idem
 auctor probat in *Romulo*, his verbis: Δια-
 μρῶδ' ὃ μέγρε νῦν τὸ τὴν νύμφην αὐτὴν ἀφ'
 ἑαυτῆς μὴ ὑπερβαίνειν τὸν ὕδον εἰς τὸ δωμά-
 πον, ἀλλ' αἰρομένην εἰσφέρειας, ἀφ' ἧς τὸ καὶ τότε
 κρημιόηται βιασθεῖσας μὴ εἰσελθεῖν. Secundam
 hujus observationis rationem idem auctor
 reddit, quod in eum locum in quo pudici-
 tiam essent amissuræ, quodammodo invitas
 & nolentes ingredi, virginali pudori con-
 sentaneum esset. Addit & tertiam, ut, quas
 coacta ingressa esset ædes, eas non nisi invi-
 tam eam egressuram ominarentur. Cujus
 rei demonstrandæ causa, in Bæotia currus
 axem pro foribus comburi solitum nar-
 rat. ἐμφαίνοντας, ait, εἶναι τὴν νύμφην ἐμ-
 μύειν (nam ita legendum, non ut vulgo
 perperam ἐμβάλλειν, non modo scripti co-
 dices sed & Latina versio docent) ὡς ἀνη-
 ρημῶς ἔαπαξοντο. Varroni autem placu-
 ise, Servius in 8. *Virgilii Eclog.* auctor est, ideo
 sponsas limen non tetigisse, ut ne à sacrilegio
 inchoarent, si deposituræ virginitatem, cal-
 carent rem Vestæ, id est, numini castissimo
 consecratam. At Isidorus lib. 9. *Etymolog.*
cap. ult. novas nuptas limen calcare veti-
 tas tradit, quod illic januæ & cocant & se-
 parentur. Secundum quæ apud Plautum
 Casina

Casina suspenso gressu limen transgredi admonetur.

Sensim, ait, *super attolle limen pedes*, *nova nupta*:

Sospes iter incipe hoc, ut viro tuo semper sis superstes.

Jam, ingredienti nuptæ claves dabantur, ad significandum, quemadmodum Sex. Pomp. explicat, partus facilitatem: vel, quod magis est, ut significaretur, ei rerum omnium domesticarum, quæ clavibus concludi solent, cura ac custodia, tota denique domus ac rei familiaris administratio dispensatioque permitti. Nam & ex diverso cum illi nuncius remittebatur, claves adimebantur, ut Cicero, 3. in *Anton. Orat.* indicat. *Mimam*, inquit, *exegit, claves ademit, res suas sibi habere jussit* ex 12 *Tab.* Quem locum belle ac feliciter Petr. Victor. restituit. Atque adeo ἐκ τῆς κλειδῶν ὑποβολῆς viro uxorem repudiare Romulus concessit, ut Plutarch. in ejus vita auctor est.

Hoc amplius, ut reliqua persequamur, in pelle lanata, quemadmodum à Sex. Pomp. traditur, nova nupta statuebatur; vel propter morem vetustum, quo antiquitus homines pellibus erant induti; vel quo testaretur se lanificii officium viro præstaturam. Et hoc est quod Plutarch. ἐν Αἰήοις ait, Τὴν νύμφην εἰσάγειντες, νᾶξ⊕ ὑπερῶν νύσσι.

Siquidem *νάρις*, interprete Suida, *ἑντερον δέρμα* significat, *ἡτοι δορὶ αὐβάτω*. & Hesychius vocem *νάρις*, *δέρματι αὐβάτω* valere scribit.

Sed & aqua & ignis nuptiarum solennibus adhiberi consueverant. Hinc Scævola noster, *Die, inquit a, nuptiarum, priusquam ad virum transiret, & priusquam aqua & igni acciperetur*. Sic enim rectius in Florentino Codice, quam, ut in aliis, *aqua & ignis acciperetur*, scriptum esse, Servius, hunc quoque morem referens, comprobat, ad illum ex 4 *Æneid.* versum:

*Dant signum: fulsere ignes, & conscius aether
Conjugii.*

Ubi hæc Varronis verba ab eo recitantur: *Aqua & igni mariti uxores accipiebant. Unde & hodie faces pralucet, & aqua petita de puro fonte per puerum felicissimum, vel puellam qua interest nuptiis, de qua solebant nubentibus pedes lavari*. Apud Sex. Pomp. aut potius Paulum qui eum in Epitomen infelicissime contraxit, lib. 1. verba hæc leguntur: *Aqua & igni interdici solet damnatis, qui accipiunt nova nupta: videlicet quia hæc dua res maxime vitam continent*. Et iterum: *Aqua aspergebatur nova nupta, sive ut pura castaque ad virum veniret, sive ut ignem & aquam cum viro*

• 1. penult. §. 1. D. de donationib. int. vir.

viro communicaret. Varro lib. 4. de lingua Latina, Igitur, ait, *causa nascendi duplex, aqua & ignis. Ideo ea in nuptiis in limine adhibebantur, quod coniungit. Hinc & mas ignis, quod ibi semen. aqua femina, quod fetus ab ejus humore & eorum conjunctione sumit Venus.* Quam Varronis rationem Plutarchus ἐν Αἰλλοῖς his verbis exposuit: Διὰ τὴν τιὸν γαμμερῶν ἀπὸ τοῦ πυρὸς καὶ ὕδατος κελεύουσι; πόττερον τούτων ὡς ἐν σπυρίοις καὶ δόξαίς τὸ μὲν ἀρρεν ἐστὶ, τὸ δὲ θῆλυ, καὶ τὸ μὲν δόξης κινήσεως ἐνέησι, τὸ δὲ ὑποκειμένου καὶ ὕλης δύναμιν; Alias tamen ille hujus moris rationes, quas commemorare nihil attinet, adfert. Illam vero quam ex Festo primum reddidimus, Ovidius lib. 4. *Fastor.* amplexus est, cum de aqua & igni agens, ita scribit:

An quod in his vita causa est, hac perdidit exul,

His nova sit conjunx, hac duo magna ru-
tant?

At Dionysius Halicarnassicus, hujus instituti originem à Romulo arcessit lib. 2. *Antiquit.* Κατέλεξεν, ait, αὐτὸς ἐκ τῶν ἀγάμων ἀνδρας ἰσαριθμους, οἷς αὐτὰς συνήρμοστί καὶ τὰς πατρίδας ἐκάστης ἰδιότητας, ἐπὶ κρηονία πυρὸς καὶ ὕδατος ἐχούων τὰς γάμους, ὡς καὶ μέχρι τῆς καθ' ἡμῶς ἐπιμελεῖνται χερόνων. Accedat & Varronis testimonium ex lib. 2. de vita pop. Ro. quod à Nonio Marcello refertur in verbo *Titionem*, & in verbo *Felix*: sed utrubi-

que ita corrupte ut inde sensus nullus elici posse videatur. Sic autem restituendum censeo: *Contra à novo marito cum ignis è foco initiatione ex felici arbore, & in aquali aqua allata esset.* Quæ verba ad hunc solennem nuptiarum ritum perspicuum est pertinere: ut in initiatione, id est, fuste ardente, ignem; in aquali, quæ vox vas aquarium significat, aquam à novo marito allatam significant. Huc vero respiciens Statius Papin. in *Epithalamio Stella & Violantilla*, Musas, ad eorum nuptias convenientes, ignem & aquam gestantes facit.

— *Procul, ait, ecce canore*

*Demigrant Helicone Dea, quatiuntque novena
Eampade solennem thalamis coeuntibus ignem,
Et de Pieriis vocalem fontibus undam.*

Valerius Flacc. lib. 8. Argonauticor.

*Inde ubi sacrificas cum conjuge venit ad aras
Æsonides; unaque adeunt, pariterque precari
Incipiunt: ignem Pollux undamque jugalem
Prætulit.*

Eodem etiam respexisse videtur Claudianus lib. 2. de nupt. Proserp. cum ait,

*Confessus socerum, nimbis Hymenaus hiulcis
Intonat, & tristes firmant connubia flamma.*

Hic commodè, Cœnæ nuptialis, silentio minime prætermittendam mentionem subjici posse, & vero debere existimo: qua opipare ac laute acceptos convivas fuisse, facile quis

quis vel me tacente intelligeret. Plautus
Curculion. Act. 5. Sc. penult.

*Tu ut hodie adveniens coenam des sororiam,
Hic nuptialem cras dabit.*

Rurfus Sc. ult.

*Tu, miles, apud me coenabis : hodie fient nuptia.
Cicero lib. 3. Epist. ad Q. fr. Pridie idus
scripsi ante lucem. Eo die apud Pomponium in
ejus nuptiis eram coenaturus. Juvenalis, Sat. 6.*

— *Ducendi nulla videtur*

*Causa, nec est quare coenam & mustacea
perdas.*

Sueton. in Calig. cap. 25. *Alii tradunt, adhi-
bitum coena nuptiali, mandasse ad Pisonem,
contra accumbentem, Noli uxorem meam pre-
mere : statimque è convivio abduxisse eam
secum. Aufon. in Epist. ad Paulin.*

*Natalis si forte fuit solennis amico,
Conjugioque dapes, aut sacra repotia patrum.
Has epulas geniales Claudianus lib. 2. de
Raptu Proserp. vocat. Exstat utique in Sym-
posiac. Plutarchi caput, quo tractatur,
Διὰ τὴν πολέμους ἐν γάμοις ἐπὶ τὸ δεῖπνον
καλεῖσιν. Leges sane sumptuarias, quibus ef-
fervescens Romanorum luxuriæ æstus coer-
cebatur, nuptiis aliquid indulgisse, & de
præscripta victus ac cœnarum tenuitate re-
misisse, accepimus. Lex siquidem Licinia cum
in certos quosdam dies centenos æris im-
pendi permisisset, nuptiis ducenos indulgit.*

παρθένοις καλὸν μὴ ὀλίγων, ταῖς δὲ χήραις αἰ-
χρὸν πολλῶν ὄντων χαμεῖσθαι. Enimvero Car-
thagini maritis novis multa fuisse convivia
obeunda, sed & sportulas civibus erogandas,
Apuleius *Apologia pro se ipso secunda* indicat.
Quorum sumtuum molestiis ut supersederet,
in suburbana se villa potius quam in oppido
uxorem duxisse profitetur.

Tibiam utique nuptialibus festivitatibus
intervenisse, non pauci auctorum loci de-
clarant. Plaut. *Calina*:

*Age, tibicen, dum illam educunt huc novam
nuptam foras,*

Sua vi cantu concelebra hanc plateolam.

Terentius *Adelph.* Act. 5. Sc. 7.

—— *Verum hoc mihi mora est,*

Tibicina, & hymenaeum qui cantent.

Et mox:

—— *Missa hac face,*

Hymenaeum, turbam, lampadas, tibicinas.

Cicero, aut Cornificius, lib. 4. *Rhetoricor.*
ad Herenn. De parte ejus matrimonii com-
movebant? (aut, ut alias, commonebant?)

Nam hic omnis sanctimonia nuptiarum, uno
signo tibiatarum intelligitur. Apuleius lib. 4.

de *Asino* aur. Iam feralium nuptiarum mi-
serrima virgini choragium struitur. Iam

tada lumen atra fuliginis cinerem arcessunt,
& sonus tibia Zygia (ea enim recta est, quam

& Beroaldus amplectitur, lectio) mutatur in

querulum Lydii modum. Claudianus in Epithalamio:

Dicant pervigiles carmina tibia.

Præterea Talassionem in nuptiis Romanos, non secus atque Græcos Hymenæum, inclamare consuevisse, sciendum est. Unde Martial. Epigr. 36.

*Quid si me jubeas Talassionem
Verbis dicere non Talassionis..*

Idem lib. 12. Epigrammat.

Nec tua defuerant verba, Talasse, tibi.

Quam acclamationem ex eo inolevisse, Livius lib. 1. auctor est, quod in Sabinarum raptu, virgo una, longe ante alias specie & pulchritudine insignis, à globo cujusdam Talassii rapta fuerit: multisque sciscitantibus cuinam eam ferrent deducendam; ne quis violaret, Talassio eam ferri clamitatum. Qua de causa vocem hanc nuptialem factam, & ad posteros inde manasse, Plutarchus quoque in *Romulo* & in *Αἰκῶν* libro censet. Eusebius etiam in *Chronico*, secundum B. Hieronymi versionem, *Sabina*, ait, *rapta anno ab urbe condita tertio; & una virginum pulcherrima, cunctorum acclamatione rapientium, Talassio, duci Romuli, decernitur. Vnde in nuptiarum solennitatibus, Talassio vulgo acclamitant, quo scilicet talis nuptia sit, qua Talassium habere mereatur.* Hanc eandem acclamationis hujus nuptialis rationem

nem Servio quoque placuisse video, qui superioribus consentit ad eum versum lib. i. *Æneid.*

*Pergama cum peteret, inconcessosque hymē-
naos.*

Nonnullis tamen, ad lanificium vocis hujus originem causamque referendam esse, videbatur. Qua in sententia Varronem fuisse Sex. Pomp. testatur, *Talassionem*, in-
quiens, *Varro ait signum esse lanificii. Talas-
sionem enim vocabant quasillum, qui alio mo-
do appellatur calathus: vas utique lanificiis
aptum.* Itaque Plutarch. ἐν Αἰζοῖς, inter ce-
teras decantati in nuptiis Talassionis ratio-
nes, hanc primo loco ponit: Πότερον ἀπὸ τῆς
πυλασίας; ἢ γὰρ τὸν πέλαρον πέλασθον ὀνομά-
ζουσι. Quæ verba concisius quam par esset
interpretes ita convertit: *An propter lanificium
quod quasillum vocatur? Plenius quippe ita
verti debuit: An propter lanificium? Etenim
calathum talantum nominant.* Sed quid, quæ-
so, sonat dictio πέλασθον? Equidem Roma-
nam eam fuisse, vel Latio donatam, nus-
quam reperi. Interpretes ejus loco καλᾶσθον
legisse videtur. Quæ quidem vox pura puta
Latina est, vel ipso Servio teste, qui in 2.
Eclog. Virgilii, quem Græci καλᾶσθον vocant,
Latine *quasillum* dici admonet: citatque il-
lud Cicer. Philippic. *At vero inter quasilla
pendatur antrum.* Sed ad Talassionis origi-

nem nequaquam vox ea accedit, ac ne alludit quidem. Sunt quibus pro *τάλαντον*, legendum videatur *κάλαντον*. Quod probare non possum, tum quia calathus vox Græca est, & ut Eustath. in 5. *Iliad.*, 9. ac 10. *Odyss.* scribit, *αὐτὸ τὸ κέλαν ἥτοι ξύλων κυκλοειδῶς θεῶν ἢ γυρμεθῶν* nomen invenit: tum quia Talassionis origini non magis quam quasillum responderet. Ego unius ad hujus vulneris medelam Sex. Pompeii opera uti nos posse censeo, qui in eo, quem supra produxi, loco, priscos Romanos quasillum talassionem vocasse scribit: quod tamen vocabulum vetustatis situ obrutum est. Ac proinde apud Plutarchum, inepto *τελάντης* nomine expuncto, *τελαοστία* vel *τελάοστιον* reponendum opinor. Necesse est enim, si auctoris mentem fartam tectamque servare volumus, *τελάρις* vocem Græcam Romana aliqua, ex qua talassionis vox fluxisse ac manasse sono ipso judicetur, pensare. *Τάλαριον* porro, & *τελασία*, & *τελάριον*, vocabula Græca sunt. Quorum posteriora duo valde corrupte apud Suidam, non quidem auctoris, sed librarii vitio, exposita lector offendet. Illic enim *τελάσιον*, *ἔργον ἢ ἱερουργία* *τελασία*, *ἱερουργία* *τελάσιον*, *ἱερῶργος*, vitiosissime definiuntur, quandoquidem ad lanificium, non ad sacrificium, hæ voces pertinent. Idcircoque, *ἱερουργία* & *ἱερῶργος*, pro recta interpretatione

pretatione reponi debent. Quod Hesychius consultus satis comprobabit. Quamquam hic error manifestior est, quam ut cujusquam auctoritate convincendus sit. Plane inter γυναικονίπιδος σκάη, τελάρας κὶ καλάθους Pollux lib. 5. *Onomast.* numerat. Notat & Hesychius, καλάθον, γυναικείον σκάϕον εἰς ἐλάαν ὠρεῖσθαι, significare. Sic apud Virgil. lib. 7. *Æneid.*

— *Non illa colo, calathifus Minerva
Femineas assueta manus.* —
Ovid. lib. 2. *Fastor.*

Ante torum calathi lanaque mollis erat.

Alias, tam τέλαρα, quam καλάθους, τρυγερομέειον significant, ut ex Polluce lib. 1. cap. 11. & lib. 7. cap. 10. & Eustathio in 4. *Iliad.* liquet, qui τελάρας vocem inde deducit, quod τέλας, ἥτοι τλήμων, εἴη πρὸς τὸ αἶρειν πρὸς ἐνὶ θέρμῳ. Inde apud Virgil. lib. 3. *Georgic.* Servius calathos vasa ænea exponit, quibus lac vel recens caseus in urbem distrahitur. Ceterum, ut hunc locum concludam, lanificiis priscas matronas valde deditas fuisse, præcipuamque his curam & operam impendisse constat. In federe certe inter Roman. & Sabinos percusso, lex hæc atque conditio dicta est, ut volentes nuptæ apud viros quibus conjunctæ erant, manerent, omnium operum ac munerum vacationem, præterquam lanificii, habituræ, ut est à Plutar. in *Romulo* me-

memoriæ proditum. Inde Juvenalis, *Sat. 6.*
veterum mulierum continentiam ac tempe-
rantiam prædicans,

— *Et vellere, ait, Tusco*

Vexata, duraque manus. —

Cujus moris tot sunt à D. Tiraquello, alte-
ro nostri seculi Varrone, in *lib. de Legib. con-*
nubialib. congesta testimonia, ut multitudi-
ne sua lectorem pæne obruant.

Enimvero nuces à novis maritis jaci &
pueris spargi consuevisse, indicant Catullus
& Virgilius. Ille siquidem in carmine de
nupt. Jul. & Manl.

Ne nuces, inquit, pueris neget

Desertum domini audiens.

Concubinus amorem.

Da nuces pueris, iners

Concubine: satis diu

Lusisti nucibus.

Virgilius vero *Ecloga. 8.*

Sparge, marite, nuces: jam deserit Hesperus
Oetam.

De cujus moris causa parum video inter ve-
teres convenisse. Varro quidem, teste Ser-
vio ad eum Virgilii, quem modo protuli,
versum, spargendarum nucum hanc esse ra-
tionem putabat, *ut Iovis omine* (ita quippe
legi rectius credo, quam *omne*) *matrimo-*
nium celebraretur: ut nova nupta matrona
esset, sicut Iuno. Nam nuces in tutela erant

Iovis:

Iovis: Vnde & juglandes vocata, quasi Iovis glandes. Quod ab Isidoro quoque lib. 17. cap. 7. notatum est. Illud vulgare fuisse, idem Varro tradiderat, idcirco sparsas nuces, ut à rapientibus pueris fieret strepitus, ne puellæ vox virginitatem deponentis posset audiri. Aliis placuit, ead gratia factum, ut se puerilibus omnibus ludis renunciare, & juvenilia cuncta ludicra relinquere, maritus eo indicio testaretur. Quo sensu Persius dixit,

*— Et nucibus facimus quacumque relictis,
Cum sapimus patruos. —*

At Plinius diversam reddit, quintamque insuper perstringit hujus moris rationem, lib. 15. Natur. histor. cap. 22. *Nuces, ait, juglandes quamquam & ipsa nuptialium Fescenninorum comites, multum pineis minores universitate, eadem portione, ampliores nucleo. Necnon & honor his natura peculiaris, gemino protectis operimento, pulvinati primum calicis, mox lignei putaminis. Qua causa eas nuptiis fecit religiosas, tot modis fetu munito. Quod est verisimilius quam quia cadendo tripudium sonumve faciant.*

Nubentibus utique, prætextis depositis, à multitudine puerorum, quos ad eam celebritatem frequentes convenisse nemini dubium est, obscœna clamabantur; versusque mollicie ac lascivia diffuentes, maxima, nec ulli reprehensioni obnoxia licentia occinebantur.

bantur. Quos versus Fescenninos vocabant ;
 sive quod ex urbe Fescennina allati essent ,
 sive quod fascinum arcere putabantur. Ser-
 vius in 7. *Æneid.* ad ea verba ,

Hi Fescenninas acies ,

Fescenninum scribit oppidum esse Campa-
 niæ, ubi nuptialia carmina sunt inventa. Sene-
 ca lib. 4. *Declamation.* de servo loquens qui
 dominæ nupserat, *Inter nuptias*, inquit, & *Fe-*
scenninis in crucem generi nostri jocabantur.
 His enim versibus libere & joculariter mul-
 ta in sponso sponsoque jaciebantur. Catul-
 lus in Epithal. Jul. & Manl.

Ne diu taceat procax

Fescennina locutio.

Varro *Agathone*, ut est apud Non. Marcel-
 lum : *Pueri obscœnis verbis nova nuptula au-*
res restaurant. Quæ verba, quantum conje-
 ctura adsequi possum, ad argumentum quo
 de agimus pertinebant. Martian. Capella
 lib. 9. de nupt. Philolog. *His Hymenæo diu-*
tius velut Fescennina quadam licentia per-
sonante, geminanteque crebrius. Seneca in
 Medea, Choro primo:

Hinc illinc, juvenes, mittite carmina :

Festa dicax fundat convitia Fescenninus.

Claudianus in Epithalamio :

Dicant pervigiles carmina tibia :

Permissisque jocis turba licentior

Exultet tetricis libera legibus.

Ausonius

Ausonius in Parecbasi Centonis nuptialis:

Haëtenus castis auribus audiendum mysterium nuptiale ambitu loquendi, & circuitione velaui. Verum quoniam Fescenninos amat celebritas nuptialis, verborumque petulantiam notus vetere instituto ludus admittit, cetera quoque cubiculi & lectuli opera prodentur.
 B. Hieronym. in Epist. ad Demetr. de Virginit. servand. *Quam habitura pronubam? Quo deducenda comitatu? Stridor Punica lingua procacia tibi Fescennina cantabit.* Idem in Epist. ad Gerontiam: *Responde mihi, carissima in Christo filia. Inter ista nuptura es? Quem acceptura virum? Cedo? fugitivum; an pugnaturum? Quid utrumque sequatur intelligis: & Fescennino carmine terribilis tibi rauco sonitu buccina concrepabit, ut quas habeas pronubas, habeas forte lugentes.* Erant autem Fescennini versus jocularis, incompositi, rudes, qui temere alternis jaciebantur.

Horatius lib. 2. Epistol.

Fescennina per hunc inuenta licentia morem Versibus alternis opprobria rustica fudit.

Livius lib. 7. *Non sicut ante Fescennino versui similem, incompositum, temere ac rudem alternis jaciebant.* Atque hujus nominis versus in Pollionem scripssisse Augustum, Macrobius lib. 2. Saturn. cap. 4. auctor est.

Interea vero lectus nuptialis componebatur.

tur. Eum autem proprio nomine *genialem* quasi *generalem* appellatum, Servius in 6. *Æneid.* ostendit: Geniales scribens eos proprie esse lectos qui puellis nubentibus sternuntur, dictosque ita à generandis liberis. Cicero pro Cluentio: *Lectum illum genialem, quem biennio ante filia sua nubenti straverat, in eadem domo sibi ornari & sterni, expulsa atque exturbata filia, jubet.* Apuleius lib. 10. de Asino aur. Et mulierem, quam dixit propter multiforme scelus bestiis esse damnatam, meisque praeclaris nuptiis destinatam. & torus nuptialis noster futurus accuratissime desternebatur. *Lectus Indica testudine perlucidus, plumea congerie tumidus, veste serica floridus.* Idem lib. 9. *Qua, suo pudore postposito, tori genialis calcato federe, larem mariti lupanari maculasset infamia.* Toga vero sterni lectos, & maritorum genios advocari consuevisse, Arnobius lib. 3. *adversus gentes*, mores vetustate oblitos recensens, testis est. Et hinc fortasse *sacri genium lecti* Juvenalis Sat. 6. dixit.

Etiam hoc addam, quod nisi à B. Augustino non semel detectum esset, libens suppressissem, super Priapi fascinum novam nuptam considerare jussam. Quemadmodum ille lib. 7. de Civitat. Dei cap. 24. ad fin. & apertius lib. 6. cap. 9. scribit his verbis: *Sed quid hic dicam? cum ibi sit & Priapus nimis masculus:*

culus: super cujus immanissimum fascinum sedere nova nupta jubebatur, more honestissimo ac religiosissimo matronarum. Quam ob-scœnitatem perstringere credo Lactantium lib. 1. de falsa religion. cap. 20. cum ait: Et Mutinus (vel, ut quidam codices habent, Tutinus) in cujus sinu pudendo nubentes resident, ut illarum pudicitiam prior deus delibasse videatur. Ita quippe lego, non sicuti vulgo scriptum est, deliberasse. Priapo vero, ut ne fœda hæc veterum impietas intacta relinquatur, genitale membrum cum falce affingebant, quo & pueros & aves in hortis, quibus præesse credebatur, terreret. Virgilius in Copa:

Est tuguri custos armatus falce saligna:

Sed non & vasto est inguine terribilis.

Tibullus Eleg. 1.

Pomifususque ruber custos ponatur in hortis;

Terreat ut sava falce Priapus aves.

Columella lib. 10.

— Sed truncum forte dolatum

Terribilis membri, medio qui semper in horto.

Inguinibus puero, pradoni falce minetur.

Auctor Priapeor.

Priape, quod sis fascino tentus gravi.

Et alias:

Soles sacrum revinctus pampino

Ruber sedere cum rubente fascino.

Pleni sunt testimoniorum, poetarum libri:

bri: quibus omissis, ad exitum festinans, quod superest expediam.

Nuptam deinde in lecto pronubas collocasse sciendum est. Donatus in *Terentii Eunuch.* ad ea verba,

Deinde eam in lecto collocarunt,
Verbum hoc, ait, proprium est, & adscribitur pronubis. Quo in significato verbum hoc in Catulli versibus quos statim proferam observandum est. Idem Donatus in 1. *Æneid.* pronubas in obsequio nubentium fuisse tradit. Lampridius de Heliogabalo: *Nupsit & coïit, ut & pronubam haberet.* Claudianus lib. 2. de Raptu Proserp. (juxta

*Ducitur in thalamum virgo; stat pronuba
 Stellantes nox picta sinus; tangensque cubile,
 Omina (sic enim lego) perpetuo genitalia federe sanxit.*

Ad hujusmodi autem officium, spectatæ pudicitiae mulieres, & quæ uni duntaxat viro nupsissent, adhibebantur: quo matrimonii perpetuitatem, quemadmodum Sex. Pomp. auctor est, auspicarentur. Unde Catullus in *Carm. de nupt. Jul. & Manl.*

*Vos unis senibus bona
 Cognita bene femina
 Collocate puellulam.*

Tertul. in lib. qui *Exhortatio ad castitatem* inscribitur: *Monogamia apud Ethnicos in summo honore est, ut & virginibus legitime nubenti-*

nubentibus univira pronuba adhibeatur, & sic auspicii initium sit. Sed & B. Hieronym. in calce libri primi adversus Iovinian. Unicubas semper habuisse inter gentiles matronas decus merito dicit: per illasque solas fortunæ muliebri sacra fieri consuevisse. Eodemque libro, quæ fuerit alienarum à religione nostra mulierum de secundis nuptiis opinio, multis exemplis, accurate conquistis, docet.

Atque hæc sunt Nuptiarum omnia, quæ quidem non incuriose legendo veterum scripta observare potui, solennia. De quibus in genere apud Tacit. lib. 11. fit mentio, cum inquit: *Cuncta nuptiarum solennia celebrat.* Et lib. 22. *Necdum celebrare nuptiarum solennia audebant.* Sic etiam pompam & nuptiarum celebritatem accipe in Theodos. & Valentinian. constitutione a. Ob eamque solennium multitudinem credo à Ciceron. lib. 6. de Repub. dictum fuisse, *firmiter majores matrimonia stabilita esse voluisse.* Quæ verba à Prisciano lib. 15. referuntur.

Postridie vero nuptiarum apud novum maritum cœnabatur: &, quia quasi instauraretur redintegrareturque potatio, cum diem *Repotia*, Sex. Pomp. teste, appellabant, Horat. lib. 2. Serm. Sat. 2.

Ille repotia, natales, aliosve dierum

Estos

a in l. si donationem. C. de nupt.

Festus albatius celebret. —

Sumtibus certe, qui in eos dies fierent, modum legibus sumtuariis statutum, Gellius *lib. 2. cap. 24.* memorat. Meminit & *Repotiorum* Aufon. in eo *Epistola ad Paulinum*, quem paulo ante retuli, loco. Hinc hodieque (etsi hoc erit fortasse durius: sed tentemus, & lusisse putemur si nil sit) in quibusdam Aquitanix regionibus, eum diem qui nuptias consequitur, *Repentalia* nominant, non tam à pœnitentia, quam corrupta voce à repetita potatione, quasi *Repotalia*. A Græcis eum diem *ἐπαύλια* vocari, Pollux *lib. 3. Onomast.* testis est. *Repotiorum* certe vocabulo, pro repetita & iterata crapula Apuleius *Apolog. 1.* usus est. Novæ autem nuptæ munera à cognatis & propinquis mittebantur. Eaque sunt Nuptialia munera apud jureconsultos. At apud Cicer. *pro Cluentio Avito*, & Apuleium *lib. 6. de Asino aur.*, Nuptialia dona ea accipienda sunt, quæ ante contractas nuptias, mulieri à viro offerebantur. Postridie vero nuptiarum, nova nupta libertatem auspicans uxoriæ, in domo viri rem divinam faciebat, ut est à Macrobius *lib. Saturn. cap. 15.* proditum. Atque hic hujus libri finis esto.

B. BRISSON.

• in l. 1. §. sed si. D. de tutel. & rat. dist. 1. tutor secundum, 13. §. 2. D. de administ. tut.

B. BRISSONII, J. C.,

Et in suprema Parisiensi curia Prasidis,

D E

JURE CONNUBIORUM,

Liber Singularis.

Olennes nuptiarum ritus ita sunt à me proprio libro expositi, ut vix quicquam ad plenam & perfectam ejus argumenti cognitionem jure ac merito desiderari posse videatur. Huic consequens duxi, alterum de justis injustisque Quiritium nuptiis librum adjungere. Superiori enim tractatui hoc veluti cumulo addito, juris civilis & antiquitatis Romanæ studiosis hac in parte satisfactum iri arbitror: quibus non modo, quo ritu, sed & inter quas personas olim justæ ac legitimæ nuptiæ contraherentur, utriusque libri conjunctione planum fiet. Atque ut via & arte procedat oratio, à qua ætate justæ nuptiæ contraherentur, primum dispiciendum esse censeo. Nam, cum nuptiis habilem ætatem constituerimus, ad alias inspectiones veniemus: & ad certa veluti capita omnia nuptiarum impedimenta revocantes, facilem, ni fallor,

E

lor,

lor, lectoribus, ejus quæstionis, quam tractandam suscepimus, cognitionem relinquemus.

Igitur, ut ab ætate ordiamur, in matrimoniis contrahendis ætatem contrahentium definitam esse, Modestinus *lib. 4. differentiarum* scribit *a*. Ea vero definita ætas pubertas est, vel ipso Justiniano teste, qui justas nuptias inter se cives Romanos contraxisse tradit *b*, qui secundum præcepta legum coibant; masculos quidem puberes, feminas autem viri potentes. Cui accedere Dionis testimonium velim, qui *lib. 54.* ita scribit: Δώδεκα γὰρ ταῖς ἡμέραις εἰς τὴν γάμον ὄραν ἔτη πλήρη νομίζεται. A duodecimo siquidem anno pubertatem feminas auspicari, prudentibus placuit: ex eoque tempore Romæ puellæ nuptum dabantur. Id quod ea ratione factum Plutarchus interpretatur *c*, ut celerius conjugum mores tenella adhuc ætate imbiberent, & ad obsequium virorum facilius flecti fingique possent. Aliter atque Spartæ servabatur, in qua adultiores demum virgines, & plenis nubiles annis, viris in matrimonium collocabantur. Verba Plutarchi, quæ hanc institutorum utriusque gentis diversitatem declarant, hæc sunt: Τὴν μὲν Λυκὸν γὰρ πεπαιγμένης καὶ ὀργώσας νυμφεύοντο, ὅπως ἦτε ὁμιλία,

a l. in sponsalibus. 14. D. de sponsal. *b* Institut. de nupt. in princ. *c* in Numa.

λία, θεομύτης ἤδη τῆς φύσεως, χάριτος ἢ καὶ
 φιλίας ἀρχὴ μᾶλλον, ἢ μίσους καὶ φόβου ἀρχὴ
 φύσιν βιαζομένην, καὶ τὰ σώματα βίωμιν ἔχει
 πρὸς τὸ ταῖς κυήσεις ἐπιφέρειν, καὶ ταῖς ὠδύνας, αἷς
 ἐπ' ἐδὲν ἄλλο γαμετῶν ἢ τὸ τ' τεκνώσεως ἔρ-
 γον. ὅτ' ὅ γ' ἰωμαίων δωδεκαετείς καὶ νεώτερας ἐκ-
 διδόντων. ἔτι γ' ἂν μάλιστα καὶ τὸ σῶμα καὶ τὸ
 ἦθος κατὰρξόν καὶ ἀδικῶν ἐπὶ τῷ γαμυνῶντι γενέ-
 ας. δῆλον ἔν' ὅτι τὰ μὲν φυσικώτερον πρὸς τέ-
 κνωσιν, τὰ δ' ἡθικώτερον πρὸς συμμίωσιν. Ex
 co vero tempore pubertatem in feminis le-
 gibus definitam, quod generationi essent ab
 eo anno aptæ, Macrobius *lib. 7. Saturnalium*
ita scribit: Nec hoc tacebo, ait, quod, cum
calor semper generationis causa sit, femina id-
eo celerius, quam pueri, fiunt idonea ad gene-
randum, quia calent amplius. Nam ex secun-
dum jura publica duodecimus annus in femi-
nis, quartus decimus in puero definiunt puber-
tatis ætatem. Idemque auctor lib. 1. Commen-
tarior. in Somn. Scipionis, post annos bis se-
ptem generationis vim in masculis moveri
scribit. ideoque & tutelam pueris, quasi vi-
rile jam robur adit, absolvi: ab ea tamen
feminas, propter votorum festinationem,
maturius biennio, legibus liberari. Aristo-
teles quoque, his consentiens, lib. 7. πρὸς
ζώων ἰσορίας, Τὰ θήλεα θάττον ὅτ' ἀρρένων καὶ
νεότητι καὶ ἀκμῇ λαμβάνειν, tradit. Inde-
que testamenta feminis citius quam masculis

facere licet *a*. Ceterum si minor 12 annis domum pro uxore deducta esset, non ante iusta & legitima uxor fiebat quam apud virum duodecimum annum impleisset *b*. Sed nec prius à viro dos, ejus nomine promissa, peti poterat. Nam cum omnis dotis promissio tacita futuri matrimonii conditione suspendatur *c*, ante duodecim annorum ætatem, nondum utiliter secuto matrimonio, dotis petitio viro non competebat. Quapropter si ante impletum duodecimum annum repudiata conditione discessisset, pecuniæ in causam dotis numeratæ, quæ dos fieri nuptiis minime secutis non potuerat, exemplo dotis, condictio ei dabatur, cum iisdem tamen privilegiis quæ actioni de dote concedebantur. At, cum apud virum major 12 annis esse cœperat, tum matrimonio subsistente, in dotem pecunia numerata vertebatur. Interim vero dum pubertas conjugis exspectabatur, siquidem sponsalia intercessissent, quamvis uxorem putaret esse qui duxerat, sponsæ tamen vice ea habebatur *d*, eique virium oblatum maritus sponsi loco persequi ex Severi rescripto poterat *a*.

a 1. à qua ætate. 5. D. de testament. *b* 1. minorem. 4. D. de ritu nuptiarum. *c* 1. dotis promissio. 68. D. de jure dotium. *d* 1. cum hic status. 32. §. si quis sponsam. 27. D. de donat. int. vir.

terat *a*. Quod si sponsalia non antecessissent, nec pro sponsa nec pro uxore haberi poterat. Nec eo magis donationes ei factæ valebant, utpote quæ quasi ad uxorem, non quasi ad extraneam, factæ essent. Quamquam autem nuptiæ cum minore 12 annis non consisterent; in patrem tamen, qui filiam minorem duodecim annis nuptum collocasset, auctorque ei factus esset ad contrahendum, actio in factum, ex edicto *Quod falso tutore auctore gestum est*, non dabatur *b*. Ignoscendum enim patri prudentes censuere, si filiam suam maturius in viri familiam perducere voluerit. Præsumtum est quippe, propensiori potius in filiam affectu, quam viri in fraudem illiciendi causa, hujusmodi nuptias cum conciliaffe. Quam conjecturam capi, paterna pietas & naturalis erga liberos caritas suadet. Non modo autem in matrimonio, sed ne in concubinato quidem, minor annis duodecim puella haberi jure licito poterat *c*.

Post ætatis vero inspectionem, ad justam matrimoniorum conjunctionem, status ac conditionis eorum, qui matrimonio jungerentur, ratio habenda erat. Ac primum inter liberas ac serviles personas, nuptias olim

E 3

non

a l. si uxor. 13. §. divus. 3. & §. si minor. 8. D. ad l. Jul. de adult. *b* l. penult. §. 3. D. quod falso tut. *c* l. 1. in fin. D. de concub.

non constituisse, certo certius *a* est. Quinimo libera mulier, quæ cum alieno servo post trinam domini denunciationem in consuetudine perseverasset, Senatusconsulto Claudiano, quod à Justiniano sublatum *b* est, libertatem amittebat, servituti-
que vindicabatur, quemadmodum Ulpianus *in fragmentis Titulorum c*, & Tertullianus *d*, significant. Quamobrem, si ancilla libero nupsisset, dotisque nomine pecuniam numerasset, sive scisset ancillam se esse, sive ignorasset, nec matrimonium erat, nec viri ea pecunia prius fiebat, quam tempore legibus statuto penes se pro suo habitam ac possessam eam usu cepisset. Plane, si apud virum ad libertatem pervenisset, conciliabatur convalescebatque matrimonium: exindeque dotis nomen, si necdum usucapio impleta esset, sortiebatur: matrimonioque soluto, ejus, ut dotalis, repetitio compete-
*e*bat.

Justa vero matrimonia non inter liberas quascunque passim personas, sed inter solos cives Romanos contrahebantur *f*. Nam cum Latinis peregrinisque connubium, nisi id eis concessum esset, non erat. Testes sunt Ulpianus *in Titulorum fragmentis g*, & Boethius
thius

a l. si neget. D. de liber. l. Proculus. 67. D. de jure dot. l. 3. C. de incest. nupt. *b* Rubr. de Senat. Claudian. tol. *c* Tit. 11. §. 10. *d* in lib. 2. ad uxor. *e* l. Proculus. 67. D. de jure dotium. *f* Institut. de nupt. in princ. *g* Tit. 5. §. 3.

thius in commentar. ad Topica Ciceronis. Ex quo Seneca lib. 4. de benefic. Promisi tibi, ait, filiam in matrimonium: postea peregrinus apparuisti. Non est mihi cum extraneo connubium. Macrobi. lib. 1. Saturnal. cap. 6: Libertinis vero nullo jure uti prætexitis licebat, ac multo minus peregrinis, quibus nulla esset cum Romanis necessitudo. Itaque maximam apud populum invidiam Antonio conflavit, ab eo contra leges ac patriæ instituta contractum cum Cleopatra conjugium. Cujus facti indignitatem Plutarchus absque nota prætereundam non censuit. Sic enim in ejus cum Demetrio collatione scribit: Ἐπειτα τὴν αἰσλὴν καὶ διηγεῖσθαι γαμηθεῖσιν ἐξήλασε, τῇ ξενῇ καὶ μὴ κατὰ νόμους συνέσθαι γαμίζομεν. Ægre etiam tulisse populum Romanum Xiphili- nus narrat, quod Titus Berenicen Ægyptia- cam in palatio uxoris loco habebat, ut pro- inde repudiare eam sit coactus. Itaque, qui cives Romani non erant, connubii jus, nisi civitate impetrata, non habebant. Memo- riæque adeo proditum est, Campanos, ci- vitate Romana donatos, & à Censoribus Romæ censeri coactos, ut sibi cives Ro- manas uxores ducere liceret, petiisse; &, si qui prius duxissent, ut habere eas sibi li- ceret; utque ante eam diem nati, justî sibi liberi heredesque essent. Quorum utrum- que eis indultum esse, Livius refert lib. 37.

Ex peregrino autem & cive Romana qui nascebantur, peregrini nascebantur: quoniam lex Mensia, quæ in hac parte legi naturæ derogabat *a*, ex alterutro peregrino natum, deterioris parentis conditionem sequi jubebat *b*. At ejusmodi peregrinitatis observationem tandem exolevisse, significare videtur Prudentius *lib. 2. contra Symmachum*, his versibus:

*Distantes, ait, regione plaga, divisæque ponto
Litora, conveniunt nunc per vadimonia ad
unum*

*Et commune forum, nunc per commercia &
artes*

*Ad cœtum celebrem, nunc per genialia fulcra
Externi ad jus connubii: nam sanguine misto
Textitur alternis ex gentibus una propago.*

At à provincialibus, cujuscunque ordinis aut loci essent, cum Barbaris conjugia contrahi, Valentinianus & Valens prohibere. quorum de ea re exstat in Cod. Theod. constitutio *c*.

Enimvero patribus cum plebe connubium ne esset, 12 tabulis sancitum erat: quemadmodum Dionysius Halicarn. *lib. 11. Antiquit.* cum Livio *lib. 4. ab V. C.* narrat. Nam, cum auspicia plebei non haberent, eaque

a l. lex naturæ. 24. D. de stat. homin. *b* *VI. pian.* in fragment. Tit. 5. §. 7. *c* in l. un. de nupt. gentil.

eaque apud solos patricios subliderent; idcirco ne incerta prole auspiorum jura turbarentur, inter eos connubium decemviri diremerunt. Quod tamen eorum legis caput non multum post temporis, tribunorum plebis contentione ac convitio, abrogatum esse, iidem docent.

Senatores etiam, senatorumve filii, libertinas uxores ducere prohibebantur. Quæ prohibitio quoniam *ex lege Julia de maritandis ordinibus* descendit, necessario nobis ejus legis sententia, breviter tamen, quoad ejus fieri poterit, explicanda est. Nam ab aliis dicta nec repetere, nec interpolare libet. Primum autem admonebo, Julium Octavium Cæsarem Augustum, compositis intestinis externisque bellis, cum & orbi pacem, & sibi, bona populi gratia, imperium conciliasset, ingravescente jam ætate, civitati reformatæ legibusque scribendis animum adjecisse. Quam rem, jam factam, ut futuram, Ovidius *lib. ultimo Metamorph.* assentatorie ita canit:

*Pace data terris, animum ad civilia vertet
Jura suum, legesque feret justissimus auctor,
Exemploque suo mores reget.*

Legum autem earum quasdam ipsemet consulatum gerens tulit, quasdam per Coss. ordinarios, suffectosve, rogari & ad populum ferri curavit. Etenim, ne antiquum reipublicæ

blicæ statum pessumdare subvertereque videretur, legem inconsulto senatu, & cujus patres auctores prius facti non essent, pro-
 tinus ferendam sibi esse non censuit. Quem-
 admodum Zonaras ita scribit: Οὐ μὲντοι
 πάντῃ ἐξελογνωμονῶν ἐιομθῆτε, ἀλλ' ἐστὶν, ἃ
 καὶ εἰς τὸ δημόσιον παρέρχεται, ὅπως ἂν π. μὴ δρῶ-
 σι, ἐπαινορῶσι. Et alias: Νόμους ᾗ μετὰ ταύτῃ
 ὁ κῆϊσιν ἤνεγκε, καὶ τοῖς βασιλευσὶν αὐτὸς ἀνα-
 γνῶναι ἐπέτρεψε, ὅπως, εἰ μὴ π. δρῶσκη, ἢ
 ἀμεινόν π. νοήσῃσιν, εἴπωσιν. Sic per Coss.
 suffectos Papiam & Popæam legem de præ-
 miis parentum tulit: quæ propter argumen-
 ti adfinitatem: Juliæ conjungi solet. Quæ
 leges fama se supra ceteras, quarum ille prin-
 ceptus auctor fuit, extulerunt. Quota enim
 pars juris earum legum commemoratione
 vacat? aut quæ frequentiores occurrunt,
 quam ex Jureconsultorum ad eas leges com-
 mentariis, inscriptiones? Constat namque,
 non ex catalogo modo qui Pandectis Pisanis
 præfigitur, sed & ex capitum inscriptioni-
 bus, leges has Junium Mauritianum libris
 sex, Marcellum totidem, Terentium Cle-
 mentem æque atque Ulpianum viginti, Pau-
 lum decem, Caium quindecim, interpreta-
 tos esse. Quorum si nobis scripta integra aut
 Justiniani facinus aut temporis injuria reli-
 quisset, supervacanea & inanis omnis nostra
 hæc opera esset. Nunc, quoniam, si non li-
 benter,

benter, at patienter certe, tanta librorum veterum jactura ferenda est; earum, quæ tanquam ex vasto incendio salvæ ad nos pervenerunt, reliquiarum intuitu, amissorum desiderium leniamus: veteremque tam celebrium legum memoriam, eorum, quæ in manibus habemus, ope, ab oblivionis injuria, qua fieri poterit diligentia, vindicemus. Qua in parte sicubi fefellerò, veniam me ab æquis judicibus exoraturum facile confido; eo quod, in tenebris, quod aiunt, micantes, & solis plerumque conjecturis res ignotas investigantes, labi, atque errare, humanum est. Ceterum, lex Julia, cujus capita aliquot explicare institui, proprium, differentię ergo, *de maritandis ordinibus* nomen invenit: ad cujus præcepta Apuleius *Apologia* 2. ita alludit: *Lex Julia, de maritandis ordinibus, nunquam in hunc modum interdicit: Vxorem in villa ne ducito.* Hanc etiam legem Horatius signat, in *Carmine Seculari*, cum ait,

*Divæ, producas sobolem, patrumque
Prosperes decreta, super jugandis
Feminis, prolisque nova feraci*

Lege marita.

Eadem lex, apud Ulpianum, in *Institut.* tit. 13 & 14, & tit. 15, & apud Juvenalem *Sat.* 6, legis Juliæ appellatione exaudienda est. Sed & ad eam referendum est, quod Ter-

tullianus *lib. adversus Valentinianum* ita scribit: *Credas enim, ubi de loco in locum transmigratur, leges quoque Iulias intervenire.* Complura autem capita habuisse eam legem, non est obscurum. Nam & tricellinum quintum à Martiano memoratur *a*. Potissimum autem illud fuit, quo senatores, liberique eorum, libertinas, & quæ ipsæ, quarumve parentes, artem ludicram fecissent, ducere prohibebantur. quod in hæc verba conceptum fuisse, Paulus testis est *b*: QUI SENATOR EST, QUIVE FILIUS, NEPOSVE EX FILIO, PRONEPOSVE EX FILIO NATO, CUJUS EORUM EST, ERIT: NE QUIS EORUM SPONSAM, UXOREMVE, SCIENS, DOLO MALO HABETO LIBERTINAM: AUT EAM, QUÆ IPSA, CUJUSVE PATER MATERVE, ARTEM LUDICRAM FACIT, FECERIT: NEVE SENATORIS FILIA, NEPTISVE EX FILIO, PRONEPTISVE EX NEPOTE FILIO NATO NATA, LIBERTINO, RIVE, QUI IPSE, CUJUSVE PATER MATERVE, ARTEM LUDICRAM FACIT, FECERIT, SPONSA NUPTAVE SCIENS DOLO MALO ESTO: NEVE QUIS EORUM DOLO MALO SCIENS SPONSAM UXOREMVE EAM HABETO. Quibus legis verbis ex jureconsultorum

a in l. capite. 19. D. de ritu nupt. *b* in l. 44. D. de ritu nupt.

quam decurionis honor patri accessisset. Nec sum nescius, superiori sententiæ videri quibusdam refragari Constantini constitutionem *a* : quæ propter hyperbaton obscuritate aliqua laborat: aliud tamen nihil significat, quam, filios ac filias, qui quæve ante suscepti susceptæve fuerunt, quam in senatorum ordinem cooptati, vel alias, citra senatoriam dignitatem, clarissimorum titulo patres eorum earumve decorati essent, clarissimatus nihilominus dignitate fruituros. quod his, quæ posuimus, mirifice consentit. Atque hæc quæstio ab interpretibus ad filios ante regnum à patre adeptum conceptos ac genitos producta est. Quæ controversia priscis temporibus inter Xerxem & Arthemenum, Darii filios, incidit: cum hic, utpote natus maximus, ætatis privilegio regnum sibi vindicaret, quod jus & ordo nascendi & natura ipsa gentibus dedit: ille vero non ordine, sed nascendi felicitate, niteretur; regique se primum natum, fratre, qui ante privato natus esset, superiorem, contenderet. Quam tamen litem arbiter, ab his addictus, Anaphernes, secundum Xerxem dedit *b*. Sed hoc exemplum in simili deinde contentione Persæ secuti non sunt. Nam, cum Parysatis minorem natu filium

Cyrum

a l. si senator. 11. C. de dignitatib. lib. 12.

b Justin, lib. 2. histor.

Cyrum Arlicæ, qui postea Artaxerxes nominatus est, præferendum contenderet, eo quod hunc privato, illum regnanti Dario peperisset, explosa hæc subtilitate, regnum ad Arlicam delatum esse, Plutarchus *a* auctor est. Sed enim, ne longius à re proposita aberrem, quod ad adoptivum filium attinget, tamdiu eum senatoris filium habendum, Paulus *lib. 2. ad l. Iuliam & Pap.* bene monet *b*, quamdiu in familia manet, patrisque adoptivi potestate continetur. Emancipatus enim, tam jus, quam nomen filii, emancipatione amittit; adoptioneque quæsitæ adgnatio, è potestate dimisso eo, in totum perit. Civile quippe hoc vinculum contrario civili ac legitimo actu, id est, emancipatione, penitus dissolvitur *c*. Ideoque in omni jure, finita patris adoptivi potestate, nullum ex pristino jure vestigium retinetur *d*. Proinde per adoptionem quæsitæ dignitas emancipatione extinguitur. At naturalibus liberis honorem, natalibus partum, emancipatio non adimit, nec minuit. Quæ enim à genere, à sanguine, ab ipso ortu emancipatis tribuerentur, ea manere eis incolumia constat *e*.

a in Artaxerxe. *b* in l. senatoris filium. D. de senatorib. *c* §. ult. Instit. de cap. dimin. *d* l. per adoptionem. 17. D. de ritu nupt. l. ordine. §. ult. D. ad municipal. l. in omni. D. de adoption.

stat *a*. Proindeque, *emancipatum à patre senatore, senatoris nihilominus filium haberi*, Ulpianus *lib. 1. ad l. Iuliam* scribit *b*. Idem adjicit, *eum qui post mortem patris senatoris natus sit, quasi senatoris filium esse*. Aliam vero ejus causam esse, qui, postquam pater ejus è senatu motus est, conceptus & natus fuerit. Nam quæ patri mortis tempore inhæsit dignitas, ea veluti hereditario jure ad posteros transmittitur: at quæ vivo patre vitio ejus amissa est, ad liberos postea conceptos manare nequaquam potest *c*. Plane jam procreatis liberis patris casum non obesse placuit. Similique modo, qui decurione patre editus est, licet postea pater ejus decurio esse desierit, quasi decurionis tamen filius, nec in metallum dari, nec aliis plebeiis suppliciis affici poterit *d*. Quodsi ante ejus conceptionem dignitate pater exutus sit, *ut plebei filius in honoribus erit intuendus. Sed nec liberti ingrati delictum, propter quod in servitutem revocatur, filiis, ab eo, dum libertate potiretur, conceptis, nocet *e*. Ita, quod ad statum, conditionis tempus spectamus.

a arg. l. amissione. §. ult. cum l. seq. D. de capit. min. & l. eum qui. D. de interdict. & relegat. *b* l. emancipatum. D. de senator. *c* l. senatoris filium. D. de senatoribus. *d* l. 2. §. in filiis. D. de decurion. l. moris. §. penult. D. de poenis. *e* l. 4. manumissus. C. de libert. & cor. lib.

mus. Benigne tamen, ac singulari jure, Justinianus constituit *a*, ut, si curialis fortunæ exortes ultro sese & sponte sua curiæ dederint, ab iis, vel postquam curiæ adscripti fuerint, concepti liberi, non curialem, sed pristinam patrum conditionem sortiantur. Ceterum, filii appellatione etiam filia continetur *b*. Et tamen, ut ne senatoris filia libertino nubere posset, senatusconsulto specialiter prohibitum fuit *c*, licet ad hanc quoque speciem lex Julia porrigi potuisse videatur. Ait lex, NEPOSVE. Filii appellatione, si nudam ac propriam verborum significationem extra voluntatis causam spectemus *d*, nepos non continetur. Et ideo nepotem exprimi necesse fuit. Porro, si quis & patrem & avum habuerit senatorem; & quasi filius, & quasi nepos senatoris intelligitur. Et, quamquam pater amiserit dignitatem ante hujus conceptionem, avi nihilominus dignitas ei proderit *e*. Sequitur in lege, NE QUIS EORUM SPONSAM UXOREMVE. Senatores igitur, senatorumque liberi, libertinas in matrimonio habere prohibentur, ne amplissimi ordinis dignitas hujusmodi conjugii consortio vilescat. Eaque de causa, cum Acten libertam justo sibi matri-

a in l. ult. C. de his qui sponte munera. *b* l. si quis ita. 16. D. de testament. tut. *c* l. emancipatum. §. ult. D. de senatorib. *d* l. filii. 48. D. de verb. sign. *e* l. emancipatum. §. ult. D. de senat.

matrimonio conjungere Nero cuperet, consulares viros summississe dicitur *a*, qui regio genere ortam pejerarent. Et Seneca, *lib. 7. Controversiar.*, cum probare niteretur, magnos viros fecisse ut libertinas uxores ducerent, veluti exempli loco subjunxit, *M. Cato coloni sui filiam duxit uxorem, sed ingenuam*. Ideoque exemplum propositioni non quadrat. Ex quo apparet, quod Diocletianus rescriptit *b*, uxorem libertam suam manumissori, *si non sit ex his personis, quæ specialiter prohibeantur*, ducere non esse interdictum, sic cum Accursio accipiendum esse, si non senator sit, senatorisve filius, nepos. Tam enim suas, quam alienas libertas uxores ducere, qui senatoris dignitate præditi, senatoribusve orti sunt, prohibentur. Proinde si quam ex familia sua ancillam, senatoris filius, 20 annis minor, ad libertatem matrimonii causa perducere studeat, non erit concedendum *c*: quoniam indigne illiciteque hujusmodi conditionis mulierem sit ducturus. Justæ ergo non sunt nuptiæ, quas senatorii ordinis viri cum libertinis contraxerint. Cui consequens est, nec dotem esse; quæ in ea matrimonia, quæ consistere non possunt, minime cadit. Nec enim dos sine matrimonio esse potest *a*.

a Sueton. in Neron. cap. 28. *b* in l. uxorem. 15. C. de nupt. *c* l. si rogatus. 20. §. 2. D. de man. vind.

test *a*. Ubicumque igitur matrimonium non est, nec dos est: proinde ex hac causa caduca dos fiet *b*. Nec tamen, quod Accursius existimat, fisco vindicabitur. Hoc enim in incestis demum nuptiis locum obtinet *c*. Quo fit, ut si libertina senatorem quasi ingenua deceperit, & ei uupta sit, actio in factum, doli nomine, in eam ex divi Pii rescripto *d* competat, quod ex dote, quæ nulla est, vir lucrum nullum fecerit. Ei quoque, quod posuimus, consequens est, ex ejusmodi matrimonio justos patri liberos non nasci. Sequitur etiam, rerum amotarum actionem inter personas, quæ ita coierint, cessare *e*. Ac nec viro, jure mariti, adulterii accusatio, ob stuprum ab ea, quæ, quamvis uxoris animo habita fuerit, uxor tamen esse non possit, commissum, competet: licet propter qualecunque matrimonium violatum, ne peccatum suum mulier impune auferat, jure extranei accusatio admittatur *f*. Quamquam autem nuptiæ non sint, non eo tamen donationes, quasi inter conjuges factæ ratæ erunt *g*, ne lucro eis sit illicita con-

a l. 3. D. de jure dot. *b* l. dote. 61. D. de ritu nupt.
c l. incestæ. 52. D. de ritu nupt.
d l. à divo. 58. D. eod. tit. *e* l. si concubina. 17. D. rer. amor.
f l. si uxor. 13. §. 4. D. ad l. Jul. de adulter.
g l. 3. §. videamus. D. de donat. int. vir.

conjunctio. Alioquin meliore loco res eorum essent qui contra leges convenirent, quam qui justas & civiles nuptias contraherent: quod utique ratio non patitur. Quapropter, quasi ab indignis ablata, quæ donata testamentove relicta erunt, in fiscum cogentur *a*. Plane, si quis in senatorio ordine agens, libertinam in matrimonium acceperit, quamvis interim uxor non sit, attamen in ea conditione est, ut, si vir dignitatem amiserit, uxor esse incipiat *b*. sic eveniet, ut, quæ ab initio non consistebant nuptiæ, remoto postea obstaculo impedimentoque, convalescant. Atquin, quæ ab initio minus valent, temporis tractu non confirmari, pro regula traditum est *c*. Cui objectioni quidam interpretes ut occurrant, iis nuptiis, quæ ab initio nullius momenti erant, vires, non solius temporis lapsu atque tractu, sed perseverantia consensus, qui post amotum impedimentum durat, accedere dicunt. Eoque pacto regulam contrariam flexu eludunt magis, quam elidunt. Mea hæc fuit semper sententia, & sic in animum induxi meum, regulam illam juris & productam longius, & latius acceptam esse, quam pateat. Ad ea namque duntaxat, quæ testamenti

a 1. cum hic status. 32. §. fin. D. de don. int. vir.
 1. 2. D. de his quæ ut indign. *b* 1. si quis in
 senatorio. D. de ritu nupt. *c* 1. quod initio. 29.
 D. de divers. reg. jur.

mentis dantur, relinquunturque, pertinere eam, & iisdem prope cum Catoniana regula finibus ac terminis circumscribendam esse, censeo. In quam me opinionem etiam Rufinus impellit, qui eam regulam ita extulit *a*: *Qua ab initio inutilis fuit institutio, ex postfacto convalescere non potest.* In ceteris vero speciebus, atque causis, falsam eam esse, perspicuum est. Constat siquidem, inutiles ab initio nuptias multis postea ex causis conciliari. Ut ecce, si ancilla libero nupserit, & apud eundem virum libera facta sit, matrimonium, ab initio inutile, convalescit *b*. Pari modo, si minor 12 annis domum ducta sit, licet ab initio nuptiæ non sint, si tamen apud virum duodecimum annum impleverit, iusta & legitima uxor fiet *c*. Similiterque, quod contra mandata ab his, qui officium aliquod in provincia gerunt, contractum fuerit matrimonium; si, eo deposito, in voluntate conjuges perseverent, convalescit *d*. Ac, ne in solo nuptiarum sermone hæreamus, etsi pecuniæ alienæ numeratione mutuum non contrahatur *e*, consumptis tamen nummis nasci conductionem, minime est ignotum *f*.

a in l. penult. D. de divers. reg. jur. *b* l. Proculus. 67. D. de jure dot. *c* l. minorem. 4. D. de ritu nupt. *d* l. eos qui. D. de ritu nupt. l. etsi contra. C. de nupt. *e* l. 2. §. mutui. D. si cert. pec.

tum *a*. Sed, etsi aliena pecunia solvendi causa detur, quamquam liberationem ejusmodi solutio ab initio non pariat, consumpta tamen ea ab eo qui accepit, liberatio procedit *b*. Longum esset, exempla omnia, quæ ex libris nostris promi possunt, recensendo enumerare, quibus comprobetur, multa, quæ ab origine effectum non habuere, postea, sublati obstaculi impedimentique causis, confirmari ac corroborari: ut, extra testamentarias quæstiones superiori regulæ locum non esse, verissime pronunciare mihi posse videar. Atque hæc fuit veteris illius interpretis, cujus non ita pridem in lucem missæ sunt breves in *Tit. de diversis regulis juris antiqui* notæ, siue is Placentinus est, seu quis alius, (nihil enim præter conjecturam habemus,) sententia. Verum, quæ ad alia excurrit, ad institutum jamjam revocetur oratio. Si senatori indulgentia principali fuerit permissum, libertinam justam uxorem habere, posse eam justam uxorem esse, Ulpianus prodidit *c*. Illud olim indubium venit, si quis, libertinæ nuptiis devinctus, deinde in collegium senatorum cooptaretur, num matrimonium dirimeretur. Vetus quidem jurispru-

a l. nam etsi fur. 13. D. si cert. pet. *b* l. si quis pro eo. 56 §. si nummos. D. de fidejussorib.
c l. si senatori. 31. D. de ritu nupt

risprudencia ob supervenientem dignitatem nuptias solvi credebat, quando in eum casum res cecidisset, à quo incipere utiliter non potuerat. Quod Justiniano displicuit: qui matrimonium nihilominus manere, & hoc bono eventu uxorem frui voluit *a*. Enimvero, si libertino senatoris filia nupserit, licet postea pater senatu ob turpitudinem moveatur, nihilominus ea justa uxor fiet *b*: cum invidiosum simul & iniquum sit, quæsitam liberis dignitatem propter patris crimen auferri. Senatoris certe filia, quæ artem ludicram, vel corpore quæstum fecerit, aut judicio publico damnata sit, libertino impune nubit *c*. Nec enim huic honos servandus est, quæ tanto se dedecore maculaverit, nominique suo tam insignem ignominie notam inusserit. Sed & quæ senatorio quidem sanguine creta non est, ob matrimonium tamen cum senatore contractum clarissimæ feminæ nomen adepta est, mortuo marito, libertino recte nubit *d*. Nam solas senatorum filias, neptesque, à libertinorum nuptiis lex repellit.

Indignos autem hujusmodi nuptiis libertinos haberi, licet se patrono, homini ingenuo, adrogandos dederint, Marcellus *lib. i.*

ad

a l. ult. C. de nupt. *b* l. generali. 34. §. fin. D. de ritu nupt. *c* l. senatoris. 47. D. de ritu nupt. *d* l. cum te. 10. C. de nupt.

ad l. lul scribit *a* : quandoquidem publica ingenuitatis jura hujusmodi adrogatione non sint adepti. Quo pertinet Massurii Sabini à Gellio relatus locus, in quo ita est *b* : *Libertinos vero ab ingenuis adoptari posse, Massurius Sabinus scripsit. Sed id neque per-*
mitteri dicit, neque permittendum esse unquam
putavit, ut homines libertini ordinis per
adoptionem in jura ingenuorum invadant.
Alioquin, inquit, si juris antiquitas ista ser-
vetur, etiam servus à domino per prætorem
in adoptionem dari potest. Et hoc est quod ab
Ulpiano deñitur c, Eum, qui se libertinum
fatetur, nec adoptando ingenuum facere pa-
tronum posse. Tamen si enim libertum suum, causæ cognitione adhibita, adrogare liceat ; tamen in ejus unius perniciem, damnum ac præjudicium, privataque ejus familiæ jura, ea adrogatio valet *d*. Ceterum, ingenuitatis ornamenta omnia adrogato nequaquam confert ac tribuit. A quo non abhorret, quod Synesius, *epistola prima*, lubenter se, si per leges, acerrimas ingenuitatis patronas, liceret, spurios suos liberos in locum legitimorum adoptaturum, scribit in hunc modum : Παρ' ἐμῆ δ' ἑτὺς ἡγαπήθη ἀφ' ἐρώτης, ὡς ἦδ' αὖ τοῦ

a l. sciendum. 32. D. de ritu nupt. *b* lib. 5. noct. Artic. cap. 19. *c* in l. ult. D. de statu homin. *d* l. cum eum. C. de adoption.

αὐτὸν εἰσποιῆσαι φιλοσοφίᾳ, καὶ τοῖς γνησίοις ἐκ-
 κρῖναι. ἀλλὰ τὸ μὲν ἔφασιν ἐπιτρέψαι, ὁ δὲ
 οἱ νόμοι τῇ πολιτείᾳ. Δεινοὶ γὰρ εἰσι τὸ ἄγ-
 νείας πρὸς αὐτῇ. Eademque ratione natura-
 lem in servitute quæsitum filium, in potesta-
 tem quidem patris, principis beneficio re-
 digi posse, libertinum tamen semper mane-
 re, ex Ulpiani *lib. 4. ad l. lul. & Pap.* tradi-
 tur *a*. Plane liberti alieni adrogatio non ad-
 mittebatur *b*, ne jure suo manumissor frau-
 daretur. Quare, si libertum cum esse lique-
 ret, qui se adrogandum non patrono dare
 studeret, nequaquam ferenda hæc, quæ patro-
 no facta fuisset, injuria credebatur. Quod si
 per obreptionem, conditione sua celata,
 statuque dissimulato, in alienam familiam
 cum capite suo fortunæ libertus transtulif-
 set, patrōni tamen jus integrum nihilomi-
 nus manebat *c*.

Quæri potest, an, si aureos anulos ab
 imperatore libertus acceperit, à senatoriis
 nihilominus nuptiis submoveatur. Quam
 quidem quæstionem ab Ulpiano *lib. 1. ad
 l. lul.* tractatam fuisse, suspicor. Eoque re-
 ferendum esse caput illud quod sub *Rub. de
 jure aureor. anulor.* à Triboniano rela-
 tum est in hæc verba: *Libertinus, si jus*

F

aureorum

a in l. ult. D. de adoption. *b* d. l. ult. D. de
 adoption. *c* l. sed si hac lege. §. patronum. D.
 de in jus voc. l. 1. §. nepos. D. si quis à parent.

aureorum anulorum impetravit, quamvis jura ingenuitatis, salvo jure patroni, nactus sit, tamen ingenuus intelligitur. Aureorum enim anulorum beneficio, liberti omnia ingenuitatis munia, salvo tamen patronorum jure, cui per principem nihil detrahitur, consequuntur *a*. Eaque de causa aureis anulis honorem libertorum augeri, conditionem non mutari, traditum est *b*. Denique, vivere eos quasi ingenuos, mori ut liberos *c*; quod in eorum bonis omnia sibi patronatus jura patroni vindicent *d*. Longe minor de eo, qui natalibus sit restitutus, dubitatio est. Hic enim per omnia ingenuus fit, perindeque habetur ac si medio tempore maculam servitutis non sustinuisset *e*. Et ideo in hujusmodi restitutionibus patroni voluntas & consensus exquiri ac explorari solet; cui jura omnia, quæ ex manumissione competebant, depereunt.

Præterea senatores, senatorumve filii, eas ducere prohibentur, quæ ipsæ, quarumve pater, mater, artem ludicram fecerint. De patre autem matreque tantum lex loquitur. Et ideo, avum, vel aviam, artem ludicram fecisse, nihil nocet *a*.

a l. ult. D. de jure aur. anul. *b* l. pen. D. de jure aur. anul. l. sed si hac lege. §. sed si jus. D. de in jus voc. *c* l. 1. C. ad l. Viscel. *d* l. etiam. 3. D. de bon. libert. *e* l. 1. 2. 3. D. de natal. restitut. l. imperialis. C. de nupt.

cet *a*. In odiosis enim, quæ interpretatione adjuvanda non sunt *b*, patris appellatione avum non comprehendimus. Veluti in lege Julia de adulteriis, qua patri filiam in adulterio deprehensam occidendi jus datur, patris appellatio ad avum minime porrigitur *c*. Aliter atque in his quæ benigne atque favorabiliter constituuntur; in quibus, patris appellatione avum contineri, iusta interpretatione recipitur *d*. Et ita patribus lege Papia servatum jus antiquum avibus quoque Nerva, Plinio teste *e*, indulgit. Secundum quæ legem municipalem Parisiensis Præfecturæ, quæ patri, filii sine liberis mortui, certam bonorum speciem defert, Parisiensis curia ad avum producendum esse pronunciavit. Sed & illam principis constitutionem, qua cessiones actionum, mutandi iudicii causa, præterquam à patre, filio, & aliis exceptis personis, factæ, inhibentur, avum complecti obtinuit, licet de patre duntaxat loquatur. Patrem autem hic iustum intelligimus, sive is naturalis sit, sive adoptivus. In matre nihil refert, iusta sit, an vulgo conceperit *f*. Nam mater quidem semper certa est, etiamsi vulgo

F 2

con-

a l. lege Julia §. 2. D. de ritu nupt. *b* l. cum quæreretur. D. de lib. & post. *c* l. patri. 20. D. ad leg. Jul. de adult. *d* l. iusta. 201. D. de verb. signit. *e* in Panegyric. *f* l. lege Julia. 44. §. 3. D. de ritu nupt.

conceperit: vulgo vero quæditorum incertus pater est, cum solum populum patrem icere possint. Unde festivo scommate Diogenes quendam vulgo editum lapides in vulgus jacentem repressit; cavendum ei esse, admonens, ne patrem ictu offenderet. Quod belle quoque Synesius *epist.* 4. de vulgo quæditis loquens, expressit: Τοῖς γὰρ, ait, ἔτι γυνόσιν, ἀποδείκνται μὲρ ἢ μήτηρ, ὃ ἵλοιπὸς τῶ γυνάων ἀμφισθητήσιμος. ὅτι οὐδ' ἀμφοτέροις ὡς τὸ δὲ γυνότων ὀφείλεται, τὸ τοῦ πᾶν ἢ κεν εἶδ' ὡς τὸ ἀπατόρων εἰς τὰς μητέρας. Solius ergo matris, quam partus ipse indubitate demonstrat, merito turpitudine spectatur; non etiam patris, quem promiscuus matris concubitus aut ignotum; aut certe incertum reddit. Quod si post legitime copulatas nuptias senatoris socer, socrusve, artem ludicram facere cœperint, non idcirco ab initio recte contractum matrimonium dissolvetur. At si ipsamet uxor artem ludicram facere cœperit, utique dimittenda erit. Honestè enim in matrimonio retineri non potest.

Ait lex, ARTEM LUDICRAM, veluti mimicam, histrionicam, & quamcunque aliam scenicam. Artem enim ludicram facere dicuntur, qui operas suas in scenam saltandi gesticulandive causa locant, vel etiam extra scenam gesticulan-
tur A.

tur *a*. Athletæ plane, thymelici, xyfici, agitadores, & qui aquam equis refocillandorum eorum causa spargebant, ceterique omnes qui sacris & in deorum honorem institutis certaminibus deserviebant, item designatores, quos *βασίλεις* vocabant, artem ludicram facere non existimabuntur, quemadmodum Ulpianus, *ad edictum prætoris de his qui notantur infamia*, explicat *b*. Eodem jure etiam *Attellanarum actores* habitos observavi: quod genus ludorum, ab Oscis acceptum, juventutem tenuisse, nec ab histrionibus pollui passam, eoque institutum, ut earum actores, velut artis ludicræ expertes, notæque vacui, neque tribu moverentur, nec à stipendiis militaribus repellerentur, Livius *c* cum Valerio Max. *d* scribit. Proinde & his juserat, non cogi in scena personam ponere; quod ceteris histrionibus pati necesse erat, quemadmodum ex Sexto Pompeio Paulus adnotavit *e*. Erant vero Attellanæ, ut est à Donato *f* & Diomedes *g* scriptum, salibus atque jocis compositæ fabulæ, quæ vetustam in se elegantiam, delectationemque Italica severitate temperatam, lascivia ac petulantia vacuum habebant. Estque ab Attella id earum nomen,

F 3

Oscorum

a l. mater. §. ult. D. ad leg. jul. de adult. l. 2. §. ult. de his qui not. infam. *b* l. athletas. D. de

his qui not. inf. *c* lib. 7. ab U. C. *d* lib. 2. c. 1.

e lib. 14. *f* in Terent. *g* lib. 3. de art. gram.

Oscorum civitate, in qua primum actitatz sunt, ductum. Quas non in libera tantum Republica, sed vel imperatorum temporibus in usu fuisse, duo Tranquilli loci arguunt. Quorum unus est in *Tiberio a*, in hæc verba: *Vnde nota in Attellanico exodio proximis ludis ad sensu maximo excepta percrebuit, hircum vetulum capreis naturam ligurire.* Alter in *Galba b*, his verbis: *Siquidem Attellanis notissimum canticum exorsus, venit Iosimus à villa: cuncti simul spectatores consentiente voce reliquam partem retulerunt, ac sapius versu repetito egerunt.* Hoc idem Spartian. in *Hadriano* comprobat: *In convivio tragœdias, comœdias, Attellanas, sambucas, pro re semper exhibuit.* Exodia vero huic fabularum generi inserta, ex superiore Tranquilli loco liquet. Quod & Juvenalis indicat:

Rusticus, inquit, exodiorisum movet Attellana. Livius, qualia ea fuerint, exponit c in hunc modum: *Inventus histrionibus fabularum actu relicto, ipsa inter se more antiquo ridicula intexta versibus jactitare cœpit, qua inde exodia postea appellata, consertaque fabulis potissimum Attellanis sunt.* Attellanarum utique probatissimos actores, Nonium & Pomponium, Macrobius memorat: post quos diu jacentem artem Attellaniam suscitasse Mum-

mium

a cap. 45.

b cap. 13.

c lib. 7. ab U. C.

mium scribit *a*. Ac plane Pomponii, celebris Attellanarum scriptoris, apud Senecam *b* fit mentio. Enimvero mimi, pantomimi, histriones, ὀρχηστῆς, qui fracto, molli, atque effeminato gestu motuque corporis, & muto manuum sermone, res quascunque fictas gestasve exprimebant, & ita oculis subiciebant ut manibus quodammodo loqui viderentur, artem ludicram facere procul dubio censebantur. De quorum artificiosa saltatione, si, quæ cogitatione complexus, aut observatione consecutus sum, ea hic effundere vellem, latissimus certe digressionis excursionisque campus pateret. Sed ne parergis liber hic turgescat, magis est, ut proprium ei tractationi librum aliquando, si Deus dederit, exiturum destinemus.

Interim vero, quo loco ac numero ejusmodi voluptatum artifices olim fuerint, scire interest. Idque ipsa legis, in qua constitimus, prohibitio exigit. Hoc enim exposito, nemini dubium relinquetur, cur ab earum nuptiis, quarum pater artem ludicram fecisset, senatores senatorumque filios lex Julia repulerit. Artem plane ludicram, scenamque totam, veteres in probro duxisse, genusque id hominum non modo honore civium reliquorum carere, sed & tribu moveri, censoria notatione, voluisse, Ci-

F 4

cero

a lib. 7, Saturnal. cap. 10.*b* lib. 3, contror.

cero lib. 4. de Repub. scripserat ; ut à B. Augustino lib. 2. de Civit. Dei, cap. 13. refer-
tur. Idemque lib. 1. de consensu Evangelist.
cap. 33, Nonne Cicero, ait, cum Roscium quen-
dam laudaret histrionem, ita peritum dixit,
ut solus esset dignus qui in scenam deberet in-
trare; ita virum bonum, ut solus esset dignus
qui eo non deberet accedere. Quid aliud aper-
tissime ostendens, nisi illam scenam esse tam
turpem, ut tanto minus ibi esse homo debeat,
quanto magis fuerit vir bonus? Unde Tertul-
lianus in lib. de Spectaculis, Etenim, ait, ipsi
actores & administratores spectaculorum, lo-
cum, quadrigarios, scenicos, xysticos, harena-
rios illos amentissimos, quibus viles animas
femina, aut illi etiam corpora sua substernunt,
propter quos in ea committunt qua reprehen-
dunt, ex eadem parte, qua magni faciunt, de-
primunt & diminuunt: imo manifeste da-
mnant ignominia & capitis mutatione: ar-
centes curia, rostris, senatu, equite, ceteris-
que ordinibus simul & ornamentis Quiritium.
Arnobius lib. 7. adversus gentes: Existi-
matur tractari se honorifice Flora, si in lu-
dis flagitiosas conspexerit res agi, & migra-
tum à lupanaribus in theatra. Itane istud non
est deorum imminuere dignitatem, dicare &
consecrare turpissimas res diis, quas censor
animus respuat, & quarum actores inhon-
estos esse jus vestrum, & inter capita computari
indi-

indicavit infamia? Quam veluti amentatam hastam verissime Arnobius, ex ipso Quiritium jure, in eos torlit. Edicto namque prætoris infamia notabantur *a*, qui artis ludicræ, pronunciandive causa, in scenam prodiissent. Quapropter Æmilius Probus, in præfatione libri De vit. excellent. imperator. *Magnis, inquit, laudibus tota fuit Græciæ, victorem olympia citari. In scenam vero prodire, & populo esse spectaculo, nemini in eisdem gentibus fuit turpitudini: qua omnia apud nos partim infamia, partim humilia, atque ab honestate remota, ponuntur.* Hujus rei argumentum est, quod, qui ad principem provocantem, eum, qui artem ludicram faceret, torlisset, verberasset judex, lege Julia de vi publica, contra atque si idem in reliquorum civium corpus admisisset, non apprehendebatur *b*, ipsamet legis exceptione nominatim tutus: quæ genus id hominum, quasi beneficio suo indignum, aspernabatur. Quinetiam Hylam pantomimum, querente prætore, in atrio domus suæ Augustum flagellis (quod erat servile supplicium) verberasse, Tranquillus memorat *c*: ubi & illud refert, magistratibus omni loco omnique tempore coercionem

F. 5

in

a l. 1. D. de his qui not. infam. *b* Paulus lib. 5. Sententiar. Tit. de vi publica. *c* in Augusto, cap. 45.

in histriones, lege veteri permissam, Augustum ademisse. Marito etiam cum paucas omnino personas in uxoris adulterio deprehensas occidendi jus lex Julia de pudicitia daret, id ei licere in eos, qui artem ludicram facerent, voluit *a*. Accusandi quoque, & publico iudicio reos postulandi, his, qui artem ludicram fecissent, potestas denegabatur *b*. Proinde & huiusmodi artem, citra capitale flagitium, exercere miles non poterat. Tiberium quidem certe, Dio auctor est *c*, histriones urbe expulisse, arteque ea interdixisse, quod & feminas ignominia adficerent, & turbas excitarent. Contra, Gaius eos, statim atque imperio potitus est, eodem Dione teste *d*, revocavit. Rursus Domitianus scenam his interdixit, ut Sueton. in ejus vita memorat *e*, intra domum duntaxat exercendi artem jure concessio. Fuit plane tempus, cum nec equitibus scena indecora esset, ut eam illis senatusconsulto Augusti temporibus interdici necesse fuerit. Quod Suetonius in Augusto docet *f* his verbis: *Ad scenicas quoque & gladiatorias operas equitibus Romanis aliquando usus est. verum priusquam senatusconsulto interdiceretur.* Quod idem Dio ita refert,

a l. marito. 24. D. ad l. Jul. de adulter. *b* l. qui iudicio. 4. D. de accusat. *c* lib. 57. *d* lib. 59. *e* cap. 7. *f* cap. 43.

refert, lib. 54: Ἐπειδὴ περὶ καὶ ἰσπεῖς, καὶ γυναι-
 κες ἐπιφανεῖς, ἐν τῇ ὀρχήστρᾳ καὶ τότε γε ἐπιδεί-
 ξαντο, ἀπηγρόδουν, ἔχ' ὅτι τοῖς παισὶν τ' βα-
 λουτῶν, ὅπερ περὶ καὶ περὶν ἐκεκάλυτο, ἀλλὰ καὶ
 τοῖς ἐκγόνοις, τοῖς τε ἐν τῇ ἰσπείδι δηλονότι
 ἐξ ἐλαζομόροις, μηδὲν ἔπι τοῖς αὐτοῖς δραῖν. Ex
 quo lucem accipiet alter Suetonii in Tibe-
 rio locus, quo ex juventute utriusque or-
 dinis profligatissimum quemque, quominus
 in opera scenæ harenæve edenda senatus-
 consulto teneretur, famosi judicii notam
 sponte subiisse narrat a. Postea tamen, quod
 & mirum visum iri præmonet, equitibus
 gladiatorium ludum indulgentia quadam
 permissum fuisse, Dio auctor est b. Καὶ τοῖς
 ἰσπεῦσιν, αἰτ, ὁ καὶ θαυμάσειεν ἂν τις, μνο-
 μαχεῖν ἐπετρέπη. Αἰπὸν δ', ὅτι ἐν ὀλιγα-
 ρείᾳ πνὲς τὴν ἀπμίαν τὴν ἐπ' αὐτῷ ἐπικει-
 μένῳ ἐποιεῖντο. Ἐπεὶ γὰρ μήτ' ὀφειλὸς π' τ' ἀπορ-
 ρήσεως ἐγγίγνετο, καὶ πτωχείας μείζονα ἀξιο-
 εἶναι ἐδόκειν, ἢ καὶ ἀπετραπήσεως ἐνομιόθη-
 σαι, συνεχωρήθη τῷτο σφίσι ποιεῖν, καὶ ὕτασ-
 ἀντὶ τ' ἀπμίας θάνατον ὀφλισκάνειν. Suet-
 onius etiam, Neronem quadringentos se-
 natores, sexcentosque equites Romanos, &
 quosdam fortunæ atque existimationis in-
 tegræ, ad ferrum exhibuisse, narrat c.
 Proinde, Vitellio imperante, quemad-
 modum Tacitus scribit, severe cautum

F 6

fuit,

a cap. 35.

b lib. 56.

c in Nerone. c. 12.

fuit, ne equites Romani ludo & harena polluerentur; cum priores id principes, pecunia, & sæpius vi, pertulissent. Ac Domitianum quoque, quæstorium virum, quod gesticulandi saltandique studio teneretur, senatu movisse, traditum est *a*.

Quod autem ait lex, FACIT, FECERIT, cum effectu accipiendum est *b*. Et ideo, qui operas suas locaverit ut in scenam prodiret, neque prodiit tamen, lege contineri non videtur *c*. Factum enim, non voluntas, apprehenditur. Quo pertinet apud Quintilianum *d* proposita quæstio, an theatri lege, quæcum, qui artem ludicram exercuisset, à primis theatri ordinibus arceri volebat, is, qui prætori in hortis ostensus esset, nec tamen productus, contineretur. Cui non abssimilis & alia quæstio tractatur apud eundem, aut alium, Quintilianum, *Declam.* 302. Certe in senatusconsulto *e* de postulando, & in alio legis Juliae capite *f*, sola operarum ad bestias depugnandas locatio, etiam nulla pugna secuta, notat. Ita quippe utrubique verba scripta sunt. In edicto autem prætoris de infamibus, quod ad ludicram artem attinet, consilium ac conatus non punitur.

Ceterum,

a Suet. in Domit. cap. 8. *b* arg. l. 1. §. hæc verba. D. quod quisque jur. *c* l. 3. D. de his qui not. infam. *d* lib. 3. instit. orat. cap. 6. *e* l. 1. §. 6. vers. in senatusconsulto. D. de postul. *f* l. qui libertinus. 37. D. de oper. libert.

Ceterum, huic legis Juliae capiti congruenter Constantinus sanxit, ut ne senatoribus, praefectis, duumvirisve, vel sacerdotibus municipiorum, libertam, libertæve filiam, scenicam, vel scenicæ filiam, tabernariam, tabernariæve filiam, vel lenonis aut harenarii filiam, uxorem habere liceret. Quam constitutionem Valentinianus & Martianus in Novellis laudant *a*. Ei vero Justinianus, quantum ad scenicas personas attingit, derogavit *b*, constituens, mulieribus, quæ pudorem suum scenâ aut ludo quandoque polluisent, si derelicta inhonesta conversatione, honestiorem commodioremque vitam fuerint amplexæ, licere principali rescripto, cuilibet personæ, quacunque dignitate præditæ, nubere, quali omni pristinae vitæ macula pœnitentia, principisque beneficio, diluta atque absterfa.

Addidit vero legi Juliae senatus, ut neque damnatam publico judicio ducere uxorem, aut retinere, jus esset *c*. Damnata accipe eam quæ non provocavit. Ceterum, si provocavit, nondum damnata videtur. Idem est, etsi ab eo, qui jus damnandi non habuit, damnata sit. Damnata enim tum videtur, cum damnatio tenuit. Quam ego

F 7

inter-

a Tit. 4. Novel. Mart. *b* In l. imperialis. C. de nuptiis. *c* l. palam. 43. §. senatus. 10. D. de rit. nupt.

interpretationem ex similibus aliis locis haurio *a*. Publico plane judicio damnata non videtur, quæ calumniæ prævaricationisve nomine, ex causa publici judicii sit condemnata, licet infamiæ notetur *b*. In calumniatores enim nulla publica quæstio constituta est. Nam etsi lege Remnia eis pœna irrogata sit, non tamen in publicorum judiciorum legibus lex ea numeratur. Igitur, si ob publici judicii accusationem per calumniam institutam, siue ob privatum judicium per calumniam motum, ut calumniatrix mulier damnata sit, senatusconsulto non continetur. Ergo, dicet aliquis, publico judicio reos postulare mulieribus licet. Quod ita verum est, si suam suorumque injuriam exequantur, vel læsæ majestatis, aut annonæ fraudatæ accusationem perferant. His enim ex causis ad accusationem publici judicii admittuntur *c*: quam si destituisse arguantur, ob eamque rem damnatæ sint, à senatorum nuptiis idcirco non arcebuntur, quod prævaricationis crimen in hac specie judicium publicum non sit *d*. Por-

10,

a l. edicto. 13. D. de bonor. poss. l. 2. §. ult. D. de pœnis. l. furti. §. 1. D. de his qui notant. infam. *b* d. l. palam. §. si quæ calumniæ. D. de ritu nupt. *c* l. de crimine. 12. C. qui accus. non pos. l. qui accusare. 8. l. hi tamen. 11. l. mulierem. 13. D. de accus. l. ult. D. ad l. Jul. de an. l. in quæstionibus. D. ad l. Jul. majest. *d* l. 3. §. ult. D. de prævaricator.

ro, senatoriis personis exceptis, ceteris omnibus ingenuis libertinas uxores ducere lege Papia concessum fuisse, Celsus testis est *a.* cujus ipsa verba subjeci: *Lege Julia Papia cavetur, omnibus ingenuis, prater senatores, eorumque liberos, libertinas uxores habere licere. Quod & Dio comprobat b,* de Augusto loquens. Ἐπειδὴ δὲ, αἰτ, πολὺ πλεῖον τὸ ἄρρεν ὅ τῆλεος ὅ δ' γενεῶς ὡς, ἐπίτρεψε καὶ ἐξελούθηρας τοῖς ἐθέλουσιν, πλεῖον ἢ βηλδύοντων, ἄλλα, ἔννομον πλεῖον τεκνοποιῖαν αὐτῶν εἶναι κελεύσας. Quæ verba Latine reddam, quoniam in hac parte recta non est, quod ejus pace dictum sit, Xylandri interpretatio: qui δ' γενῆ illic pro *patricio* accepit, cum *ingenium* procul dubio significet. Sic enim Theophilus *lib. 1. Institut.*, & Constantin. Harmenop. *lib. 1. tit. ult.* δ' γενῆ definiunt: ὁ ἄρρεν τῶ τεκνῶν ἐλδύθηρας ἐστ. id est, *qui statim ac natus est, liber est.* Itaque recta est hæc, quæ sequitur, illius loci interpretatio: *Iam vero, quoniam masculorum ingenuorum numerus major erat, quam mulierum, potestatem fecit omnibus pro arbitrio, senatoriis exceptis, libertini generis uxores ducere; justosque esse, qui inde susciperentur, liberos constituit.* In eundemque lapidem & Zonaræ interpretis impegit in eadem Augusti constitutione referenda. Nam Zonaras ipsamet

Dionis.

a. in l. lege Papia. 23. D. de ritu nupt. *b* lib. 54.

Dionis verba in suos annales transcripsit: nec dissimilitudo ulla est in verbis, præterquam quod pro ἐξελούμενος, ἀπιδούμενος, pro βελούοντων, βελούτων Zonaræ codex habet. Hoc vero est, quod Marcellus significat *a*, *Observandum esse*, inquit, *ut inferioris gradus homines*, equestris utputa vel plebei ordinis, *uxores ducant eas, quas, qui altioris dignitatis sunt*, veluti senatores, *ducere, legibus, propter dignitatem, prohibentur.*

Excipiebat autem lex quasdam personas, quas ne inferioris quidem ordinis hominibus, dummodo ingenuis, ducere permittebat. Veluti *lenam, à lenone lenæve manumissam, vel eam, quæ palam quæstum corpore faceret, fecisset. item in adulterio deprehensam, vel judicio publico damnatam, vel quæ artem ludicram exercuisset.* Cujus exceptionis auctorem laudo locupletem, Ulpianum nimirum, in *fragmentis Titulorum ex ejus Corpore excerptorum*, Tit. de calibe, orbo, solitario. Atque ad hoc legis Juliæ de maritandis ordinibus caput referenda esse censeo, quæcunque de ingenuorum statu & conditione ex Ulpiani libris ad l. Jul. & Pap. in Pandectis tractata reperiuntur. Ingenuum namque habendum cum qui ingenuus pronunciatus fuisset, licet natura & re vera ingenuus non esset, Ulpianus lib. 1.

ad

a-l. observandum. 42. D. de ritu nupt.

ad l. Iul. tradiderat, ut ex inscriptione l. ingenuum, D. de statu homin. liquet. Idque nimirum propter rei judicatæ auctoritatem, quæ pro veritate habeatur. Unde & hausta est illa juris regula, quæ *rem judicatam pro veritate haberi* definit. Cui tamen non in hac modo specie, sed & in omnibus causis, in quibus de statu, conditione, qualitateque personæ quæstio vertitur, locus est. In his enim vel maxime sententia jus facit *a*. Eodem libro Ulpianus, in hujus capituli, ut verisimile est, interpretatione, scripserat *b*, Si quis per collusionem ingenuus esse pronuntiatus esset, medio tempore, id est, ante collusionem detectam, & post sententiam de ingenuitate dictam, quasi ingenuum accipi.

Lenas autem, ut singula legis verba expendamus, Ulpianus *ad edictum prætoris, sub titulo de his qui notantur infamia*, dici ait *c* eas, quæ per mulieres quaestuarias prostituunt. Nec refert, suo, an alterius nomine, id genus vitæ exerceant. Ac nec illud interest, principaliterne hoc negotium gerant, vel alterius negotii accessione utantur *d*. Ut puta, si cauponam quis, vel stabulum exer-

a l. adoptivum. §. 1. D. de in jus voc. l. siye contra. 3. D. de liber. agnosc. l. Papinianus. §. si ex causa. D. de inoff. test. *b* l. 4. D. de collusion. deteg. *c* l. 4. §. ait prætor. D. de his qui not. inf. *d* l. palam. §. lenonem. D. de ritu nupt.

exercens, mancipia quæstuararia habeat, occasione ministerii quæstum corpore facientia, is lenonis loco habebitur. Lenones porro, lenæque, edicto prætoris, infamia notabantur. Proinde nec accusandi publico iudicio jus habebant *a*: & ut viles, turpes, famosæque personæ, in adulterio deprehensi lenones, à maritis impune occidi poterant *b*. Et merito certe, ignominia huiusmodi personas notandas, veteres censuerunt: quas, cum Terentio *c*, *pestem perniciemque communem adolescentium*; & cum Justiniano *d*, *ὁλεθρίας καὶ κτηνὰς λυμεῖσθαι τῇ πόλει*, vocare jure possumus. Quapropter silentio prætermitti Q. Metelli iudicium non debet, qui, in prætura urbana, Vetibio lenoni bonorum possessionem secundum tabulas denegavite, sepevandam fori ac lupanaris conditionem existimans, jurisque ac legum auxilio indignoscens eos, qui tantam civitati labem inferrent. Laudanda quoque Honorii & Theodosii constitutio, qua lenones patres dominosve, quos necessitatem filiabus ancillisve peccandi imposuisse constiterit, non solum potestatem, quam in eos habebant, amittere, sed & proscriptionis exiliique pœna plecti, sanciunt *f*. Denique, nec satis unquam pro merito Justinianus

a l. qui iudicio. 4. D. de accusat. *b* l. marito. 24. D. de adulter. *c* in Adelph. *d* Novella 14. *e* Valerius Max. lib. 7. cap. 7. *f* l. ult. C. de spectac. lib. 11.

stinianus laudabitur, qui genus hoc hominum urbe regia pelli, eosque, qui illecebris puellectas puellas ad quæstum alere compertissent, acerbissimis pœnis subjici voluit *a*.

Verum videamus, quænam palam quæstum corpore facere ex legis Papiæ sententia intelligerentur. *Palam*, Ulpiano interprete *b*, est, *coram pluribus*: eique voci plerumque socia adjungitur vox *aperte*: quarum altera, ut Asconius Pædianus distinguit, ad publicum conspectum, altera ad dictorum significationem pertinet. Valer. Max. lib. 6. cap. 1: *Cum de stupro nihil negaret, sed sponfionem se facere paratum diceret, quod palam atque aperte corpore quæstum factitasset*. *Palam* autem quæstum fecisse, non ea tantum existimatur, quæ se in lupanario, &, ut Tertul. loquitur, publicarum libidinum loco, prostituit; verum etiam, si quæ in taberna, vel caupona, aut alicubi alias, pudori suo non parcat *c*. Cujusmodi feminis olim, propter infamiæ notam, turpitudinemque vitæ, testimonii dictio non erat: legeque adeo Julia de vi, nominatim cavebatur *d*, ut ne ad testimonii fidem admitterentur.

Et, quoniam hic se de impudicis mulieribus agendi locus offert, non alienum erit, quæ

a Novella. 14. *b* l. palam. 33. D. de verb. signific. *c* d. l. palam. D. de ritu nupt. *d* l. 3. §. lege Julia. D. de testib.

quæ de re meretricia ex veteri memoria observando notavi, in medium producere. Nec enim erit inutilis aut injucunda hæc à proposita oratione digressio. Primum autem invenio, publicarum libidinum victimas atque hostias (sic enim Tertullianus non semel a meretrices appellat) Romæ sub fornicibus prostare consuevisse. Inde illud Horatii in Sermonibus b:

Contra, alius nullam, nisi olenti in fornice stantem.

Qua periphrasi meretricem designat. Idem, eodem loco: (Macte

Quidam notus homo, quum exiret fornice, Virtute esto, inquit, sententia dia Catonis. Nam simul ac venas inflavit tetra libido, Huc juvenes aquum est descendere; non alienas. Permolere uxores. —

Seneca, in lib. De beata vita, *Voluptas*, ait, *humile, servile, imbecillum, caducum, cui statio ac domicilium fornices & popina sunt.* Arnobius, lib. 2. adversus gentes: *Stant in lupanaribus promptæ, in fornicibus objectæ.* Plautus, Bacchidibus:

Omnes fornices, lustra, & lustrales cellulas, quasi sediulo.

Martialis, lib. 1. Epigram.

At meretrix abigit testes veloque seraque:

Raraque

a in lib. de cultu feminar. & in lib. de spectacul. b lib. 1. Sat. 2.

Raraque summoeni fornice rima patet.

Arbiter Petronius, Satyrico: Tandem, imo jam sero, intellexi, me in fornicem esse deductum: execratus itaque anicula insidias, operui caput, & per medium lupanar fugiens, cepi in aliam partem. Isidorus, lib. 10. Etymologiar. Fornicatrix est, cujus corpus publicum ac vulgare est. Ha sub arcuatis prostisuebantur, quae loca fornices dicuntur, unde & fornicaria. Sed & in lexico Latinogræco suburbicariæ ædis B. Germani Parisiensis ita scriptum reperi: Fornicaria, πόρνη δὲ ἡ γυνὴ ἡ ἱερὰ, ἐν ἣ ἱερὰται.

Lupanaris vero vocabulum unde ductum sit, Lactantius, lib. 1. divinar. instit. cap. 20. sic exponit, de Acca Laurentia agens: Fuit enim Faustuli uxor: &, propter vulgati corporis vilitatem, Lupa inter pastores, id est, meretrix, nuncupata est. unde etiam lupanar dicitur. B. Hieronym. in Chronic. Eusebii: Verum parvulos, prope ripam Tiberis expositos, Faustulus, regii pastor armenti, ad Accam Laurentiam uxorem suam detulit; quæ, propter pulchritudinem, & rapacitatem corporis quæstuosi, Lupa à vicinis appellabatur. Vnde ad nostram usque memoriam meretricum cellula lupanaria dicuntur. Idem & Isidor. tradit; lib. 18. Etymolog. cap. 42. Græci porro εἰκνυæ vocant. Sic enim Dio, lib. 59, Messalinæ libidinem narrans, loquitur:

tur: Ἡ δὲ καὶ ἐπ' οἰκήματος, ἐν τῇ Παλατίᾳ, αὐτὴ πένθη ζέει, καὶ ἄλλας τὰς πρῶτας ἐκείδει-
 ζεν. Invenitur & hoc verbum apud Xiphili-
 num in *Helio gabalo*. Καὶ τέλος, ait, ἐν τῇ
 Παλατίᾳ οἰκημάτων ἀποδείξας, ἐν ταῦτα ἡ σέλ-
 γαισι. Ubi interpres οἶκημα, *cubiculum*,
 non iatis apte, vertit: cum *cellam*, vel *lupa-*
nam, commodius reddere potuisset. Suidas:
 Οἰκήματι, τὰ χαμαὶ τοπέια. Hesychius: Οἰ-
 κημα, τὸ δεσμωτήριον. Ἀτίκθι δ', τὸ πορνείον.

Ex illo autem Martialis à me supra prola-
 to versu, sub mœnianis & projectis abditas
 fuisse meretricum cellas, colligere est: qua
 ratione idem auctor scorta, submœnianas
 uxores, *lib. 12. Epigr.*, vocat:

Et plena, inquit, *turpi matris olla resina*,
Submœniana qua pilantur uxores.

Unde etiam explicantur sequentes ejus-
 dem poetæ versus, qui *lib. 11. Epigr.* legun-
 tur:

Submœnianis inquinatiores buccis.

Quem cum fenestra vidit à Suburrana,
Obscœna nondum lena, fornicem clausit.

Ex quo etiam liquet, in Suburra, quæ in se-
 cunda urbis regione sita erat, meretricum
 mansionem fuisse, quod versus hi Priapeo-
 rum significant:

Nota Suburranas inter Theletusa puellas:

Quæ, puto, de questu libera facta suo est.
 Et hinc fortasse est, quod in descriptione
 urbis

urbis Romæ, in eadem cum Suburra regione, lupariæ, tam à Pub. Victore, quam à Sexto Ruffo, ponuntur. Sed extra urbis mœnia quædam prostabant meretrices, quas *extramuranas* idcirco Lampridius in *Heliogabalo* vocat. Quin & in theatris, & in aliis urbis locis, meretrices constitisse, non dubium est. Idem Lampridius in *Heliogabalo*: *Fertur una die ad omnes circi, theatri, & amphitheatri, & omnium urbis locorum meretrices, tectus cucullione mulionico, ne agnosceretur, ingressus.* Idem alias: *Omnes de circo, de theatro, de stadio, & omnibus locis & balneis meretrices collegit in ades publicas.* Isidor. lib. 18. Etymolog. cap. 42: *Idem vero theatrum, idem & prostibulum, eo quod post ludos exactos meretrices ibi prosternerentur.* Ex quibus satis abundeque probatum arbitror, in fornicibus & submœnianis meretricum cellulas positas structasque fuisse: quas, quod & humi depressæ essent, & exiguum lumen admitterent, obscuras esse, fuliginisque plenas, plerumque continebat. Qua de causa Seneca in libris *Controversiar. fornicis fuliginem* dixit. Auctor quoque Priapeorum:

Quilibet huc licebit intret

Nigra fornicis oblitus favilla.

Indeque Horatius *olentem fornicem* dixit, lib. 1. Sat. 2. ut & Prudentius, lib. 2. contra Symmachum,

— *spur-*

— *spurcam redolenti fornice cellam.*

Certa vero meretrici cuique cellula constituebatur, propriusque ei titulus inscribebatur, quo & prostitutæ nomen, & quantum uno concubitu mereret, designabatur: quo facilius in eam quisque incideret, ad quam animum appulisset; pretiumque concubitus à se pendendum sciret. Seneca, lib. 2. Controversiarum: *Deducta es in lupanar: accepisti locum: pretium constitutum est: inscriptus est titulus: hætenus in teinqui-ri potest. Ceterum, nescio quid cellulam & ob-scœnum lectulum vocas.* Et paulo post: *Meretrix vocata es, in communi loco stetisti, superpositus est cella tua titulus, venientes recepisti.* Et alias: *Stetisti cum meretricibus: stetisti sic ornata, ut populo placere posses; cum veste quam leno dederat: nomen tuum pependit in fronte, pretia stupri accepisti.* Inde Martialis inscriptam cellam pro lupanario dixit. *Intrasti, ait, quoties inscripta limina cella, Et puer arrisit, siue puella, tibi.*

Hoc ipsum Juvenalis aperte expressit a, Messalinam exagitans, Claudii imperatoris uxorem, libidinis prodigiosissimæ feminam; cujus explendæ causa, toro conjugali relicto, meretricis habitu plerumque in lupanar noctu descendebat, venientesque, nomine insignioris fornicariæ sibi accom-

accommodato, usque ad satietatem admittebat.

Respice, inquit, rivales divorum: Claudius, audi,

Qua tulerit. Dormire virum cum senserat uxor,

Ausa Palatino tegetem praeferre cubili,

Sumere nocturnos meretrix Augusta cucullos.

Linguebat. Comite ancilla non amplius una,

Et nigrum flavo crinem abscondente galero,

Intravit calidum veteri centone lupanar,

Et cellam vacuum, atque suam. Tunc nuda papillis

Constitit auratis, titulum mentita Lycisca,

Ostenditque tuum, generose Britannice, ventrem.

Excepit blanda intrantes, atque ara poposcit.

Mox, lenone suas jam dimittente puellas,

Tristis abit: sed, quod potuit, tamen ultima cellam

Clausit, adhuc ardens rigida tentigine vulva:

Et, lassata viris, nondum satiata, recessit:

Obscurisque genis turpis, fumoque lucerna,

Fæda lupanaris tulit ad pulvinar odorem.

Quod autem superiores auctores titulum,

Tertullianus elogium appellat in lib. de spectaculis.

Ipsa etiam, ait, prostibula, publica libidinis hostia,

in scena proferuntur, perque

omnis ætatis, omnis cognationis ora transducuntur:

tur : locus , stipes , elogium , etiam quibus opus non est , pradicantur. Utitur tamen ille auctor tituli verbo in eandem sententiam in lib. de pudicitia : Et ubi, ait, proponetur liberalitas ista ? Ibidem , opinor , in ipsis libidinum januis, sub ipsis libidinum titulis : illic hujusmodi pœnitentia promulganda est.

Inter meretricem plane & prostibulum hanc veteres differentiam posuisse, Nonius Marcell. notat, quod meretrices copiam sui tantummodo noctu facerent ; prostibula vero ante stabulum starent, quæstus diurni & nocturni causa. Et ad hanc comprobendam differentiam, Plauti Cistellaria locum producit. Eademque ratione *prosedas* appellatas ab eodem Plauto meretrices quæ ante stabula sederent, Sext. Pomp. lib. 14. docet : locus vero Plauti, de quo sentit, ex Pœnulo, *Act. 1. Sc. 2.*, petendus est. Quorum locorum auctoritate adductus credo, apud Petronium Arbitr. verbum hoc corruptum esse: nam in Satyrico scriptum veteres libri habent, *jam pro sella meretrix assem exegerat*; cum, meo quidem judicio, scribendum sit, *jam proseda meretrix.*

Cum vero ait Juvenalis, *tunc nuda papillis constitit auratis*, morem meretricum signat. Quas nudas prostare consuevisse, didici ex Xyphil. in Heliogabalo. Εἰ τὰ Παλλία, inquit ille, εἰκήμεναι ἀπδείξας, ἐνταῦ-

ταῦτα ἡσέλλαινε· γυνὴός τε αἰεὶ ἐπὶ τῇ θύρῃ
αὐτῇ ἐστὼς, ὥσπερ αἱ πύργαι. Petronius Arbi-
ter, in Satyrico: *Cum ego negarem, me co-*
gnoscere domum; video quosdam inter viculos,
nudasque meretrices, furtim spatiantes. Enim-
vero, apud ædiles, flagitium profiteri, suum-
que nomen edere, meretrix cogeatur. Cor-
nel. Tacit. lib. 2: *Nam Vistilia, pratoria fa-*
milia genita, licentiam stupri apud adiles vul-
gaverat, more inter veteres recepto, qui satis
pcenarum adversus impudicas in ipsa profes-
sione flagitii credebant.

Sed & meretricum erant ab honestarum
matronarum cultu, atque ornatu, distincta
vestimenta: quemadmodum in nostris sele-
ctarum ex jure civili antiquitatum Commen-
tariis fusissime comprobavimus. Nec in sto-
læ modo, & pallæ usu, sed & in crinium co-
lore, differentia ea cernebatur. Siquidem, ut
Servius in 4. *Æneidos* notat, matronis ni-
gra coma, meretricibus flava, probabatur:
quod ex eo Juvenalis, quem modo retuli,
loco confirmatur.

Et nigrum, ait, flavo crinem abscondente ga-
lero.

Valerius, lib. 2, de matribus familias agens:
Indulgentibus namque maritis, & auro abun-
dante & multa purpura usa sunt, quo for-
mam suam concinniores efficerent: summa
cum diligentia capillos cinere rutilarunt.

Ceterum, meretricum quæstum vectigali obnoxium esse Caligula voluit, tributumque illud primus instituit: cujus ad hæc usque tempora exemplum manere dicitur. Sic enim Tranquillus in ejus vita scribit *a*: *Ex gerulorum diurnis quæstibus pars octava, ex captivis prostibulorum quantum quaque uno concubitu mereret: additumque ad caput legis, ut publico tenerentur, qua meretricium, quæve lenocinium fecissent.* Meminit ejus & Lampridius in Alexandro. *Lenonum, ait, vectigal, & meretricum, & exoletorum, in sacrum ararium inferri vetuit, sed sumtibus publicis ad instaurationem theatri, circi, amphitheatri, & ararii, deputavit.* Cui non absurdum tributum in urbe quoque Constantinopolitana pendi & exigi consueverat. *Χερσαίονες* id appellabatur. Quod tandem ab Anastasio sublatum est *b*: qui omnes ejus tabulas magno studio conquistas flammis aboleri curavit, ut ejus instaurandi revocandique facultatem posteris præcideret.

Porro, meretrices ut plurimum servilis, aut certe libertinæ conditionis erant. Plautus, Cistell. act. 1. sc. 1:

*Eunt depressum: quia nos sumus libertina.
Et ego, & mater tua, amba meretrices fuimus.*

Livius,

a cap. 40. *b* Zonar. tomo 3. Annal. in Anast. Niceph. hist. Eccles. lib. 16. cap. 40.

Livius, lib. 39: *Scortum nobile, libertina Hyspala, Fecenia, non digna quaestu cui ancillula adsueverat, etiam postquam manumissa erat, eodem se genere tuebatur.* Lamprid. in Helio-
gabalo: *Meretrices à cunctis lenonibus redemit saepe, & manumisit.* Ac plane senatus-consulto, Tiberii temporibus facto, quaestum corpore facere ex mulieres vetitæ sunt, quarum avus, pater, maritusve, equo publico meruisset. Tacitus, lib. 2: *Eodem anno gravibus decretis libido feminarum coercita est; cautumque, ne corpore quaestum faceret, cui avus, aut pater, aut maritus, eques Romanus fuisset.*

Sed hæc fuerit, ut ait Thucydides, ἐκ τοῦ λόγου non inutilis. Ut igitur ad legis interpretationem redeam, siue in summœniana cella, & fornice, mulier corpus suum vulgaverit, siue alibi, ut cum Imperatoribus loquar, venalem & formam exhibuerit, & prostitutam meretricio more vulgo se præbuerit, lege Julia notatur. *Palam* enim hic accipimus, *passim* & *sine delectu*. Nec interest, pecunia accepta, an sine quaestu palam se prostituerit. Quæ vero cum uno, aut item altero, licet pecunia accepta, se commiscuit, in eadem causa non est. Nec vero ea tantum, quæ palam quaestum corpore facit, sed & quæ aliquando fecit, licet facere desierit, ab ingenuorum nuptiis

G 3

repelli-

• in l. si ea. 22. C. ad l. Jul. de adult.

repellitur. Non enim contracta ex anteaactæ vitæ turpitudine macula, pœnitentia aboletur. Addit Ulpianus, hujus loci interpretationem persequens, ei non ignosci, quæ, obtentu paupertatis, quasi egestate coacta, turpissimam vitam elegit, similis Chryſidi illi Terentianæ, quæ se inhoneste optavit parare divitias, quam in patria honeste pauper vivere.

Prohibebantur præterea ingenui in adulterio deprehensas ducere. Nec exigebat lex, ut damnatæ essent. Igitur, etsi post deprehensionem absolutæ essent, adhuc tamen illis nota ex ipsa deprehensione, quam solam lex spectabat, contracta oberat *a*. Enimvero, nec pœnæ, nec infamiæ, qua ob crimen adulterii plectitur mulier, non accusata, nec damnata, subjicitur *b*; etsi nuptiis ejus, si deprehensa est, abstinere ingenuos lex Julia de maritandis ordinibus præciperet. Non distinguimus hic, ut in l. Julia de adulteriis, à quo, vel ubi, deprehensa sit. Proinde siue maritus, siue quis alius, deprehendisse proponatur, & siue in domo patris, vel mariti, siue alibi usquam deprehensa sit, erit notata, secundum verba legis. Atque hæc ita de ea, quæ sponte peccarit, accipienda sunt. Vim passam enim integræ existimationis

a l. palam. §. quæ in adulterio. D. de ritu nupt.
b l. etsi. 12. C. ad l. Jul. de adult.

nis esse, nec nuptias ejus aliis interdici, merito placuit *a*. Damnatam porro ex causa veri adulterii commissi ducere uxorem, etiam lex Julia de adulteriis vetabat. Quinimo factum hoc pro adulterio vindicabat *b*. Ob aliam vero causam lege Julia damnata, veluti quod domum præbuisset, pretiumve pro comperto stupro accepisset, impune ducebatur *c*. Quamquam senatusconsulto postea eæ nuptiæ senatoribus interdictæ videantur *d*. Maritus plane, ream adulterii à se jure mariti vel extranei postulatam, post abolitionem denuo uxorem ducere, & quidem citra legis Juliæ pœnam, potuit *e*. Is enim in eam legem committit, qui vel publico judicio damnatam in matrimonio habet, vel adulteram sciens, ut ignorantiam simulare non possit, retinet uxorem *f*. Ab extraneo vero adulterii rea, nec ante damnationem uxor, duci potest *g*. Bene itaque Papinianus, cum Mævius, in adulterio Sempronix damnatus, eandem Semproniam, non damnatam, uxorem duxisse proponeretur, eique moriens hereditatem reliquisset, re-

G 4

spon-

a l. foedissimum. C. ad l. Jul. de adult. *b* l. mariti. 29. §. 1. D. ad l. Jul. de adult. l. castitati. 9. C. cod. tit. l. auxilium. D. de minoribus. *c* d. l. mariti. §. 1. *d* d. l. palam. §. senatus. D. de ritu nupt. *e* l. generali. 34. §. ream. D. de nupt. *f* l. sine metu. 17. C. ad l. Jul. de adult. *g* l. reas. 26. D. de ritu nupt.

spondit *a*, neque tale matrimonium stare, neque hereditatis lucrum ad mulierem, sed ad fiscum, pertinere. Similiterque, si talis mulier virum heredem instituisset; ab eo, quasi ab indigno, hereditatem auferri.

Verum enimvero, quando in legis Juliae & Papiae explicationem ingressi sumus, è re est, reliqua ejus capita ad rem uxoriam pertinentia persequi. Invenio autem, legibus illis (quod tandem à Justiniano abrogatum est) eas nuptias, quas vir sexagenarius cum uxore quinquagenaria contraheret, fuisse improbatas *b*. Unde scite Lactantius, lib. 1. de falsa rel. cap. 16, *Virum*, ait, *sexagenarius factus est, & illi lex Papia sibiulam imposuit? an impetravit jus trium liberorum?* Ac plane Apuleio inter cetera criminis loco objectum ab adversariis legimus, quod sexaginta annos natam feminam duxisset: idque factum accuratissime ille, *Apolog. pro se ipso secunda*, diluit ac purgat. Improbabat autem lex ejusmodi nuptias, tanquam liberorum quærendorum causa minime contractas, veroque conjugii fructu ac sine destitutas. Hoc enim in illis legibus condendis agebat Augustus, ut exhaustam bellis civilibus civitatem sobole repleret. Sexagenarius autem ut generandi, ita quin-
quage-

a l. Claudius. 13. D. de his quæ ut indign. *b* l. penult. C. de nupt.

quagenaria pariendi impotens esse vulgo existimatur *a*. Aristoteles quidem certe in *Politicis* *b* finem gignendi ut plurimum viris septuagesimum annum adferre, mulieribus vero quinquagesimum, scribit. Itaque Dionysius Halicarnassicus, *lib. 4*, eorum sententiam refellens, qui Lucium & Aruntem Tarquinius, Tarquinii Prisci fuisse filios, non nepotes, credunt, id admitti non posse, argumento ejusmodi docet: Ἡ γυνὴ ὅτε πεν-
τε ἔτεσιν ἢ αὐτῇ νεώτερά, καὶ ὥστε εἰς ἡμέ-
τερας οὐδὲν αὐτῇ δὴ πᾶς καὶ πῶς ἔχεν ἔτι,
ὅτε ἐπέθνησκε Ταρκύνιος, ἐπειδὴ τὸ νεώτερον
τῷ ἡν ἔσχατον ἐκύνησεν, ἔτι ἔχουσα πεντηκῶν.
αὐτοῦ γὰρ ὅσον ἐπὶ κύσεται τέτταρ' ἔχουσα
γυνή, ἀλλ' ἐστὶν αὐταῖς τῷ αὐτῶν ὅσον, ὡς οἱ
ταῦτ' ἐξηλεκτότερος γράφουσιν. Sed & idem Ari-
stoteles *c*, in libro de *Natura Animalium*,
raro contingere, ut ad septuagesimum us-
que annum vir generet; frequentius ve-
ro quinto & sexagesimo anno generandi
vires consumi, tradit. Ideoque Dionysius
Halicarnassicus, in eo, quem paulo ante
citavi, libro: Ἄνω δὴ γίγνεται πάλιν ὁ
γαμῶς τῷ Ταρκύνι μικρὸν ἀπολείποντι ἑταῖ-
ον οὐδὲν ἔχοντι. καὶ ἡ τῷ τέκνων γένεσι τοῖς ταύ-
τῳ ἔχουσιν τὴν ἡλικίαν ἄπιστον. Quapropter
apud Plautum, *Mercatore* *d*, has Eutychus

G 5 senibus

a l. si sterilis. *21* D. de aet. emt. l. si major. *12* C. de legit. hered. *b* lib. 7. c. 16. *c* lib. 1. *d* scena ult.

senibus sexagenariis, quasi à re venerea jam
per ætatem exclusis ac submotis, leges dicit:
Annos natus sexaginta qui erit, si quem sci-
bimus,

Seu maritum, siue hercle adeo calibem, scor-
tariæ,

Cum eo nos hic lege agemus.

Similiter Micio apud Terentium, *Adelphis*,
Demeæ suadenti ut uxorem duceret,

— *Satin', ait, sanus es?*

Ego novus maritus anno demum quinto &
sexagesimo

Fiam? —

Mulierem vero post quinquagesimum an-
num non parere, Plinius absolute definit *a*,
majoremque partem quadagesimo proflu-
vium genitale sistere. Solinus quoque, post
annum quinquagesimum omnium mulierum
fecunditatem conquiescere, in *Polyhistore*
tradit. Ac plane, quibus cruor mens-
truis intervallis fluere destitit, eas jam concipe-
re non posse, ab auctoribus medicinæ con-
stanter affirmari, B. Augustinus auctor est *b*.
Subjicit vero Plinius, Masinissam regem
post octoginta sex annos filium generavisse,
qui Methymnus appellatus sit. Cui & Vale-
rius Maximus *c*, & Florus *d*, & Solinus, con-
sentiunt. Quod de eo minus mirum vide-
tur,

a lib. 7. Natur. hist. cap. 14. *b* lib. 3. contra Ju-
lian. Pelag. *c* lib. 5. c. 14. *d* in epitome Liv. lib. 59.

tur, quem vel ante omnes homines robore senectæ admirabilem fuisse, literarum monumentis proditum est. Qui, quemadmodum Cicero refert, in libro quem de senectute scribit, vel nonaginta annos natus, nullo unquam imbri, nullo frigore, ut capite operto esset, adduci potuerit, & pedibus iter ingressus, in equum omnino non ascenderit. Sed & Catonem Censorium idem Plinius *a*, cum Solino; octogesimo exacto anno filium è Salonii clientis sui filia, avum Catonis Uticensis, procreasse scribit. Unde Plutarchus in ejus vita, nuptias eum contraxisse *ε' καθ' ηλικίαν*, ait. Beatus quoque Augustinus suis temporibus senem octoginta & quatuor agentem annos ad libidinem sibi Lyristriam emisse refert *b*. Verum ea leges, quæ *ἐπὶ τὸ πλεῖστον* accidunt, spectant; non quæ *ἐκ τῶν λόγων*. Et ideo alienam à nuptiis contrahendis superius memoratam ætatem, velut liberorum suscipiendorum spe destitutam, præmiis adficiendam non existimarunt. Atque hic succurrit, quod de Augusto Valerius Max. narrat *c*; aditum eum à Trachallis, testamento Septitiæ matris præteritis, quæ iis irata, jam pariendi impotens, seni admodum nupserat; tam supremum ejus judicium, quam nuptias, im-

G 6

pro-

a lib. 7. cap. 13. *b* lib. 3. contra Julian. Pelag. lib. 7. cap. 7.

probasse. Nam hereditatem maternam filios habere jussit; dotemque, quia non procreandorum liberorum causa conjugium intercesserat, ad virum pertinere noluit. Eleganter itaque Dionysius matri jam effectæ, nuptias juvenis appetenti, civitatis quidem leges à tyranno abrogari violarique posse, naturæ vero præceptis vim adferri, nuptiarum in ætate minime ad eam rem idonea conciliandarum causa, non posse, respondit. Qua de re verba Plutarchi in *Solone* subjicere, operæpretium fuerit: Ο μὲν γὰρ, αἰτ, Διονύσιος, ἀξιώσης τ' μητρὸς αὐτῆς ἰδοῦσθαι πνὶ τ' πολιτῶν πρὸς γάμον, ἔφη, τὰς μὲν τ' πέλειως νόμους ἀελυκέναι τύραννον, τὰς δ' τ' φύσεως ὅτι εἶναι δυνατόν βιάζεσθαι γάμους νυμφαγωγῶν παρ' ἡλικίαν. Quo loci in ejusmodi intempestivas imparesque nuptias ita invehitur: Ἐν ταῖς πόλεσι τὴν ἀξίαν ταῦτίῳ ἔδοτεον, ἐδὲ ἀειοπλίον αἰῶρας ἢ ἀχαρίτας ἐπιπλοκαῖς, ἢ μηδὲν ἔργον γαμήλιον ἔχουσας, μηδὲ τέλει. Ἀλλὰ γέροντι νέαν ἀγαμέρην φαίη τις ἂν ἐμμελὲς ἄρχων ἢ νομοθέτης τὸ πρὸς τὸν Φιλοκτήτῳ. Εὐγ' ἔνως γαμεῖν ἔχεις, τέλας. Καὶ νέων ἐν δωμάτῳ, πλοκῆς πρεσβυτιδος, ὥππερ οἱ πέριδες ἀπὸ στυγρίας παχυνόμενοι, ἔξασθρῶν, μετ' αἰσῶς πρὸς παρθένον νύμφῳ ἀνδρὸς δεομένῳ. Enimvero, huic, de quo agimus, legis capiti, Claudium Cæsarem obrogasse legimus, cum comperisset, etiam sexaginta annos

annos natis, aut eo amplius, generandi vi-
res inesse. Sic enim Suetonius in ejus vita *a* :
Capiti Papia Popæ legis, à Tiberio Casare ,
quasi sexagenarii generare non possent, edicto,
obrogavit. Obrogari enim dicitur, cum prior
lex, alia lege lata, postea aliqua ex parte com-
mutatur. Quod circa Papiam legem senatus-
consulto Claudiano factum esse, ex Ulpiani
fragmentis liquet, in quibus *b* ita est : *Sed*
Claudiano senatusconsulto major sexagenario ,
si minorem quinquagenaria duxerit, perinde
habebuntur, ac si minor 60 annorum duxisset
uxorem. Quod si major quinquagenaria mi-
nori sexagenario nupsisset, impar matrimonium
appellabatur, nec ad capiendas hereditates vel
legatas dotes proficiebat. Plane, postquam
conjuges, supra sexagesimum masculi, su-
pra quinquagesimum feminae, in matrimo-
nio perstitierant, solidum inter se capere, per-
inde ac si liberos suscepissent, eodem Ulpia-
no teste, poterant: cum imputari eis nihil pos-
set, quorum conjunctio ad ætatem à prolis
generatione alienam pervenisset. Et hoc bea-
tus Augustinus significat, cum ait *c*: *Pro mo-*
do nunc temporis, quo longe brevioris spatio vi-
vant homines, intra centum annos ambo-
rum generare posse dicuntur. Si vero in sum-
mam ducti amborum anni centenarium nu-
merum excefferint, sic asseverantur non posse

G 7

filios

a cap. 23. *b* Tit. 16. *c* lib. 3, contra Jul. Pelag.

filios procreare, etiam si fecunda sit mulier, & fluentibus adhuc muliebribus possit ex juvene: ut jure etiam fuerit constitutum, nequaquam jus liberorum haberet, nisi cum amborum anni computati & simul adducti centenos transisse docerentur. Sic enim locum emendo, fretus Ulpiani auctoritate, qui tum inter se conjuges solidum cepisse scribit, cum lege Papia finitos annos excessissent, id est, vir annos sexaginta, uxor quinquaginta. Jus enim liberorum, cujus Augustinus meminit, ad solidi capionem, de qua apud Ulpianum agitur, pertinet. His & alius ad rem faciens ejusdem Augustini locus adjungendus est ex lib. 1. Quest. in Genesin. in quo ita est: Sic enim medici tradunt, quoniam, cujus corpus viri secundum hoc jam defecit, ut cum femina proVectioris ætatis, quamvis menstrua adhuc patiatur, generare non possit, de juvencula potest. Et rursus mulier, qua jam proVecta ætatis est, quamvis adhuc menstrua fluant, ut de seniore parere non possit, de juniore potest.

Alio præterea, quemadmodum Ulpianus auctor est *a*, legis Juliæ de maritandis ordinibus capite, tutor à Præatore urbano ei mulieri virgini, quam ex ea lege nubere oportebat, dari jubebatur ad dotem dandam, dicendam, promittendamve, si legitimum

tuto-

tutorem pupilla non habebat. Eoque pertinet, quod idem alias *a* scribit, non tantum ad dotem dandam nupturæ curatorem dari oportere, verum etiam ei quæ jam nupta est. Ut enim Mutianus Capella, lib. 9. de nuptiis Philologia scribit, *Etiam matrimonio copulato dotem dare viro femina nullis legibus prohibetur.* Et Paulus, lib. 2. Sententiar. *b*, *Dos*, ait, *aut antecedit, aut sequitur matrimonium. Et ideo vel ante nuptias, vel post, dari potest.* Sed & ad dotem augendam, & mutandæ quoque dotis gratia, curator dari potest. Plane in nuptiis contrahendis tutoris curatorisve consensus non exigitur, eoque spreto pupilla pro arbitrio suo recte nubit. Et ita Verus & Antonin. rescripserunt *c* in hæc verba: *Ad officium curatoris administratio rerum pupilla pertinet: nubere autem arbitrio suo potest.* Verum ei ad dotem constituendam tutor ex lege Julia dabatur. Quod si curator generalis, vel dotis dandæ causa constitutus, amplius doti promississet quam facultates mulieris ferrent ipso jure eam promissionem non valere, Terentius Clemens lib. ad legem Iuliam & Pap. scribit *d*, quia lege rata non habeatur auctoritas dolo malo facta.

a 1. non tantum. 7. D. de tutor. & curat. dat.
b Tit. 21. *c* 1. sciendum. 20. D. de ritu nupt.
d 1. siue generalis. 61. D. de jure dot.

facta. Qui locus perspicue indicat, lege Julia id fuisse comprehensum. Nec tamen tota obligatio, sed tantummodo, quod superfluum est, & amplius promissum quam promitti oportuerit, infirmabitur. Inutilis enim adjectio utilem dotis constitutionem vitare non debet. Quemadmodum & immodica donatio non omnino, sed quatenus duntaxat legis modum excedit, revocatur *a*. Potest vero mulier omnia bona sua in dotem dare: nec ulla lege hoc prohibitum reperitur *b*. Sed si in eo capta circumventaque est, quod ampliorem grandioreque, quam natalium splendor & viri dignitas postularet, dotem dederit, restitutionis auxilium probe implorat *c*. Ceterum separabat lex dationem dotis, dictionem, & promissionem. Dictionem quidem ita Caius in *Institut. fragment.* explicat *d*: *Sunt & alie obligationes, quae nulla praecedente interrogatione contrahi possunt. id est, ut, si mulier, siue sponso, siue jam marito, uxor futura, dotem dicat: quod tam de mobilibus rebus, quam de fundis fieri potest. Et non solum in hac obligatione ipsa mulier obligabitur; sed & pater*

a l. ut mihi. 27. §. 1. D. de donationibus. l. sancimus. in prin. & §. fin autem. Cod. eod. tit.
b l. nulla. 4. Cod. de jure dot. l. mulier. 72. D. eod. tit.
c l. si ex causa. 9. §. 1. D. de min. l. un.
d si adversus dotem. 4. lib. 2. cap. 9.

ter ejus, & debitor ipsius mulieris, si pecuniam, quam debebat, marito in dotem dixerit. Quæ tantum tres persona nulla precedente interrogatione possunt dictione dotis legitime obligari.

Sed ad alia pergamus. Lege etiam Julia de maritandis ordinibus, jusjurandum, Paulo teste *a*, remittebatur, quod liberto in hoc impositum erat, ne uxorem duceret; libertæ, ne nuberet; si modo nuptias contrahere recte vellent. Eodemque legis capite tricesimo quinto, qui liberos, quos in potestate habebant, injuria prohibebant uxores ducere, vel nubere, per magistratum cogebantur *b*. Fuisse quoque hæc fere verba eadem lege comprehensa, non temere adfirmare posse mihi videor: *Divortii faciendi potestas liberta, quæ patrono nupsit, invito patrono ne esto. Sed, quamdiu patronus eam uxorem esse volet, & uxor esse velle debebit.* Quæ verba ex duobus Ulpiani locis *c*, ex lib. 3. ad l. lul. & Pap. sumtis, perspicue eliciuntur. Idem etiam alias *d*, Si liberta, ait, ab invito patrono diversit, lex Julia de maritandis ordinibus, retinet istam in matrimonio, dum prohibet alii nubere invito patrono. Indequè etiam rescriptum

Alexan-

a l. adigere. 6. §. ultim. D. de jure patron. *b* l. capite. 19. D. de ritu nupt. *c* l. in eo jure. 45. D. de rit. nupt. l. ult. D. de divort. *d* l. un. §. 1. in fin. D. unde vir & ux.

Alexandri interpretandum est, ita habet *a*: *Liberta tua, ducendo eam uxorem, dignitatem auxisti; & ideo non est cogenda operas tibi prestare, cum possis legis beneficio contentus esse, quod invito te alii non possit juste nubere.* Patronum autem in hac lege accipimus, eum qui ex servitute sponte manumisit, vel filium ejus. Sed, an is, qui ex causa fideicommissi manumisit, hoc idem jus habeat, quæri potest. Hic enim pro patrono habetur, quamquam plurimum ab eo qui nulla necessitate cogente gratuitam præstitit libertatem, differt. Nec enim magnam ei gratiam libertus debet, qui vel nolente eo ad libertatem rapitur. Ideoque operas ei impondere, ut est ab Adriano rescriptum, in ipsa manumissione non potest *b*, nisi testatoris filius ejusmodi fideicommissio à patre ea mente, ut plenum jus patroni haberet, gravatus sit *c*. In tantum, ut & si manumitti cum ita testator, ut operas heredi extrario promitteret, voluerit, non cogatur manumissus promittere: sed &, si promiserit, in eum actio non dabitur; quod juri publico derogare non potuerit, qui fideicommissariam libertatem dedit *d*. Et tamen,

a l. libertæ. 8. C. de op. libert. *b* l. ut
 jussur. §. rescript. D. de op. libert. l. mater. 5. C.
 eodem tit. *c* l. qui ex causa. 29. D. de
 bon. libert. *d* l. cerdonem. 42. D. de oper.
 libert.

men, eos, quibus supremis judiciis libertas per fideicommissum relinquitur, eorum libertos effici, à quibus manumittuntur, negari non potest *a*. Sed non per omnia in eos patronorum jura sibi manumissores vindicant *b*. Nam honorem quidem & reverentiam patronis debitam ab iis exigere possunt *c*; & in jus sine venia eos vocare non conceditur *d*; & ad impuberum libertorum legitimam tutelam, utpote manumissores, vocantur *e*; & tam contra tabulas, quam ab intestato, ad libertorum bona veniunt *f* quasi patroni. Ceterum nec operas imponendi, ut dixi, nec ingratos libertos accusandi jus habent *g*, nec alimenta eis præstare liberti coguntur *h*. Magis est itaque, ut nec legis hujus beneficium habeant, qui necessitate coacti manumiserint. Idque ita constitutum fuisse, Marcellus *lib. 3. ad l. Iul. & Pap. scribit i*. Cui & Modestinus assentitur *k*. & merito: cum magis debitam libertatem præstitisse, quam ullum beneficium in mulierem contulisse, videantur. Diversa longe

a l. hi quibus. C. de fideicom. lib. *b* l. nequaquam. 24. D. de excus. tut. *c* l. mater. C. de op. lib. *d* l. is quoque. D. de in jus voc. & d. l. nequaquam. *e* l. 3. D. de legit. tutor. *f* l. qui ex causa. D. de bon. lib. l. 1. C. de bon. poss. contr. tab. *g* l. 1. C. de libert. & eorum liber. *h* l. si quis à liberis. §. si quis à liberti. D. de lib. adgn. *i* l. proxime. 50. D. de rit. nupt. *k* l. pen. D. de divort.

longe ejus, qui hac lege emit ut manumittat, causa est. Hic enim si manumiserit, ut patronus hoc jus habebit *a*, propterea quod sponte sua hanc legem subiit, quam ei ab initio recusare integrum erat. Quamobrem & ali hic à liberto, si egestas premar, debet, & in jus vocari sine venia non potest, & omnia omnino legitimorum patronorum jura nanciscitur *b*. Sed an idem servabimus, si, cessante eo, ex constitutione D. Marci servus ad libertatem ereptus sit? Non enim vindictam imposuit. Propius est tamen, & hunc quoque lege contineri: quippe qui patronus existimetur *c*, cum potestas legis factum manumissoris suppleverit, non etiam patronatus commoda ademerit *d*. Plane, qui ancillam suis nummis emit, pro patrono in hoc jure non habetur *e*: sicut nec libertum ut ingratum accusare, nec operas ab eo exigere, nec alimenta desiderare, nec ad bona ejus contra tabulas admitti jure potest *f*: licet honos ei servetur, ut nec in jus vocari citra veniam, si modo non

fidem

a l. in eo. 45. D. de rit. nupt. *b* l. 3. §. sed si hac. D. de bon. lib. *c* l. sed si hac lege. 10. D. de in jus voc. l. 3. §. is plane. D. de suis & legit. l. servum. 8. in fin. D. de jure patron. *d* l. justa causa. §. 1. D. de manum. vindict. l. ult. C. si mancip. ita fuer. ali. *e* d. l. in eo. §. 2. D. de rit. nupt. *f* l. si tuus. C. de oper. libert. l. si quis à liberis. §. si quis à liberti. D. de lib. adgn. l. 1. G. de bon. lib.

fidem fregerit, queat *a*. Patronus hic certe accipitur & qui collusionem detexit, per quam in ingenuitatem quis ex libertinitate obrepserat. Fraude enim hac patefacta, ejus libertum effici eum, minime dubium est *b*. Sed & si quis præjudicio patronus pronuntiatus est, cum alioquin non esset, pro patrono habetur *c*. In hac enim causa sententiam jus facere, receptum est. Aliter atque de eo dicendum est, qui se patronum esse juravit. Nec enim in hac parte, nec quod ad successionis jura attinet, pro patrono habetur *d*; tametsi in jus vocari sine venia non possit. Quodsi filiusfamilias, jussu patris, vel consentiente eo, non castrensis peculii ancillam manumiserit; existimo, etiam patrem legis beneficio fruiturum, quandoquidem manumisit ipse videtur, & patronus est *e*. Quodsi filiusfamilias in castris quæsitam ancillam manumiserit, ei legis hujus beneficium competet; cum suam, non patris libertam, eam fecerit *f*. Quod & ab Adriano rescriptum dicitur *g*. Et certe castrensis peculii ser-

vi in

a d. l. sed si hac lege. D. de in jus voc. *b* l. adoptivum. 8. §. patronum. D. de in jus voc. l. 4. D. de collus. deteg. *c* d. l. adoptivum. §. 1. D. de in jus voc. *d* l. si juravero. D. de jure patron. *e* l. si consentiente. D. de manumissionib. l. pater. D. de manum. vind. *f* d. l. in eo. §. 3. D. de rit. nupt. *g* l. servum. D. de jur. patr. l. 3. §. si quis filiusfa. D. de bon. lib.

vi in familia patris non computantur, nec in his juris quicquam pater habet. Quæsitum est, an, qui sibi cum alio communem libertam duxit, ad hoc jus admittatur. Quod negasse Javolenum, Caius *lib. 9. ad l. Iul. & Pap.* retulit *a.* Contra tamen alios sentire. Quorum sententiam magis probat, propterea quod ejus liberta sit, quamvis alterius quoque sit. Nam quod commune est, pro parte nostrum esse, negari non potest *b.* Filio etiam patroni in libertam paternam, eandemque uxorem, ex sententia legis, idem juris, quod patrono ipsi, datur *c.* Quod si fratri suo à patre adsignatam alter frater uxorem duxerit, hoc idem jus non habebit *d.* Nihil enim juris in hujusmodi liberta habet, quæ adsignatione fratris perinde propria facta est *e* atque si ab eo libertatem consecuta esset. quod senatusconsulto inductum est. Ceterum, de nupta liberta lex loquitur, nec ad sponsam pertinet. Et ideo sponsalium conditioni, invito patrono, renunciare liberta potest, nec cum alio conubium amittit *f.* Interdum plane, quæ de nuptiis statuuntur, ad sponsalia porriguntur: nimirum, ubi eadem ratio utrobique versatur. veluti, inter quos nuptiæ prohibentur,

a l. illud. 46. D. de rit. nupt. *b* l. servi. 5. §. 1. de legat. 1. *c* l. filio. 48. D. de rit. nupt.
d d. l. filio. §. ult. *e* l. 1. D. de adsign. lib.
f l. in eo jure. §. hoc caput. D. de ritu nupt.

bentur, inter eos quoque sponsalia, utpote viam ad matrimonium facientia, prohibita intelliguntur *a*. At, quod de nupta constitutum est, non protinus ad sponsam producendum est, quoniam arctiori vinculo constricta est quæ nupsit, quam quæ duntaxat desponsa est. Enimvero in ea demum, quæ juste, legitime, ac civiliter nupta est, lex locum habet. Nam, si ignominiosam libertam suam patronus duxerit, id est, quæ quæstum corpore fecerit, artemve ludicram exercuerit, vel judicio publico sit damnata, quia contra legem maritus est, legis hujus beneficium non habet *b*. *Indignus enim est beneficio legis qui adversus eam commisit* *c*. Nec tamen legitime duntaxat nuptam libertam, sed & eam quoque quæ in concubinato solum patroni sit, sententia legis adprehendi, notandum est. Igitur, quemadmodum Ulpianus libro primo ad *l. Iuliam* scribit *d*, quæ in concubinato patroni est, si ab eo invito discesserit, ei connubium adimetur: quippe cum honestius sit patrono, libertam concubinam, quam matremfam. habere.

Ait lex, *Invito patrono*. Invitum accipere debemus *e* eum, qui non consensit ad divortium. Proinde non tantum nolente & dissen-

a l. oratio. 16. D. de sponsalib.

b l. filio. 48.

§. 1. D. de ritu nupt.

c l. auxilium. 37. D. de

minorib.

d l. 1. D. de concub.

e d. l. in co.

§. deinde. D. de rit. nupt.

dissentiente vel contradicente liberto divertere non potest, sed omnino sine ejus assensu. Et alias quoque invitus dicitur *a*, qui consensisse non probatur; nisi ubi lex consensum ex taciturnitate & silentio colligit, veluti in dotis repetitione *b*, & in sponsalibus nuptiisve constituendis *c*. His consequens est, ab absente & ignorante patrono non recte libertam divertere. Rectius enim, ait Ulpianus, hic invitus dicitur quam qui dissensit. Quod dictum novum videri superficiem solum verborum inspicienti posset: summam tamen rationem habet. Nam, qui contrariam voluntatem contestati, dissensus sui rationes reddiderunt, multo minus habent quod querantur, quam quibus ignorantibus res gestæ sunt: cum iis, quid animi habeant, explicandi facultas non sit data; spreteque ac neglecta sit, quæ exquirenda fuerat, voluntas. Qua de causa multa invitis & dissentientibus aliquibus recte fiunt, quæ his absentibus & ignorantibus facta non tenent. Ut accidit, cum, tribus judiciis datis, absente uno, ex his duo pronunciarunt. Quamquam enim, præsentem eo, & invito, duorum, utpote numero superiorum, sententia prævaluisset; quia tamen
omnes

a l. filiusfa. 8. §. invito. D. de procuratoribus.
b l. 2. §. 2. D. sol. matr. *c* l. in sponsalibus, in fin.
 D. de sponsalibus.

omnes convenire ad deliberandum oportuit, idcirco quod absente uno gestum est, irritum constituitur *a*. Forſitan enim, ſi præſens fuiſſet, qui abſuit, rationum ſuarum pondere ac momento reliquos de ſententia deducere & in ſuam trahere potuiſſet: quemadmodum de Paphnutio epifcopo proditum eſt *b*, qui in Niceno concilio, cum univerſis placeret, à conjugum uſu atque conſortio prohibendos eos quoque, qui ante ſacros ordines ſuſceptos uxores duxiſſent, ſolus interceſſit, orationeque ſua reliquos epifcopos, qui prius aliud ſenſerant, in ſuam opinionem adduxit. Merito igitur, ut ad legis ſententiam revertamur, eadem eſt patroni abſentis & ignorantis, quæ contradicentis ac reclamantis, cauſa. Generaliterque adeo ſtatui poteſt, ignorantes eodem cum diſſidentibus loco habendos eſſe; ac proinde invitis nobis fieri ea exiſtimari, quæ ignorantibus nobis fiant, quamquam prohibitio nulla interceſſerit *c*. Ideoque ignorantem invito jungi ſæpius videas *d*. His conſequens eſt, ſi patronus poſt nuptias

H furere

a l. ſi duo. 39. D. de re jud. l. ſi in tres D. de recept. qui arbitr. *b* Socrat. lib. 1. cap. 11. Sozom. lib. 1. cap. 23. *c* l. in cauſæ 27. verſic. ceterum. D. de procuratorib. *d* l. ſolvendo 39. D. de negot. geſt. l. furioſus. D. de oblig. & act. l. 3. C. de hered. vend. l. ſolutione. l. ſolvere. D. de ſolutionibus.

furere cœperit, ab eo divertendo libertam hujus legis necessitate minime solvi *a*: quoniam nec scire nec consentire furiosus intelligatur. nisi quod, quæ per dementiam patri dotem repetenti contradicere filia non potest, consentire, voluntatem ejus affectu paterno supplente benigne, censetur *b*. Quamobrem Pomponius infantes & furiosos, quorum nulla voluntas est, invitos recte dici aiebat *c*.

Ait lex, *Potestas ne esto*. Quibus verbis non infectum efficit divortium, quod jure civili matrimonium solvit; sed libertæ, quæ divertit, dotis repetitionem, connubiumque, id est, alii jure nubendi potestatem, adimit: licet constare matrimonium dici non possit, cum sit separatum *d*. Divertere igitur liberta potest, & est quidem divortium, confirmationemque factæ inter eos donationis impedit *e*; sed alii nubendi lex ei potestatem denegat ac tollit, quamdiu eam animo uxoris & pro conjuge patronus habeat. Satis enim incivile & inofficiosum est, libertam, nuptiis patroni honoratam, & hoc beneficii cumulo auctam, pro arbitrio patronum deserere. Et ideo bene imperator Alexander *f* patronum, qui libertam uxorem

a d.l. in eo. §. deinde. D. de ritu nupt. *b* l. 2. §. voluntatem. D. soluto matr. *c* l. invitum. D. de servit. urb. *d* l. ult. D. de divort. *e* l. & ideo. 62. §. 1. D. de don. int. vir. *f* in l. libertæ. C. de oper. lib.

uxorem duxit, legis beneficio contentum esse debere rescripsit, *quod invito eo non possit ea alii jure nubere*. Nec enim dixit, divertere non posse, quia nec hoc lex sensit. Non tantum autem, uxorem alii esse non posse, sed nec in concubinato quidem à quoquam haberi hujusmodi libertam posse, Julianus censebat; quæ, hoc impedimento deficiente, jure licito in concubinato à quovis haberetur *a*. Plane, si voluntate patroni liberta discesserit, connubium cum alio habet, & de dote cum patrono agere potest *b*, quam ei dedit.

Ait lex, *Quamdiu volet*. Itaque, si vel patronus esse, vel eam conjugem velle desierit, statim legis auctoritas finitur. Qualiquam autem voluntate intelligi possit, patronum animum habere deliisse quasi in uxorem, legis hujus beneficium amittit. Proinde si rerum amotarum cum ea egerit, vel aliqua actione quæ constante matrimonio inter eos non detur, vel accusare eam adulterii deprehensi cœperit, vel alio crimine postulare, quod uxori nemo objicit, vel si aliam sibi desponderit, destinaveritve, aut cum alia matrimonium contraxerit, vel aliam in concubinato habere instituerit, incipit libertæ cum alio connubium esse: quod ea duntaxat ratione ei adimitur, quod

H 2

pa-

a l. 3. D. de concub. *b* l. liberta. 35. D. soluto matr.

patronus sibi eam nuptam velit. Quare, ubicunque vel tenuis intellectus videri potest nolentis nuptam, alteri se liberta vel in matrimonium, vel in concubinatum recte dabit *a*. Ceterum, verba hæc, *Quamdus volet*, tractum habent *b*. Unde dubitari potest, si patronus ab hostibus captus sit, statimne hujus legis necessitate liberta solvatur, an etiam expectandum ei sit, dum patronus redeat. Nodus sane hic vindice dignus. In hujus enim quæstionis dissolutione Julianum & Ulpianum in contrarias sententias scissos invenio. Verum ipsamet Ulpiani verba subjicere præstat *c*: *Si ab hostibus patronus captus esse proponatur, vereor ne possit ista connubium habere nubendo: quemadmodum haberet, si mortuus esset. Et, qui Iuliani sententiam præbent, dicerent, non habituram connubium. Putat enim Iulianus, durare ejus liberta matrimonium etiam in captivitate, propter patroni reverentiam. Certe si in aliam servitutem patronus sit deductus, procul dubio dissolutum esset matrimonium. Quæ verba apertissime ostendunt, inter Jurisconsultos de hac specie minime convenisse. Captivitate enim matrimonium mero jure solvitur *d*, quod is in servilem*

a l. ult. §. ult. D. de divortiis. *b* l. 3. D. ad sen. Tertyl. *c* l. in eo jure. 45. §. ult. D. de rit. nupt. *d* Novel. 37.

lem causam deductus, servusque hostium factus, jam pro nullo habeatur. Itaque Triphoninus *a*, *Captivi*, ait, *uxor, tametsi maxime velit, & in domo eius sit, non tamen in matrimonio est.* Similiter Paulus *b*: *Si quis sic stipulatus sit à marito, Si quo casu Titia tibi nupta esse desierit, dotem dabis? hac generali commemoratione, & ab hostibus capta ea, committi stipulationem, eoque genere bona gratia solvi matrimonium censebatur c.* At Julianus, spreta hac stricta & subtili juris ratione, durare adhuc matrimonium censebat, nec licentiam habere libertam, cujus patronus, idemque maritus, ab hostibus captus esset, ad aliud matrimonium migrare, non tantum propter debitam patrono reverentiam, sed etiam, ut existimo, propter suspensum ejus statum, & postliminii spem. Juliani hæc sententia expressis verbis in alio Pandectarum capite consignata est, quod apertissimum aut oscitantæ, aut inscitæ Triboniani exemplum est. Ex libro enim 62. Digestorum Juliani hæc verba referuntur *d*, sub tit. de Divortiis: *Vxores eorum, qui in hostium potestatem pervenerunt, possunt videri nuptarum locum retinere, eo solo, quod alii temere nubere*

H 3

non

a l. in bello. 12 §. 4. D. de capt. *b* l. si quis sic stipul. 56. D. solut. matr. *c* Novell. 37. *d* l. uxores. D. de divort.

non possunt. Et generaliter definiendum est, donec certum est, maritum vivere in captivitate constitutum, nullam habere licentiam uxores eorum migrare ad aliud matrimonium. nisi mallent ipsa mulieres causam repudii præstare. Sin autem in incerto est, an vivus apud hosteis teneatur, vel morte præventus; tunc, si quinquennium à tempore captivitatis excesserit, licentiam habet mulier ad alias migrare nuptias: ita tamen, ut bona gratia dissolutum videatur pristinum matrimonium, & unusquisque suum jus habeat imminutum. eodem jure & in marito in civitate degente & uxore captiva observando. Sed mihi, dicam ingenue, caput hoc valde suspectum est. Nam vix adduci possum, ut credam, pura esse Juliani omnia verba, quæ sub ejus nomine referuntur: quinimo, à Triboniano aliquid fermenti esse inditum, credibile est. Movet me, quod tota hæc clausula, *Sin autem in incerto*, &c. nihil aliud continet, quam quod *Ἀγρόηδην* ab ipso Justiniano constitutum est *Novell. 22*, his verbis: *Ἀλλὰ καὶ τὸ τῆς αἰχμαλωσίας*, &c. id est, ut ego interpretor, Captivitatis etiam casus, ad eam matrimonii dissolutionem, quæ bona gratia fit, pertinet. Sive enim vir eum casum patiatur, uxore in civitate manente; sive rursus, muliere ab hostibus capta, vir in civitate remaneat; stricta quidem & subtilis ratio matri-

monium,

monium solvit. Nam servitute alterutri ex conjugibus contingente, fortune statusque ac conditionis inequalitas, ac disparitas, nuptiarum aequalitatem stare non patitur. Verum-
 enimvero, hac benignius humaniusque inspi-
 cientes, quamdiu quidem captivum conjugem
 vita frui constat, dissolvi matrimonia non
 concedimus, nec ad secundas migrare nuptias:
 nisi velint hoc temere facere, & subjacere pœ-
 nis injusti divortii; ut vir quidem ante nuptias
 donationis, uxor vero dotis amissione mul-
 tur. Quodsi incertum sit, supersitne, an non,
 qui in militiam abiit persona; tunc quinquen-
 nium expectare, tam virum, quam mulierem:
 post quod siue certius de morte nuncius affera-
 tur, siue in incerto maneat, impune nuptias
 contrahere licet. Ex quibus colligitur, quin-
 quennium illud, quo expectari absen-
 tis conjugis reditus debet, à Justiniano
 præstitutum esse. Hoc enim ille sibi tri-
 buit, his verbis, θεωρεῖν περὶ & συγχωρεῖν μὲν.
 Quamquam sequentia verba dubitatio-
 nem forte lectori moverent. in quibus
 ita est: Καὶ τὸτο γὰρ δὴ ταῖς καλεσθεῖσαι
 bona gratia ἀφελύσσει ὡς εἴ τι πρὸς ἡμῶν
 συνελθόντων. καὶ ἡμεῖς ὅτι εἰς τὸτο σύμφακτον,
 ὥστε ἐν ταῦτα ἐδὲ ἀφελύσσει γίνεσθαι καὶ τοῦτο,
 ἔτι τι πρὸς ὅσων διεσώτων ἀλλήλων, καὶ
 ἐδὲ ἐς ἐν τῷ κερδαίνει, ἔτε ὁ ἀνὴρ τὴν πρὸς
 καὶ, ἔτε ἡ γυνὴ τὴν πρὸς ἀγαπητάων δωρεάν.

αἰὲν ἔργα & ἐν τῇ οἰκίᾳ μὲν. id est: *Et hac enim species in his dissolutionibus nuptiarum, qua bona gratia fiebant, ab antiquis, & qui nos antecesserunt, numerabatur. Nos quoque in hoc consentimus, ut hinc neque divortii detur occasio, sic distractis à sese personis, nec aliquis inde lucrum ferat, nec vir dotis, nec mulier ante nuptias donationis, sed unusquisque sua sibi habeat. Quod sic accipi potest, ut per captivitatem quidem, bona gratia dissolvi matrimonium veteres crediderint. Quorum sententiæ Justinianus, adhibito temperamento, quod exposuimus, accedit. Nam, ante eum, quinquennium illud observatum non fuisse, argumento est Constantini constitutio, quæ de quadrienio loquitur. quam, quod causæ nostræ jugulum premat, integram subjungam. Vxor, ait a, qua, in militiam profecto marito, post interventum annorum quatuor, nullum sospitatis ejus potuit habere indicium, atque ideo de nuptiis aliis cogitavit, nec tamen ante nupsit, quam libello ducem super hoc suo voto convenit; non videtur nuptias iniisse furtivas, nec dotis amissionem sustinere, nec capitali pœna esse obnoxia, qua post tam magni temporis jugitatem non temere, nec clanculo, sed publice, contestatione deposita, nupsisse firmatur.*

Viden-

a l. uxor. 7. C. de repud. & judic. de morib. subl.

Videndum est igitur, ne Justinianum in Julianum infuderit Tribonianus, & veteribus nova more suo permiscuerit. Nec abest suspicio, quin & alio capite, huc quoque spectanti, quod ex Pauli lib. 4. ad leg. Jul. & Pap. descriptum est, aliquid de suo inseruerit. Ita enim caput habet *a*: *Non ut à patre filius, ita uxor à marito, jure postliminii recuperari potest: sed tunc demum, cum & voluerit mulier, & adhuc alii post constitutum tempus nupta non est. Quod si noluerit, nulla causa probabili interveniente, pœnis discidii tenebitur.* Nam, constitutum aliquod tempus fuisse, ante posteriores Impp. non legimus. Et certe Quintilianus, in ficto themate, quod hic prætermitti non debet; non certi alicujus temporis meminit. festinatio quidem mulieris, quæ, morte mariti solo timore intellecta, alii confestim nupsit, ita apud eum notatur *b*: *Adulteros fuisse in matrimonio, constat: nemo negat. Matrimonium duobus generibus solvitur, aut repudio, aut morte alterius. Neque repudiavi: & certe vivo. Sed rumor de morte venit. Hac statim nupsit alii marito. Quid est hoc aliud, quam improbius adulterium? Mea igitur nuptia manserunt: illa non fuerunt legitima. Legitimum porro matrimonium, nisi soluto.*

H. 5 priore, .

a l. non ut à patre. 8. D. de captiv. & postl.
b declamationo 347.

priore, esse non potest. An opinione contenti sumus? Et postea: Ergo uxor, sic à me amata, testamento relicta heres; audita morte mariti, non inquisivit ubi periissem: non aliquos certiores nuncios; non reversuros à supremis officiis servulos, expectavit: sed festinato quoque nupsit; & in nova libidinis amorem, meae iudicia protinus eludens, transtulit mœchum, in eadem domo, in eodem cubiculo, in eodem lecto. adeo mariti prioris etiam memoriam abjecerat. Desii ista mirari, cum adulterum vidi juvenem, propter quem tamdiu vidua esse non posset, quamdiu peregrinari poteram ego qui uxorem sic amavi. Temere profecto, temere, in longius ituri, conjuges nostras domi relinquimus: subito absentum obliviscuntur, & pane cum ipsis horis uxorum pectora refrigerant. Mirer nunc ego, unde rumor? quæ tam maligni mendacii causa? cui fingere istud expedierit? Ille profecto in causa fuit juvenis, qui ad domum meam ductus est: quæsius est locus. Sed hæc, qui acutiore sunt ingenio præditi, & qui plus otii ad has res speculandas & perscrutandas habent, diligentius exactiusque me, homine forensibus negotiis præpedito, investigabunt: satisque habebō, si, me veluti classicum canente, ad hujus rei accuratorem disquisitionem excitentur. Ut ut sit, aliam quandam huic quæstioni formam Justinianus,

Novel.

*Novella 117, dedit : quam Juliani Patri-
cii a verbis, quæ mentem Justiniani perspi-
cue reddunt, proferam. Iubemus uxores mi-
litum, si ve in expeditionibus degentium, si ve
in militiis, si ve milites sint, si ve federati, si ve
scholares, si ve alia qualicunque armata mili-
tia decorati, exspectare, quantosunque annos
in expeditione fuerint; etsi nullas literas, nul-
lum responsum, à maritis (sic enim procul
dubio legendum) suis receperint. Sin autem
talis mulier maritum suum defunctum audie-
rit, non liceat ei statim ad alias nuptias perve-
nire, nisi prius pervenerit aut per se, aut per pa-
rentes suos, aut per aliam qualemcunque perso-
nam ad priores numeri & chartularios scrinii.*

Tutores etiam, pupillas suas uxores ducere, & filiis suis nuptum dare, senatusconsulto, quod Marci Antonini & Commodi orationem subsequutum est, prohibebantur *b*. Eoque referendum est quod Marcellinus, Hermogenis interpres, Νόμος, ait, μή γα-
μήτω τὴν ἐξ ὀφθαλμῶν, μήτε τὴν ἐπιτρόπων, μήτε
τὴν ἐπιτρόπων παιδῶν. Causam autem ha-
rum, prohibendarum nuptiarum vel hanc
præcipuam fuisse invenio *c*; ne pupillæ in re
familiari circumscriberentur ab iis, qui ra-
tiones eis gestæ tutelæ reddere necesse habe-

H 6. bant;

a Novell. Constit. 108. c. 387. *b* l. senatusconsulto. 59. D. de ritu nupt. *c* l. liber-
tum. 64. §. 1. D. de ritu nupt. l. si tutor. C. de
interd. matr.

bant; neve fraudes in tutelæ administratione commissæ, hujusmodi domestici matrimonii velamento, quo tutelæ reddendæ ratio inhibebatur, tegerentur, quas palam proferri reipublicæ expedit. Atque hanc prohibitionis harum nuptiarum causam Principum oratio continebat *a*, quam Paulus libro singulari persecutus erat: ceteri etiam Jureconsulti satis multis verbis de ejus sententia egerant. Summa vero eorum, quæ ad ejus interpretationem adferri ex eorum concisis à Triboniano scriptis potest, hæc est: Sententia orationis senatusconsultique contineri quoscunque qui rationibus reddendis sunt obnoxii. Non tantum igitur tutores, adolescentumve curatores, sed & curatores ventri bonisque dati, senatusconsulto apprehenduntur. Hi quoque, qui tutores quidem non sunt, periculo tamen tutelæ suo nomine obstringuntur, à pupillarum nuptiis arcentur. quales sunt qui falsis allegationibus à tutela se excusaverunt *b*. Ad eos enim, postquam religionem jus dicentis circumvenisse eos constiterit, periculum administrationis exinde pertinet ex quo dati sunt *c*. Idemque & in honorariorum tutorum persona servandum est. Nam & hi male

a 1. non solum. 67. §. 3. D. de ritu nupt. *b* 1. quis tutor. 60. D. de ritu nupt. *c* l. 1. l. 2. & 3. C. si ex falsis allegat. §. ult. Instit. de excus. tut.

male gestæ tutelæ periculum præstant *a.* Heredes quoque tutorum, licet extranei, quoniam rationes reddere debent, senatusconsulti prohibitione concluduntur *b.* Ac vel ejus, qui tutor curatorve datus non juste provocaverit, heres quandoque victus, quia præteriti temporis damnum, siquod pupilla passa sit, adgnosceret debet, ad orationem pertinet *c.* Alia est ejus, qui pro tutore curatoreve, cum revera tutor curatorve non sit, negotia administrat, causa. Hunc enim, cum nomine tenus, quod sibi falso usurpat, tutor sit, à pupillæ, cujus res gessit, nuptiis repelli, Leoni & Anthemio displicuit *d.* Et certe in toto fere jure eorum administratio diversam à tutorum administratione rationem habet *e.* Fidejussores plane, nominatoresque tutorum, aut qui eos dedere magistratus, licet, deficientibus tutoribus, in tutelæ periculum incidant, quia tamen ex alterius persona hoc incommodi eis accedit, senatusconsulto non continentur. Quod vero senatusconsulti verbis cavebatur, ne uxorem tutor pupillam suam duceret,

H. 7

ceret.

a l. quod, si forte. 14. §. 1. D. de solution. *b* d. l. libertum. §. 1. D. de ritu nupt. *c* d. l. si quis tutor. §. ult. D. de ritu nupt. *d* l. ult. C. de interd. matr. *e* l. apud. §. si quis non tutor. 24. D. de doli except. l. 1. §. cum eo. l. 2. D. de eo qui pro tut. l. debitores. D. de solutionib.

ceret, sic acceptum est, ut ne desponderi quidem possit *a*. Sed nec filiis suis modo, verum etiam nepotibus, nuptum dare pupillas suas tutores prohibiti intelliguntur. Quamquam enim de filiis duntaxat oratio loqueretur, ad nepotes tamen interpretatione producta est: quod prohibitionis eadem circa illos, quæ circa filios, ratio versetur; licet, si propriam verborum significationem spectemus, filiorum appellatio nepotes non complectatur. Nihil autem interest *b*, filii sui juris, an in patris potestate, tutorisve vel curatoris, sint. Naturales etiam liberi, licet in adoptionem dati & in alienam familiam translati sint, senatusconsulto tamen comprehenduntur *c*. Adoptivi vero tamdiu, quoad de potestate dimittantur. Emancipatione enim adoptionis jura in totum perimuntur atque evanescunt *d*. Ad senatusconsultum quoque libertum pertinere placuit, qui filio suo naturali, quem in servitute susceperat, postea manumisso, pupillam suam in matrimonio collocat *e*. Nec vivo demum tutore, verum etiam post mortem ejus, filius tutoris prohibetur eam uxorem ducere, cujus tutelæ rationi pater obstrictus fuit; siue heres ei exstiterit,

a l. senatusconsulto. 59. l. 60. §. 5. D. de ritu nupt. *b* l. non est matrimonium. 66. D. de ritu nupt. *c* d. l. si quis tutor. §. naturales. D. cod. tit. *d* l. quinetiam. 55. & §. 1. in fin. D. cod. tit. *e* l. libert. C. de interd. matr.

exstiterit, siue abstinuerit, aut etiam exheres scriptus sit. Nam & fieri potest, ut per fraudem in eum collata bona patris propter tutelam revocari oporteat *a*. Quod si avus tutelam gesserit neptis ex filio emancipato natæ, nepti ex altero filio eam recte collocabit: cum hoc factum suspicione propter parem affectionis stimulum vacet. Sed & si filiusfa. tutor puellæ vel curator sit, (potest enim *b*,) patri ejus, fratrive qui in ejusdem patris potestate est, pupillam non recte nuptum dabit *c*. Patriæ namque potestatis vinculo, unius prope ejusdemque loco hæ inter se personæ habentur *d*. Quamquam autem in arbitrio matris, pater-esse voluerit, cui nuptum filia communis collocaretur; non tamen ea tutorem ejus eligere poterit: cum contra voluntatem patris hoc ea facere videatur; qui ideo maxime eam prætulit, ne filiæ nuptias tutori committeret. Concludamus igitur, non esse in matrimonium, si tutor vel curator pupillam suam, vel adultam, vel eam cui administrationis rationes reddere debet, sibi liberisve suis junxerit. Ex quo sequitur, ut, cum cesset matrimonium,

nec.

a l. non solum. 67. D. de ritu nupt. *b* l. filiusfa. §. 1. & 2. D. de tut. & rat. dist. l. tutorem. D. de adm. tutor. *c* d. l. non solum. §. sed & si filiusfa. D. de ritu nupt. *d* §. ei vero. Instit. de inutilib. stip. l. frater à fratre. 38. D. de condict. indeb.

nec dos esse intelligatur *a*. Consequens est etiam, ob res, constante hujusmodi qualiquali conjunctione, discidii consilio subreptas, rerum amotarum actionem denegari *b*; quæ divortii nimirum, quo justa matrimonia dirimuntur, causa comperens, ad illicitam conjunctionem non pertinet. Quæ ratione motus quis, nec sine colore, inter hujusmodi personas factas donationes, matrimonii impedimento deficiente, valere diceret *c*. Sed cum quasi ad conjuges, non quasi ad extraneas personas fiant, nec ut sponsis factæ, quoniam & hic sponsalia improbantur, consistere possint; idcirco placuit, quasi ab indignis ea, quæ donata sunt, ablata, fisco vindicari. Delinquent enim qui senatusconsulto vetitas nuptias contrahunt *d*. Plane ex testamento tutoris, in cujus matrimonium convenerit pupilla, sibi relicta capiet, nec quasi indigna repelletur. Contra tutor ex ejus testamento capere nihil poterit *e*. Hoc tam varie, quod non, ut tutori, ita pupillæ à tutore suo circumscriptæ, illicitarum nuptiarum adversus amplissimi ordinis decretum contractarum crimen objici imputarique possit. Pupilla ergo, ut nullius

a l. 3. D. de jure dot. *b* l. si concubina. 17. D. rer. amotar. *c* l. cum hic status. 32. §. ult. D. de donat. int. vir. *d* l. 3. §. 1. D. de donat. int. vir. *e* l. ult. D. de legat. 1. l. 1. l. 2. D. de his quæ ut indign.

lius culpæ adfinis, legatum, quod testamento tutoris meruerit, consequitur. Per contrarium vero tutor, merito indignus cui occasione hujus conjunctionis lucri commodique aliquid quæratur, à petitione legati, testamento pupillæ sibi relictæ, submovetur. Verum cur infirmatur pupillæ à tutore, cum quo in matrimonium coit, facta donatio; legatum vero testamento datum sustinetur? Differentiæ inter hanc & illam speciem ratio forte est, quod, quæ inter conjuges fit, matrimonii prætextu, intuitu, contemplationeque fieri intelligitur donatio. Cessante ergo matrimonio, quod donationi locum facit, causamque præstat, vires habere huic caduco innixa fundamento donatio non potest. At, quod testamento relinquitur, cum non ita matrimonio acceptum feratur, sed & ob meritum extrinsecus accedere censeatur *a*, ex ejus solius vitio, qui testamenti honore indignus habetur, corrui. Quo fit, ut pupillæ, cui contra atque tutori, peccati hujus propter ætatis sexusque infirmitatem, legumque imperitiam, venia tribuitur, eorum, quæ testamento tutoris meruerit, persecutio non denegetur. Creditur tamen cum his, quæ diximus, Cervidii Scævola responsim pugnare, quo fructuum, quos mulier usus-

fru-

a l. nec adjecit. D. pro socio.

fructus sibi à viro relictī nomine perceperit, repetitionem heredibus dandam respondit *a*, si postea illicitum fuisse matrimonium pronuncietur. Sed non est eadem omnium injustorum matrimoniorum ratio atque causa. Nam pupillæ quidem, quæ laqueis tutoris irretita, ejusque vinculis constricta, senatusconsultum offendit, culpa excusata est: non æque vero ceteris mulieribus, quæ inhonestis illicitisque se nuptiis maculaverint, parcimus. Itaque non eo minus verum est, quod generaliter definitur *b*, Nihil propter injustum matrimonium capi posse; & Quod ab herede ignorante perperam solutum fuerit, id condici posse. Verum enim vero exceptiones quasdam senatusconsultum patitur. Una est, si desponsata à patre, vel testamento destinata, denominatave sit puella tutori, filiove ejus. Hanc enim patris voluntatem, quem hujusmodi conditionem filiaë quæsiisse, spectata prius planeque perspecta ac cognita futuri generi integritate atque fide, verisimile est, ad exitum perduci, senatusconsultum non impedit *c*. Altera est, si rationes tutor curatorve reddiderit, & id

a l. uxori. 27. D. de usufruct. leg. *b* l. 1. D. unde vir & uxor. l. Claudius. 13. de his quæ ut indign. l. qui contra. C. de incest. nupt. *c* l. non est matrimonium. 66. D. de rit. nupt. l. si patris. C. de interd. matr. l. qui pupillam 7. D. ad legem Jul. de adult.

id temporis effluxerit quo in integrum restitutionem pupilla impetrare possit. Ante constitutum enim petendæ in integrum restitutionis tempus, pupillam suam rationibus redditis uxorem ducere, nec matrem quidem ex alio matrimonio factam, potest *a*. Ex prætoris autem edicto olim post 25 annos utilis annus ad petendam in integrum restitutionem concedebatur. Ideoque, cum Marcellus in hac quæstione annum vicessimum sextum nominat *b*, utilem, non continuum, accipere, vel ex ipsis disertis Triphoniini *c* Valeriani que *d* Imperatoris verbis, debemus. At hunc utilem annum Justinianus in continuum quadriennium tandem mutavit *e*. Pupillæ utique, quæ ante redditam sibi tutelam decesserit, filiam tutor in matrimonium filio suo collocare non vetatur *f*, quoniam rationum reddendarum obligatio, æris alieni hereditarii vicem similitudinemque repræsentat ac sustinet; proindeque non minus cum tutoris quam cum cujuscunque alterius debitoris filio nuptias ea recte contrahit. Mater etiam pupillæ cum tutore filiæ suæ, vel filio tutoris, nuptias contrahere

a l. quamquam. 62. §. ult. D. de rit. nupt.
b d. l. qui pupillam. D. de adulter. *c* in l. filius.
 §. si quis eo tempore. D. de liber. & post. *d* l. si
 patris. C. de interd. matr. *e* l. ult. C. de tempor.
 in integ. restit. *f* l. non solum. §. pen. D. de rit.
 nupt.

trahere non prohibetur *a*. Sed nec tutores pupillis suis, vel curatores adultis, filias suas neptese nuptum dare vetantur *b*. Nulla enim ex hoc matrimonio pupillarium rationum interversio contingere potest; cui præcipue periculo prospicere senatus voluit. Item, qui ei, quam in matrimonio habebat, absens & ignorans curator constitutus est, in senatusconsulti pœnam non incidit; dum tamen alius in ejus locum substituatur: ne maritorum ignorantia fraus amplissimi ordinis consulto quæratur *c*. Quamquam enim curæ datio non teneat, propterea quod uxori suæ maritus curator creari non possit *d*: tamen satagere ille debet, ut alius ei curator detur. Nam & qui non jure tutores curatoresve dantur, curare debent *e* ut alii in eorum locum sufficiantur; aut certe pupilli propinquos ac necessarios certiores facere, ut alium ei tutorem petant; ne pupilli utilitates ac negotia deferantur. Proinde, cum Alexandro propositum esset, nurui socerum post liberos ex matrimonio susceptos curatorem datum; matrimonium quidem rite ab initio contractum non vitiari, justosque

a l. 2. C. de interd. matr. *b* l. libertum. 64. in fin. D. de ritu nupt. l. curatorem. C. de interd. matr. *c* l. amplissimi. C. de excus. tut. *d* l. maritus. C. qui dare tutor. l. virum. D. de cur. furios. *e* l. 1. §. ultim. D. de eo qui pro tut. l. tutores. §. qui sine. D. de adm. tut.

que esse ex eo quæsitos liberos, rescriptit *a*:
 verum omnis scrupuli amovendi causa insi-
 stere socerum debere, ut alius ejus loco da-
 retur. Qua de specie etiam consulti per epi-
 stolam Impp. Galienus & Valerian. in hæc
 verba rescripserunt *b*: *Licet orationis sub di-
 vo Marco habita verba deficiant, is tamen,
 qui post contractas nuptias nurui sue curator
 datus est, excusare se debet, ne manifestam
 sententiam ejus offendat, & labem pudoris
 contrahat.* Pœna autem tutoris, qui sena-
 tusconsulto vetitas nuptias copulavit, ea est,
 ut ei infamix nota veluti de tutela confesso
 inuratur *c*, quod hujusmodi conjunctio-
 ne fraudem administrationis tegere labo-
 raverit. Corporalis quoque ei pecuniaria-
 ve extra ordinem pro dignitate pupillæ coer-
 citio imminet *d*. Quinetiam lege Julia de
 adulteriis, qui pupillam illicite duxerit tu-
 tor, postulari potest *e*. Postremo relegatio-
 ne plectendum libertum, eundemque tuto-
 rem patronæ suæ, senatus censuit *f*, qui
 eam sibi filiove suo in matrimonio collocas-
 set. Nec vero pœnas has rusticitatis imperi-
 tiæve velamento deprecari quemquam posse,
 Impp.

a l. cum proponas. C. de interd. matr. *b* in l.
 licet. 17. C. de excus. tut. *c* d. l. amplissimi. C.
 de excus. tut. l. non est matrimonium. D. de rit.
 nupt. *d* l. si tutor. C. de interd. matr. *e* l. qui
 pupillam. D. ad l. Jul. de adult. *f* l. libertum. 64.
 D. de ritu nupt.

Impp. rescripserunt *a*. In his enim, quæ malo more, nefarieque geruntur, rusticitatis excusatio non accipitur *b*; cui in his demum, quæ ex meris civilis juris præceptis pendent, parci solet *c*. Imperitiam autem in Impp. rescripto, juris legumque inscitiam accipio. Quæ, ut Accursii objectiones diluam, in masculis ferenda non est: aliter atque in feminis; quæ incesti, in quo sola juris observatio intervenit, pœnas non timent, ob concessam eis juris ignorantiam: propter quam, pœnam quidem eis remitti, non item illicitam conjunctionem retineri, censeo. Nam & citra existimationis suæ damnum, dotis in ejus matrimonii causam datæ conditionem pupilla habet *d*.

Mandatis quoque principalibus præfides provinciarum, procuratores Cæsaris, præfecti cohortis, aut equitum tribuni, & omnes omnino qui aliquod in provincia officium gerunt, inde oriundam, vel ibi domicilium habentem, ubi administrant, feminam ducere prohibentur *e*; potentatus, ut Papinianus ait, ratione: ne videlicet, potentia, in qua constituti sunt, ad vim abutentes,
matri-

a l. 1. C. de interd. matr. *b* l. 2. C. de in
jus voc. *c* l. si quis id quod. D. de jurisdict.
omnium jud. l. 2. D. si quis in jus voc. non ier.
l. ult. C. de testam. *d* l. si tutor. C. de interd.
matr. *e* l. si quis officium. 38. l. præfectus. 63.
D. de ritu nupt.

matrimonia sibi arbitrio nutuque suo concilient, trahantque ac rapiant verius quam ducant. Qua de causa & eis in ea provincia, in qua administrant, emere, fenusve exercere, mutuanque pecuniam dare, non licet *a*. Hujusmodi ergo matrimonia adversus mandata contracta, perinde nulla sunt, atque ea quæ contra amplissimi ordinis decretum à tutoribus eorumque liberis contrahuntur. Quo fit, ut, cum matrimonium non consistat; nec dos sit, nec rerum amotarum actio inter eas personas, quæ ita coierint, detur *b*. Nec tamen, quia nuptiæ non sint, eo magis donationes inter eos factæ ratæ erunt *c*, ne ex delicto suo lucrum ferant, meliorque sit in legem committentium, quam eorum, qui secundum præcepta legum in matrimonium conveniunt, conditio *d*. Uti-que enim prohibitas nuptias contrahentes peccare delinquereque *e* intelliguntur. Et ideo magis est, ut quæ ita donata fuerint, quasi ab indignis ablata, fisco vindicentur *f*. Exemplo certe pupillæ, tutori liberisve ejus nuptæ, provincialis mu-

a l. aufertur. 46. §. quod à præside. D. de jure fisco. l. 1. C. de contract. jud. l. principalibus. D. si cert. pet. l. eos. C. eod. tit. *b* l. si concubina. D. rer. amot. *c* l. cum hic status. 32. §. ult. D. de don. int. vir. *d* l. 3. §. 1. D. de don. int. vir. *e* l. ult. D. de legat. 1. *f* d. l. cum hic status. §. ult. D. de don. int. vir.

mulier, quæ contra mandata provinciæ rectori nupserit, ex viri testamento capiet. Imperatores autem Gratianus, Valent., & Theodosius, quod de administrantibus veteri jure cautum erat, ad administrantium liberos, propinquos, comites, consiliarios, domesticos porrexerunt *a*. Quos & arrharum sponsalitarum, in matrimonii argumentum datarum, dispendio multant. Quæ in parte juri antiquo derogare eos fortassis existimet qui penitus non inspexerit. Nam ad arrharum acceptarum restitutionem mulierem, quæ finita administratione nuptias implere nolit, adigi Paulus indicat *b*. Id quod Accursium cruciat, qui in hujus nodi dissolutione tanquam in salebra hæret. Nos, ut ejus hæsitati certa & vera distinctione medeamur, multum interesse dicemus, sponsaliane sola, an vero nuptias, provinciarum rectores, arrhis datis, tum cum provinciam cum imperio obtinerent, contraxerint. A perfectis siquidem & consummatiss nuptiis, quas mandata principalia stare non patiuntur, mulieribus provincialibus abire ac recedere, etiam cum arrharum lucro, Impp. permittunt. At, si in provincia sponsalia duntaxat contracta sint, quia nihil in ea re contra mandata peccatum est, quæ hujusmodi

a l. 1. C. si rector provinc.
oium. D. de sic. nupt.

b l. si quis offi-

modi conditioni renunciare volet, acceptas arrhas restituere jure ac merito debet. Et hæc est inter Imperatorum constitutionem Paulique locum ab Accursio non animadversa differentia. Nuptiis enim duntaxat, non etiam sponsalibus, qui in provincia aliquod officium gerebant, interdicebantur. Quinetiam desponsam sibi, antequam in provinciam mitterentur, uxorem illic ducere non prohibebantur *a*, utpote cessante ea, quæ sibi eos in provinciis suis matrimonia conciliare vetabat, ratione. Sed, etsi contra mandata in provincia matrimonium contractum esset, post depositum tamen officium, si in eadem voluntate uterque perseveraret, justæ efficiebantur, quæ ab initio non constiterant, nuptiæ. Indeque postea, ut ex justo matrimonio editi, liberi justillegitimique patri fiebant; quemadmodum Paulus *lib. 5. Responsorum* tradit *b*, qui à Gordiano testis laudatur *c*. Plane, filiabus suis conditionem in provincia quærere, easque in matrimonium collocare, & dotem eis constituere, non prohibebantur qui provinciis præerant: filiis vero uxorem provincialem ducentibus consentire auctoritatemque præstare minime poterant. De cujus varietatis ratione si mihi liquere ne-

I

gem,

a d. l. si quis officium. §. 1. *b* l. eos qui. 65. §. 1. D. de ritu nuptiarum. *c* l. etsi contra. C. de nuptiis.

gem, incertam meam potius quam antiquorum inconstantiam prodam. Quorum etsi mentem mihi plane perspectam esse, ac cognitam, adfirmare non ausim; tamen, quatenus eam conjectura assequi licet, duplici eos ratione adductos credo. Primum enim præsumtum habuisse existimo, patrem impensiore affectu, majorique contentione, in conditione filio quærenda, quam in filia nuptum collocanda, laboraturum. Nam filia quidem, in manum mariti mancipiumque transeunt, familiae suae finem adferunt; per filios vero cum nomine paterna familia propagatur. Ne vero, filiorum amore, domusque amplificandæ studio, ad matrimonia filiis concilianda, sua potestate abuterentur; frenis quibusdam ac habenis cohibendam esse eam potentiam censuerunt. nihil quicquam tale eos filiarum causa attentaturos rati. Huic rei argumento est quod filiam suam pupillo suo tutor in matrimonium collocare non prohibetur ^a: filio vero suo pupillam in matrimonium collocare prohibetur. Licet ergo tam in filia quam filii nuptiis auctoritas patris intercedere deberet; verendam tamen magis esse præsidis in collocando filio, quam in filia nuptum danda, impressionem prudentes censuerunt. Alia quoque veteres ratio in hoc jure statuendo

^a l. libertum. 64. §. ult. D. de ritu nupt.

statuendo movere potuit, quam Cyno, Ludovico Romano, & nostri seculi Varroni *πολυγαμία* D. Tiraquello, cujus memoriam sancte ac religiose, pro eo ac deo, colo, placuisse video. difficilis nimirum virginalis pudicitiae custodia. cui ad servandam continendamque ne Argi quidem lumina plerumque sufficiunt. Cavendum enim forte (nihil enim praeter conjecturam habemus) prudentes cogitarunt, ne, dum paternae administrationis exitus exspectatur, interim filia, jam matura viro & plenis nubilis annis, aetatis lubrico, sexusve infirmitate, vel amoris facibus, aliquod dedecus admittat. Cui malo obviam ut irent, patri liberam conditionis filiae quaerendae potestatem, vel ipso administrationis suae tempore, relinquendam esse censuerunt. Et certe probabile est, subiisse animos veterum illam cogitationem, puellarum nuptias non aequae ac masculorum conjugia protrahi ac differri posse; moramque nullam nuptiarum tempestivitati, si famae ac castitati puellarum consultum velimus, fieri oportere. Qua eadem ratione filiam suam pupillo jam adulto nuptum dare, si tam adulto, quam puellae, haec nuptiae cordi sint, tutori permiscere; ne forte, in longius tempus protractis nuptiis, vel morae impatientia, vel amasii illecebris, in ali-

quod probrum prolabatur, ex quo ei, generique, ac toti familiæ, labes ac macula aliqua, quæ deinde elui non possit, aspergatur. At masculorum conjunctionem, quæ citra periculum existimationisque damnum proferri possit, inhibendam ob impressionis metum, merito in superioribus speciebus censuerunt. Juvat hanc rationem, quod alias quoque in hoc nuptiali jure diversam masculorum ac feminarum causam juris auctores constituunt. Nam puellæ quidem post 25. annum, non item masculi, impune citra parentum consensum matrimonia contrahunt *a*. Eodemque refert Accursius, quod ex Paulo recensetur, Nepoti uxorem ducenti avum & filium consentire debere : nepti vero nubenti voluntatem auctoritatemque avi sufficere.

Tempus est autem, ad ea injustarum nuptiarum genera, quæ naturali ratione, sanguinisque jure prohibentur, nostra se convertat oratio. Qua in quæstione fixum sit hoc, ratumque principium, ex gradu ascendendum descendendumque in infinitum duci uxores non posse : & inter eas personas, quæ parentum liberorumve locum inter se obtinent, incestas ac nefarias nuptias esse *b*. Veluti inter patrem & filiam, vel

a l. oratione. 16. §. 1. D. de ritu nupt. *b* l. nuptiæ. 53. D. ritu nupt. §. ergo. Instit. de nupt.

vel avum & neptem; matrem & filium, vel aviam & nepotem: & usque in infinitum. Nec interest, ex justis nuptiis ejusmodi personarum conjunctio descendat, an non *a*. Nam & ex ancilla susceptam & viugo quæsitam filiam ducere genitori minime conceditur: servilesque adeo cognationes in hoc nuptiali jure observantur *b*, cum contra naturale jus pudoremque sit, à patre filiam quomodocunque quæsitam duci. Proinde in his quidem speciebus incestum jure gentium committi constat *c*: cujus veniam sexus infirmitate deprecari mulieres non possunt *d*; cum naturali jure, cujus, utpote non scripti, sed nati, ignorantia defendi nequeunt, prohibitam rem admiserint. Nec enim sexui, nec rusticitati in his parcitur, à quibus naturalis nos ratio, animis nostris divinitus indita, atque impressa, advocat. Fœditas vero illarum conjunctionum lucet ipsa per se, ut, qui in ea flagitia prolabitur, humanitatem ipsam exuisse videatur. Ciceroni utique incestum cum filia Q. Fufius Calenus apud Dionem *lib. 46.* objicit his verbis: Καὶ πρὸς τὴν καὶ τὸ σῆμα αὐτῆς ἀφαιρῶν ἐπιχείρησε, το σάυτῃ ἀσελγείᾳ καὶ ἀκαταρσίᾳ ὥστε πάντα τὸν βίον χρώμενος,

I 3

ὥς

a l. & nihil. 54. D. de ritu nupt. *b* l. adoptivus. 14. §. serviles. D. de ritu nupt. *c* l. ult. D. de rit. nupt. *d* l. si adulterium cum incestu. 38. D. ad l. Jul. de adulter.

ὥς μὲν δὲ τὸ συγγενεσάτων ἀπὶ χαλκῷ, ἀλλὰ τὴν
 τε γυναικα παρὰ γαστέριν, καὶ τὴν θυγατέρα μοι-
 χεύειν. Quo nomine & cum Sallustius ita
 infectatur: *Verum, ut opinor, splendor do-
 mesticus tibi animos attollit: uxor sacrilega
 ac perjuris delibuta, filia matris pellex, tibi
 jucundior atque obsequentior quam parenti
 par est.* Prædicabat etiam Caligula, ma-
 trem suam ex incesto, quod Augustus cum
 filia Julia commisisset, procreatam *a*.

Ac nec cum his quidem personis, quæ
 vel adfinitatis ratione, parentum liberorum-
 ve vicem repræsentant ac sustinent, justæ
 sunt nuptiæ. Quare nec novercam, nec pro-
 avi nostri uxorem, nec socrum, id est, uxoris
 nostræ matrem, nec ejusdem aviam, pro-
 aviam, ducere licet *b*. Cujusmodi nuptias
 Cicero pro Cluentio Avito sic exagitat: *Le-
 gimus illum genialem, quem triennio ante filia
 nubenti straverat, in eadem domo sibi ornari
 & sterni, expulsa atque exturbata filia, ju-
 bet. Nubit genero socrus, auspiciis nullis,
 nullis auctoribus, funestis ominibus. O mulie-
 ris scelus incredibile, & præter hanc unam in
 omni vita inauditum! O libidinem effrena-
 tam & indomitam! O audaciam singula-
 rem!* Plane duplicem causam, cur nover-
 cam

a Suet. in Calig. cap. 23. *b* l. si qua mihi. 12.
 § 1. & l. adoptivus. 14. §. nunc videamus. l. Ari-
 sto. 40. D. de rit. nupt. §. ergo. Instit. de nupt.

cam uxorem ducere non liceat, Philo Judæus in libro. αὐτὸν δὲ ἐν εἰδῇ reddit : Διὰ τε, ait, τὴν εἰς τὸν πατέρα πρὸς, καὶ διὰ τὴν μητέρα καὶ μητρός ὄνομα συγγενὲς, εἰ καὶ μὴ τὸ τῆς ψυχῆς σύνωδον πέποιτος. Unus mihi tam infauisti matrimonii cupiditate incensus imperator Antoninus Caracalla occurrit, de quo Spartianus his verbis : *Interest scire, quemadmodum novercam suam Antoninus duxisse dicatur : qua cum esset pulcherrima, & quasi per negligentiam se maxima corporis parte nudasset, dixissetque Antoninus, Vellem si liceret; respondisse fertur, Si libet, licet. An nescis, te imperatorem esse, & leges dare, non accipere? Quo audito, furor inconditus ad effectum criminis roboratus est : nuptiasque eas celebravit, quasi sciret, se leges dare, cum vere solus prohibere debuisset : matrem enim (non alio erat dicenda nomine) duxit uxorem : ad parricidium junxit incestum. Sed nec focero nurus, pronurusve, recte nubit. Socerum enim parentis locum obtinere, placet a. Ac ejusmodi quidem nuptias, quas cum privigno noverca, cum socero nurus contraxerit, incestas ac nefarias esse, nemini dubium est ; cum pudori, castitati, verecundiae naturali, publicæque honestati tales conjunctiones adversentur. Quinimo ex his causis incestum jure gentium admitti, Papinianus*

scribit *a.* Quod quibusdam parum considerare dictum videtur, qui pro certo ac constanti ponunt, inter parentes & liberos duntaxat jure gentium incestum committi: cum his vero, qui ex latere veniunt, vel cum adfinibus, jure civili, vel moribus. Ipsumque adeo sibi contrarium esse Papinianum persuadent, qui pecuniæ in hujusmodi nuptiarum causam datæ repetitionem tribuat: quæ utique denegaretur, si in specie hac jure gentium incestus admissus censeretur: quod mulieribus jus gentium non æque ac civile ignorare liceat. Verum ego jureconsultorum coryphæum vellicari non nisi gravate ferre possum. Nec enim adduci possum, ut credam, aliquid tanto viro excidisse, quod à nobis, qui in illius magistri verba jurare addicti sumus, jure notari queat. Credo itaque, ejus auctoritate fretus, (nec vana fides,) incestum jure gentium committi, si socero nurus, vel noverca privigno commisceatur, quod hæ personæ sibi parentum ac liberorum loco sint, ut paulo ante comprobavimus; & quod omnium mentibus à natura insita ratio ab hujusmodi conjunctionibus abstinendum dicteret. Confirmat nostram, imo vero Papiniani opinionem, quod alibi legimus, Si adulterium cum incestu committatur, utputa cum privigna, nura,

a l. ult. §. 1. D. de condict. sine causa.

nuru, noverca, mulierem quoque similiter plectendam *a* : cujus tamen impunitum esset facinus, si sola juris civilis observatione tale crimen in turpibus numeraretur. Verum, cum juris naturalis ignorantiam vitiis suis obtendere ac prætexere mulieres non possint; merito eis ejusmodi incestus, cujus turpitudinem indita divinitus ac impressa ratione notam habent, poena irrogatur. Atque hoc dubium faciebat in specie à Papiniano tractata. Videbatur enim pecunia à muliere, illiciti matrimonii nomine data, reperti non posse, quasi contra jus gentium ac naturalem honestatem (cujus ignoratione excusari nequit) data esset. Sed alia ratione repetitionem competere Papiniano subtiliter placet, quia scilicet, matrimonii effectum non secuto, quod nec jure sequi possit, nulla magis causa dotis dandæ quam turpis intercesserit.

Porro nec patris quoque sponsam uxorem ducere filio conceditur : non magis quam patri filii sponsam : quamvis nec illa noverca, nec hæc nurus proprie dici possit. Ab earum quoque, quæ in parentum concubinato fuerint, nuptiis abstinendum, pie Imp. Alexander constituit *b*. Contra religionem quippe ac pudorem est, cum ea

I 5

matri-

a l. si adulterium cum incestu. 38. D. ad l. Jul. de adult. *b* l. liberi. 4. C. de nupt.

matrimonium coire filium, quæ pudicitiam patri prostraverit. Sed & per adoptionem quæsitæ cognationum rationem hic habendam, prudentes censuere. Etenim matrimonio inter se jungi eæ personæ non poterant, quæ per adoptionem, parentum liberorumve loco sibi esse cœpissent: in tantum, ut etiam dissoluta adoptione idem juris maneret *a*. Itaque eam, quæ per adoptionem filia neptisve facta esset, ne post emancipationem quidem uxorem ducere, qui quandoque adoptasset, poterat *b*.

Hæc de adscendentium descendentiumque gradu. Jam, ex transverso etiam cognationis gradu quasdam illicitas esse nuptias, non est obscurum. Ac primum, inter fratrem sororemque prohibitæ esse nuptias, nemini dubium est, siue ab eodem patre eademque matre progeniti fuerint, siue ab altero eorum *c*. Æmilius Probus, in procæmio lib. De vit. excellent. imperatorum: *Neque enim Cimoni fuit turpe, Atheniensium summo viro, sororem germanam in matrimonio habere. At id quidem nostris moribus nefas habetur.* Cujus tamen Cimonis facti Herodianus aut inscius, aut immemor, lib. i. *historiarum*, Πυλομαχῶ μὲν, αἰτ, καὶ μέγιστοι ἀδελφῆς ἰδίας, ἑρώτος ἀπεχωρήτους, παρὰ
 π

a §. ergo. Instit. de nupt. *b* l. 14. in pr. & §. 1. l. 55. D. de ritu nupt. *c* §. inter. Instit. de nupt.

τε τὰς Μακεδόνων καὶ Ἑλλήνων νόμους. At Dio,
 apud Ægyptios patrio id more receptum
 fuisse, ita scribit *a*, de Cæsare agens : Καὶ
 καὶ τῶ εἰς ἐκκλησίαν εἰσελθὼν, τὸν τε Πτο-
 λομαῖον, καὶ τὸν Κλεοπάτραν, παρεστήσατο,
 καὶ τὰς ἀφ' ἑαυτῶν πατρὸς αὐτῶν ἀνέγνω, ἐν
 αἷς, ἐκείνας μὲρ συνοικῆσαι ἀλλήλοις, καὶ τὴν
 Αἰγυπτίων τὰ πάτρια, καὶ βασιλεύειν, ἐπέ-
 στατο. Romanis utique semper detestabilis
 & execranda talis conjunctio visa est. Ideo-
 que inter ea, quæ de Caligula, non ut prin-
 cipe, sed ut monstro, Suetonius narrat,
 hoc refert *b*, quod cum omnibus sororibus
 suis stupri consuetudinem fecerit : quem
 etiam Drusillam germanam, Cassio Lon-
 gino consulari collocatam, abduxisse, & in
 modum justæ uxoris propalam habuisse scri-
 bit. Quam ejus turpitudinem nec Dio,
lib. 59, silentio prætermisit. Eademque se
 ac famam suam turpitudine fœdasse Otho-
 nem, Xiphilinus memorat. Plutarchus au-
 tem in *Parallelis*, ex *Chryssippi lib. 1. rerum*
Italicarum, auctor est, Papyrium quendam
 Romanum, amoris impatientia & ardore
 victum, Camiliam sororem gravidam fecisse.
 Quod ubi Papyrius Tolucer, communis eo-
 rum pater, rescivit, ensen filix misit, quo
 puella pectus transfodit : eodemque leti ge-
 nere scelestum ac nefarium facinus suum Pa-
 pyrius

pyrius deinde expiavit. Plautus, per adoptionem factam sororem, adoptione soluta, uxorem ducere, nihil vetabat *a*. Adoptione enim quæsitæ fraternitas, eo usque demum impediebat nuptias, quoad maneret adoptio *b*. Similiterque adoptivi patris matrem, materteram, aut neptem ex filio, ducere uxorem, post emancipationem nemo impediebatur; cum in extranei causam emancipatione redactus esset. Adoptivæ utique sororis filia, uxor duci, vel constante adhuc adoptione, licito jure poterat, quod ea cognata non esset, cum avunculus nemo fiat per adoptionem. Hæ enim demum cognationes per adoptionem contrahuntur, quæ agnatorum jus adjunctum habent *c*. Pari ratione alio patre natam, patris sui sororem adoptivam, ducere quis poterat, quoniam inter eos nulla cognatio intercedebat, quippe cum ea patri agnata non esset. Sed & Maximianus Constantino, per adoptionem nepoti, filiam in matrimonium tradidit. Quod Pancgyrici, Maximiano & Constantino AA. dicti, auctor tantum abest ut vituperet, ut summis contra laudibus efferat; *O divinum*, inquit, *tuum*, *Maximiane*, *judicium*, *qui hunc tibi jure adoptionis nepotem*,

a l. quinetiam. 55. §. 1. D. de ritu nupt. *b* l. per adoptionem. 17. D. de ritu nuptiarum. *c* l. 2. §. parvi. D. de suis & legit.

potem, majestatis ordine filium, etiam generum esse voluisti; divi, inquam, Constantii filium, in quem se prima illius juventa transfudit. Quinetiam Claudius Neronem, à se in locum filii adoptatum, cum filia sua Octavia matrimonio junxisse legitur^a; filia tamen prius in adoptionem tradita, ut in alienam familiam eo modo transferretur, ne soror fratri nubere videretur. Agrippina enim Claudio persuasit, Domitium Neronem privignum, filii loco adoptare, quem non filium modo, sed & generum habere voluit: verum, ne frater sororem ducere videretur, adoptionis commento, necessitudinis species dissoluta est. Inde Junoni Octavia à Seneca comparatur: sic enim in Tragoedia ejus nominis scriptum est:

Tu quoque terris

Altera Iuno, soror Augusti,

Conjunctae, graveis vince dolores.

Et alias:

Fratris thalamos sortita tenet

Maxima Iuno, soror Augusti,

Sociata toris.

Alio etiam loco:

Mæret infelix soror,

Eademque conjunx.

Simili joco etiam Cicero Clodium, incestus cum sorore suspitione laborantem,

in Oratione pro domo sua, proscindit; Sed tamen, inquit, ego mihi sororem virginem adscisco: tu sororem tuam virginem esse non servisti. Sed vide, ne tu te debeas uxorem dicere, quod tu jure eandem sororem & uxorem appellare possis.

Enimvero fratrum sororumve filias uxores ducere non licebat ^a: tametsi talium conjugiorum usum in rempub. invehere Claudium imperatorem, Agrippinæ Germanici fratris sui filia amore incensum, tentasse, literis proditum est; ut publici juris velamento, ejus matrimonii à se cum eâ contrahendi turpitudine tegetetur. Sic enim de hoc ejus incepto Tacitus, lib. 12, scribit: *Claudius, senatum ingressus, decretum postulat, quo juxta inter patruos fratrumque filias nuptia etiam in posterum statuerentur: neque tamen repertus, nisi unus, talis matrimonii cupidus, Taledius Severus, eques Romanus. Tranquillus, in Claudio, de ejus nuptiis agens: Verum, ait, illecebris Agrippina, Germanici fratris sui filia, per jus osculi & blanditiarum occasiones allectus in amorem, subornavit proximo senatu qui cogèrent se ad ducendum eam uxorem, quasi reip. interesset; dandamque ceteris veniam talium conjugiorum, qua ad id tempus injusta habeban-*

^a l. nemini. 17. C. de nupt. l. ultim. C. de incest. nupt. §. fratris. Instit. de nuptiis.

bebantur. Ac vix uno interposito die confectæ nuptias, non repertis qui sequerentur exemplum, excepto libertino quodam, & altero primipilari. Zonaras, in Claudio, etiam senatusconsulto hujusmodi nuptiarum jus sancitum fuisse in ejus principis gratiam, tradit; auctoreque Vitellio senatum Claudium ad Agrippinam uxorem ducendam adegisse. Εὐτὸς ἦεν, ait, ὁρμηθέντες οἱ βαλόντες πρὸς τὸν Κλαύδιον, ἤλθον καὶ ἠνάγκασαν δῆθεν αὐτὸν γῆμα, καὶ ψήφισμα ἐποίησαν, ἐξένοον Ῥωμαίοις ἀδελφιδᾶς ἄγεα. Inde Seneca, in libro joculari de ejus imperatoris morte, *Ve Roma*, ait, *sacra essent, quibus ipse, cum sibi Agrippina nuberet, 30 senatoribus, innumervis equitibus Romanis, mactatis, principium dedit.* Huc pertinent & hi, quos subjungam, Senecæ ex Octavia versus, quibus nutrix Octaviam Claudii filiam ita adfatur:

*Frustra parentis invocas manes tui;
Miseranda, frustra: nulla cui proles sua
Manet inter umbras cura: qui nato suo
Præferre potuit sanguine alieno satum,
Genitamque fratris conjugem captus sibi
Toris nefandis flebili junxit facē.*

Ne tamen tam mali exempli nuptiæ in posterum frequentarentur, Nerva vetuit, ne fratrum filiæ ducerentur. Id quod Xiphilinus in *Nerva* tradit, his verbis: Εὐνομβέτης δὲ ἄλλα, καὶ πρὸς τὸ μὴ ἀνεχέσθαι

πιναι, μήτε ἀδελφιδὴν γαμεῖν. Etenim ne de
 nominis vi ac potestate dubitetur, quod
 idem auctor de Hadriano, Τραϊάνῳ, ait,
 ἀδελφιδὴν ἐγαγαμήκεν. Ælius Spartianus ait,
 Trajani per sororem nepotem eum uxorem ac-
 cepisse. Et Pollux lib. 8. Ονομαστικῶς, & He-
 fychius, & Moschopulus ἐν συλλογῇ Ἀπτι-
 κῶν ὀνομάτῳ. Ἀδελφιδῆς, αἰνῶν, ὁ ἀδελφε-
 ῦς ἀδελφῆς υἱός, καὶ θυγατὴρ αὐτῶν ἀδελφιδῆ.
 Porro illam Nervæ constitutionem Zo-
 naras, τόμο 2. Ἀνναλίων, ita refert: Οὐ-
 πος ἐνομοθέτησε καὶ τὸ μὴ πιναι παιδὸς γυναι-
 κῶν, ὡς καὶ Ῥωμαίοις ἐκτίμῳ, μήτε
 μὲν ἄλλοις ὡς γάμον ἀδελφιδῶν. Domitia-
 num tamen non puduisse cum Julia fratris
 filia, tanquam cum uxore, palam versari,
 Suetonius & Xiphilinus memoriæ prodide-
 runt. Eadem tam perditā ac flagitiosā libidi-
 ne incitatum Heraclium imperatorem fe-
 runt: cui non aliunde id morbi vitiique,
 quo laboravit, quam ob illicitam cum fra-
 tris filia conjunctionem accidisse, vulgo
 creditum Zonaras his verbis scribit: Λέ-
 γεται ὅτι καὶ τὸ αἰδοῖον αὐτῷ σπυρφόμοις ἄνῳ τὸ
 ἔργον πέμπειν καὶ εἰ μὴ σάνις ἐν τῷ ἴσθμῳ αὐτῷ
 ἐκτετεῖτο, καὶ ὅτι ὡς σῶπες αὐτῷ τὸ ἀκρελινόμοις
 ἀνεδίδδοτο. ὃ συμβαίνειν ἰδοὺς ἀλγὺ πλὴν ἔκθε-
 σμον μίξιντ' ἀδελφὸ παιδός. Acerbissime vero
 hujus generis nuptias, ut incestas & nefarias,
 Impp. Anastasius & Zeno Constitutionibus
 suis

suis damnarunt. In quas etiam B. Ambrosius lib. 8. Epistol. ita invehitur : *Tu copulare paras filium tuum & neptem ex filia : hoc est, ut accipiat sororis sue filiam, diversa licet matre, quam socrus, editus ? Interroga nominum religionem. Nempe avunculus iste illius, illa hujus neptis vocatur : nec ipse te revocat sonus nominum, cum hic avum resonet, illa hoc nomen ad avunculum, quod ad avum, referat ? Et mox : Quid est, quod dubitari queat, cum lex divina etiam patruels fratres prohibeat convenire, qui sibi quarto sociantur gradu ? Hujusmodi autem gradus tertius est, qui etiam jure civili à consortio conjugii exceptus videtur. Sed nec in concubinato quidem haberi sororis filia, licet libertina, absque incesti crimine potuit a. Non modo autem fratris aut sororis filiam, verum etiam neptem proneptemve ducere non licet b.*

An autem mortuorum fratrum conjuges, fratribus superstitibus ducere licuerit, quæri potest. Sane eam quæ in manum fratris convenerit, dissolutis seu morte seu repudio nuptiis duci citra incesti crimen non posse, imperatorum constitutionibus cavetur c. Quamquam non desunt aliquot

in

a l. etiam. 56. D. de ritu nupt. b §. fratris.

Instit. de nupt. l. sororis. 39. D. de ritu nupt.

c l. nemini. C. de nupt. l. fratris. C. de incestu nupt.

in Romana historiâ ejusmodi matrimoniorum exempla. Lucius enim Tarquinius, cui post regnum scelere partum Superbi cognomen facta indiderunt, Tulliam minorem natu, quæ Arunti fratri nups erat, Arunte veneno ab ea sublato, cum ipse conjugem quoque suam eodem genere interemisset, duxit. Quod nefarium ejus factum Dionysius Halicarnas. *lib. 4.* duobus locis refert: quorum utrumque, vel ea præcipue de causa, ut, si qua inest in verbis aut obscuritas, aut depravatio, adhibita explanatione, emendatione ve, tollatur, subjungam. Prior sic habet: Τοιαῦται τῇ Τυλίας λεγέσσης ἀσμερῶς δέχεται τὰς αἰρέσεις ὁ Ταρκύνιος, καὶ αὐτίκα δὲς αὐτῇ πίσεις, καὶ λαβὼν τὰ πρῶτόλαια τῶ ἀνοπίων γάμων, καὶ ἀφραπαξάμενος, ἀπέρχεται. διελθόντος δὲ πολλῆς μὲν ταύτης χρόνου τοῖς αὐτοῖς πάρεσιν ἀποθνήσκουσιν ἥτε πρῶτον τέρα τῇ Τυλίας θυγατέρι, καὶ ὁ νεώτερος τῇ Ταρκυνίων. Et mox: Μετὰ τὸ τὸ ἔργον, καὶ δὲ ἐπὶ ἀφραπαξάμενος, ὁ Ταρκύνιος ἀπάγεται γυναῖκα τὴν Τυλίαν. In quibus verbis obscuritas nulla est quæ lectorem vel mediocriter literis Græcis tinctum morari possit, præterquam in voce πρῶτόλαια. Cujus scripturam corruptam esse forte suspicabitur qui apud Suidam leget πρῶτελαια à Lycurgo, ἐν τῷ πρῶτῳ ἱερῆας, appellari πὰ πρῶτῳ τελεοθῆναι πῶ εἰς τὸ θεῖον ἀναφερομένων γινόμενα ἢ διδο-

διδόνμα. Προτέλεια insuper, ut & Pollux
lib. 3. Onomastic. scribit, appellatum cum
 diem, ἐν ᾗ εἰς τὴν ἀκρόπολιν τὴν γαμμομένην
 παρθένοι ἀγασιν οἱ θνητοὶ εἰς τὴν θεὸν, καὶ θυσίας
 ἐπιτελοῦσιν. Et certe pro quolibet auspicio,
 initio, primordio, verbum hoc Græci usur-
 pant. Lucianus in *Dialogo* περὶ τοῦ ἐπὶ μίτρῳ
 συνιόντων. Ἀρξομαι δὲ ἀπὸ τοῦ πρώτου εἰρήνης,
 καὶ δόξης, ὡς εἰκὸς, δειπνήσκειν τὰ προτέλεια
 τῆς μελλούσης συνουσίας. Gregorius etiam Nyf-
 senus Lazari à mortuis excitationem οἰονεὶ
 τὰ προτέλεια τῆς κρητολικῆς ἀναστάσεως vocat.
 Cum vero verbum hoc *primitias* significet,
 nemo dubitabit, erratum esse in Hesychii
 codicibus, in quibus legitur, προβλεῖον
 ὑπ' ἀρχόν. Est enim emendandum, προτε-
 λείων, ἀπαρχῶν. Verum in eodem signifi-
 cato vocem quoque προβλεῖον à Græcis usur-
 pari observavi. Suidas: Προβλεῖα, ἢ πρώ-
 τη λεία, τὰ πρὸ τοῦ ληΐων, ἐξαίρετα. Idem
 προβλεῖον, ἀπαρχῶν, interpretatur. He-
 sychius etiam, προβλεῖα αἰρετὰ γμάλα, προ-
 βλεῖον ἀπαρχή. In Etymologico quoque
 προβλεῖα exponuntur esse τὰ πρώτα τοῦ ληΐων
 καὶ τοῦ πολέμου λαφύρων ἐξαίρετα, καὶ πρώπτα,
 ἅπασιν εἰδόμενα οἱ πρώπτοι λαμβάνειν, οἷον ἡ
 Χρυσήϊς ἐδόθη τῷ Ἀγαμέμνονι, καὶ ἡ Βρυσηὶς τῷ
 Ἀχιλλεῖ. δηλοῖ ὅτι τὰς ἀπαρχάς. Utramvis
 ergo lectionem sequare, sensus constabit;
 cumque locum sic fidus interpretes Gelenius

reddidit, *Delibato incestarum nuptiarum fructu abiit*. Alter ejusdem Halicarnassei, in quo de incestis Tarquinii & Tulliae nuptiis fit mentio, locus ita habet: Ἀλλ' οὗτος ἄμα τῷ αὐτῷ Διὶ πρῶτος καὶ τὰ παύματα ἔργα, πρὶν ἡμέραν θείναι τὰς ὑποδείξαμεν τὰς δύνῃας σῶμαί τε πυρᾶς, φίλης εἰσία, καὶ γάμους ἐπιτέλει, καὶ τὴν ἀνδροφόνον ὑμφύω ἐπὶ τὴν τ' ἀδελφῆς θάλαμον ἤγαγε, τὰς ἀπὸρρήτους ὥς αὐτὴν ἐμποδὼν ὁμολογίας, ἀνόσια καὶ ἐξάγιστα, καὶ ἔτε Εὐκλῆδος ἔτε βαρβαρίαν γῆν ὑδαμῶδι γινόμενα, πρῶτος εἰς τὴν Ρωμῶν πόλιν εἰσάγαγον, καὶ μὲν. Quem totum locum sic Gelenius Latino sermoni tradidit: *Hic est ille Tarquinius, Quirites, qui, nondum princeps, fratrem germanum, quia malus esse nolebat, veneno sustulit, assumpta ipsius uxore in societatem ejus sceleris, sua conjugis germana, quam diis invisus adulterio jam ante corruperat. Hic uxorem, pudicam matronam, & communium liberorum parentem, eodem veneno, eodem tempore, necavit: ac ne paululum quidem lugubri specie dissimulavit utrumque veneficium, sed confestim post perpetrata hac egregia facinora, fumantibus etiam tum rogis, qui misera illa corpora exceperant, ipse amicos excipiebat nuptiali epulo, ducens viricidam sponsam in sororis thalamum ex pacto nefario, primus ac solus inducens in hanc urbem morem impium & apud omnes Græcos simul atque barbaras*

barbaras nationes abominabilem. Sed quid ea, quaeso, verba significant, πρὶν ἰμέραν θείων πὰς πυρός; Equidem, ne diutius lectorem teneam, adfirmare non dubitabo, legendum esse, πρὶν ἢ μερανθῆναι, quod idem valet atque πύρσας καὶ σείσας, id est, ante extinctas pyra flammis. Quo loquendi genere Homerus usus est, *Iliad. lib. 10.*

Αὐτὰρ ἐπεὶ καὶ πῦρ ἐκείνη, καὶ φλόξ ἐμε-
ρανθη.

ubi Eustathius, *Observa*, ait, τὸ ἐμερανθῆναι λέχθαι ἐπὶ σείσεως φλογός. Et mox, Φλογός, inquit ille, μερανθείσης ὑπομὲν ἀνθρακιά. Aristoteles vero, in libro περὶ νεότητος καὶ γή-
ρας, inter μέρανσιν & σείσιν differentiam facit. Ἀλλὰ μὲν, ait, πυρός γὰρ δύο ἑρῶμεν φθο-
ράς, μέρανσιν τε, καὶ σείσιν. τὴν μὲν γῆρας, τὴν δὲ βίαιον. Rursus, quis est sensus horum Halicarnassei verborum, ἐμπεδὼν ὁμολογίας? Et hic quoque, ut breve id faciam, mendum est, legendumque, ἐμπεδῶν, id est, firmans, stabiliens; ut sit sensus, illicitas nefandasque cum ea jungens rationes. Hesychius enim ἐμπεδῶν interpretatur βεβαιῶν, πισῶν, ἀσφαλίζων. Ut autem ad ipsam historiam redeam, Livius, *lib. 1. ab V. C.* easdem nuptias breviter, nec, nisi adhibita fusiori Halicarnassei narratione, perspicue ita perstringit: *Ar-
runs, inquit, Tarquinius, & Tullia major,*
(sic enim ex Halicarnasseo emendo,) *prope*
conti-

continuatis funeribus, cum domos vacuas novo matrimonio fecissent, junguntur nuptiis, magis non prohibente Servio quam approbante. Nam verbum hoc *junguntur*, non ad Aruntem & Tulliam majorem, sed ad L. Tarquinium & Tulliam minorem, de quibus ante egerat, referri placet. Ceterum, etiam Marcum Crassum fratris defuncti uxorem duxisse, & quos habuit liberos, ex ea suscepisse eum, nec in aliquam factum hoc reprehensionem incurrisse, Plutarchus in ejus vitæ initio scribit. Quod cum mirum quibusdam videatur; verbum *συνοικεῖν*, quo Plutarchus in ea historia referenda utitur, interpretatione, quæ menti plane auctoris repugnat, ad nudam cohabitationem, ut & τὸ παῖδας ἔσχειν; ad puerorum ejus educationem, deflectere nituntur. Sed, quam aliam Crassus, quem minime cælibem vitam duxisse, imo vero justos liberos sustulisse, ex lib. 5. Epistolar. familiarium Ciceronis, & ex eodem Plutarcho in *Cicerone*, constat, uxorem duxerit, legere non memini. Nam alterius Plutarchus, cui usitatum est in ipso limine cujusque genus, familiam, conjugium narrare, non meminit; & verbum *συνοικεῖν* de nuptiali conjunctione passim, non apud Plutarchum modo, sed & reliquos Græcos auctores, accipi, tam certum est quam quod certissimum, ut testimo-

nia

nia proferre putidæ sit futurum diligentia. Atque adeo, vetustum & antiquitate ipsa spectabilem, ex insigni reginæ bibliotheca, manuscriptum Plutarchi codicem exhibuit mihi egregius ille antistes, qui nobis incredibili felicitate Plutarchum Gallice loquentem reddidit; in ejus margine ad eum locum fugientibus jam literis adnotatum est, Crassum uxorem fratris duxisse: ut proinde temere mutanda non sint quæ certam semper & constantem interpretationem habuere. His accedere & Apuleii, ex *Apologia pro se ipso secunda*, aliud exemplum velim, quo cum viri mortui fratre Pudentillam tabulas nuptiales fecisse narrat. Quod non posset aptius quam ipsimet auctoris verbis referri. Sic autem habent: *Æmilia Pudentilla, qua nunc mihi uxor est, ex quodam Sicinio Amico, qui cum antea nupta fuerat, Pontianum & Pudentem filios genuit; eosque pupillos in potestate avi relictos paterni (nam superstitie patre Amicus decesserat) per annos ferme quatuordecim memorabili pietate sedulo aluit. Non tamen libenter in ipso ætate sua flore tamdiu vidua, sed puerorum avus invitam eam conciliare studebat alteri filio suo Sicinio Claro, coque ceteros procos absterrebat; & præterea minabatur, si extraneo nupsisset, nihil se filiis ejus ex paternis*

paternis eorum bonis testamento relicturum. Quam conditionem cum obstinate propositam videret mulier sapiens, & egregie pia, ne quid filiis suis eo nomine incommodaret, facit quidem tabulas nuptiales, cum quo videbatur, cum Sicinio Claro; verum enim vero vanis frustrationibus nuptias eludit, eo ad, dum puerorum avus fato concessit, relictis filiis ejus heredibus, ita ut Pontianus, qui major natus erat, fratri suo tutor esset. Hæc ille. Utcunque sit, hujusmodi matrimonia, aliquot sunt Impp. Constitutionibus, ut & Concilii Neocæsariensis Canone secundo, interdicta *a*. Quinetiam, cum quidam Ægyptiorum, mortuorum fratrum conjuges matrimonio sibi copularent hoc colore, quod virgines mansisse dicerentur; forte profecto à Judæis instituto, apud quos fratri mortuo fratrem superstitem sobolem excitare invaluerat: Zeno eas nuptias, & qui eas contraxisset, & inde susceptos liberos, incestarum nuptiarum pœnis subjacere voluit *b*. Titum plane imperatorem, animam agentem, unius duntaxat peccati pœnitere se testatum esse, Xiphilinus refert. Conjecisse autem quosdam, id esse, quod Domitiani fratris uxorem in deliciis habuisset.

Uxoris

a l. fratris. & l. ult. C. de incest. nupt. l. nemini. C. de nupt. l. 1. & l. 3. de incest. nupt. in C. Th. *b* l. licet. C. de incest. nuptiis.

Uxoris etiam sororem ducendi & sic duabus sororibus conjungendi licentiam, dissoluto quoquomodo conjugio, Impp. Valentinianus, Theodosius, & Arcadius submoverunt *a*. Honorius tamen Imp. duas Stiliconis filias unam post alteram in matrimonio habuisse fertur. Sed quam infelix fuerit utriusque matrimonii exitus, historiarum monumenta testantur. Ex neutra enim liberos suscepit, morteque immatura utraque obiit, ut Zonaras *tomo 3. Annalium* his verbis narrat: Ἀγεται, ait, de Honorio loquens, τοίνυν τὴν Στυλικῶν Θυγατέρα Μαρίαν εἰς γαμετὴν ἥς θανάτου λέγεται τὴν ἀδελφὴν αὐτῆς Θερμακίαν γῆμαι ἐν ἀτελεῖ τυγχάνουσιν ἡλικίᾳ. καὶ κείνη ᾗ ταχὺ ἐτελεύτησεν. Marcellinus Comes, in Chronico: *Stilico comes, cujus dua filia, Maria & Tharmanthia, singula uxores Honorii principis fuerunt, utraque tamen virgo defuncta, spreto Honorii regno, regnum inhians, & quæ sequuntur.* Paul. Diaconus, lib. 14. appendicis ad Eutropium, Ei, ait, *soboles nulla fuit: nam dua Stiliconis filia, id est, Maria & Tharmanthia, (sic enim lege,) una post alteram ei conjugio sociata, utraque Dei judicio inopinata morte praeventa, ex hac luce virgines migravere.*

Verum enimvero duorum fratrum liberi invicem recte matrimonio jungebantur *a*,

a l. fratris. C. de incest. nuptiis.

tura, consobrinaeque uxoris ductæ fit in plerisque Pandectarum locis mentio *b.* Sic Tullias duas regis Servii Tullii filias, Lucio & Arunti Tarquiniis, Prisci Tarquinii nepotibus, consobrinis suis, matrimonio junctas fuisse, Dionys. Halicarn. libro 4. *Antiquitatum* refert. Sed manifestum est, eo loci in Græco codice erratum. Ita quippe scriptum est: Ἦσαν ὃ Τυλίας δύο θυγατέρες ἐκ γυναικὸς γινόμεναι Ταρκυνίας, ἣν ἐνέχρυσεν αὐτῷ βασιλεὺς Ταρκύνιος. ταύτας τὰς κύρας ἐπιγάμους γινόμενας ἐκδίδωται τοῖς ἀδελφοῖς τ' μητρὸς αὐτῶν, ἡγωνοῖς τε Ταρκυνίαις. Secundum quam scripturam hoc Halicarnas. ait: *Erant Servio Tullio filiae duae, ex uxore Tarquinia, quam ei rex Tarquinius Priscus despondit. Has puellas viro maturas, & nobiles, nuptum dedit fratribus matris earum, nepotibus Tarquinii.* Quod utique consistere non potest. Nam Tarquiniam, Tullii conjugem, filiam fuisse Tarquinii Prisci, in confesso est: Lucium vero & Aruntem Tarquinius, non Tarquinii Prisci filios, sed nepotes, fuisse, omni adseveratione contendit Halicarnasseus, & eorum, qui contra sentiebant, opinionem accuratissime refutat: pugnantque inter se,

nepo-

a §. duorum. Institut. de nupt. l. 3. & l. non solum. 67. §. 1. D. de ritu nupt. l. 2. C. de instit. & substitut.

nepotes fuisse Tarquinii, & fratres Tarquiniaë Tullii conjugis: & hoc modo non consobrinis, sed avunculis junctæ fuissent Tulliaë. Itaque procul dubio legendum est, ἀδελφιδῆς, id est, nepotibus per fratrem, seu υἱοῦ ἀδελφῆ τῆς Ταρκυνίας. Nam, ut ille existimat, ex Tarquinii Prisci filio, qui in juvenili ætate mortem obiecit, nati erant. Quamquam Livio probabilius videtur, Tulliarum non consobrinos eos, sed avunculos fuisse. Verba ejus hæc sunt, lib. i. ab U. C. *Hic Lucius Tarquinius, Prisci Tarquinii regis filius neposve fuerit, parum liquet: pluribus tamen auctoribus, filium crediderim. Fratrem habuerat Aruntem Tarquinium, mitis ingenii juvenem. His duobus, ut ante dictum est, dua Tullia filia nupsierant.* Hæc ille. Sunt & alia complura ejusmodi matrimoniorum in historiis exempla. Namque Augustum filiam suam Jūliam Marcello, Octaviaë sororis suæ filio, nuptum dedisse, à Dione *a* & Suetonio *b* relatum est. Et filium suum immatura morte præreptum Quintilianus lugens, avunculo cum generum destinatum significat *c*. Sed & Constantius Imp. sororem suam, quam in Græcis Socratis codicibus Helenam; in Latinis Cas-

K 2

siodori,

a lib. 53. *b* in Augusto, cap. 63. *c* lib. 6. Orat. instit. cap. 1.

fiodori, Constantiam nominari invenio, Juliano in matrimonium tradidit, atque ita patruelis patrueli juncta est: Julianus enim ex Constantio, Constantini magni consanguineo fratre, ortus erat. Quamquam sobrinarum diu Romæ ignorata conjugia Tacitus *lib. 12.* memorat, posteaque tempore addito ea percrebuisse. Id quod & Plutarchus ἐν Αἰσίοις confirmat, has nuptias plebiscito permissas significans. Πρότερον γὰρ, inquit, ὅτε ἐγήμεν τὰς ἀφ' αἰμαῖς, ὥστε ἐδὲ νῦν πλῆθιδας ἔδὲ ἀδελφὰς γαμεῖν, ἀλλὰ ὅψι συνεχώρησαν ἀνεψιαῖς συνοικεῖν ἐκ τῆς αὐτῆς αἰτίας. Ἀνὴρ, χρημάτων ἐνδεής, τὰς ἀλλὰ χρηστὰς, καὶ παρ' ὀνείας ἐν τῷ δήμῳ τὸ πολυθυομῶν δρέσκων, ἐπὶ κληρον ἀνεψιὰν ἔχειν ἔδειξε, καὶ πλεονεξίαν ἐπ' αὐτῆς. ἐπὶ τούτῳ δὲ γενομένης αὐτῆς κατηγορίας, ὁ δῆμος ἀφ' οὗ τὴν αἰτίαν ἐλέγχειν, ἔλυσε τὸ ἐγκλημα, ψηφισάμενος, πᾶσιν ἐξεῖναι γαμεῖν ἄλλοις ἀνεψιῶν, τὰ δ' ἀνωτέρω κεκωλυῖται. In cujus loci versione interpres non contemnendo errore lapsus est. Vocem enim ἀνεψιαῖς, de neptibus interpretatur, qua tamen appellatione illic sobrinas exaudiendas constat. Duorum enim fratrum sororumve filii, filiae, ἀνεψιοὶ & ἀνεψιαῖαι inter se sunt. Cujus rei vel locuples testis est Pollux, *lib. 4. Onomast. cap. 4.* At religiosissimus princeps, pudorisque, continentiae ac pietatis diligentissimus, Theodosius major,

major, etiam has nuptias prohibuit, quemadmodum Ambros. lib. 8. Epist. indicat a. Nam & Theodosius, inquit, imperator etiam fratres patruales & consobrinos vetuit inter se conjugio convenire, & severissimam poenam statuit, si quis temerare ausus esset fratrum pia pignora. Et tamen illi invicem sibi aequales sunt. Tantummodo, quia propinquitatis necessitudine & fraterna societatis ligantur vinculo, pietati eos voluit habere quod nati sunt. Meminit & hujus Theodosii constitutionis Sextus Aurelius Victor. apud quem ita est: Illa tamen, quibus Trajanus adpersus est, vinolentiam scilicet, & cupiditatem triumphandi, usque eo detestatus est, ut bella non moverit, sed invenerit, prohibueritque lege, ministeria lasciva psalteriasque comessationibus adhiberi; tantum pudori & continentia tribuens, ut consobrinarum nuptias vetuerit tanquam sororum. Quæ posteriora verba ab eo sumsit Paul. Diaconus, lib. 12. appendicis ad Eutrop. apud quem tamen mysteria pro ministeria in nonnullis codicibus male legitur. Atque ad hanc Theodosii constitutionem referendum est quod B. Augustin. lib. 15. de Civitate Dei, cap. 16. scribit: Experti autem sumus de connubiis consobrinarum etiam nostris temporibus, propter gradum propinquitatis fraterno gradui proximum, quam raro

per mores fiebat, quod fieri per leges licebat; quia id nec divina prohibuit, & nondum prohibuerat lex humana: veruntamen factum etiam licitum propter vicinitatem horrebatur illiciti; & quod fiebat cum consobrina, pene cum sorore fieri videbatur, quia & ipsi inter se propter tam propinquam consanguinitatem fratres vocabantur, & pene germani sunt. Et mox: Veruntamen, quis dubitet, honestius hoc tempore etiam consobrinarum prohibita esse conjugia, nec solum secundum ea quæ disputavimus, propter multiplicandas difficultates, ne habeas duas necessitudines una persona, cum dua possint eas habere, & numerus propinquitatis augeri, sed etiam quia nescio quo modo inest humana verecundia quiddam naturale atque laudabile, ut, cui debet causa propinquitatis verecundum honorem, ab ea contineat quamvis generatricem tamen libidinem, de qua erubescere videmus etiam ipsam pudicitiam conjugalem. Verum illam Theodosii constitutionem Arcadius & Honorius ejus filii postea abrogaverunt. quorum de ea constitutio in Codice Justiniani exstat in hæc verba ^a: *Celebrandis inter consobrinos matrimoniis licentia legis hujus salubritate indulta est, ut, revocata prisce juris auctoritate, restinētisque calumniarum fo-*
mentis,

^a l. celebrandis. C. de nupt.

mentis, matrimonium inter consobrinos habeatur legitimum, siue ex duobus fratribus, siue ex duabus sororibus, siue ex fratre & sorore nati sint. Refragari tamen duæ eorundem imperatorum Constitutiones videntur, quæ in Cod. Theodos. referuntur. Una *a* sub tit. *Si nuptia ex rescripto petantur.* Altera *b* sub tit. *De incestis nuptiis.* Sed ego Anianum illis Constitutionibus violentas manus attulisse suspicor; cum, ad Gothorum suorum, in quorum gratiam ex Alarici Regis præcepto breviarium Codicis conscripsit, usum, Constitutiones illas accommodare studeret. Quod ex collatione earundem Constitutionum, cum iis quæ sub iisdem Rubricis in Codice Justiniani collocatæ sunt, deprehendi potest. Neutro enim loco in Justiniani Codice de consobrinarum nuptiis fit mentio. Sed & Constitutioni Arcadii & Honorii incestarum nuptiarum pœnam idem Anianus, ex gentis suæ moribus, ignis & proscriptionis, ab eorum imperatorum sententia abhorrentem, inseruit: ac, ut semel dicam quod sentio, quod Tribonianus in Pandectas & Codicem pro imperio ausus est, idem Anianus in breviarium Codicis Theodosiani, & Cui Institutiones, admittere non dubitavit. Itaque illis in libris

K 4 plerum-

a l. un. si nupt. ex rescript. pet. in C. Th.
b l. 2. de incest. nupt. in C. Th.

plerumque Tribonianus & Anianus pro antiquis Jurisconsultis atque Imperatoribus leguntur. Quale illud est, quod apud Caium legitur, cives Romanos effici servos tribus modis; id est, testamento, aut in ecclesia, aut ante consulem manumissos. Nec enim dubium est, Caium, cum Cicerone *Topicis*, & Ulpiano *in Instit.*, scripsisse, libertos eos cives Romanos esse, qui testamento, censu, vindicta, manumissi essent. Manumissiones quippe in ecclesia Caius ignorabat, quibus vires atque robur Constantinus magnus primus tribuit. Et, ne longius à proposito recedam, in earundem Cui Institutionum epitome, cujus Anianus, aut ejusdem farinae alius, auctor est, fratres amitinos vel consobrinos in matrimonio jungi nulla ratione permitti, scriptum est: quod tamen civili juris antiqui definitioni adversatur. Similiter Theophilus, ad suorum quoque temporum rationem jus antiquum detorquens, contra Justiniani mentem scripsit, δύο ἀδελφῶν ἀρρένων ἢ θήλων παῖδες ἔδυνασθαι πρὸς γάμον συνάπειν. Nam earum nuptiarum prohibitio ex recentiorum imperatorum Constitutionibus, quibus & conciliorum ecclesiasticorum Canones accesserunt, descendit; ut ex concilio Romano, quod imperante Leone sub urbis Romanæ episcopo Gregorio

rio III celebratum est, patet. Gothorum utique, ut & Alemanorum legibus, consobrinorum consobrinarumque interdictæ fuere nuptiæ. In Alemanorum enim legibus, quas eis Clotharius rex descripsit, ita legitur, tit. 40: *Nuptias prohibemus incestas. Itaque uxorem habere non liceat socrum, nnum, privignam, norvercam, filiam fratris, filiam sororis, fratris uxorem, uxoris sororem. Filii fratrum, filii sororum, inter se nulla presumptione jungantur. Si quis contra hoc fecerit, à loci iudicibus separetur, & omnes facultates amittat, quas fiscus adquirat. Si minores persona sunt, qua se illicita conjunctione polluerunt, careant libertate, servis fiscalibus adgreganda.*

Nunc ad reliqua pergamus. Atnitam quoque & materteram uxorem ducere non conceditur, quoniam, ut Justinianus ait *a*, parentum loco habentur. Unde apud Halicarn. Brutus inter cetera, quæ Tarquinio Superbo vitio dat, hoc, ut probrum, objicit, quod Servii Tullii uxorem Tarquiniam, *h*, ait, *αγοῶνκεν αὐτῷ πρὶν ὥστερ μητέρα, πατρός ἀδελφὴν εἶσαν*, antequam viro iusta fecisset, laqueo necasset. Itaque exterminandi Syllani sibi invidi causa, Nero accusatores, Tacito *b* teste, summisit, qui cum Lepida, amita ejus, Cassii uxore, incesti eum postularent.

K 5 Illæ

a §. item amitam. Instit. de nupt. *b* lib. 16.

Illæ etiam sunt injustæ nuptiæ, quæ legitimo consensu carent. Nuptiæ enim consensu solo contrahentium fiunt. Quare cum furioso furiosave matrimonium contrahi nequit *a*. Nec enim voluntatem, sensum, intellectumve habent. Dissimilis mutorum surdorumque causa est, quibus, utpote consensus compotibus, valetudo vitiumque corporis, quo minus matrimonium contrahant, non obest *b*. Quamquam autem matrimonium contrahi furor non sinit, rite tamen contractum non dissolvit *c*: similiterque, qui sponsalibus contrahendis ab initio impedimento fuisset furor, idem, postea superveniens, jam contracta ea non dirimit *d*. Ceterum, non consensum duntaxat eorum, qui coeunt, sed & eorum, quorum in potestate sunt, exigimus *e*. Idque naturali ratione, ex qua parentibus debita reverentia atque observantia descendit *f*, & civili jure, quo patriæ potestatis jus receptum est *g*, desiderari, belle Justinianus scribit *h*. Filiis ergo familias absque parentum volun-

a l. furor. 8. D. de sponsalib. l. oratione. 16. in fin. D. de ritu nupt. *b* l. ubi non voce. 124. D. de regul. jur. l. in quibuscunque. 43. D. de obl. & act. *c* l. patre furioso. D. de his qui sunt sui vel al. jur. d. l. oratione. in fin. D. de ritu nupt. *d* d. l. furor. *e* l. 2. D. de ritu nupt. *f* l. veluti. D. de just. & jure. *g* d. l. patre furioso. *h* Inst. de nupt.

voluntate justas nuptias contrahere non licet. Qui locus à tam multis jam tractatus est, ut nobis non sit hæc disputationis materia attentanda. Quid enim, ut de nostris taceam, ad D. Claudii Espen-cæi, eruditissimi celeberrimique theologi; qui hanc quæstionem accuratissime persecutus est, copiam addi possit? Itaque ea demum, quæ instituti Operis ratio necessario postulat, attingam. Consequens est autem, cum justæ ac legitimæ non sint nuptiæ patre minime consentiente factæ, justos ac legitimos non haberi inde susceptos liberos, ac per hoc, ut recte Apuleius infert *a*, spurios nasci. Nec refert, vivone avo, an post ejus mortem, in lucem edantur; cum patris morte, quæ ab initio injustæ sunt, non eo magis convalescant nuptiæ *b*. Infamiæ quoque notam non evadere eum, qui sciens uxorem non jussu ejus, cujus in potestate est, duxerit, ipsa prætoris de infamibus edicti verba declarant *c*. Nepoti autem uxorem ducenti tam avum quam patrem consentire debere, Paulus testatur *d*. Aliter atque si neptis nubat, cui solius avi auctoritatem sufficere tradit.

K 6

Cum

a lib. 5. de Afero aureo. *b* l. Paulus. 11. D. de stat. hominum. *c* l. 1. D. de his qui not. infam. *d* l. oratione. 16. §. 1. D. de ritu nupt.

Cum tamen pater furit, avus sapit, avi solius auctoritas sufficit *a*. Qua in specie, aut etiam, si morte vel emancipatione pater de medio sit subductus, procedere posse, Accursius monet, quod Paulus ex Pomponio scribit *b*, Si nepotem ex filio, neptem ex altero filio in potestate habeam, nuptias inter eos me solo auctore contrahi posse. Versa vice, si avus furore teneatur, nepoti patris solius voluntas exquirenda est. Is plane, cujus pater ab hostibus captus est, si non intra triennium revertatur, uxorem ducere potest *c*. Pari modo, si ita pater absit, ut, ubi gentium ac locorum sit, ignoretur, post triennium, ex quo apertissime fuerit ignotus ubi degat & an superstes sit, non prohibentur *d* liberi ejus utriusque sexus nuptias absque ejus auctoritate contrahere. Sed & si ante triennium nuptias contraxerint, dummodo eam filius uxorem duxerit, vel filia hujusmodi homini nupserit, ut certum sit, patrem, si adesset, ejus conditionem non repudiaturum, nuptiæ valebunt *e*. Enimvero consensus patris non ita accipiendus est, ut satis sit, mandatum filiae mariti quærendi dedisse: nam & per-

a l. si nepos. 9. D. de ritu nuptiar. *b* l. si nepotem. 3. D. de rit. nupt. *c* d. l. si nepos. §. ult. D. de ritu nupt. *d* l. si ita. 10. D. de ritu nupt. *e* l. si filius. 11. D. eod. titulo.

& personam patri demonstrari oportet *a*. Patris autem ad nuptias constituendas jussum præcedere oportere Justinianus tradit *b*. Ubi jussum pro voluntate accipiendum esse constat. Velle porro intelligitur, si, quod agitur, sciat, nec evidenter dissentiat *c*. Contrariam quippe voluntatem contestari necesse est. Alioquin, si taceat, nec contradicat, pro jussu & consensu silentium ejus interpretamur *d*. Itaque, nutu, & literis, & per nuncium, patris consensum interponi posse, dubium non est *e*. Consensus porro, qui in aliis causis exigitur, vel ex intervallo & negotio jam perfecto, cum effectu interponitur. Quod & in hac quæstione probare videtur, Justiniano prima fronte contrarius, Papinianus, cum ita scribit *f*:
Dotis promissio non ideo minus valebit, quod ignorante initio patre nuptia facta fuerint, si postea consenseris: cum omnis dotis promissio futuri matrimonii conditionem accipiat. Verum ea, meo quidem judicio, verba sic accipienda sunt, ut ex die accommodati consensus incipiant nuptiæ esse, exindeque

K 7

dos

a l. generali. 34. D. eod. tit. *b* Instit. de nuptiis. *c* l. in sponsalibus. in fine. D. de sponsal. arg. l. 2. §. velle. D. sol. matr. *d* l. si, ut proponis. C. de nupt. *e* arg. l. pater. §. 1. D. de acq. hered. l. consensu. D. de oblig. & act. l. 2. D. de pact. *f* l. dotis promissio. 68. D. de jure dot.

dos peti possit. Quod ita censuisse Papinianum, indicio sunt sequentia ejus verba, quibus objicit, maritum à petitione dotis, cujus promissio ad primas tantum, non etiam ad secundas nuptias extenditur, repellendum videri. Cui objectioni locum non esse in specie proposita significat, quoniam, accedente demum patris consensu, nuptiæ esse cœperint. Plane consensus sui qualemquam, dum tamen apertam, significationem dare patrem sufficit, nec tabulis nuptialibus ac dotalibus subscribere eum necesse est.

Hæc ita in filiorum fa. matrimoniis servantur. Emancipati vero filii citra parentum consensum justas nuptias contrahunt *a*: nec interesse existimo, justæne ætatis sint, an minores 25 annis, cum hujus distinctionis nullum consultorum imperatorumve auctorem habeamus. Quamquam Accursio aliter videri scio. qui, quod de feminis propter infirmitatem ac fragilitatem sexus ab Impp. constitutum est *b*, ad mares porrigere, nulla probabili ductus ratione, conatur *c*. Proinde minime dubium est, juste quæritos filios videri, & suos heredes patri adnasci, quos emancipatus ex uxore, non ex patris voluntate ducta, suscepit. Atque

a l. filius. 25. D. de ritu nuptiar.
& l. in conjunctione. C. de nupt.
l. filius.

b l. viduæ.
c in glos. d.

que adeo, ad bonorum quoque possessionem avi, cujus testamento præteriti sunt, eos patre mortuo admitti, Ulpianus scribit *a*. Non enim, ait, per rescissionem, qui filius justus est, efficitur non filius, cum rescissio, quo magis admittatur, non quo minus, adhibeatur. Quæ verba obscurum sensum habent. & licet iis faciem jam eruditissimi aliquot viri prætulerint, quia tamen, ut est in proverbio, καὶ τῆς τὰ καλὰ, deciesque repetita placent, non pigebit familiarem eorum verborum interpretationem facere. Sciendum est igitur, prætorem, qui juris civilis custodiendi magis, quam convellendi atque infringendi causa, constitutus erat, ne aperte contra juris civilis auctoritatem emancipatis præteritis subvenire videretur (quibus tamen naturali ratione succurri æquum erat) eorum capitis diminutionem rescindere consuevisse *b*; ut, eo facto quasi potestati patris redditi, contra tabulas bonorum possessionem peterent. Hac ratione, dixisset aliquis, nepotem, quem emancipatus ex matrimonio citra consensum patris contracto sustulit, avitum testamentum per bonorum possessionem expugnare non posse: quoniam, ut ad bonorum

a l. 3. §. si emancipatus. D. de bon. poss. contra tab. *b* l. sed cum patrono. §. ult. D. de bon. possessionibus.

norum possessionem admittatur, rescindi patris ejus emancipationem necesse sit; quæ rescissa, videbitur non ex justis nuptiis nepos hic conceptus, quæ parentis consensu (in cujus potestatem, per rescissionem emancipationis, patrem ejus redigimus) non fuerint firmatæ. Huic tacitæ objectioni Ulpianus occurrens, rescissionem emancipationis (sic enim interpretari convenit), quæ à prætore fit, eo comparatam esse scribit, ut aditum ad bonorum possessionem emancipatis patefaciat. Proinde, quæ admittendorum eorum causa inducta est, excludere & repellere eos non debet; ne, quod pro eis favorabiliter constitutum est, in eorum incommodum atque odium retorqueatur. Ut enim scite Quintilianus in Declamationibus argumentatur, Quæ pro aliquo scripta est lex, contra cum valere non debet. Itaque rescissio hæc, quominus justus patris filius nepos intelligatur, non efficit; sed contra, viam sternit ad bonorum possessionem petendam. Nam etiam si, ut subjicit Ulpianus, tam turpem & ignominiosam uxorem duxisset filius, ut toti familiæ, ejus adfinitas dedecori esset, nihilominus tamen ex ea natus filius ad bonorum possessionem admitteretur. Potuit enim avus in eum suo jure uti, & eum pro imperio exheredare. Parentibus

rentibus siquidem liberos exheredare licet *a*; quos & occidere licebat. Quodsi cum exheredasset, de inofficioso testamento queri nepos hic necesse habuisset. In quo judicio & patris delicta, & nepotis merita, centumviri examinassent; perpendissentque, an ob patris vitium nepotem plecti, alienumque à substantia avita fieri; & contra, an liberos vili, abjecta, famosaque nuru susceptos, ad bona avi, cujus familia labe hac aspergitur, admitti æquum esset. Hæc per transennam interlocutum me non pœnitet, cum locus hic, adhibita nostra interpretatione, planior posthac legentibus futurus, occurret.

Ut autem eo redeat, unde exiit, oratio, admonendi sumus, non idem filiabus, quod filiis emancipatis, juris esse. Filiaæ namque emancipatæ, quoad vicissimum quintum annum attigerint, non modo primas, sed ne secundas quidem nuptias sine patris voluntate recte contrahunt *b*. Quin etiam morte patris, sui juris factæ, donec ad legitimam ætatem pervenerint, matris, & propinquorum, & curatoris, sub cujus potestate constitutæ sunt, sententiam explorare necesse habent *c*. Quodsi inter tutorem, matrem,

a l. in suis. 11. in fin. D. de lib. & post. *b* l. viduæ. 18. & l. in conjunctione. 20. C. de nuptiis.
c l. 1. & d. l. in conjunctione. C. de nupt.

trem, & propinquos, de electione futuri mariti minus conveniat, ad arbitrium magistratus erit recurrendum *a*. Hujusmodi quondam discordiam inter matrem & tutores, M. Geganio Macerino, iterum, & T. Quinctio Capitolino, V. Coss., ortam Livius memorat *b*. Virginem siquidem, maxime forma notam, tum temporis duo juvenes petiere. Unus plebeii generis, tutoribus fretus; qui & ipsi ejusdem ordinis erant: nobilis alter, nulla re præterquam forma captus; cui mater, splendidissimis nuptiis jungi filiam cupiens, favebat. Quod certamen cum domi & intra privatos parietes componi nequisset, ventum in jus est: postulatuque matris & tutorum utrimque audito, magistratus secundum matris arbitrium jus nuptiarum dedere. At quæ vicessimum quintum annum egressæ sunt filiæ, inconsultis parentibus impune pro arbitrio nubunt, nec pœnam exheredationis ob eam rem timent *c*. An vero abducendæ filiæ, quæ sine ejus voluntate nupsisset, jus patri olim competeret, quæri potest. Ulpianus quidem, certe bene, concordantia matrimonia jure patriæ potestatis turbari non posse; patrique, interdicto sibi filiam exhi-

a l. 1. C. de nuptiis. *b* lib. 4. ab U. C.

c §. causas. Nov. ut cum de appellat. cognoscitur.

exhiberi desideranti, persuadendum, ne acerbe patriam exerceat potestatem, scribit *a*. Imo vero, de uxore exhibenda, ac ducenda, patrem, etiam qui in potestate eam habeat, à marito recte conveniri posse, Venuleius auctor est *b*. Interdicto quoque succurri marito, cujus uxor invita à parentibus detinetur, Impp. rescripsere *c*. Ex illo vero generali Ulpiani axioma, quo bene concordantia matrimonia jure patriæ potestatis non esse turbanda definit, interpretationem, meo quidem judicio, accipit, quod Paulus *in lib. Sententiarum* scribit *d*, Eorum, qui in patris potestate sunt, sine voluntate ejus matrimonia jure non contrahi, sed contracta non solvi.

Porro duas eodem tempore uxores habere, Romæ non licuit *e*. Binarum vero eodem tempore contractarum nuptiarum crimen, infamiæ poena vindicatum, notum est. Edicto enim prætoris, qui vel binâ sponsalia eodem tempore constituta habebat, infamia notabatur *f*. Unde Impp. Valerian. & Galien., *Eum*, inquiunt *g*, qui duas simul habuit uxores, sine dubitatione

a l. 1. §. ult. D. de liber. exhib. *b* l. 2. D. de lib. exhib. *c* l. si invita. 11. C. de nupt. l. 3. C. de lib. exhib. *d* lib. 2. tit. 19. *e* §. ad finitatis. Instit. de nupt. *f* l. 1. in fin. l. quid ergo. 13. §. 1. D. de his qui not. infam. *g* l. eum qui. 18. C. ad l. Jul. de adulter.

*tione comitatur infamia. In ea namque re non juris effectus, quo cives nostri plura contrahere matrimonia prohibentur, sed animi destinatio cogitatur. Quibus postremis verbis, ut eorum vim potestatemque breviter explanemus, tacitæ objectioni respondet. Dixisset enim aliquis, non posse quem duas uxores habere: nam, manente prioris non repudiatæ conjugio, alteram additam conjugem, uxorem esse non posse. Sed voluptatem contrahendi matrimonii, non juris effectum & conjunctionis validitatem, spectari debere, Impp. aiunt: quemadmodum & Ulpianus factum notari tradit *a*. Ideoque, si vel cum ea quis nuptias faciat, vel sponsalia constituat, quam uxorem ducere non liceat, infamiam non eo tamen effugere. Illius vero Galieni & Valeriani constitutionis ultimam partem, ut hoc obiter admoneam, Tribonianus in *tit. De donationib. ante nuptias*, junctis & additis aliquot, prout sensus desiderabat, verbis, retulit *b*. Impp. etiam Diocletian. & Maximianus *c*, *Neminem*, inquiunt, *qui sub ditione sit Romani nominis, binas uxores habere posse*, vulgo patet: cum etiam in edicto prætoris hujusmodi viri infamia notati sint.*

Quam

a d. l. quid ergo. §. cum autem factum. D. de his qui not. infam. *b* l. ea quæ. C. de donationib. ante nupt. *c* l. 2. C. de incest. nupt.

Quam rem competens judex inultam esse non patietur. Utique enim, stupri crimen in posteriorem uxorem committi, non dubium est. Ex quo sequitur, capitalem pœnam ei, qui tale facinus admiserit, ex Constantini constitutionibus, quæ supra & adulteria capite plectunt, imminere: quod & Constantini quædam constitutio non obscure indicat, qua capitali pœnæ non esse obnoxias eas mulieres statuit a, quæ, vivis maritis militibus, nullo accepto de eorum sospitate nuncio, post quatuor annorum spatium alteri nupserint. Incidisse autem aliquando Romæ de duabus uxoribus simul ductis controversiam, Crassus, apud Ciceronem lib. 1. de Oratore, ita scribit: Quid? quod usu memoria patrum venit, ut paterfamilias, qui ex Hispania Romam venisset, cum uxorem pragnantem in provincia reliquisset, Romeque alteram duxisset, neque nuncium priori remisisset, mortuusque esset intestato, & ex utraque filius natus esset; mediocrisne res in controversiam adducta est, cum quaeretur de duobus civium capitibus, & de puero qui ex posteriore natus erat, & de ejus matre? qua, si judicaretur, certis quibusdam verbis, non novis nuptiis, fieri cum superiore divorcium, in concubina locum duceretur. Ac neque hic omittendum censeo, Papyrii non minus lepidum

a l. uxor. C. de repudiis.

lepidum atque festivum , quam prudens figmentum , quo matrem , instantius percunctantem quid in senatu egissent patres , elusit *a*. Actum enim in senatu dixit , utrum utilius videretur , magisque ex republica esse , unusne ut duas uxores haberet , an ut una apud duos nupta esset. Quod ubi illa audivit , domo trepidans egressa , ad ceteras matronas retulit ; postridieque ad senatum copiosæ matrumfamilias catervæ confluxerunt , deprecantes , una potius ut duobus nupta fieret , quam uni duæ. Senatoribus vero , quæ illa mulierum intemperies , & quid sibi postulatio istæc vellet , mirantibus , & , non ut parvæ rei prodigium , illam verecundi sexus impudicam insaniam pavescentibus , puer Papyrius publicum metum demit. Nam in medium curiæ progressus , quid ipsi mater audire institisset , quid matri ipse simulasset , sicuti fuerat , enarravit. Nec clam me est , memoriæ proditum *b* , Helium Cæcinam , tribun. plebis , legem habuisse scriptam , paratamque , quam Julius Cæsar se absente ferre jussisset , ut uxores , liberorum quærendorum causa , quas & quot vellent , ducere Quiritibus liceret. Sed ea lex promulgata non fuit : primumque ex Romanis Antonium

a Gell. lib. 10. noct. Attic. cap. 23. *Macrob.* lib. 1. cap. 6. *b* Sueton. in Julio, cap. 52.

nium duas in matrimonio mulieres habuisse, Plutarchus scriptum reliquit, *in collatione Demetrii & Antonii*, his verbis: Ἀντώνιος δὲ πρῶτον μὲν ὅμῳ δύο γυναῖκας ἡγάγετο, πρῶτα μὲν τὴν Πάμφιλον περιλαμβόμενον. Valentinianus quoque, Severæ conjugis prædicatione in Justinæ amorem pellectus, cum neque subnixum jam liberis matrimonium solvere, & uxori, ex qua Gratianum susceperat, repudium mittere sustineret, neque frenis amorem, quo puellam tantopere sibi laudatam deperibat, cohibere posset, alteram Severæ Justinam uxorem superduxit, ex qua Valentinianum juniorem sustulit. Ac, ut facti ejus turpitudinem amoliretur, lege sanxit, ut cuilibet duas simul uxores habere liceret: quemadmodum Socrates *a*, Paul. Diacon. *b* & Nicephorus *c* scribunt. Sed nec ea lex accepta fuit. Nam & Judæos, qui forte hoc colore, quod primis generis humani satoribus polygamia propagandæ ac multiplicandæ sobolis necessitate permessa fuisset, quasi majorum vestigiis insistentes, plures sibi uxores habere licere existimabant, Impp. Theodosius, Artad. & Honorius, prohibuere in diversa sub uno tempore conjugia

a lib. 4. hist. ecclesiastic. cap. 30. *b* lib. 11. append. ad Eutrop. *c* lib. 11. histor. ecclesiastic. cap. 33.

jugia convenire *a*. Necnon Justinianus, *Novella* 79, quæ de naturalibus liberis tractat, Εἰ τις, ait, νομίμως συνοικίῃ γυναικὶ, ἄλλας ἐπεισάγει ὅσας αὐτὸς δύναται, ὧς συνοικεῖσιν συνεστῶσι, καὶ ἐξ αὐτῶν νομίμως παιδοποιεῖται.

An autem concubina uxori jure Quiritium adjungi posset, dubitari scio. Hoc certe nec jura antiqua, nec sua, concedere Justinianus scribit *b*. Nam, nec prudentes hoc probasse, indicio est quod Ulpianus ait *c*, Si patronus, qui libertam duxerat, ei concubinam adhibuisset, inde conjecturam capi, nolle eam nuptam habere; quoniam cum uxore concubina haberi non posset. Idem ipsum Constantini magni constitutio prohibuit, quæ ita habet *d*: *Nemini licentia concedatur, constante matrimonio, concubinam penes se habere.* Quamobrem Gellius, eam, quæ juncta consuetaque esset cum eo, in cujus manu mancipioque alia matrimonii causa foret, probrosam habitam lege Numæ, ostendit *e*; ejusmodique mulieres, quæ cum eo, cui uxor esset, corpus miscerent, *pellices* appellatas, ibidem tradit. Quod & Caium Flaccum, *lib.*
de

a l. nemo. 7. C. de Judæis. *b* l. ult. C. commun. de manumissionibus. *c* l. ult. in fin. D. de divort. *d* l. un. C. de concub. *e* lib. 4. cap. 3.

de jure Papyriano, scripſiſſe, Paulus lib. 10.
ad l. Iuliam. & Pap. notaverat a.

Ceterum, ſunt & illæ injuſtæ nuptiæ, quæ
à mulieribus intra luſtus tempus contrahun-
tur. Luſtus autem tempus, regia lege deſi-
nitum, decem menſium erat: per quos mu-
lier abſtinere à nuptiis jubebatur: duplici,
ut Harmenopolus explicat b, ratione: Ἀλλὰ
τὸ μὴ σύγκουσιν γίναξ τῷ ἄνδρι, καὶ Ἀφ' οὗ
ὀφειλομένη αἰδὼ καὶ πρὸς τὸν ἄνδρα. Cujus rei
Plutarchus in Numa teſtis eſt: Ἀλλὰ τὸ, ὅτι
μακροτάτη πένθος χρόνον εἶναι δεκαμηνῶν,
ἐφ' ὅσον καὶ χρεώσονται αἱ τῷ ἀποθανόντων γυναι-
κες, ἢ ὅτι πρὸς τὸν χρόνον βῆν ἐγκύματα
κατέβυσεν, ἐκείνη νομοπεθήσεται. Ovid.
lib. 1. Faſtorum:

*Quod ſatis eſt, utero matris dum prodeat in-
fans,*

Hoc anno ſtatuit temporis eſſe ſatis.

Per totidem menſes à funere conjugis uxor

Suſtinet in vidua triſtia ſigna domo.

Idem lib. 3:

*Annus erat, decimum cum Luna receperat
orbem:*

Hic numerus magno tunc in honore fuit.

Et mox:

Aſſuetos igitur numeros ſervavit in anno.

Hoc luget ſpatio femina mœſta virum.

L

Quam-

a in l. Maſſurius. 144. D. de verb. ſign.
b lib. 4. tit. 6.

Quamobrem, cum, federis inter Octavium Cæsarem & Antonium sancienti causa, Octaviam illius sororem huic nuptum dari placuisset, & ea legibus prohiberetur nuptias contrahere, quod M. Marcellum paulo ante mortuum lugeret, necdum decem menses à viri morte effluxissent, per senatum legibus solvi eam, gratiamque ei legitimi luctus temporis fieri, necesse fuit; ut Plutarch. in *Antonio* his verbis narrat: Ὡς οὖν ἔδοξεν ἀμφοτέροις, ἀναβάντες εἰς Ρώμην, ἐπέτελεν τὸν Οὐλαβίας γάμον. ὅτε ἑῷ τῷ μὲν νόμῳ πρὸ δέκα μηνῶν ἀνδρὸς τελευτήσαντι γαμεῖσθαι, τὸ δὲ Οὐγγλήτης δέγματος τὸ χρόνον ἐκείνης ἀνείσης, & quæ sequuntur. Itaque, quod apud Senecam, *epist.* 65. ad *Lucilium*, legitur, annum feminis ad lugendum constituisse majores, de anno utique Romuli, qui decem duntaxat mensibus constabat, ut fuit à Macrobio tractatur, non de anni suis temporibus ordinata dimensione, accipiendum est. Eodemque modo legitimum luctus tempus in jureconsultorum scriptis interpretandum adfirmo. Primi namque Gratianus, Valentinianus, & Theodosius Impp., luctus tempus, duobus mensibus auctum, anno definire; ut ex eorum Constitutione, in G. Theodof. relata, constat. quæ ita habet *b*: *Si qua ex feminis,*

perdito
a lib. 2. cap. 12. *b* l. 1. de secund. nupt.
 Cod. Theod. l. 2. C. de sec. nupt.

perdito marito, intra anni spatium alteri festinarit nubere (parum enim temporis post decem menses servandum adjicimus), tametsi id exiguum putemus, probrosis inusta notis, honestioris nobilisque persona & decore & jure privetur, &c. Indeque colligi potest, Apuleium *a*, qui annui luctus temporis mentionem faciat, aut post eorum imperatorum ætatem, aut eorum seculo vixisse. Apud eum enim Charite Lepolemmum, nuptias ejus ambientem, hac excusatione repellit, quod nondum annum luctus complevisset. At Caligula die suo natali, quo & Augusti templum consecravit, ut ad spectacula, quæ edebat, omnes convenirent; luctus inhibuisse, & præterea viduis, intra constitutum legitimum tempus, nubere, nisi prægnantes essent, concessisse fertur. Verba Dionis *b*, quæ hoc comprobant, hæc sunt: Καὶ τὰ πένθη πάντα ἐπὶ τοῦ χρόνου, ὥστε καὶ ταῖς γυναῖξιν, ταῖς τῶν ἀνδρῶν ἐστρατηγείαις, γαμείοις, καὶ τοῖς ἑκατόντησι χρόνοις, ἀνὰ γὰρ μὴ ἐν γαστρὶ ἔχουσιν, ἐξείναι. Plane Heliogabalus, quemadmodum Xiphilin. narrat, Pomponio Basso è vivis sublato, quem vel ea præcipue de causa reum postulari curavit, ut ab uxore, cujus ipse amore flagrabat, divelleret, eam protinus duxit, nullo ad lugendum virum spatio dato.

L 2

Eadem

a lib. 8. de asino aur.*b* lib. 59.

Eadem observatione spreta, Ariadna, Zenonis Isaurici uxor, quadagesimo à viri obitu die Anastasio nupsit, ut à Zonara *a* refertur. Qua autem ratione intra annum luctus nubere mulier prohibebatur, eadem, post missum ex iusta causa repudium, alii nubendi potestatem, ex Impp. Theodos. & Valentin. constitutione, non habebat *b*: ne, ut ipsi aiunt, de prole dubitandi occasio daretur. Idemque tempus, etiam bona gratia & communi consensu dissoluto matrimonio, expectandum mulieri esse, antequam in alterius manum conveniret, Imp. Anastasius constituit *c*. Cum vero sine probabili ac legitima causa mulier à viro diverterat, conubium ei cum alio ante transactum quinquennium non erat *d*.

Illud consequenter tractandum occurrit, an cum ea, quæ ex alio prægnans & gravida esset, matrimonium jure contrahi potuerit. Quam quæstionem ex facto olim accidisse, memini me apud Dionem *e* legere. Nam cum ardenti Livix ducendæ amore flagraret Augustus, ejusque desiderio mora inde afferri videretur, quod ea ex Nerone sextum jam mensem gravida esset; pontifices consuluisse dicitur, an fas esset; prægnantem

a in Anastasio. *b* l. consensu. 8. §. 4. vers. si vero causam. C. de repud. *c* l. si constante. C. eod. tit. *d* d. l. consensu. §. hæc nisi. *e* lib. 48.

tem ducere. Quod illi hac distinctione dissolverunt: ut, siquidem, ex quo gravida foret, dubium atque incertum esset, nuptiæ differendæ essent: sin autem constaret, ex quo concepisset, nihil prohibere quin duceretur. Itaque, licere sibi quod libebat, Augustus videns, Liviam protinus duxit. Id quod etiam Suetonius ita paucis narrat *a*: *Cum Scribonia divortium fecit, perasus morum perversitatem ejus; ac statim Liviam Drusillam matrimonio Tiberii Neronis, & quidem pregnantem, abduxit, dilexitque ac probavit unice & perseveranter. Idem in Tiberio b, de ejus patre agens: Vxorem Liviam Drusillam, & tunc gravidam, & jam apud se Tiberium enixam, petenti Augusto concessit.* Non abs re igitur festinatas has Liviae nuptias, quæ nec maxima suspicione carerent *c*, Antonius probri loco Augusto objecit *d*. Quas etiam eleganter Prudentius ita exagitat, libr. 1. contra Symmachum:

*Adjecere sacrum, fieret quo Livia Iuno,
Non minus infamis thalami sortita cubile;
Quam quum fraterno caluit Saturnia lecto.
Nondum maternam partu vacuaverat alvum,
Conceptamque viri sobolem paritura gerebat
Pronuba; jam gravida fulcrum geniale para-*
tur;

L 3

Iam

a in Augusto. cap. 62. *b* cap. 4. *c* Sueton. in Claud. cap. 1. *d* Suet. in Aug. cap. 69.

*Iam sponsus, saliente utero nubentis, amicos
Advocat, haud sterilem certus fore jam sibi
pactam.*

*Vitricus ante venit tardum praefervidus or-
tum*

*Privigni nondum geniti: mox editur inter
Fescennina novo proles aliena marito.*

*Idque deum sortes & Apollinis antra dede-
runt*

*Consilium: nunquam melius nam cedere
tadas*

*Responsum est, quam cum pregnantis nova
nupta jugatur.*

Quinetiam Octaviam, Augusti sororem, post Marcelli, viri ejus, mortem, adhuc gravidam, ventreque pleno, Antonio desponsam, Dio, lib. 48, ita scribit: Καὶ τὴν Οὐλφίαν, τὴν Ἐκείνου ἀδελφὴν γυναικῆ, τὴν Ἀντωνίαν, ἐπειδὴ ὁ αἰνὴρ αὐτῆς ἐπιτελευτήκει, καὶ κύστα, ὡς μνηστράμφοι, τοσαύτη μετὰβολὴ ἐκρήσαντο. Martiam quoque uxorem, tum ex se gravidam, petenti Q. Hortensio Catonem Uticensem concessisse, Plutarchus refert *a*. Ceterum Livia, apud Augustum, Claudium Drusum Neronem intra trium mensium spatium peperit. Quem natum Augustus patri Tiberio reddidit. Ea res joci materiam, ut Dio auctor est *b*, præbuit; indeque pervulgatus fuit senarius

a in Catone Uticensi.

b lib. 48.

senarius Græcus, quo significatur, fortunatis vel trimeſtres naſci liberos. Quod deinde in vulgi ſermone tritum proverbium abiit. Qua de re, pro Græcis Dionis, Suetonii Latina verba ſubjungam *a*. Patrem, ait, *Claudii Caſaris, Druſum, olim Decimum, mox Neronem prænominē, Liviā, cum Auguſto gravida nupſiſſet, intra menſem tertium peperit: fuitque ſuſpicio, ex vitrico per adulterii conſuetudinem procreatum, Statim certe vulgatus eſt verſus,*

Τοῖς δ' ἑνὶ καὶ τριμηνίᾳ παῖδ' ἔσται.

At vel triceſimo die pater fieri ex uxore, Caligula glorioſum duxit. Eaque gratia Miloniam Cæſoniam, adulterio ſibi ante cognitam, & jam tum partui propinquam, duxiſſe cum Dio narrat *b*. Qua de re ita Suetonius *c*: *Cæſoniam neque facie inſigni, neque atate integra, matremque jam ex alio viro trium filiarum, ſed luxuria ac laſcivia perditā, & ardentius & conſtantius amavit: ut ſæpe chlamyde peltaque & galea armatā, & juxta adequitantem, militibus oſtenderit: amicis vero etiam nudā. Quam enixam uxorio nomine dignatus eſt: uno atque eodem die profeſſus, & maritum ſe ejus, & patrem infantis ex ea natā. Auguſtum porro ex Livia liberorum nihil quicquam ſuſtulſiſſe, in-*

L 4 fantem.

a in Claud. cap. 1.
lig. cap. 25.

b lib. 59.

c in Ca-

fantemque unicum, qui conceptus fuerat, abortivum & immaturum editum, Suetonius testis est *a*. Ex quo interpretandum est, quod ait Plinius *b*: *Est quadam privatim dissociatio corporum, & inter se sterilis; at, ubi cum aliis junxere, gignunt: sicut Augustus & Livia*. Nam Augustus ex priorē uxore Scribonia liberos suscepit: vicissim & Livia ex priorē viro Druso. Juncti tamen inter se nihil liberorum procrearunt.

Jam, non nisi incestas ac nefarias nuptias cum virginibus Vestalibus contrahi potuisse, certissimum est. Heliogabalum tamen, humani generis portentum, Aquiliam Severam, Vestalem, duxisse, narrat Xiphilinus in *Heliogabalo*: Εἶτα, inquit, πλὴν Παύλαν, ὡς καὶ κηλίδας πινὰ παρὰ τὸ σῶμα ἔχουσιν, ἀποπέμψας, Ἀκυλίαν Σεβήρα συνάκησεν, ἐκφανέσθαι τῷ θεομύθεος. ἰερομδρίῳ ᾧ αὐτὴν τῇ ἐπὶ ἀσθεύσθαι ἤσχυσε. Quod ita perstrinxit Lampridius in ejus vita: *In virginem Vestalem incestum admisit*. Atque hæc habui, quæ de legitimis incestisque Quiritium conjugis dicerem. quæ, ut sunt, utinam brevia videantur!


a in Augusto. cap. 63.

b lib. 7. cap. 13.

F I N I S.

ANTONII
HOTMANI, J.C.,

DE
VETERI RITU NUPTIARUM
OBSERVATIO.





ANTONII HOTMANI, J.C.,

D E

VETERI RITU NUPTIARUM

OBSERVATIO.

C A P U T I.

De sperata, pacta, & sponsa.

IN Matrimonii contrahendis
jurisconsultos duo præcipue,
ad ritus pertinentia, vocabula
usurpasse constat: Sponsalia &
Nuptias. Sponsaliorum nomi-
ne non tantum stipulationum sponsionum-
que contractum intelligi, significat Florent.
in l. 1. D. de sponsal. Nam & sponsalia fu-
turarum nuptiarum mentionem fuisse scri-
bit: ut nimirum ad sponsaliorum ritus per-
tinerent etiam præcedentes apparatus, qui-
bus conditiones expediuntur, ut est *in l.*
ult. ejusd. tit. At hoc proprie non sponsalia,
sed spes nuptiarum dicitur. Cujus rei memi-
nit Ulp. *in l. 6. eod. t. Non suffecturum,*

inquit, *putarem ad dissolvendam sponsaliorum spem hunc nuncium*. Sic in l. si uxor, D. ad l. Iul. de adulter. l. 11. C. de repud. Philo Judæus adpellat τὰ προτέλεια τῶ γάμων Ἐλπίδα καὶ ἔθυσεν τὰς γάμους ἀφροσχῶσαι. lib. Περὶ τῶ εἰς τὰ προτ. συνόδου. D. Dionysius Areop. hoc vocabulo usus est *epist.* 7. ubi Maximus Scholiastes sic adnotavit: Προτελείας μὲν ἐκάλουν Ἀθηναῖοι τὰς τῶ γάμων μὲν τῶ θυσίων δ' ἁλῆς. τῶ γὰρ γάμων τίλθη ἐκάλουν, ὡς τελεῖν τὰ πρὸς τὸ βίον τῶ ἀνθρώπων. Μυστήριον γὰρ εἶχον τὸν γάμον. ἔλεγον δὲ προτελίζεσθαι καὶ τὸ προμυεῖσθαι, καὶ ὁσπερ ἀφροσχάτρεσθαι εἰς ἐτοιμολογίαν μυστηρίων. Itaque *sperata nuptia* dicebantur. l. mulier, C. de sponsal. & l. si legibus, C. de episc. aud. & *puella sperata* dicebatur. quod hoc versu significasse Plautum, retulit Varr. lib. 5. de ling. Lat. *Sequor hercle quidem: nam libenter te, mea sperata, consequor*. Et Afranius, in Fratriis: *Speratam non odi tuam*. Is etiam dicebatur *speratus*, ut eodem loco Afranius indicat: *Curre, & nuncia venire, & mecum speratam adducere videat puellam*.

Hi versus apud Nonium exstant. Inter hos autem disceptabatur, cuius quis esset juris, conditionis, gentis: & potissimum de bonis erat quæstio. Quum vero conventa esset conditio, ut est apud Festum, id est, inter se convenissent, pacta quædam nuda inter-

intervenire solebant, puellaque non jam sperata, sed *pacta* dicebatur. l. 2. C. de sponsal. l. si cum ante, C. de donat. ant. nupt. Virgil.

— Et gremiis abducere *pactas*.

Inde etiam Lavinia *pacta* Turno dicebatur à Livio lib. 1. *pactaque nuptia*. Tacit. lib. 12. *pactum inter Claudium & Agrippinam matrimonium*. Symmach. epist. 40. lib. 9: *Nolo existimes, culpabiliter ad me delatum, quod pactas filia tua nuptias suspendas*. Tum demum sponsalia fiebant, incipiebatque sponsa nuncupari. l. 3. D. de sponsal. Quod Nonius his verbis adfirmat: *Inter speratam, dictam, & pactam, hoc interest; quod virgo, priusquam petitur, sperata dicitur: dehinc promissa, vel pacta, vel sponsa dici potest*. Quapropter alludit hoc modo Arnobius lib. 4. contra gentes: *Habent speratas, habent pactas, habent interpositis stipulationibus sponsas*.

C A P U T II.

De proxenetis, auspiciis, & pronubis.

AD hanc rem personas interponi solitum fuisse, apparet ex Ulpiano, in l. ult. D. de spons. Qui *proxeneta* dicebantur, id est, conciliatores, interpretes, & internuncii: non tamen quod sponsores aut fide-

jussiores essent. Ait enim Jurisconsultus: Si proxenetæ intervenerit faciendi nominis causa, ut multi solent, videamus an possit quasi mandator teneri. Et non puto teneri, quia hic magis monstrat nomen quam mandat. l. 2. D. de proxen. Hos etiam auspices dictos fuisse puto. Quum enim auspices adeundi mos desisset qui auspicia peterent, hi proxenetæ veteris consuetudinis vestigia ipso nomine usurparunt. quemadmodum licet colligere ex Valer. lib. 2. cap. 1. Hinc etiam scribit Cic. lib. 2. de divin. Nihil fere quondam majoris rei, nisi auspicato, nec privatim quidem, gerebatur. quod etiam nunc auspices nuptiarum declarant, qui re omissa nomen tantum tenent. Notum est istud Ciceronis pro Cluent. Nubit genero socrus, nullis auspiciis, nullis auctoribus. Qui igitur ad hanc rem adhibebantur proxenetæ, Latine pronubi, & *καταξενετῶν* auspices dicebantur, incipientes & felici omine inchoantes. Qua de causa in veteri Glossario, nuper in publicum edito, auspices, pronubi, *προμφοι*, adpellantur. & hi, quod conventum erat, ut rite fieret, tabulisque mandaretur, curabant. Juvénal.

— Veniet cum signatoribus auspex.

Lucan. de nuptiis Catonis & Martiæ:
Junguntur taciti, contentique auspice Bruto.
 Tum unus horum, quod erat conventum,
 profere-

proferebat, ceteris audientibus, &, ut ita fieret, postulantibus. Cujus consuetudinis hoc Martianus Capella *lib. 2. in fin.* reliquit vestigium: *Tunc exurgens, inquit, virginis mater poscit de Iove, superisque cunctis, uti sub adpectu omnium, quidquid sponsalium nomine preparaverat Majugena, traderetur, ac demum dos à virgine non deesset: tuncque tabulas ac Papiam Popaam legem sinerent recitari.* Ideo Tacitus de Messalina scribit, atque illam audisse *auspicum verba*. Quod confirmat Servius, *lib. 4. Æneid.* Si quæ vero feminæ ad nuptias conciliandas adhibebantur, non *auspices* quidem, cum hoc sit muneris virilis, sed *pronuba* tantum dicebantur. Ovidius, *epist. 6:*

*Non ego sum furtim tibi cognita: pronuba luno
Adfuit. —*

Hæcque pronuba univira esse debebat, ut ait Tertullianus in *exhortatione ad castitatem*. Catullus:

Vos unis senibus bona cognita.

C A P U T III.

De matrimoniis contrahendis liberorum causa.

AUSPICUM etiam curæ erat, nubentes profiteri, se liberorum procreandorum causa convenire. Quem morem notat Tacitus,

citus, his verbis: *Cum uxore principis praedicta die, adhibitis, qui obsignarent, se velut suscipiendorum liberorum causa convenire.* Idque confirmat Ulpianus, tit. 4. regul. dicens, Latinum libertum jus consequi liberis, cum lege Junia uxorem ducebat testatione interposita, quod liberorum quærendorum causa uxorem duxerit. Nam, matrimonia contraxisse Romanos quærendorum liberorum causa, vulgare est. *l. si vicinis, C. de nupt.* adeo ut id esset in ore muliercularum: ut ait Ennius hoc versu, quem prodidit Festus in verbo *Quasa*: (gratia,

Ducit me uxorem sibi liberum quarendum
Huc etiam pertinet, quod ex Varrone retulit Macrob. lib. 1. sat. cap. 16. *Mundus cum patet, deorum tristium atque inferum quasi janua patet: propterea, uxorem liberorum quarendorum causa ducere, religiosum est.* Et Plautus in Capt. (data est.

Liberorum quarendorum causa ei, credo, uxor
Atque id notat D. Augustinus, lib. 3. contra Julianum, & serm. 324. & lib. 1. de Nuptiis, ad Valerium Comitem. Legimusque, Augustum ideo testamentum improbasse cujusdam, cujus non procreandorum liberorum causa conjugium intercesserat: Valer. Max. lib. 7. cap. 7. *Est enim, inquit Quintilianus, declam. 2., uxor, quam jungit, quam diducit utilitas: cujus hac reverentia est,*

est, quod videtur inventa causa liberorum. Ο' ἔν καμινῆς Μίρανδρ, inquit Clem. Alex. lib. 2. Strom. Παιδῶν, φασὶ, ἀπὸ τοῦ τῶ γυναικῶν ἄδωμι σοὶ γὰ τὴν ἐμῶν τῶ θυγατρῶν. His intelligitur, quod ait Callistratus, l. liberorum, D. de verbor. significat. parentes pios liberorum quærendorum causa uxores ducere.

CAPUT IV.

De dote.

APUD auspices etiam de dote conventiones fiebant, ut maritus aliquid haberet ab uxore ad sustinenda onera matrimonii. l. 7. D. de jur. dot. quamvis (ut apud Martianum Capellam lib. 9. prisci juris assertor Arcanus respondit) regulariter, etiam matrimonio copulato, dotem dicere femina nullis legibus prohibeatur. l. cum multæ, C. de donat. ante nupt. *Eaque dos,* ait Ulp. tit. 7. regular., *aut dabatur, aut dicebatur, aut promittebatur.* Dabatur, cum præsens erat dos. non quod ea statim traderetur viro, quamvis & hoc fieri potuisse constet, l. 1. D. pro dote; sed pridie nuptiarum, aut circiter, apud auspices deponebatur, ut in crastinum nuptiarum viro solveretur: quod in Messalinæ cum filio nuptiis Suetonius, Tacitus & Juvenalis factum fuisse commemorant. at, si dos

dos præsens non fuisset, ea, ut eodem loco scribit Ulpianus, aut dicebatur, aut promittebatur.

C A P U T V.

Quid sit, dicere aut promittere dotem.

DICERE, est ultro aliquid polliceri. Plautus, in Pseudolo: *Quin tibi hanc operam dico*, id est, ultro polliceor. *Dictum* enim accipimus, quod verbo tenus pronunciatum est. *l. sciendum, 19. D. de adil. edict.* Inde dicimus, *dicere dotem* eum, qui nulla stipulatione pollicetur. Cicero, pro Flacco: *Doti omnem suam pecuniam dixerat.* Et Afranius, in Fratriis, ut refert Nonius: *Dat rustico nescio cui, vicino suo pauperi, cui dicat dotis paululum.* Jus autem erat ut mulier, ejusque debitor aut parens, dicerent dotem, eodemque modo obligaretur ac si conceptis verbis promississet. *Hæ tres persona,* inquit Caius lib. 2. Instit. tit. 9, *nulla interrogatione præcedente possunt diffinitione dotis legitime obligari.* Promittere vero dotem omnes possunt; & ex stipulatu ab eis peti potest. *l. promittendo, 41. D. de jur. dot.* Licet enim promissio & pollicitatio eandem plerumque vim habeant, tamen pollicitatio majoris est adseverationis, inquit Donatus in Andriam Terentii.

Polliceri

Polliceri enim significat ultro promittere, deducto vocabulo à verbo *liceor*, quo utuntur qui in auctione facienda ultro pretium suum deferunt. l. 3. D. de pollic. At promittere sæpius ad stipulationem. quod notat Donat. in Heautont. Terent. *Pollicemur*, inquit, *magis sponte, promittimus rogati*. Ideo scribit Ulpianus, *Promissum potest referri, & ad nudam promissionem siue pollicitationem, vel ad sponsionem: secundum quod incipiet is, qui de huiusmodi causa stipulari spondit, ex stipulatu posse conveniri*. l. sciendum, 15. D. de ædil. edict.

CAPUT VI.

De donatione propter nuptias.

HUIC vero doti solebat antiquitus pignus vel hypotheca subungi. l. 1. D. qui pot. in pign. hab. Hoc Græci *ἀποθήκη* vocabant. ut est apud Hesychium & Polucem: *Αἱ πρὸς ταῖς φερταῖς ἀποθήκαι*. Nam, ut Harpocration scribit, *εἰώθεσαν καὶ οἱ τότε, εἰ γυναῖκί γεμεμένη ἀποθήκη δίδδοῖεν οἱ ἀποσήμεντες, αἰτεῖν ὡς δὲ τὸ ἀνδρὸς ὅπως ἐνέχυρόν πρὸς ἀποθήκῃς, οἷον οἰκίαν ἢ χωρίον*. Et, quia successu temporis pacta sæpe interveniebant, ut mulier ex illo pignore aliquid lucraretur; factum est, ut illud pignus nomen donationis adsumeret, dicereturque *donatio propter nuptias*, quæ à viro dabatur ad prospiciendum

dum uxori de dote consequenda, si forte matrimonium dirimeretur. *l. ex morte, 9. C. de pact. conv.* indeque ἀντεφίρη dicta est: à Latinis autem prius *antenuptialis donatio*, (quod ante efficiebatur, & nunquam post nuptias.) sed postea, quia constitutum est, ut etiam post nuptias fierent tales donationes, voluit Justinianus, eas, *donationes propter nuptias*, adpellari. *l. cum multa, C. de donat. ante nupt.* Ut facile appareat, hanc donationem propter nuptias, præter illam hypothecam, quæ jam Justiniani constitutione in omnibus mariti bonis tacite inest, nihil aliud esse, quam cautionem diuturni conjugii, vel donationem sub conditione, si vel dos à marito consumpta sit, vel sine causa matrimonium diremptum fuerit. Ejus enim hic est tantum usus, ut dos mulieris sit tutior: & ut, quemadmodum mulier, sine causa divertens, dote; sic etiam maritus rebus donatis multetur: aut ut pactis conventis morte viri mulier aliquid lucretur; aliter nimirum nec proprietas, nec ususfructus ad uxorem pertinet. Itaque (ut ex Synopsi Βασιλικῶν didicimus) erat quasi dotis compensatio, ἀντὶσὲν ἡκῶς. quam Scholiastes tacite semper contrahi asserit: Φησὶ γὰρ ὁ κεινὸν· Τῇ ἀντὶσὲν σιωπηρῶς ἢ ἀπὸ γάμου δωρεὰ ἐπιταί. Cæf. lib. 6. de bell. Gall. *Viri, quantas pecunias ab uxoribus dotis nomine*

mine acceperunt, tantas ex suis bonis aestimatione facta cum dotibus communicant. hujus omnis pecunia conjunctim ratio habetur, fructusque servantur: uter eorum vita superarit, ad eum pars utriusque cum fructibus superiorum temporum pervenit.

CAPUT VII.

De Hypobolo.

DONATIONEM vero propter nuptias ὑπόβολον à Græcis adpellatam fuisse ut existimem, moveor auctoritate Harmenopuli, qui, *lib. 4. cap. 4.* ita scriptum reliquit: Ἐπὶ τῷ ἀπὸ γάμου δωρεῶν ἦτοι τὸ ὑπόβολον. nimirum videlicet, quia doti subjungitur ac supponitur. Nec me movet, quod ait, *ejusdem libri capite 10.* aliquid esse minus ipsa dote. Nam solum Justiniani tempore observatum est, ut æquales essent donationes propter nuptias & dotes. Quod nec Accursium latuit in *Auth. equalitas, C. de pact. conv.* Exstatque hac de re expressa constitutio Leonis imperatoris qui dictus est Philosophus, *Novell. 20.* qua sancivit, ut major donatione propter nuptias dos esset. Sicque interpretatus est Theodorus Balsamo, Græci juris non ignarus, *titul. 13. Nomoc. Photii, cap. 6.* & ad illa verba *Novella Justiniani 117*: Καὶ ὑπὲρ τοιαύτης ὑβρεως τεῖτον

τρίτον μέρος τῆς ἀξιομήσεως ἢν ἡ παρὰ
 μιαῖα ποιεῖ δωρεά. Scholiastes, in Synop. Basil.
 lib. 39. tit. 2., addit: Σημειῶσαι, ὅτι λαμβάνει
 ἡ γυνὴ καὶ τὸ τρίτον τῆς ὑπόβολου ἀπὸ ὑβρεως
 ἰδίας. id est, ut interpretatur Julianus Pa-
 tricius, *Mulier tertiam partem estimationis,*
quam propter nuptias donatio facit, ex alia
mariti substantia capere potest. Et paulo an-
 te sic scribit: Οὐκ ἀπαιτεῖται ἡ πρὸ γάμου
 δωρεὰ τὸ γυναικὸς ὑπόβολον, καὶ, οἶμαι, αἰ-
 νίσσεται. Sane enim, id quod modo dice-
 bam à Græcis ἀπομήμεμα vocari, id vide-
 mus etiam ὑπόβολον nuncupari. Unde apud
 Pollucem ὑπόχρεων χρεῖον & ὑπόβολον pro
 eodem ponuntur, libro tertio, capite 10.
 Eustath. Ὁδ. α. citat Pherecratis versum: Οὐκ
 ὄρεας τὴν οἰκίαν τὴν Πολυκλῆον κειμήλιον
 ὑπόβολον; Multa tamen de jure hypoboli
 fuisse à Græcis Impp. immutata, in cōfesso
 est. veluti, ut ex bonis mariti, quæ hypoboli
 nomine doti subjecta sunt, tantum retinea-
 tur, quantum pacto conventum fuerit: aut,
 si nulla de eo pactio facta sit, triens retinea-
 tur: imo, sæpiissime συνεκδοχικῶς trientem
 illum adpellari hypobolum, satis constat ex
 Harmenopulo, ceterisque similibus probatis
 auctoribus: quod etiam testatur Balsamo.
 deinde hypoboli nomine nihil retentum
 fuisse, si nihil conventum esset. Videtur-
 que fuisse portio dotis, quæ additamenti
 causa

causa data dicebatur. *in l. inter socerum*, 26. §. *cum inter*, 2. *D. de pact. dot. l. etiamsi non dotem*, *C. de jur. dot.* sicque hodie in Gallia Lugdunensi vulgo loquuntur. Hoc à Longobardis, & Neapolitanis, *doarium*, *dota-rium*, & *dotalitium* nuncupatur. *lib. 2. de feud. tit. 8. §. ult. lib. 3. Const. Neapol. tit. 13. 16. & 17. cap. plerumque, de donat. inter vir. & uxor.* Hæc sunt quæ de dote ejusque cautione dicenda videbantur.

CAPUT VIII.

*De bonis paraphernis & receptitiis :
tum de theoretro.*

CETERA bona mulieris dicebantur *ὑπερ-
φερα. l. si ego*, 9. §. 3. *D. de jur. dot.* Latine *receptitia*, id est, extra dotem. *l. maritus*, *D. ad leg. Falcid.* Græci posteriores adpellarunt *ἐξωφάριμα*, quod extra dotem essent u-
sibus puellæ tradita, *l. donationes*, 31. §. *spe-
cies*, *D. de donat.* ad sustentationem mulieris
instrumento dotali recepta, quasque pecu-
lium. *l. ult. C. de pact. convent. l. 3. C. ne
uxor pro mar. d. l. si ego.* In his bonis, invita
muliere, nullum jus erat marito se immi-
scendi, quia quæ præter jus dotis excipie-
bantur, ea *receptitia* adpellabant. Unde *ser-
vus receptitius* apud Nonium Marcellum, &
Agellium, libro 17. cap. 6. & receptitia dos
apud

apud Ulpianum, *tit. de dote*, quam sibi soluto matrimonio extraneus contra communis juris regulam reddi stipulatur. *l. mortis causa*, 31. §. 2. *vers. sed & dos*, *D. de mort. causa donat.* Erant & alia quædam munera quæ novæ nuptæ à parentibus & amicis offerebantur die sponsaliorum, aut postea, ut est in *l. die sponsaliorum*, 25. *D. depositi. l. si, cum ante nuptias munera darentur*, *C. de donat. ante nupt.* tum etiam crastino die nuptiarum, cum primum deposito flammeo visendam se præbebat, ut ait Harmenopul. quæ ideo *ἡμέτερα* vocat Harpocraton. Suid. vero *ἀνακαλυπτήρια* & *ἐπαύλια*. Jul. Pollux, *ὀπτήρια* ἢ *προσφεγυκτήρια* veteres adpellasse, ait: Dicuntur in jure Munera nuptialia. *l. tutor secundum*, 13. §. ult. *D. de administ. tut. l. i. §. præterea*, *D. de tutel. & rat. distr.* Sed hæc munera non sunt solennia, ut ibidem dicitur. nam ea tantum solennia sunt quæ ad ritus pertinent.

C A P U T IX.

De sponsalibus.

SPONSALIA autem fiebant aut inter præsentēs, aut inter absentes. Nam, ut ait Ulpianus, *l. fin. D. de sponsal.*, parvi refert an per se, an coram, an per internuncium, vel per epistolam, an per alium, hoc factum sit.

Hic

Hic autem erat sponsaliorum ritus: Adolefcens (aut ejus nomine pater) filiam pactam stipulabatur à patre, vel ab eo in cujus erat tutela: vel, si illa sui juris fuisset, à quocunque alio. Ejusque stipulationis hæc erat formula, quam tradit Plautus in Aulularia:

M. *Quid nunc? etiam mihi despondes filiam?*

E. *illis legibus,*

Cum illa dote quam tibi dixi. M. *Sponder ergo?* E. *Spondeo.*

Indeque *sponsa* dicebatur, non quod sponderet, sed quod, ut ait Servius, *lib. 10. Æneidos*, sponderetur, à patre videlicet, vel à quocunque alio: veluti tutore. &, si tutor furiosus esset, aut absens, alter dabatur in ejus locum tutor, non curator, ad nuptias contrahendas, dotemque dicendam. Ulp. *tit. regul. 11*. Lege enim cautum fuerat, ne quis uxorem duceret, priusquam aliquis eam sibi despondisset. Quod ex Dione licet probare, qui *lib. 58*. ita scribit: *Ἐγήμε Λολλίαν Παυλίαν, αὐτὴν τὸν ἄνδρα αὐτῆς Μέμμιον. Πῆγυλον ἐξυψοῦσιν οἱ τὴν γυναῖκα ἀναγκάσας, μὴ καὶ ἀνέψυον αὐτὴν ὡς καὶ τὰς νόμους λάβει.* Ex eodemque auctore refert Xiphilinus, *Neronem Sporum, quem exsecari jusserat, veluti uxorem duxisse, ἐκδόντῳ αὐτὸν Ἐγε Τιμαλλέων, ὥσπερ ὁ νόμος ἐκέλευε.* Unde Agellius, *lib. 4. c. 4.* ex Servii Sulpicii verbis, ait,

M

obser-

observatum fuisse, ut, qui uxorem ducturus erat, ab eo, unde ducenda erat, stipularetur, eam in matrimonium ductum iri: qui daturus erat, item spondebat. isque contractus stipulationum sponsionumque, dicebatur *sponsalia*: & quæ promissa erat, *sponsa* appellabatur: qui stipulabatur ducendam, *sponsus*. Haftenus ille. Quibus consentiunt jurisconsulti, in *l. 1. 2. & 3. D. de sponsal.* Indeque apparet, non satis verum esse quod Donatus & Servius asserunt, sponsam non spondere, sed à patre desponderi. Quorum sententiæ conscriptæ sunt in *Andria Terent. act. 1. scen. 1. Heaut. act. 4. sc. 5. Ad. act. 4. sc. 7. In Virg. lib. 10. Æneid.* ubi Servius addit, ante usum tabularum cautiones sibi invicem emisisse, in quibus spondebant, se consentire in jura matrimonii; & fidejussores dedisse. Tabularum vero, quas Servius ait intervenisse, mentio fit in Apuleii *Metamorph. lib. 4. Tabulis*, inquit, *maritus nuncupatus ad nuptias*. Et in *Apollog. 2. Habes, Æmiliane, causam totam cur tabula nuptiales inter me & Pudentiillam non in oppido sint, sed in villa urbana consignata*. nam eæ consignabantur. Suetonius: *Illud omnem fidem excedit, quod nuptiis, quas Messalina cum adultero filio fecerat, tabellas dotis & ipse consignaverat*. Tamen nihil operat, quominus justum ma-

trimo-

rimonium esset, si signatæ tabulæ non essent. *l. 4. D. de fid. instrum.* Quod & auctoritate Quintiliani, *lib. 5. cap. 11.*, & jurisconsultorum, patet. *l. donationes, D. de donat. l. 1. l. 7. D. de sponsal.*

CAPUT X.

De arrhis & sponsalitiis largitatibus.

HIS ita peractis, solebant arrhæ quædam intervenire, quæ à sponso sponsæ dabantur, in testimonium, & quasi pignus, de futuris inter eos nuptiis, factæ sponsionis: cæque aut sponsæ dabantur, aut apud proxenetas deponebantur: quo fiebat, ut hoc modo *proxenetica*, illo vero *sponsalitia* nuncuparentur. *C. de sponsal. & arrhis sponsal. & proxenet.* Fiebant etiam donationes quædam à sponso; vel etiam, sed raro, à sponsa sponso: quæ ideo *largitates* adpellabantur, quia gratuito conferebantur. *l. cum veterum, & seq. C. de donat. ante nupt. l. 1. C. si advers. donat.* Arrhæ autem nomine sæpius non nummi, sed pronubus anulus dabatur. *Juven. satyr. 6:*

— *Et digito pignus fortasse dedisti.*

Eum vero anulum ferreum fuisse, refert *Plin. lib. 33. capite 1.* *Qui legationem acceperant,* inquit, *aureo anulo tantum utebantur; intra domos, ferreis: quo argumento etiam*

nunc sponsa anulus ferreus mittitur, isque sine gemma. Aureos tamen anulos etiam dedisse, feminasque domi gestasse, satis constat ex Tertulliani apologet. sic enim scriptum est: *Circa feminas illa majorum instituta ceciderunt, quæ modestia, quæ societati patrocinebantur: quum aurum nulla membra norant, præter unicum digitum, quem sponsus oppignerasset pronubo anulo.* Clem. Alex. lib. 3. *pedag. cap. 11: Δίδωσιν ἐν αὐταῖς διακρίβλιον ἐκ χρυσίου, ὃ δὲ τῷτοῖς εἰς κόσμον, ἀλλ' εἰς τὸ ἀποσημαίνειν τὴν οἴκῳ φυλακῆς ἀξία, ἀλλὰ πῶς ἐπιμέλειαν τῆς οἰκονομίας.* Atque Isidorus, lib. 20. *etym.*, mulieres binos aureos anulos in digitis habuisse, ac præsertim in quarto digito, quod in eo vena quædam sanguinis ad cor usque proveniat, ut idem auctor scribit, lib. 2. *de div. offic.*, ex Agellii lib. 10. *cap. 10.* & Macrobii lib. 7. *c. 13.* Solere & alia multa arrhæ nomine dari, indicat hic locus Capitolini de Maximino juniore: *Desponsa illi erat Iunia Fadilla, proneptis Antonini, quam postea accepit Toxotius, ejusdem familia senator. manserunt autem apud eam arrha regia; quæ tales fuerunt: monolium de albis novem, reticulum de prasinis decem, dextrocherium cum castula de hyacinthis quatuor, præter vestes auratas & omnes regias, ceteraque insignia sponsaliorum.* Sed & claves domus uxori tradi, solenne fuisse, Festus

Festus ait: ad significandam partus facilitatem. licet verisimilius sit, has communio-
nem denotasse. scribit enim Tertul. *lib. de exhort. ad castit.* ad claves custodiendas uxores plerosque domum duxisse. & has in divortiis adimi, Ciceronis Philip. 2., & B. Ambrosii epist. 65. ad Syagrium, auctoritates vulgares sunt. Solinus, cap. 16. de Thracum moribus: *Nupturas, quæ præ aliis specie valent, subarrhari volunt. alii, subhastari.* Ubi M. Ant. scribit, *subarrhandi* verbum apud antiquos auctores se non legisse. Julianus Pontifex: *Si quis desponsaverit uxorem, vel subarrhaverit.* Innoc. 3. in cap. 16. de despons. impub. *Subarrhavit eandem.* & cap. 14. & 34. leg. Burgund. Xenophon, *lib. 3. αὐαβ.*, ait, Thraces solitos uxores futuras emere.

CAPUT XI.

De osculo.

Accedebat & plerumque osculam. Quod religionis erat. l. si à sponso, 16. C. de donat. ant. nupt. *Osculum*, inquit Servius, *Æneide, religionis erat; suavius, voluptatis.* Et Donatus in *Eunuchum Ter.* sic scribit: *Oscula, officiorum sunt; basia, pudicorum adfectuum; suavia, libidinum vel amorum.* Neque vero tam frequens erat apud antiquos, quam est apud nos, osculum.

Nam, ut apud Persas testantur Xenophon *lib. 1. pad.* & Herodot. *lib. 1.*; sic apud Romanos nulli jus erat præter cognatos cognatasque osculari, ut est in problemate Plutarchi. Cujus rei erga feminas rationem reddit Plinius, ex Catone, *lib. 14. cap. 13.*; ut scirent, an temetum bibissent. Aliam recitat Plutarchus, in *Romulo*. Eucher. Lugd. episc. *lib. 3. in Genes. cap. 29*: *Osculatus est Iacob Rachel. consuetudinis fuit in illa simplicitate antiquorum, ut propinqui propinquas suas oscularentur. Et hoc hodie fit in multis locis.* Adeoque rara erat ea communicatio, ut & Cato censor Manlium senatu eiecerit, quod coram filia sua impense uxorem suam osculatus esset, ut refert Plutarchus in ejus vita. Scribit etiam Valerius, *lib. 6. cap. 1.*, P. Mævium in libertum (quamvis gratum admodum sibi) animadvertisse, quia cum nubilis jam ætatis filia suæ osculum dedisse cognoverat; præsertim cum non libidine, sed errore lapsus videri posset. Ceterum, amaritudine pœnæ, teneris adhuc puellæ sensibus, castitatis disciplinam ingenerari, magni æstimavit; eique tam tristi exemplo præcepit, ut non solum virginitatem illibatam, sed etiam oscula ad virum perferret. Qua de causa non sine ratione quæsitum est à nostris doctoribus, utrum ea, quæ osculum præ-

buit,

buit, dotem amittat. Bald. in cap. tua, de procurat.

Ἔστι καὶ ἐν κεινοῖσι φιλήμασιν αἰδεῖα πέρις, ut ait Theocritus id. xη. Unde illud Plauti in Curculione :

Qui è nuce nucleum esse vult, frangit nucem :

Qui vult cubare, pangit saltem suaviū.

Ovid. lib. 1. amor.

Oscula qui sumfsit, si non & cetera sumfsit ;

Hoc quoque, quod sumfsit, perdere dignus erat.

Erant tamen quædam venustatis blanditiæ, quæ quidem fiebant osculo, sed non eo modo. Nam alii dextram ad osculum referebant, totumque corpus circumagebant, ut scribit Plinius lib. 28. cap. 2. vel caput submittebant : quod in adorando frequentissimum fuisse probat Petrus Pithœus, vir singularis doctrinæ ac præstantissimi ingenii. Labiorum etenim ad solis ortum projectionem cum manus deosculatione fieri hic, locus Luciani *περὶ ὀρχήσεως* confirmat : *Καὶ ἀνδρὶ, ἐπειδὴν ἴωθεν ἀναστάντες προσδύ-
ζονται τὸν ἥλιον, ἔχ' ὥσπερ ἡμεῖς τὴν χεῖρα
κύσαντες ἡγούμεθα ἐντελῇ ἡμῶν εἶναι τὴν
ῥαχὺν, ἀλλ' ἐκείνοι &c.* Eodemque modo alludit Apuleius, lib. 4. *μεταμορφ.* Et ad-
mouentes oribus suis dextram priorem, digito
in erectum pollicem residente, ut ipsam prorsus deam Venerem, religiosis adorationibus

venerabantur. Alii non suam, sed ejus, quem salutabant, manum deosculabantur. quod Priamum fecisse, Achillem salutando, ait Homerus, Γ' λ. ω.

Τὰς δὲ λάβ' εἰσελθὼν Πρίαμος μέγας, ἄγχι
εἰς ἄρσος

Χερσὶν Ἀχιλλεύῳ λάβει γέναϊ, καὶ κύστε χεῖρας
Δευαῖς ἀνδροφόνις, αἵ οἱ πολέας κτεῖνον υἱας.

Plutarchus, in *Catone Vicensi*: Ὑποχθόντων
παῖμα, καὶ κατὰ φιλονίκων τὰς χεῖρας. Cor-
nelius Tacitus, lib. 15: *Et dextram osculis
fatigare*. Item, lib. 17: *Exosculari Othonis
manum*. Ad illaque pertinent hæc verba Ma-
crobii, Saturnal. 1: *Invenies dominum spe
lucris oscula alienorum servorum manibus in-
figentem*. Seneca, epist. 47: *Hos ego eosdem de-
prehendam alienorum servorum osculantes
manum*. Et Apul. apol. 2: *Pontianus ante
pedes nostros advolutus, flens, & manus no-
stras osculabundus*. Suetonius, in Tiberio:
*Chariclem medicum, quod è convivio egre-
diens manum sibi osculandi causa adprehen-
disset, &c.* Alii, ut est apud Arrianum, de
Epicteto, lib. 1. cap. 19., oculos deosculaban-
tur, alii collum ceterasque corporis partes,
quas phyci consecratas numinibus prædi-
cabant, ut aurem memoriæ, frontem ge-
nio, dextram fidei, genua misericordiæ,
quemadmodum notat Serv. lib. 3. *Æneidos*.
Plautus, in *Pœnulo*:

Sine

Sine te exorem, sine te premdam auriculis, sine dem suaviu.

Mentum etiam misericordiæ gratia osculari, asserit Plinius, *lib. 11. cap. 45*. Et hæc solita oscula & quotidiana, ut vocat Suetonius in *Octavio*, perfunctorias salutationes adpellavit Optatus Millevitanus, *libro 4. contra Donatistas*. Quinetiam genua, ac interdum pedes, exosculari moris erat. quod de Caio Cæsare notat Seneca, *lib. 2. de benefic. cap. 12*. *Invenit*, inquit, *aliquid infra genua, quo libertatem detruderet*. Et, hoc edictis vetuisse C. Caligulam & Diocletianum, testatur Pomp. Lætus. Julius Capitolin. de Maximino juniore ita scribit: *In salutationibus superbissimus, adeo ut manum porrigeret, & genua sibi pateretur osculari, nonnunquam etiam pedes. quod nunquam passus est senior Maximinus. qui dicebat, Dii prohibeant, ut quisquam ingenuorum pedibus meis osculum figat*. Hæ salutationes erant quotidianæ. Labellis vero labella jungere, φιλεῖν τὰ στήθεα, aut impudicum erat, aut sane religiosum. Nec omittenda sunt verba epistolæ Salviani Tropicis conscriptæ: *Osculare saltem obsecratione pedes parentum tuorum quasi ancilla, manus quasi alumna, ora quasi filia*. Tunc itaque aliquid necessitatis intervenisse putabant, cum sponsi, non contenti stri-

Etissima stipulationis formula, utrimque osculo delibato ad omnem comitatem amicitiamque procliviores se reddebant: & ideo sponsas velari dixit Tertullianus, lib. de veland. virgin. *Atquin, inquit, apud ethnicos velata ad virum ducuntur.* Sic autem ad desponsationem velantur, quia & corpore, & spiritu, masculo mixtæ sunt per osculum & dexterarum, per quæ primum resignarunt pudorem: spiritu, per commune conscientie pignus, quo totam condixerunt confusione. Quintil. declamat. 279: *Nec satis est, maritum tantum osculo putari.*

CAPUT XII.

De multa repudii.

QUOD si à pactione sponsus & sponsa discederent, repudiumque fieret, (est enim hoc verbum huic rei proprium, *l. inter divortium, 119. l. inter stuprum, 101. §. 1. D. de verb. signif.*) multabatur is qui causam præbuerat: si sponsa, arrhas in duplum reddere debebat: si sponsus, non repetebat. *l. pen. C. de spons.* Antiquitus, in id quod intererat, condemnationem fieri, retulit Agell. lib. 4. cap. 4. Quod si neuter præbisset causam dissolvendorum sponsaliorum, cessabat hujusmodi poena. ut, si mors intervenisset, *l. 3. C. de sponsal.* aut aliud impedimen-

pedimentum. *l. 5. C. eod. tit.* nisi osculum intervenisset. Sponsalities enim largitates in partem tunc tantum sponsus repetebat. *l. si à sponso; C. de donat. ant. nupt.* Cujus juris ratio est; singularis mulierum favor, quæ sæpissime spe futuri conjugii, solitæ suæ verecundiæ tantillum terminos egressæ, aliquid de sua pudicitia delibasse videntur.

CAPUT XIII.

De die nuptiarum.

SI vero promissis staretur, dies nuptiis dici solebat. Pacuvius apud Nonium, cap. de doct. indag. *Gnatam despondit, nuptiis hanc dicit diem.* Et Terent. in *Andria*: *Hic nuptiis dictus est dies.* Προῖτοςμίαν τὸ γάμων adpellat Basiliius, ὁμιλ. ἐν λιμῶν καὶ αὐχμῶ. Eratque diligentissime observandum, quis is futurus esset dies. Neque enim mense Maio fiebant; quemadmodum testatur Ovid. *lib. 6. Fast.* & Plutarch. in *probl.* Nec mensis Februarii iis diebus quibus parentalia celebrabantur; ut idem Ovid. refert *lib. 2. Fast.* Ac, ex ejusdem auctoris *lib. 3.*, Martii triduum, quo Saliorum festa celebrabantur, infaustum fuisse constat, donec nimirum essent recondita arma in templo Martis. Ex omnibus autem men-

libus Junium aptissimum fuisse, ex ejusdem lib. 7. monemur. Macrobius etiam, *lib. 1. Saturn. cap. 15*, ait, calendas, nonas, idus, omnesque ferias, præterquam viduis, religiosas fuisse. Cujus rei diversas rationes reddit Plutarch. *in probl.* Eoque pertinet illud Varronis à Macrobio ex Augurum libris relatum, *lib. 1. Saturn. cap. 16*: *Viros vocare feriis non oportet.* Denique cavebatur, ne ullus esset motus cæli, aut terræ, neve turbatiore cælo fedus inirent. quam ad rem antiqui auspices adhibebant.

C A P U T XIV.

De tribus diebus nuptiarum.

AT, non unum tantum, sed tres dies, in nuptiis peragendis rituales fuisse, sciendum est, ut recte intelligatur Scævola responsum, *in l. pen. D. de donat. int. vir. & uxor.* dum ait: *Vxori, cum in separata diata ab eo esset, die nuptiarum, priusquam ad eam transfret, &c.* Nam primo die sponsus visitabat sponsam apud ejus patrem. Et hic dies *αἰγάλια* dicebatur. Diem intelligo non naturalem, sed civilem; ut is incipiat à media nocte. *l. more, D. de feriis.* Serv. 6. *lib. Æneid.* Nocte vero sequente apud socerum manebat sponsus. Quo fit, ut dies secundus *ἀπαύλια* dictus sit: quia eo die pernoctaverat

noctaverat sponſus apud ſocerum. Non tamen ſponſæ conditione uſus erat, ſed in ſeparata diæta fuerat. Luce itaque oriente, circiter primam aut ſecundam horam diei, (hæ enim horæ, inquit Feſtus, ſponſalibus dedicatæ erant,) ſponſa domo patris egrediebatur. Et hic proprie nuptiarum dies dictuſeſt. Tertiuſ vero dies, quia vir marituſ factuſ erat, ἐπαύλια nuncupabatur, & poſtridie nuptiarum dicebatur. Sic Nonnuſ interpretari videtur cap. 2. D. Joan. *Et die tertia nuptia facta ſunt* :

— Ἀλλ' ὅτε πίττας

Πορφυρίας τριζῶτη θαλαμηπόλῳ ἔγραφεν ἡ ὁς.
i. *tertia nuptiarum auroa*. Jul. Pollux : Πρω-
αύλια, ἡ πρὸ τῆς γάμων ἡμέρας. ἐπαύλια δ', ἡ
μετ' αὐτῶν, intelligo, τῆς γάμων ἡμέρας. ἀπαύ-
λια δ', ἐν ᾗ ὁ νυμφίῳ εἰς τὴν πύλιν δὲ τὴν νύμ-
φης ἀπαυλίζεται. Et, quam Heſychiuſ notat
ἀνακαλυπτήριον ἡμέραν vocari, ea eſt ἡ διδύ-
πτερα μὲν τὰς γάμους, *craftinus dies nuptiarum*;
quo, teſte Feſto, repotia fiebant. Erat enim
dieſ ille in quo primum ſponſa in ædibus
ſponſi pernoctaverat. Euſtath. ἱλ. ω. ſic refert
ex Pauſania: Καθ' ἡν ἐν τῇ τῆς νυμφὸς οἰκίᾳ ἡ
νύμφη πρῶτον ἐπιύλιασθαι. Neque vero præter-
eundum eſt, tertio die, qui poſtridie nuptia-
rum ſive craftinuſ erat, novam nuptiam ad pa-
triſ domum redire: ubi repotia fiebant, & do-
na ab amicis offerebantur, quæ ἀνακαλυπτή-

εἰα, ὀπτήεα, καὶ θεώρηεα, diximus adpel-
lari. Suidas: Καλέται δὲ ἐπαύλια καὶ μετ'
τὴν ἐχομένην ἡμέραν τῶν γάμων, ὡς δὲ τὸ, τῶν
νύμφης πατρὸς δῶρον φερόμενα τῶν νυμφίω καὶ
τῇ νύμφῃ ἐν πομπῇ σχήματι. Παῖς ἄρ' ἡγεῖ-
ται, χλαυίδα λευκὴν ἔχων, καὶ λαμπράδα
κακομήδην. ἔπειτα μετ' ἑστὸν κακομήδην. εἰθ'
αἱ λοιπαὶ ἀκολούθουσιν ἐφεξῆς τῶν νυμφίω, φέ-
ρουσι χρυσία, λευκαῖδας, σμήγματα. &c.
καὶ τὴν ὡθεῖκα ἅμα τῶν νυμφίω φέρουσιν. quæ
verba Pausaniæ sunt, ut ea protulit eadem
Eustath. Γλ. ω, & Apostolius in paræm.

CAPUT XV.

De nuptiis, connubio, & matrimonio.

HIS igitur diebus nuptiæ celebraban-
tur. Dicendum autem est, quid sint
nuptiæ. Nam plerumque matrimonii &
nuptiarum vocabula confunduntur. ut in
l. heres, D. de negotiis gest. Itaque inquit
Justinianus, *Nuptia, sive matrimonium, est
viri & mulieris conjunctio.* Longe tamen
aliud est matrimonium, aliud nuptiæ, aliud
connubium. *Connubium* enim, ut definit Ul-
pianus, tit. 6. regul., *est uxoris jure ducen-
da facultas.* Et Servius ait, lib. 1. *Æneid.*
Connubium est jus legitimi matrimonii.
Matrimonium vero est individua illa con-
suetudo vivendi, quæ, ut ait Columella
lib. 12.

lib. 12. cap. 1., ita à natura instituta est, ut non solum jucundissima, verum etiam utilissima vitæ societas iniretur. At nuptiæ proprie sunt illæ celebritates, quæ in copulandis nuptiis observantur. Clemens Alex. lib. 2. *strom.* Γάμος ἔν ἐστὶ σύνθετος ἀνδρὸς καὶ γυναικὸς ἡ πρώτη καὶ νόμος ἐπὶ γνησίως τέκνων ποιεῖται. Quintil. declam. 3 : Vis, inquit, scire quid sint nuptia ? Aspice illam virginem, quam pater tradidit, euntem die celebri, comitante populo. Quod vero Modestinus definit nuptias, maris & feminæ communicationem, l. 1. D. de rit. nupt. magis ad matrimonium pertinet. Sed, ut solent jurisconsulti, non proprietatem verborum secutus, animi destinationem significare voluit. Ex eo autem, quod cooperta & velata sponsa erat flammeo, *nuptia* dicuntur appellatæ. *Nubere* enim apud priscos, *operire* & *tegere* significat. Unde & *nubes* dictas Varro asserit, quod cælum tegant. Sic etiam *nuptias*, quod sponsa flammeo operiatur. Ejusdem fuit sententiæ Festus : quamvis etiam putet, *nuptias* dictas esse à verbo *νύμφη*, contrario nimirum sensu : ait enim Cornutus in Neptuno, Ταὶς γαμετρίας νύμφας καλεῖσιν ἀπὸ τοῦ νύμ πρώτον φαίνεσθαι κομπητρίας τῶς.

CAPUT XVI.

De pompa nuptiali.

QUis vero fuerit sponsæ ornatus, obiter quædam adnotabo : quia de eo fit mentio in *l. 5. §. interdum, D. commodat.* Ubi dicitur, uxori maritum commodare, quo honestius culta ad se deduceretur. Igitur sparsis capillis, senisque crinibus ornabatur. tum corona de floribus herbisque, ut ait Festus, & gemmis flammeoque, teste Plinio, *lib. 21. cap. 8.*, tegebatur: veste lanæ induebatur, ut idem Plinius testatur, *lib. 8. cap. 48.*; cinguloque præcingebatur, quod erat factum ex lana ovis, Herculeanoque nodo vinciebatur, quemadmodum scribit Festus; quem solvere maritus debebat: quo fiebat, ut *zonam* dicerentur virgines *solvisse*, quæ virorum coitum admiserant, ut ex Homero, Catullo, Pausania, & Suida, ceterisque, patet; tum etiam ex, quæ primum pepererant, quod explicat Commentarius Græcus, *lib. 1. Argon.* Nec interesse puto in his celebritatibus, an Græcorum, an Latinorum nitar auctoritate. Hæc enim ab omnibus etiam aliis gentibus observabantur. Velatam item fuisse, satis notum est, maxime Tertulliani testimoniis, *lib. de veland. virginib.* Domoque patris egrediebatur,

diebatur, ducente eam matre ac ceteris parentibus & amicis. Et quædam vehebatur, cujus conductor *πάροχος* dicebatur: quædam pedibus iter peragebat, & qui eam comitabatur, *χαμσίπυς* adpellabatur. utrosque communi nomine *νυμφαγῶν* Jul. Pollux, lib. 3, nominat, οἱ τὴν νύμφην ἐκ τῆς πατρὸς οἰκίας ἦγον. Eam vero frequenti adfinium & amicorum officio stipatam præcedebant tibicines: & alius qui Thalassium invocabat; cujus nominis varias recenset causas Plutarch. in *probl.* Inter eos celebres pueri erant patrimi & matrimi, ut refert Festus, qui sponsam ducebant: tum & tertius, qui anteibat, facem præferens ex spina vel spinu alba confectam, de qua Festus & plerique auctores meminerunt. Puer enim ingenuus eam ferebat, quod Nonius ex Varone probat. Quinque & aliis facibus, quæ omnino ceræ erant, utebantur; teste Plutarcho in *probl.*: atque, has præferre faces ominosum fuisse, ex Plauti Castina doctissimus Muretus putat; ubi Chalino conservo suo Olympio minitatur his verbis:

Primum omnium huic lucebis nova nupta facem.

Post illa, ut semper improbus nihilique sis.

Servis itaque has facies præferendas dari, suspicari quis poterit ex Ennii versu, quem

quem obiter citat Festus in verbo *Prodi-*
nunt:

Prodinunt famuli; tum candida lumina lu-
cent.

Præferbat & alius puer vas quoddam oper-
tum, quod *cumeram* Festus nominat, in
quo erant nubentis utensilia: tum colum
onuſtam lana, quemadmodum refert Plutar-
chus in *Romulo*, ut ſignificarent, uxoris of-
ficium eſſe nere: qua ratione etiam vincu-
lum laneum debebat eſſe ad utrumque po-
ſtem januæ, per quem ſponſa colum geſtans
tranſiret, ut ſcriptum reliquit Donatus in
Hecyram Terentii: atque ideo, die nuptia-
rum in pelle lanata ſedere nuptam debere,
teſtatur Feſtus. Cum vero nova nupta do-
mum viri accederet, maritus, aut alius ejus
nomine, (vir enim abſens, inquit Paulus,
uxorem ducere poteſt, *lib. 2. ſentent. tit. 19.*)
in limine domus ſtabat, eam ad ſe vocans.
Catullus:

At domum dominam voca.

Quæ vero virgines comitabantur, more
Græcorum canere ſolebant, *Hymen, ô hy-*
menae. Catul.

Vosque item ſimul integra

Virgines, quibus advenit

Par dies, agite in modum.

Dicite, O hymenae, hymen:

Hymen, ô hymenae.

Quod

Quod etiam describit Homerus, I'λ. p. & Statius, *in epith. Stella, lib. 1. Sylv.* Propius vero accedens (inquit ille qui reliquias decimi libri Valerii Maximi collegit), ante januam mariti interrogata quænam esset, Caiam se dicebat: ac, ut testis est Plutarchus *in Probl.*, clamare alta voce solebat, *Cai Cacili*: viro interim clamante, *Caia Cacilia*: quia cum viro ita paciscitur, ut omnia communia sint, & pariter imperent: ac si dicerent, Ubi tu dominus ac familiæ princeps, ego quoque domina & hera: si tu dives, ego dives: omnis denique tuæ fortunæ particeps. *Nihil*, inquit Ulp., *tam humanum est, quam, fortuitis casibus, mulieris maritum, & uxorem viri, participem esse.* l. si cum dotem, §. si maritus, D. solut. matrim. Idque fiebat in memoriam Caiæ Cæcilæ, honestæ feminæ, quæ uni ex Tarquinii liberis collocata erat, ut testantur Plinius *lib. 8, cap. 48*, & Festus: cuius rei etiam meminit Cicero *in orat. pro Murana*, & Velius Longus. Ideoque *assem Caianum* dictum existimavit doctissimus Adrian. Turneb. *in Advers.* quem sic notatum esse fuisse, argumento est hic Quintiliani locus *lib. 1. Inst. cap. 12.* Nam & Caius Clitæra notatur; quæ inversa mulierem declarat: quia tam Caios esse vocitatos quam Caias, etiam ex nuptialibus sacris apparet. Quum vero proximi essent,

essent, more Sabinorum, ridicula quædam dicteria depromi solebant à circumstantibus. Lucanus :

Non soliti lufere sales , nec more Sabino

Excepit tristis convitia festa maritus.

Ad hanc rem Fescenninos versus proprios fuisse, Festus narrat. Idque à pueris fieri, argumento est locus Varronis, quem citat Nonius : *Pueri obscænis verbis nova nuptæ aures redurant.* Quod quia depositis prætextis fiebat, ideo *prætextatus sermo* dicebatur, ut inquit Festus. Indeque factum est, ut prætextatus sermo pro obscænis verbis acciperetur. Suet. in Vesp. *Erat, inquit, dicacitatis plurima, & sic scurrilis ac sordida, ut nec prætextatis verbis abstineret.*

C A P U T XVII.

De coma tonsa.

ORnatus autem sponsi in eo præcipue notabatur, quod tonderetur. Juvenal. Satyr. 6 :

— lamque à tonsore magistro

Pecteris. —

Quod etiam à ceteris adstantibus observatum fuisse suspicor, præsertim ab iis qui ad celebrationem nuptiarum adhibebantur. Ausonius :

Et juvenes quatuor, totidem innuptæque puella.

Omnes

Omnibus in morem tonsa est coma: pectine summo

Flexilis obtorti per collum circulas auri.

Nam id fiebat ornatus causa, non quod capilli omnino amoverentur, sed comebantur potius, ac, qui superflui erant, tondebantur. *Quid*, inquit Seneca, lib. de brev. vitæ, illos otiosos vocas, quibus apud tonsorem multa hora transmittuntur, dum decerpitur, si quid proxima nocte succreverit, dum de singulis capillis in consilium itur, &c. Ac liberorum hominum erat, esse comatos, id est, comam adornare; & his solis cæsariem habere licebat. *cæsaries* enim dicta est à *cadendo*, ut notat Servius, lib. 1. *Æneid.* id est, ferro sapius adornando. quia coma vulgo ferro colitur. Et lib. 10. admonet, antiquo more viros, sicut mulieres, composuisse capillos. quod verum esse, statuarum antiquorum docent, & personæ, quas tragædiis videmus esse similes in utroque sexu, quantum ad ornatum pertinet. Græci *βόστρυχον* & *πλόκωμον* hujusmodi cæsariem adpellabant. Qualem Euphorbum gestasse cecinit Homerus, auro videlicet religatam, Γ' λ. ρ.

Πλόκωμοι θ' οἱ χρυσῷ τε καὶ δρυῖν ἐσφῆκωντο.
Et ita liber habere dicebatur cæsariem, τὴν κεφαλῇ κεκοσμημένην τῇ συνθέσει τῶν κόμης, ut ait Joseph. l. 14. *antig.* c. 17. servi vero non tondentur. horum enim dicebatur Græce ἀνδραποδῶ-

ποδάκης θρίξ, teste Suida, *servilis & abjectissimus pilus sive tonsura*. Quo fit, ut apud Aristophanem, *in avibus*, objiciatur poetæ, qui se *θεράποντα* dixerat, *Δ' ἔλθ' ὦν, κέμελ' ἔχεις*. Et hic procul dubio est sensus hujus loci, quem plerique adsecuti non sunt. Cum vero servi manumitterentur, hunc vilem capillum abjiciebant, & non modo tondabantur, sed etiam radebantur. Cujus moris hanc fuisse rationem scribit Nonius, quod tempestatem servitutis tunc servi effugisse viderentur, quasi naufragio liberati. Sane enim testis est Petronius Arbiter, non licuisse cuiquam mortalium in nave neque ungues neque capillos deponere, nisi cum pelago ventus irascitur. Cujus consuetudinis meminit etiam Artemidorus, *lib. 1. cap. 13*. *Ναυαγῶντες μὲν γὰρ, ἢ ἐκ μεγάλης σωθῆναι νόσῳ, ξυρῶνται οἱ ἄνθρωποι*. Alludit itaque Lucianus hoc modo, *in fine Hermotimi*: *Δοκῶ δὲ μοι εὖκ' ἀλόγως ἂν καὶ ξυρῆσαι καὶ πλὴν κεφαλῶν, ὥσπερ οἱ ἐκ τοῦ ναυαγίων δ' ὑποσωθέντες ἐλδύθεροι, αἵ τε καὶ σωτήρια τῆμερον ἄξουσιν*. Sidonius Apollinaris, illius antiqui ritus memor, sic scribit ad Faustum, *lib. 9. ep. 9*: *Philosophia, quæ violenter è numero sacrilegarum artium exempta, raso capillo superflua religionis ac supercilio scientia secularis, amputatisque pervenustarum vestium rugis, mystico amplexu, jam defacata,*

facata, tecum conjunxit. Sed hæc alterius erunt otii. Redeo unde diverteram : modo tamen hoc addidero, his, quibus aliquid acciderat quo tristiores fierent, aut radi solitum fuisse, ut notat Plutarch. *de superst.*, & Senec. *lib. 5. de benef. cap. 6* : dicebaturque *tonsura lugubris*, quasi *ἐν γένει καὶ κεφαλῇ*. aut vero crimem submittere, sordidoque capillo & promisso sive demisso prodire, ut narrat Plinius *lib. 7. cap. 27*. Unde Seneca, in Troa. act. 1 :

*Solvite crinem,
Per colla fluant
Mæsta capilli.*

Hoc pluribus exemplis, quæ passim leguntur, probare, facile est. Maritus itaque, & qui cum eo erant, ornatus causa tondebantur : quo pertinet illud Martialis, *lib. 11* :

Tondebit pueros jam nova nupta tuos.

Quod à Catone neglectum fuisse, notavit Lucanus his versibus :

*Insonsas rigidam in frontem descendere comas
Passus erat, mæstamque genis increfcere
barbam.*

C A P U T XVIII.

De oleo, aqua, & igne.

CUM vero in mariti domum pervenerant, postes domus inveniebant ornatos

tos

tos laneis vittis, & oleo unctos: & ideo *uxores*, inquit Servius, *lib. 5. Æneid.*, dictæ sunt, quasi *unxores*. Hujus rei meminit Donat. in Terentii Hecyram: *Vxor vel ab ungendis postibus & figenda lana. id est, quod, cum puella nubarent, maritorum postes ungebant, ibique lanam figebant. vel quod maritos ipsa ungebant.* Cujus rei testem adfert Ennium:

Exin Tarquinius bona femina lavit & unxit.

Quamvis Servius, *lib. 6. Æneid.*, hunc verbum ad funus referat. Quem imitatus est Virgilius, dicens,

— *Corpusque lavant frigentis, & unguunt.*

Aquam item & ignem in limine adpositum utrimque tangebant; quasi eo federe inexplicabili & mutuo nexu forent copulati.

His nova fit conjunx. hæc duo magna putant.

inquit Ovid. *lib. 4. Fast.* Hæ enim duæ res, aiunt Festus, in verbo *Aqua*, & Lactantius *lib. 2. cap. 18.*, humanam maxime vitam continent. Alterum enim quasi masculinum elementum est, alterum quasi femininum. Alterum activum, alterum patibile. Ideoque ab ipsis institutum erat, ut sacramento ignis & aquæ nuptiarum federa sancirentur, quod fetus animantium calore & humore corporentur atque animentur ad vitam;

tam; siue, ut deinde ait Festus in verbo *Facem*, ut casta puraque ad virum perveniret. Nævius apud Nonium, in verbo *Puriter*: *Sequere me; puriter volo facias.* id est, sacrifices. *igni & aqua volo hunc accipere.* Ignis enim, quemadmodum ait Plutarchus in *probl.*, purgat; aqua vero lustrat. τὸ πῦρ καθαίρει, καὶ τὸ ὕδωρ ἀγνίζει. Et refert Servius, *lib. 4. Æneid.*, hac aqua nubentium pedes lavari solitum fuisse. Quod & in Græcia significavit Euripides, in *Phœnissis*:

Ἐγὼ δ' ἔτι σοι πυρὸς ἀνῆψα φῶς νόμιμον,
 Ἐν γάμοις ὡς πέρι ματρὶ μακαρία,
 Ἀν' ὑμῶναια δ' Ἰσμήλως ἐκηδύθη λευτερόφρων
 χλιδᾶς.

Hoc Harpocraton explicat in verbo λευτερόφρων. Ἐθ' ὡς τοῖς γάμοις, λευτερά μετὰ πέμπτῃ ἐαυταῖς καὶ τὴν ἑκάμην ἡμέραν. Ἐπεμπον δ' ἐπὶ ταῦτα τὸν ἐξυτάτην γένος παῖδα ἄρρενα. καὶ ἔτι ἐλευτερόφρων. Hisque possunt intelligi verba Scævola in l. pen. D. de donat. inter vir. & ux. *Et priusquam*, inquit, *igni & aqua acciperetur*, id est, nuptiæ celebrarentur. Qui mos fuit loquendi, omnium rerum communicationem significare volentibus. Dionysius Halicarnassæus, *lib. 11. de Romulo erga Sabinas* sic scribit: Ἐπὶ χρινωνία πυρὸς καὶ ὕδατος ἐξυῶν τὰς γάμους. Sane enim sæpissime ignem pro domo, sicut & hodie moris est, accipi, notat Porphy-

rius, lib. ζητημάτων Ὀμηρικῶν, π' Ὅσας μὲν Τρώων πυρὸς ἐσχάραυ δημοῖ; Ὅσας μὲν Τρώων ἐσχάραυ, δημοῖ, Ὅσας ἐΐας, πόσας Τρώων ἐΐεσι καὶ πολίται. Eurip. in Orest. Ἐδοξε δ' Ἀργεῖ τῶνδε, μηδὲ ἡμᾶς εἴχαις, μηδὲ πυρὶ δέχεσθαι, μέντοι περὶ σφανεῖν πῦρ.

CAPUT XIX.

De ingressu sponsa in domum mariti.

Sponsa solebat in limine domus quasi obstinata stare, ut significaret, se invitam duci in eum locum, ubi virginitatem perditura esset. Catullus:

*Tardat ingenuus pudor,
Quod tamen, magis audiens,
Flet, quod ire necesse sit.*

Alia etiam additur ratio, quod hoc modo sponsam superstitem fore putabant. Sic enim scribit Plaut. in Casina:

*Sensim superadtolle pedem, nova nupta: sospes
Iter incipe hoc, ac viro tuo semper sis superstes.*
Itaque sponsi amici eam in altum ferebant, in memoriam Sabinarum, quæ raptæ sunt, ut scribit Plutarch. in Romulo. Cujus rei meminit Optatus, lib. 7: *Non in altum tollitur, &c.* Hocque fieri dicunt nonnulli, ne sponsæ tenerent limen pedibus. Id enim prohibebant matronæ, quia illud contra majestatem Vestæ esse existimabatur. Lucanus:

Turrita-

*Turritaque premens frontem matrona corona,
Translata vitat contingere limina planta.*

Deinde rapi solebat fax nuptialis, qua prælucente nova nupta deducta fuerat ab utrisque amicis, ut ait Festus, ne aut uxor sub lecto viri, aut vir in sepulcro comburendam curaret. quo utroque mors propinqua alterius captari putabatur. Postea matri sponsam tradebant, aut alicui ex proxima necessitudine; à qua, Festus ait, vi maritum debere evellere, in memoriam Sabinarum: quia hic raptus summi boni causa fuerat, ut refert Plutarch. *in probl.* Unde Virg. lib. 10. *Æneid.*

Qui socios legere, & gremiis abducere pactas.
Illico autem, quo sponsa ingressa sic esset domum sponsi, uxor dicebatur, & vir maritus. *l. cum te, C. de donat. ant. nupt. l. genera, D. de rit. nupt.* & ex eo dicitur uxorduci. *l. cum fuerit, D. de condition. & demonstrat.* & is dicitur uxorem habere qui eam duxerit in domum. *l. aufertur, D. de his qua ut indign. l. hac conditio, D. de condit. & demonstr.* Plaut. in *Aulularia*:

Post mediam aetatem qui uxorem duxit domum.

Hoc explicatius declarat Sid. Apoll. *epist. quinta, lib. 1.* *Iam quidem, inquit, virgo tradita est, & nondum tamen cuncta thalamorum pompa defremuit, quia nondum ad*

mariti domum nova nupta migravit. Aliud vero erat si vir deductus fuisset in domum mulieris. quia, ut ait Pomponius, deductione opus erat in mariti, non uxoris, domum, quasi domicilium matrimonii. *l. mulierem, s. D. de rit. nupt.* Si tamen in villa fierent nuptiæ, nihil intererat. Apul. apol. 2: *Lex Iulia de maritand. ordinib.,* inquit, *nunquam scilicet ad hunc modum interdixit, Vxorem in villa ne ducito.* Quod ita intelligendum est, si ibi dicis causa maritus domicilium figat, (domicilium enim etiam in villa esse potest, *l. 1. §. 2. D. de lib. adgnos.*) non ut clam & contra jus duceret. quo fit, ut Apuleius sic finxerit, *lib. 6. Metam.,* Venerem conquerentem impuberes nuptias, & præterea in villa sine testibus & patre non consentiente factas. quæ legitimæ non possunt videri.

CAPUT XX.

De nuptiis qua farre contrahebantur.

JAM vero, sic ducta uxore, discrimen erat, quo jure eam maritus acciperet. Nam tribus modis Romani uxores habebant; farre, coemptione, & usu: quemadmodum, post Arnobium *libro 4. contra gentes,* meminit Boethius *in Topicis.* Confarreatio fiebat, cum, certis verbis, & decem testibus præ-

præsentibus, solennique sacrificio facto; in quo panis farreus adhibebatur, mulier in manum viri conveniebat: ut asserit Ulp. *tit. 9. regul.* Profertur hac de re Servii auctoritas ex libro manuscripto *lib. 1. Georg.* Illis verbis farre nuptiæ fiebant per pontificem maximum & dialem flaminem: per fruges & molam salsam conjungebantur; unde confarreatio adpellatur. ex quibus patrimi & matrimi nascebantur. Et hic modus in sponsalibus religiosissimus fuit. In cujus signum præferebatur far tostum. quod sacrificiis sæpe adhibebatur. inde enim panis farreus prohibebatur sceleratis. Indeque *nefarios* dictos fuisse, asserit Nonius. Et ait Dionys. Halicarnass. *lib. 3.* priscos legitima sacraque matrimonia, Romana adpellatione, *farreacea* dixisse, à communione *farris*, quod Græci ζέων vocant. Plinius tamen, *lib. 18. cap. 8.*, far, quod à farina deducit, aliud esse vult quam ζέων. Ex eo autem confarreandi modo, *confarrearî matrimonium*, dicebant. Apul. *lib. 10. Metam.:* *Talis mulieris matrimonium confarreaturus.* Inde etiam in veteri glossario, *confarreatus*, dicitur συμβιώσας χάριν ζούχθεις. Et, quæ hoc modo nubebant, statim è patris potestate in viri manum transibant. Quod his verbis indicat Tacitus, *lib. 4:* *Et quando exiret è patrio jure, qui in flaminium adscisceretur,*

retur, quaque in manum flaminis conveniret. Sed hic modus confarreationis in desuetudinem abiit. Tiberius enim Cæsar, apud Tacitum, lib. 4., de flamine diali in locum Servii Maluginensis defuncti legendo, ita disseruit: *Nam patricios, confarreatis parentibus genitos, tres simul numerari: ex quibus unus legeretur, vetusto more: neque adesse, ut olim, eam copiam, ommissa confarreandi assuetudine, aut inter paucos retenta. Pluresque ejus causas adferebat; potissimum, penes incuriam virorum feminarumque. Accedere ipsius cerimonia difficultates, qua consulto vitarentur. Et infra: Sed lata lex, qua flaminica dialis, sacrorum causa, in potestate viri, cetera promiscuo feminarum jure ageret.*

CAPUT XXI.

De coemptione.

QUOD ad alios modos attinet, scribit Cic. in Topicis: *Vxoris dua sunt forma: una matrumfamilias; altera earum, qua tantum usu uxores habentur. Matresfamilias, inquit Boethius, erant, que ducebantur per coemptionem: qua vero usu, minime. Coemptio fiebat, cum sese in communicando (vel, si mavis, coemendo) invicem interrogabant: Vir, an sibi materfamilias esse*

*esse vellet ; ubi illa respondebat , Velle : item mulier , an vir sibi paterfam. esse vellet ; ille respondebat , Velle. Itaque sic mulier viri conveniebat in manum : & vocabantur hæ nuptia per coemptionem. quod , ut Varro scriptum reliquit , (ejus verba Nonio referente , cap. de doct. ind.) nubens mulier tres ad virum asses ferebat : atque unum quidem , quem in manu tenebat , tanquam emendi causa , marito dare solebat ; alium , quem in pede habebat , in foco larium familiarium ponere ; tertium , in sacciperio , cum condidisset , resignare solebat : & ita dicebatur matrimonium per as & libram contractum. Sed abs re non est , hic addere , coemptionem non in nuptiis tantum celebrari , sed in omnibus legis actionibus , in quibus mancipatio interveniebat : videlicet , ut , præter jus naturale , jus Quiritium accederet : ut cum Ulp. ait , quosdam præponi frumento coemendo ; l. cuicumque , s. §. 1. D. de inst. act. & Pomponius , venales novicios coemendo. l. si negotia , D. de negot. gest. Symmachus , epist. 80. lib. 5 : Ad equorum coemptionem cum pretiis commearunt. Theodosius , l. 2. C. de frum. urb. Const. : *Auri statuta quantitas ad coemptionem frumenti.* Cic. in quadam Verrina : *Non modo non vendebant , sed etiam coemebant.* Horat. Od 29. lib. 1 :*

Quin tu coemtos undique nobiles

Libros Panati, Socraticam & domum, &c.

Et postea, lib. 2. Od. 3 :

Cedes coemtis saltibus, & domo.

C A P U T XXII. ..

De usu, ac legis Miscella interpretatione.

USU uxor habebatur, cum mulier ita collocabatur viro, ut is nullum jus præter usum in eam haberet. Quemadmodum servus jure Quiritium domini non erat, sed tantum in ejus bonis, id est, in usu, si is neque mancipatus esset, neque in jure cessus, neque ipso anno possessus, ut Theoph. tit. de libert. post Ulp. tit. 2. regul. interpretatur. Sic etiam, si nulla mancipatio in nuptiarum celebratione intervenisset, mulier sane jure Quiritium uxor non erat, nec materfamilias, sed tantum jure naturali uxor. Et ideo Boethius ait, eas quæ usu ducebantur, non fuisse matresfamilias. Nulla etenim in re jus Quiritium inerat, nisi fictitia venditio, quæ mancipatio dicebatur, accessisset. Aliter vero usus tantum in re haberi dicebatur. Cic. lib. 7. epist. *Cujus quando proprium te esse dicis mancipio & nexu, meum autem usu.* Et Lucretius, lib. 3 :

Vitaque mancipio nulli datur, omnibus usu.

Et is, qui rem jure gentium tantum habebat,

bat, non proprie dominus dici poterat, sed possessor : & res ipsa, non dominium, sed usus vel possessio nuncupabatur. Ut quando ait Festus, *Possessiones adpellantur agri late patentes, publici privatique, qui non mancipatione, sed usu, tenentur.* Quo pertinent & illa Javoleni, l. quæstio, 115. D. de verb. sign. *Quod ad nos non pertinet, aut non potest pertinere, hoc possessionem adpellamus. possessio igitur usus est.* &c. Loquitur ibi de fundis qui extra Italicum solum erant, & ideo mancipari non poterant. Sic etiam mulier in usu tantum esse dicebatur, si nulla mancipatio facta fuisset. Non quod pellex esset, aut concubina, ut quidam voluerunt, ex l. Masurius, 144. D. de verb. sign. Intererat enim, quo animo eam apud se vir haberet, uxoris, an concubinæ loco. Solo enim deletu concubina ab uxore separatur, inquit Paulus, lib. 2. sent. Et Ulpianus ait, concubinam sola animi destinatione æstimari : l. pen. D. de concub. cum testatione tamen, non uxoris, sed concubinæ loco esse : l. in concubinato, eod. tit. aliter enim uxor dicebatur ; præsertim si esset ingenua mulier, & honestæ vitæ, pleno ac maritali honore dilecta : l. cum tabulis, §. quoniam, de his qua ut indign. cum dignitate, l. item legato, §. parvi, de legat. 3. vicinis aut aliis scientibus eam liberorum procreandorum causa domi

habitam fuisse: *l. si vicinis, C. de nuptiis*, & sine mendacio, *l. Titia, D. de aur. & arg. leg.* non consortio sororiæ adpellationis decolorata. *l. eum qui, C. de Episcop. & Cler.* Nam, ut Hieronymus ad Rusticum monachum testis est, plerique sub nominibus pietatis quærunt suspecta consortia, ac ficto matrum nomine erumpunt in licentiam maritalem. Ideo Papinianus inspiciendum ait, an maritalis honor & adfectio pridem præcesserit, personis comparatis, vitæ conjunctione considerata: *l. donationes, 31. D. de donat.* Concubina igitur nunquam usucapiebatur, uxor sæpissime. illa pellex dicebatur, hæc uxor. in illis concubinatus, in his nuptiæ esse dicebantur. *l. in libera, D. de rit. nupt.* Itaque uxor, quæ usu tantum habebatur, differebat ab ea quæ materfamilias erat, quod hæc in mariti potestatem & familiam transibat, eratque illi loco filiæ; hæc vero ad usum, & liberorum tantum quærendorum causa, ducebatur. ut, quando viduæ, cui maritus viduitatem indixerat, per legem Juliam Miscellam licebat nihilominus nubere, modo sobolis tantum gratia ad secundas nuptias migrare se adfirmaret, & cautionem Mutianam præstaret, non etiam coemptionem faceret. Hoc enim modo minus videbatur defunctus lædi, cum mulier nec confarreatione nec coemptione, in alterius

rius familiam non transiens, bona, quæ tanquam sua heres ab primo marito acceperat, in secundum non transferret, nec suis liberis spem succedendi auferret. Atque hanc legis Miscellæ veram existimo interpretationem. Nam, ut prius dictum est, solenne quidem erat, in omnibus nuptiis adjicere, se liberorum quærendorum causa nuptias contrahere. Sed hoc in his nuptiis erat singulare, quando mulier usu tantum ducebatur. ut adjecta particula, *tantum*, designaret, se non nubere ut esset secundo marito loco filiæ: ne videretur domum primi mariti in partes distrahere; quod Agrippinam in Livie secundo matrimonio metuisse scribit Tacitus *libro 4*. Quorsum enim hoc jussisset lex Miscella, cum idem fuisset si mulieri simpliciter nubere permisisset? Et hoc modo quæ nupserat, non tam firmo vinculo haberi dicebatur. Itaque Julius Cæsar, inquit Suetonius, paratam legem habebat, ut uxores liberorum quærendorum causa, & quas, & quot ducere vellent, liceret. Et moris fuisse refert Strab. *lib. 11*. Romanos uxores suas aliis viris elocare, cum duos tresve filios ex eis suscepissent. Cujus rei vulgatissimum est Catonis minoris exemplum (quod male vulgo intelligi suspicor) à Plutarcho relatum. Non enim, ut adultera esset, sed ut uxor haberetur,

Martiam despondit Hortensio Philippus pater, præsentè Catone, & sponsalia comprobante. Ideo tamen hoc improbatum est à Christianis, quod vivente marito non possit uxor alteri nubere. August. *lib. de bon. conjug.* & Salvian. *lib. 8. de jud. Dei.* De hoc genere uxorum mihi videor non absurde hunc locum interpretari. Ac de Romanorum connubio verecundius judicandum existimo, quam à plerisque audio, Strabonis, Appiani, & Plutarchi auctoritate, fieri. Athenienses hujusmodi uxoribus utebantur; cum, ut ait Laert. in Socrate, licebat eis *γαμεῖν μὲν αἰσὴν μίαν, παιδοποιεῖσθαι ὅ καὶ ἐξ ἑτέρας.* Hanc enim Philostr., in *Sclopiano*, *ἡμίγαμον καὶ καὶ νόμος* nuncupat. De utraque, Socratis & Catonis, uxore sic meminit Tertullianus in *Apologet.* *Ex illa, credo, majorum & sapientissimorum disciplina Græci, & Romani Catonis; qui uxores suas amicis concedebant, quas in matrimonium duxerant liberorum causa.* Sed plerumque, eodem modo, quo servus, qui in bonis tantum erat, si per annum possessus esset, in dominio esse dicebatur; sic mulier, quæ usu tantum habebatur, materfamilias fiebat, si, usu illo per annum sine usurpatione continuato, usucapta esset. quod & in omnibus possessionibus, quæ usu tenebantur, eveniebat, in quorum acquisitione nullus nexus inter-

venerat.

venerat. Nam, ut cum Horatio juris nostri regulas complectar, lib. 2. epist. 2.,

*Si proprium est quod quis libra mercatur
care.*

Quadam, si credis consultis, mancipat usus.
Illoque usu in manum convenire dicebatur, materque familias fiebat, nimirum usucapta. Cic. pro Flacco: *In manum*, inquit, *convenerat. Nunc audio. Sed quaro, utrum usu, an coemptione.* Valdeque mihi suspectus est locus Servii, qui nuper ex libro manuscripto prodiit, ubi nuptiæ fieri dicuntur usu, si mulier anno uno cum viro, licet sine legibus, fuisset. Nam & ante annum uxor & nuptiæ fuerant. Sed uxor fiebat usu materfamilias, si mulier anno uno cum viro fuisset tanquam usucapta. Quod si usus ille ab uxore intra annum trinoctio interromperetur, illa usucapi non poterat. Eratque hac de re lex 12 tab. lata, quam refert Agellius, lib. 3. cap. 2. ut mulier, quæ sui juris esset, si annum unum apud virum matrimonii causa fuisset, ni trinoctium usurpatum isset, pro usucapta haberetur.

C A P U T · XXIII.

An uxor sit in potestate mariti.

EST autem exagitanda quæstio, an uxor sit in potestate mariti. Et non erit in-

conveniēns, hic conscribere verba Philonis *lib. 2. alog.* de Adamo, qui, uxorem accusans, dicebat, *Mulier, quam tecum esse concessisti; non, quam mihi dedisti.* Εὖ τὸ μὴ φάσαι. Ἡ γυνὴ τοῦ ἑδωκὸς ἐμοί, ἀλλὰ, μετ' ἐμῶ. ἔ γ' ἐμοί, ὡς πτῆμα, τὴν αἰδοῦσιν ἑδωκὸς, ἀλλὰ καὶ αὐτὴν ἀφῆκὸς ἀνέλον καὶ ἐλδοῖται. Constat tamen, receptæ reverentiæ esse, quemadmodum ait Ulpianus, si mulier viro sublit. *l. alia, D. solut. matr.* Mart. *lib. 8:*

Inferior matrona suo sit, Prisce, marito:

Non aliter fiunt femina virque pares.

Eleganter itaque Plaut. in Sticho:

— *Pudicitia est, pater,*

Eos magnificare, qui nos socias sumserunt sibi.

Et Sophocles, in *Antigone:*

Αἰὲν ἐννοεῖν καὶ τὸ τοῦ μὲν, γυναιχ' ὅτι
Ἐφύμην ὡς πρὸς ἀνδρας ἔμαχον, ἔμαχον,
Ἐπειδὴ δ' ἔνεκ' ὀρχόμεσθ' ἐκ κρείσσονων.

Quam ob causam Medea Euripidis sic conquirebatur:

Πάντων δ' ὅσ' ἐς' ἐμψυχα, καὶ γνώμην ἔχει,
Γυναικὲς ἐσμὲν, ἀθλιώτατον φύσιν,
Αἵς περὶ ταῦτα μὲν δεῖ καὶ κατὰ τὴν ὑπερβολὴν
Πόσιν πρὸς αὐτῶν, δεσπότιν τι σὺ μὲν λαβεῖν.

Quod Latine sic expressit Ambrosius, in exhortatione ad virgines: *Quoniam, inquit, qua nupsit, ad servitutem pecunia sua venditur:*

*ditur: meliori conditione mancipia, quam conjugia, comparantur. in illis meritum servitutis emitur, in istis pretium ad servitutem additur. Apud Romanos tamen aliter. Et quidem de confarreati matrimonii jure haec tenus dictum sit. De duobus vero reliquis hæc erat differentia. Nam, si uxor esset tantum usu ducta; omnes consentiunt, non fuisse in dominio mariti: si vero coemptio-
ne; aiunt, fuisse in dominio viri, quia in ejus manum convenit. Quid ergo? Si man-
cipatione jus domini sibi adquirebat mari-
tus, cur non etiam mulieri idem jus erat in
virum, quem eadem mancipatione sibi pa-
tremsam. coemebat? cui in limine domus
dicere solebat, *Si tu Caius, ego Caia.* id est,
Si tu dominus, ego domina. Si ideo puta-
mus uxores viros suos adpellasse dominos,
quod hæc in eorum dominio essent, ut vi-
detur asseruisse Servius, *lib. 4. Æneid., &*
plerisque in jure locis confirmatur, l. ea
qua, § 7. D. de donat. int. vir. & uxor. l. Lu-
cius, §. qua marito, D. de legat. 2.; cur non
idem conjicimus de marito, quem videmus
etiam aliquando uxorem suam dominam
adpellasse? *l. uxorem, D. de legat. 2. l. Titia,*
§. marito, D. de ann. leg. l. final. §. uxori, D.
de aur. & argent. leg. cum & ipsemet Virgi-
*lius, lib. 6. Æneidos, dicat,**

Hi dominam Ditis thalamo deducere adorti.

Catul-

Catullus: *Ac domum dominam voca*. Salvianus, *lib. 7.*, habuisse ait Romæ matres-familias jus suum, & dominarum honorem potestatemque habuisse. Verum est: habuerunt quidem multæ integrum jus domini; sed nulla fertur impollutum jus matrimonio. Quid etiam voluit Verrius Flaccus, juris Pontificii peritissimus, quem Macrobius, *lib. 5. Sat. cap. 16.*, refert dixisse, mulierem postera die nuptiarum libertatem auspicari uxoriæ, & ad hanc rem sacra celebrare? Hoc Servius, *lib. 6. Æneid.*, ait, Græcorum more fieri, qui uxorem *δέσπιναν* dicunt. Epictetus vero mitiori vocabulo *κυρία* dicit adpellari mulierem quæ duodecim annos adepta erat. Aristotel. *lib. 2. Rhetor. cap. 24*: Οἷον ὅτι διχαίως Ἀλέξανδρος ἔλαθε τὴν Ελένην αἵρεσι, ἥ αὐτῇ ἐδόθη ὡς πατρός. ὃ ἥ αὐτῇ ἴσως, ἀλλὰ τὸ πρῶτον. καὶ ἥ ὁ πατὴρ μέλει τῆς κυρίας. Hanc historiam accurate narrat Euripid. in *Iphigen. Aulide*. Catullus:

Qui genero sua jura simul cum dote dederunt.

Rectius tamen dicemus, mulierem, quæ propter sexus imbecillitatem antiquitus erat in perpetua tutela, (ideo quod coemtionem recedebat à tutoris potestate) in viri potestatem recedere, & ei esse loco filia, auctore Boethio: qui ideo asserit, priorem statum
mutari,

mutari; & esse capite deminutam. Cujus etiam juris testimonium exstat apud Ulpianum, tit. 21. regul. Sic enim scriptum est: *Minima capitis deminutio est, per quam, libertate & civitate salva, status duntaxat hominis mutatur. quod fit adoptione & in manum conventionē.* Non tamen ea erat potestas qualis apud Barbaros, inquit Spartian. in Carac. apud quos feminae & servi eodem gradu habentur. Neque enim in eam maritus jus vitæ & necis habebat; quamvis ex prisco instituto referat Cornelius Tacitus, lib. 13, Pomponiam Græcinam, superstitionis externæ ream, Plautii mariti iudicio permissam, ut coram propinquis de capite famaue conjugis cognosceret. Cujus veteris instituti his verbis meminit Dionys. Halicar. in Romulo: Ἀμαρτύνουσα δὲ π, διηγάς τὸ ἄδικεῖν ἐμὲν ἐλάμβανε, καὶ τὸ μέγας τὸ πτωχίας κύριον. Ταῦτα ὅ οἱ συγγενεῖς μὲν τὸ ἀνδρὸς ἐδιηγάον. Idque perspicuum est indicare voluisse Valerium, de Sacello deæ Viriplacæ scribentem, lib. 2. cap. 1. Non tamen habebat jus vitæ & necis maritus, sed nihilominus dominus dicebatur. Cicero, lib. 4. de Rep. Nec vero mulieribus praefectus reponatur, qui apud Græcos creari solet; sed sit censor, qui viros doceat moderari uxoribus. Nonius: Nec enim semper dominii vocabulum ad eam rem, qua pleno jure ad

nos pertinet, refertur. at etiam domini adpellantur qui cuicunque rei quomodocunque præsunt, ut ὁ δισπότις ὁ κύριος significet. Inter quæ nomina hanc differentiam refert Philo Judæus, lib. Τίς ὁ τῶν θείων κληρῶν; Καὶ τί τὸ, Συναίνουσι ταῦτα λέγεσθαι, κύριος καὶ δισπότις; Ἀλλ' εἰ καὶ τὸ ὑποκείμενον ἐν καὶ ταυτὸν ἐστίν, ἐπινοίας αἱ κλήσεις διαφέρουσιν. κύριος μὲν γὰρ ὡς τὸ κύριος, ὁ δὲ βέβαιόν ἐστιν, εἴρηται, καὶ ἐναντιότῃς ἀβεβαίαις καὶ ἀκύραις δισπότις δὲ, ὡς τὸ δέσμων, ἀφ' ὧν, ὡς οἶμας, ὥς τὸν δισπότις κύριον εἶναι. Maritus itaque decentiori ac mitiori vocabulo κύριος adpellabitur, quam δισπότις. Sane enim, ut est in Livio à Valerio dictum, *Et vos in manu ἑστὴ tutela, non in servitio, debetis habere eas; ἑστὴ malle patres vos, ἑστὴ viros, quam dominos, dici.* Bruti verba, ex libro de Officiis, citat Priscianus, lib. 6. quæ sunt hujusmodi: *Itaque patresfamilia domini sumus.* Seneca, epist. 47: *Ne illud quidem videtis, quam omnem invidiam majores nostri dominis, omnem contumeliam servis, detraxerint; dominum patremfamilias adpellaverint; servos (quod etiam in mimis adhuc durat) familiares.* De qua differentia amplissime disputat Lactantius, lib. 4. div. inst. Atque, ut est in prædicto Servii loco manuscripto, lib. 4. *Æneid.*, mulier sustinet conditionem liberæ servitutis, quod videlicet tantum jure Quiritium

tium in dominio mariti esset, jure vero gentium dominium non transferebatur: & sic (ut utar Theophili supra dicta distinctione) non erat maritus pleno jure dominus, sed tantum jure Quiritium. Quemadmodum enim prius dictum est, hæc mancipatio eo tantum interveniebat, ut esset matrimonium jure Quiritium contractum, atque ideo stabilior & sanctior societas. tamen enim vir in mulieris, quam mulier in viri manum convenerat. sed receptæ reverentiæ est, mulierem esse in viri potestate, aut ejus in cujus esset potestate maritus, ut docet Agellius, *lib. 18.* nam, ut ait Festus, ea quæ in manum viri convenerat, materfamilias non erat proprie, antequam maritus sui juris factus fuisset.

CAPUT XXIV.

An coemptione filia à patris potestate sit emancipata.

SED quæritur, an hoc modo filia patris potestate soluta esset, si illa, antequam nuplisset, in potestate patris erat. Et sane Labeo asserit, uxorem in mariti familiam transgredi: ut tradit Agellius, *lib. 13. cap. 10.* Et Ulpianus scribit, viri & uxoris commixtam familiam esse, & unam domum: *l. 1. §. si vir, 15. D. ad Senatusc. Syllan.*

Et

Et Quintil., *declam.* 239, ait: *Ut virgo pertinebat ad patrem, ita nupta pertinet ad maritum.* Sed hoc primum objicio: Cur non idem jus putatur in uxore quæ usu tantum habetur, cum hi auctores indefinite de omnibus uxoribus mentionem faciant? Tum etiam mirum est, quid sibi velint apud Plautum filia Antiphonis. quarum altera in Sticho ita sororem alloquitur:

Neque est cur nunc studeam has nuptias mutarier.

Verum postremo in patris potestate est situm.

Faciendum id nobis quod parentes imperant.

Et postea:

Pati nos oportet quod ille faciat cujus potestas plus potest.

Eas enim in manum virorum coemptione convenisse, hæc verba, statim subiecta, argumento sunt:

Nunquam enim nimis curare possunt suum parentem filia,

Quem aequius est, nos potiolem habere quam te, postea

Viros nostros, quibus voluisti nos esse matres-familias.

Deinde, nullo auctore, qui quidem exstet, aut saltem in publicum exierit, potest aliquis probare, patriam potestatem matrimonio solvi: cum etiam Hermogenianus, *l. 2. D. de liber.*

liber. exh., det viro interdictum de uxore deducenda & exhibenda, non etiam dominium, quod patris esse fatetur; & infinitis auctoritatibus probari possit, mulierem, quæ alteri nupsit, esse in potestate patris: *l. 1. C. de bon. quæ liber. l. 4. C. solut. matrimon.* ita ut eam occidere possit, si in adulterioprehenderit: *l. patris, D. ad l. Iul. de adult.* modo moderata esset ea patris potestas, ne, inquit Ulp., bene concordantia matrimonia jure potestatis turbentur. *l. 1. D. de lib. exhib.* quod constitutum fuisse à Numa, refert Dionys. Halicar. *lib. 2.* His, dum ab alio meliora adferentur, responderi posse puto, raro nuptias fuisse coemptione contractas; & ideo jurisconsultos, generaliter de uxoribus respondentes, ad eas tantum prospexisse, quæ jure gentium, id est, usu tantum, erant uxores. Quod videtur notatum à Tacito, *l. 4. Ann.*, dicente, Flaminicam dialem sacrorum causa in potestate viri tantum fuisse, cetera promiscuo feminarum jure agere. Cum & verum sit, pleraque jurisconsultorum responsa, aliquid sæpe addendo, sæpe etiam detrahendo, Tribonianum suo tempori adcommodasse. Nam & illo fragmento, nuper à doctissimo P. Pithæo edito *sub titulo De adulteriis*, apparet, distinctius Papinianum & Paulum respondisse, occidendi facultatem legem patri

patri tribuisse, eam, quam in potestate haberet, & eam, quæ eo auctore in manum convenerat. Qua distinctione plane constat, eam, quæ patre auctore in manum viri convenerat, non fuisse in patris potestate. Quod vero ad Plauti verba pertinet, longa virorum absentia, qui triennio jam aberant, divortii legitimam causam præstitisse videbatur. Et sane verisimile est, ante Constantinum non quadriennium mulieres exspectasse. *l. vel senectutem, D. de donat. int. vir. & ux. & l. ult. C. de divort.* At quid moror? Non est tanta comicis fides habenda, ut eos putemus juris civilis regulas *ἀνεγκλίως* observasse. Sed ad rem. Fieri non poterat, ut, quæ per æs & libram in viri manum patris consensu convenerat, in ejus esset potestate. Consequeretur enim, ut una eademque mulier esset materf. & filiafamilias: & ita fieret, ut esset duarum familiarum mulier. quod juris regulis adversari nemo dubitat, *§. at hi, Inst. de hered. qua ab intest.*

C A P U T XXV.

De communione sacrorum inter virum & uxorem.

VIR & uxor divini & humani juris communicationem habere dicebantur. *l. 1.*

D. de

D. de rit. nupt. l. adversus, C. de crim. expil. hered. Ob eamque causam tradi anulos & claves uxoribus, solenne fuisse, superius dictum est, & igni & aqua illam accipere. Communicatio sacrorum, inquam, non quidem publicorum, sed privatorum erat; quæ, ut ait Festus, pro singulis familiis gentibusque fiebant. quæ jura (inquit Cicero, *lib. 2. de leg.*) pontificum auctoritatem consecuta sunt, ut ne morte patris, sacrorum memoria occideret, & iis essent ea adjuncta, ad quos ejusdem morte pecunia venerit. Itaque ait, non tantum heredes sacris adstringi, sed & legatarios, qui tantundem caperent, quantum omnes heredes, aut iis deficientibus omnes quicumque ex bonis defuncti locupletiores erant. Jurisconsultos vero invenisse rationem, cur pecunia sacrorum molestia liberaretur. Primo, si is, cui tantum legatum erat quantum uni ex heredibus, minus centum cepisset quam legatum erat. Secundo, si stipularetur is, cui testamento relictum erat, id ipsum quod relictum est; ut non ex testamento, sed ex stipulatione deberetur. Et hunc modum putarem Ciceronem intellexisse in *Oratione pro Murræna*; cum ait, jurisconsultorum ingenio senes ad coemtionem faciendas, interimentorum sacrorum causa, repertos fuisse. Nam antiquiori jurisprudentia, cum testamen-

qui capulo est vicinus, & proximus morti, hominem nihili, capite censum, nedum proletarium, sed nullius ob ætatem senilem spei, adhibebat familiæ emtorem, à quo is, cui relicta pecunia erat, post testatoris mortem stipularetur, ut hæc pecunia non ex testamento, sed ex stipulatione, deberetur. Nam, nec restituta hereditate jura sepulcrorum apud heredem remansisse, Paulus refert: *l. quia perinde, ad S.C. Tertull.* Sunt enim hæc jura in heredibus perpetua: adeo, ut, si ab eo bona tanquam indigno auferantur, tamen jura sepulcrorum retineret: *l. si quis fuit, 33. D. de relig.* excepto crimine perduellionis. *l. 1. §. interdum, 3. D. de suis & legit.* Et ita fiebat, ut, herede illo sene coemtionali mortuo, etiam sacra interirent. Qua de causa, qui vilissimæ conditionis erant, usurpata loquendi formula dicebantur *senes coemtionales*. Plaut. in Bacch.

Nunc Priamo nostro, si est quis emtor, coemtionalem senem

Vendam ego, venalem quem habeo. —

Et quia fortasse illi otiosi, & inertiæ dediti, solebant in illo adstare lapide, ubi res Mancipi venire solebant, si forte quem invenirent, cui nomen suum adcommodarent; quasi in proverbium abiit, ut diceretur, *inter senes coemtionales mancipationem fieri.*

ut Curius ad Ciceronem: *Quod quidem si inter senes coemtionales venale proscrisperit, egerit non multum.* Consules etiam Scaptium plebeium, coemtionalem senem, ad contumeliæ notam, adpellasse, Livius, ut est nuper restitutus, indicat, *lib. 3.* licet & in prædictis locis, bona venia virorum doctorum dixerim, non male fortassis *senes coemtiales* legeretur. quales sunt illi de quibus sic Plautus in Poenulo:

Non potuisti adducere homines magis ad hanc rem idoneos.

Nam istorum nullus nefastus est. comitiales sunt meri.

Ibi habitant, ibi eos conspicias, quam præterem, sapius.

Quemadmodum itaque, qui adoptabatur, particeps sacrorum & bonorum fiebat; sic etiam mulier, in familiam mariti transiens, fiebat sacrorum particeps. Quod à Romulo institutum fuisse, his verbis testatur Dionys. Hal. *lib. 2*: Γυναῖκα γαμέτλων καὶ νόμους ἱερῶς συνελθόντων ἀνδρὶ, θειωνὸν αἰπάντων εἶναι, χρηματίζονται, καὶ ἱερῶν.

CAPUT XXVI.

*De communione bonorum inter vi-
rum & uxorem.*

SED humani juris communicatio non facile perspicua est: cum mulier separata à marito bona haberet, quæ rei uxoriæ nomine continebantur: cum plerumque non omnia, sed ea tantum, quæ doti dicta erant, ad maritum transfirent; cetera essent *παράφερνα*, quorum ne quidem administrationem haberet maritus: *l. hac lege, C. de pact. conv.* cum quæ debebantur mulieri, maritus exigere non posset: *l. cum maritum, 11. C. de solut.* earum etiam rerum, quæ dotis nomine præstabantur, maritus plenum dominium non haberet; sed ea in bonis ejus tantum esse dicerentur, *l. quamvis, C. de jur. dot.* in dominio vero mulieris: *l. in reb. eod. titul.* cum etiam suos homines familiamque domesticam haberet mulier, *l. sed si vir, 31. §. ult. D. de don. int. vir. & ux.* Denique, quare mulier dicebat bona sua in dotem viro, si ad eum solo matrimonii jure transfirent? Solet sic distingui. Aut coemptione, aut farre ducta est mulier: & tunc, teste Cicerone, in *Topicis*, omnia quæ mulieris fuerant, viri fiebant dotis nomine. Ad luditque ad hoc jus Lucianus, in *dialo-*

go, qui Π'ητέραν διδάσκαλος inscribitur, his
 verbis: Πρὸς δ' ὃ σὺ, ὁ ἐραστὴς, ἐπιθυμῶν δηλαδὴ
 ὅτι τάχιστα γινέσθαι ἐπὶ τῷ ἄκρῳ, ὡς γαμήλειαι
 τε αὐτῶν, ἀνελθῶν, καὶ ἵνα καὶ πάντες ἐκείναι ἔχῃς,
 τὸν παλῆτον, τὴν δόξαν, τὰς ἐπαίνας. νόμος γὰρ
 αἵπαντα γίγνεται ὁ γαμήλιος. Macarius,
 homil. 32: Ὡς περὶ γὰρ γυνή, μεμίνης θυμῷ αὐ-
 τῇ, πάντα τὰ ὑπάρχοντα αὐτῆς καὶ ἄλλω τινὶ
 παροῖκα ἀποφέρει. ἐκ πολλῆς ἀγάπης εἰς τὰς
 χεῖρας ῥίψασα ὅσους ἀνδρὲς, καὶ τὸ τοῦ λέγει, Ἐμὲν
 ἔδωκεν ἔχει, τὰ ἐμὲν ὑπάρχοντα σὺ ἐπὶ, καὶ ἡ
 παροῖκα σὴ ἐστὶ, καὶ ἡ ἐμὲν ψυχὴ, καὶ τὸ σῶμα τὸ ἐμὲν,
 σὺν ἐστὶν ἔτιω &c. Cic. lib. 1. Offic. *Prima so-*
cietas in ipso conjugio est: proxima in liberis:
deinde una domus, communia omnia. Aut
 erat usu tantum ducta: & tunc eorum fiebat
 tantum dominus bonitarius maritus, quæ
 doti dicta erant; ceterorum minime: nec
 rerum quidem uxoris usum habebat, nisi
 promiscuus esset usus, veluti habitationis
 causa: *l. si mulieri, D. quemadmod. usus-*
fruct. amitt. nec ei carendum matrimonio ali-
 ter foret: *l. 4. D. de usu & habit. l. sed ne-*
que, D. eod. tit. ut & ceterarum rerum, qua-
 rum usus promiscuus esse debet. *l. cetera-*
rum, D. eod. tit. Columell. lib. 12. Nihil
 conspiciebatur in domo dividuum, nihil
 quod aut maritus aut femina proprium esse
 diceret; sed in commune consecrabatur ab
 utroque, ut cum forensibus negotiis matro-
 nalis

nalis sedulitas industriæ rationem parem faceret. At si non esset promiscuus usus, nulla fit communicatio marito. *l. Lucius Titius, §. filiam, D. ad Senat. Trebell.* Materfamilias itaque sola, non etiam uxor simplex, erat humani juris particeps. Sane enim huic legi, quæ à Romulo lata est de huiusmodi societate, additum est, cum fuit in duodecim tabulas relata, si in manum viri convenisset, ut refert Dionys. Halicarn. *lib. 2.* At, num ea societas leonina dicitur, quæ maritum, coemptione facta, non etiam mulierem, dominam facit? Ego vero, etiam mulierem dominam bonorum mariti fuisse, dico. Ait enim Macrobius, *lib. 1. Saturn. cap. 15. ex Verrio Flacco*, postera die nuptiarum mulierem dominium rerum mariti incipere adipisci. Et existimavit Plutarchus, *libro de praeceptis connubialibus*, ideo donationes inter virum & uxorem prohibitas fuisse à Romanis, quod omnia communia judicarent: ob eamque causam anulos & claves domus ab initio tradi, ex supradictis notum est. Sed in eo hæc erat differentia, quod maritus, tanquam pater, administrationem habebat: mulier vero, quæ loco filiæ erat, non nisi κατὰ ἐλπίδα dominium adipiscebatur, ut post mortem viri in ejus familia jus bonorum haberet, & in sui heredis locum veniret. ut asserit Agellius

lib. 18. cap. 6. Quod Paulus, in l. 1. D. rer. amotar., sic notat : Quia societas vitæ quodammodo dominam eam faceret. ideo furtum tantum facere, sicuti filia patri faciat. quia, inquit Caius, lib. 3. Inst., marito filiæ, filio vero sororis loco erat. & est illis in consanguineorum numero. adgnascitur enim heres suus, in manum conveniendo, ut ait Ulp. tit. 22. & 23. reg. ita ut in illis evidenti-
 us appareat continuatio dominii. l. in suis, D. de lib. & post. Et id eleganter ex Romulo retulit Dion. Hal. Σωφρονεῖσα μὲν γὰρ, καὶ πάντα τὰ γεγαμηκῶς περὶ τοῦ γυναικὸς, καὶ οἶκον τὸν αὐτὸν τρόπον ἔχουσα, ὥστε καὶ ὁ ἀνὴρ, καὶ τὸ πλῆθος τῶν ἐκείνου κληρονόμοι ἐγγίνετο τῶν χρημάτων, ὡς θυγάτηρ πατρός, εἰ ἀπαιτῶν καὶ εἰ μὴδενός ἀφ' ἑαυτῆς ἀποθάνοι, πάντων ὑπὸ καὶ τῶν ἀπολειφθέντων. εἰ δὲ γυναιὴν ἔχει, τοῖς παισὶν ἰσόμενοι γινώσκονται. Sic è contrario, si prior decederet mulier, habebat maritus, tanquam pater, jus successionis. quemadmodum innuit Cicero pro Flacco : argumento sumto à contrario sensu: cum ait, jure Flaccum hereditatem Valeriæ petere, quamvis in manum Sextilii convenisset ; quia ea conventio, & dotis dictio sine ejus, qui tutor erat, auctoritate facta erat. Itaque non est Boethius reprehendendus ; cum asserit uxore, quæ in manum viri convenerat, defuncta, bona ad virum pertinere. Verum

Verum est tamen, successu temporis patres sibi cavisse, ac filias spondendo contraxisse fiduciam, §. ult. *Inst. de leg. adgn. success.* ut, si sine liberis eæ morerentur, ad eos rediret hereditas, l. 3. *C. Th. de leg. hered.* aliter enim maritus erat heres, ut notat Servius, lib. 7. *Æneid.* ad hæc verba :

— *Externusque in regnum quaritur heres. De lure, inquit, traxit, ut non generum, sed heredem diceret. nam per coemptionem facto matrimonio sibi invicem succedebant.* Sed non puto, ex l. nulla, *D. de suis & legit.* induci posse, posteriori jurisprudentia hoc jus successionis mutatum fuisse: imo, successiones, quæ ex S. C. Tertulliano & Orficiano deferrebantur, ad eas tantum, quæ usu ductæ erant, pertinuisse, existimo.

CAPUT XXVII.

Qualis esset communio cum uxore usu ducta.

QUODSI usu tantum esset ducta uxor, nullam fuisse inter eos societatem, verisimile est; nisi in quantum inter eos conventum erat. Itaque mulier doti dicebat, vel omnia sua bona, vel eorum tantum partem, prout libitum erat: l. nulla lege, *C. de jur. dot.* l. mulier bona, *D. eod. tit.* Dotis vero hæc erat natura, qualis pacto conventa esset. Pacta enim dotalia, quæ dotis con-

ditionem deteriore non reddunt, servanda constituerunt. *l. 1. D. de pact. dot.* Quod si pacto nihil conventum fuisset, jura dotium constituta erant. Quæ, ut in pauca conferam, talia erant, ut nimirum dos proprium patrimonium sit uxoris, *l. 3. §. ego etiam, D. de minorib.* & ea dote maritus utatur ad onera matrimonii sustinenda. Aliter enim, dote non præstita, inter virum & uxorem de alimentis pactio fiebat. *l. fin. D. de in rem vers. l. creditor, §. si inter, D. mandat.* idque constante matrimonio. Quamvis enim dotis causa perpetua esset, & cum voto ejus, qui dabat, ita contraheretur, ut semper apud maritum esset; *l. 1. D. de jur. dot.* tamen, ut ait Cic. in *Topicis*, maritus ea bona dotis nomine, id est, in bonis suis ea tantum habebat. *l. quamvis, D. de jur. dot.* Nam licet dos à veteribus inter donationum species adnumeretur; *l. ult. C. de donat.* tamen verius est, esse contractum. *l. contractus, 23. D. de regul. jur.* Et ideo servum dotalem, heredem institutum, potest quidem maritus jubere, ut is vel adeat vel repudiet, modo nihil deminuat ex dote: eaque in re consultum erat, uxorem coram testibus interrogari. *l. servus dotalis, § 8. D. sol. matrim.* Soluta itaque matrimonio intererat, an mulier esset sui juris, an in patris potestate, si divortio solveretur matrimonium:

trimonium : quia mulier, nisi causam divor-
 tio præbuisse, ea, quæ sui juris erat, repe-
 bat dotem, siue adventitia esset dos, siue
 profectitia. Ulp. tit. 6. regul. l. qui homi-
 nem, 34. §. si gener, D. de solut. l. si alienam,
 C. solut. matrim. Si vero in patris esset po-
 testate, pater agere poterat, adjuncta tamen
 filix persona. l. 2. 3. & 4. D. sol. matr.
 Idemque jus erat, si morte mariti dissol-
 veretur matrimonium. l. ult. C. de jur. dot.
 l. ult. C. solut. matr. Si vero uxor prior mor-
 tua fuisset, nihil intererat, an filia. uxor, an
 sui juris decessisset. Quamvis aliter posset
 colligi ex rescripto Alexandri Imp. in l. 4. C.
 solut. matr. Sed differentia erat, an esset
 dos profectitia, an adventitia. Profectitia
 ad patrem redibat, vel ad ejus heredes : l. 4.
 C. de fals. caus. adject. quintis in singulos
 filios in infinitum penes virum relictis.
 Ulp. tit. 6. Posteriori tamen jure aliter li-
 beris prospectum fuisse, constat ex l. unica,
 §. accedit, C. de rei uxor. act. Dos vero ad-
 ventitia semper, inquit prædicto titul. Ulp.,
 apud maritum remanebat ; nisi is, qui eam
 dederat, stipulatus fuisset eam sibi reddi. l.
 mortis causa, 31. §. 2. vers. sed & dos, D.
 de donat. mort. caus. Liberis tamen deinde
 etiam aliter prospectum est. C. de bon.
 qua lib.

CAPUT XXVIII.

Quis uxoris usuraria tutor esset.

SED cum mulier sui juris in perpetua tutela esset, dubitatur quis ei mulieri usu ductæ tutor esset, an extraneus, an maritus. Loquimur de cessico tutore. Nam de pupillæ tutore, quæ nubere non poterat, nulla potest esse dubitatio. Et, cum ille cessicus tutor idem ac curator esset, maritum non fuisse, verisimile est, cum curator esse non posset. *l. 2. C. qui dari tutor. l. virum, D. de curat. fur. l. 4. C. de excusat. tut.* Sed & nec mariti pater, ne labem pudoris contrahat. *l. licet, C. de excus. tut.* Nam & Ulp. *tit. 22. regul.* ait, ex *l. Julia* de maritandis ordinibus, ei mulieri, quam ex hac lege nubere oportet, tutorem dari, si legitimum tutorem non habeat, ad dotem dandam, dicendam, promittendamve. Sed & non tantum ad dotem dandam nupturæ, verum etiam ei quoque quæ jam nupta est: sed & ad dotem augendam datur, & mutandæ quoque dotis gratia curator dari potest. *l. non tantum, D. de tut. & curat. dat.* Et hic dicebatur specialis curator. *l. mulier, C. de jur. dot. ut & in l. siue generali, D. de jur. dot.* Imo & furiosæ uxori non maritus, sed alter datur. *l. si cum dotem, §. si autem, D. sol. matrim. l. 2. C.*

l. 2. C. si sap. in integr. Et tutor ejus, quæ nupsit, admonetur, ut ei curatorem petat, quo maturius possit rationem reddere administrationis. *l. admone, 7. C. qui pet. tut. vel curat.* At posset objici his verbis Ulpiani, tutorem dari ad dotis constitutionem, ne maritus in rem suam auctoritatem præberet; non etiam ad cetera bona administranda, cum nupsit. quo fit, ut, cum mulier sui juris sine tutore esse non posset, maritus videatur ei tutoris, vel, posterioribus temporibus, curatoris loco fuisse: cum etiam Just. in §. pen. *Inst. de excusat. tut.* dicat, *maritum, uxori sue curatorem datum, excusare se posse, licet se immisceat.* Ego puto, tutorem quidem cessicum, sive curatorem, maritum non fuisse; nihilominus tamen res uxoris administrasse, nisi aliter convenisset. Quod significare mihi videntur hæc verba Justiniani, *licet se immisceat*: cum præsertim, qui tutor erat cessicus, sive curator, non negotia gerere, sed auctoritatem tantum mulieri jam adultæ præstare debeat. Cic. in Top. *Non, quemadmodum, quod mulieri debeas, recte ipsi mulieri sine tutore auctore solvas: ita, quod aut pupilla aut pupillo debeas; recte possis eodem modo solvere.* Quibus verbis constat, longe alia ratione mulierem esse in tutoris potestate quam pupillum, ut ait Ulp. tit. 11. *Hi*, inquit

Cicero, pro Mur., *invenerunt genera tutorum, qui potestate mulierum continerentur.* Et sane, nisi in rebus, quæ *παράφρενα* dicebantur, tutoris nulla poterat esse auctoritas. At hæc vel viro sic dabantur, ut ejus essent quamdiu matrimonium duraret; vel horum custodia per libellum ei tradebatur, ut uxor ad sustentationem sui, qualique peculium, eo uteretur. *l. si ego Seia, D. de jur. dot. l. 3. C. ne ux. pro mar.* Quo casu et si prohibente muliere nullum sit jus marito in his se immiscere: *l. hac lege, C. de pact. conv.* tamen verisimile est, non prohibente administrasse; *l. ult. C. de pact. conv. l. maritus, C. de procurat. l. pen. D. ad l. Falcid.* aut saltem auctoritatem administranti mulieri præstitisse. Itaque videmus, apud maritum duplicis juris peculium plerumque fuisse. Ut puta, si servus est dotalis, potest habere peculium, quod ad virum respicit; & quod ad mulierem. *l. hinc quaritur, §. 1. D. de pecul.* Et hoc eo cautius observandum erat, ne, si quid ad eam ex hujusmodi contractibus inscio marito pervenisset, turpis quæstus æstimaretur. *l. Quintus Mutius, D. de donat. int. vir. & ux.* Quod est eleganter à Plauto dictum in *Casina*, his verbis: — *Nam peculi probam nihil habere addeceat Clam viro: & quod habet partum, ei haud commodè est,*

Quin

Quin viro aut subtrahat, aut stupro inveni-
nerit.

Et est quod Dion. Hal. in proœmio αὐτὸν ὁ
δεχάων ῥηθῶν πρᾶγματείας ait. Ἐν οἰκείᾳς
ἢ μὲν ἐλδύθῃσι καὶ σῶφρων γαμυτὴ καίθηται,
μηδεὶς ἔσται τῇ αὐτῆς κυρία. ἐτέρᾳ δὲ πρὸς
σῶφρων, ἐκ' ὀλέθρου ὃ βίᾳ παρῆστα, πάσης ἀξιοῖ τῇ
ἐσίας ἀρχειν. Et tamen apertissimi juris est,
uxorem, incio marito, & donare & hypo-
thecam constituere potuisse. *l. velles, C. de*
revoc. don. l. si uxor, C. de pign.

C A P U T XXIX.

De sacrificiis nuptialibus.

NE quid vero eorum, quæ ad ritus nu-
ptiales pertinent, prætermisisse con-
queri quis possit, pauca hic addere operæ-
pretium visum est, quæ ad jus nostrum mi-
nus pertinere videntur: quæ si etiam erudi-
tioni, iudicio, ac doctrinæ B. Briffonii omnes
accepta referant, non inuidebo. Nam & in
istis, ut in ceteris, si quæ sunt à nobis for-
tassis superaddita, manum lucemque præ-
buisse profiteor. Sponsa igitur domum viri
ingressa, tota dies nuptiarum in sacrificiis,
conviviis & saltationibus transigebatur,
Quapropter ea die vir, & ea quæ nubebat,
in jus vocari non poterat. *l. 2. D. de in jus*
voc. Debebant enim hac die litibus ac

O 7 molo-

molestiis supersedere. Sacrificia autem silentio prætermittenda non sunt. Haud enim aliter faustum felixque matrimonium putabant Romani, nisi more solenni antea libassent. Sed, quia multa sunt & varia, præcipua si enumeraverimus, huic nos operi satisfecisse, existimabimus. Primum itaque, teste Varr. *lib. 2. De re rustica*, porca immolabatur, quasi eo sacrificio, diis testibus, fedus matrimonii bene cessurum, & inviolabile futurum, promitterent conjuges. Nam & mulieres, inquit Varro, maxime nutrices, naturam, quia femina sunt, in virginibus adpellant porcam, & Græci χοῖρον significantes, esse dignam nuptiarum. Aristoph. itaque in *Acharn.* sic ludit in ambiguo χοῖρον vocabulo: cum, pro porcis juvenicis Magareus sublatis puellæ vestibibus, ostenso pudendo, ait, ἢ ὃ χοῖρον ἔσθ' αἰδὲ, Ἑλλάων νόμος; Nam porca δέλφας dicebatur, inquit Athen. *lib. 9*: Αἱ θήλειαι ἔτι λεχθεῖν αἶν, αἱ δελφύας ἔχουσιν ἔτι αἱ μήτρας καλεῖνται. καὶ οἱ ἀδελφοὶ ἔτιθεν ἐνυμφογύνται. Inde etiam Hesych. δελφάκιον pudendum muliebre esse ait. Quod, cum nondum pene adolevit, sed est adhuc tenerum & delicatum, est tamen ἀρεστὸν γάμος, χοῖρον adpellant; significantes, puellas dignas esse nuptiarum, licet nondum sint δελφύας ἢ γυνήτρας ἔχουσιν, μηδὲ συμπεπηγυῖαι τοῖς σώμασι. Quod Eustath.

stath. in Hom. Ὀδ. ζ. latius explicat. Ideo autem porca immolabatur, quod nullum sit animal adeo libidini deditum. Eustath. in Hom. Iliad. τ. Καὶ γὰρ ὁ χοῖρος κατωφερὴς εἰς ἀφροδίτα. ὅθεν καὶ καίπερ αἶνα, γυνὴ ἢ ἐργῶσα πρὸς μίξεις. καὶ καίπερ αἶν, κυρίας, τὰ ὀρέζοντες καίπερ οὐ τὴν αἰῶν. Sic in ll. λ. ait: Ὅθεν, ἢ γυνὴ καίπερ αἶσα, ἢ ἀσέλγης, δηλοῦσιν οἱ παλαιοί. διὸ καὶ τῇ Ἀφροδίτῃ ὡς ἐθύετο, καὶ μάλιστα παρ' Ἀργείοις. παρ' οἷς καὶ ἑορτὴ Ἀφροδίτης, τὰ ὑσῆ-
ρια. Ea item ratione fieri id sacrificium Varro paulo ante declarat: *Ab scillo, inquit, pecoris genere immolandi initium primum sumtum videtur: quod initiis Cereris porci immolarentur: & quod initiis pacis, fedus cum feritur, pecus occiditur: & quod nuptiarum initio antiqui reges ac sublimes viri in Hetru-
ria, in conjunctione nuptiali, nova nupta & novus maritus, primum porcā immolabant: prisca quoque Latini, & etiam Graeci. In Italia idem scilicet videtur. &c.* His ego lubens addidero, fortasse porcā immolari initio nuptiarum, ut in suscipiendis liberis adeo fecunda esset nupta, ut scropha quæ porcos triginta pepererat. Æneid. 8:

— *Ingens inventa sub ilicibus sus,*

Triginta caputū fetus enixa. —

Hinc enim grundiles lares dictos esse testantur, apud Diomedem Claudius *Annal. lib. 15.* & Cassius in *secundo historiarum.* Ju-

noni

noni etiam sacrificabatur, cum cingulo novæ nupta præcingebatur. Unde Juno dicta *Cinxia*. Virgil. lib. 4. *Æneid*.

Junoni ante omnes, cui vincla jugalia cura.
Et Statius:

— *Dat Iuno verenda Vincula.* —

Dianæ etiam sacrificasse virgines, eique zonam dedicasse, refert Suidas: quod primum parturientibus adtribuit Græcus commentarius, lib. 1. *Argon*. Deo item Eutino, aut, si mavis, Mutino, sacrificabant. de quo facit mentionem Lactant. lib. 1. cap. 20. ferturque, eam, quæ nuptura erat, in ejus sinu sedere debuisse.

C A P I T U L U M XXX.

De sacris nycteliis.

ERANT etiam antiquitus sacra nyctelia, quæ nocte celebrabantur. Quæ tamen pop. Romanus, inquit Serv. lib. 4. *Æneid*, exclusit, causa turpitudinis. Ea fortassis erant quæ ab Augustino enumerantur, lib. 6. *de Civ. Dei*, cap. 9. Quorum quatuor extra cubiculum, omnibus adstantibus, peragi solebant. sc. deo Jugatino; ut mas & femina conjungerentur: Domiduco; ut sponsa domum sine læsione duceretur: Domicio; ut sponsus in domo libenter esset: deæ Maturæ; ut cum viro libenter sponsa maneret.

neret. In cubiculo autem quinque dii secreto, ne paranympis quidem præsentibus, colebantur. Una erat Virginenſis dea; ut libenter ſupponeretur. tum Prema dea; ut ſubacta ſe non male moveret, & recte comprimeretur. tertia dea Pertunda; ut ſponſus concuteret, & penetraret. quarta dea Venus; ut utrique creandæ proliſ fervor ad-eſſet. poſtremus erat Priapus; ut viri vena virilius inſurgeret: ſupra cujuſ ingens ſimulacrum, in ſublimi loco poſitum, ſponſa, priuſquam cubitum iret, ſedere jubebatur; ut illius virtutem jam tum in ſe reciperet. Et hi, *jugales dii* dicebantur. Symmach. epiſt. 24. lib. 3: *Cum tibi comperi jugales deos matremſam. copulaſſe.* Ergo iis & aliis modis dies nuptiarum tranſigebatur, adhibitis etiam ſaltationibus, compotationibus, & ceteris, quæ ex more, inquit Apul. *Apol. 2.*, maritis obeunda erant. Sponſus enim, cum quibuſdam amicis (quos Fulgentius *de priſc. ſerm.* ait *ſimplones* vel *ſimpulones* adpellatos fuiſſe, à *ſimpulo*, id eſt, vaſe quo vinum porrigebatur, quemadmodum retulit Feſtus) per convivia ambulabant, ut convivis vinum porrigerent, venientes ſalutarent, ad cœnam invitarent, adventum gratularentur. ſane enim, licet multæ leges ſumtuariæ Romæ latæ fuerint, conſtat tamen ex Agellio, aliquid ultro hiſ diebus conceſſum fuiſſe, lib. 2. cap. 24.

CAPUT XXXI.

De deductione in cubiculum mariti.

CUM igitur nox advenisset, in cubiculum mariti deducebatur; quemadmodum ex Varr. refert Servius *in 8. ecl. Virg.* Et hujus rei fit mentio *in l. cui fuerit, D. de cond. & dem.* Et hoc patrimonum munus fuisse, declarat Plutarch. *in Romulo.* ubi maritus, ejus comam hastæ cuspide distinguebat. Cujus rei causas varias, idem auctor, *in probl.* & Fest., referunt. Unde Ovid. *in Fast.*

Comat virgineas hasta recurva comas.

Tum prætextati patrimi & matrimi eam dimittebant, & pronubæ in lecto collocabant. quod notat sic Catullus:

Mitte brachiotum teres,

Prætextate, puellula.

Iam cubile adeat viri.

Vos unis senibus bona

Cognita bene femina

Collocate puellulam.

Lectus autem rosis contextus erat, *genialisque* adpellabatur, à *generandis liberis*, inquit Servius, *lib. 6. Æneid.* & nuptiis sternebatur in honorem Genii, ut est apud Festum, & Arnob. *lib. 4. contra gentes.* Ejusque

que meminit Cicer. *pro Cluentio*, & Juven. *Sat.* 10. Cum vero nova nupta in lecto collocata esset, ac ad eam maritus accessisset; ut clamor, qui nonnunquam à virginibus in primo conflictu edi solet, exaudiri non posset, epithalamia à suis sociis virginibus canebantur. Quorum quidem duo erant genera: alterum enim accinere solebant vespere; quod *κατὰ νύκτα* Græci vocabant: alterum vero sub aurora; quod ideo *ἀπὸ ἀυγῆς* dicebatur, ut explicat scholiastes Theocr. *eid.* 3. In eumque usum etiam nuces pueris spargi solitum fuisse; testatur Festus; ut illis intenti tumultu ac strepitu omnia implerent. Varro tamen, *lib.* 1. *de ling. Lat.*; ait, spargendarum nucum hanc fuisse rationem, ut Jovis omine matrimonium celebraretur, ut nova nupta matrona sit sicut Juno. (quæ nunc sorore dulcior est, inquit Capella *lib.* 9.) nam nuces sunt in tutela Jovis. Unde *juglandes* vocantur, quasi *Jovis glandes*, inquit Serv. *ecl.* 8. Sed hæc mihi videtur probabilior ratio, quod videbatur maritus puerilia omnia relinquere. Virg. *ecl.* 8:

Sparge, marite, nuces. —

Et Catullus:

*Da nuces pueris, iners
Concubine: satis diu
Lusisti nucibus: lubet*

Lam

Iam servire Thalassio.

Concubine, nuces dato.

Hæc sunt quæ putavi non omittenda in describendis nuptiarum ritibus. Si quis plura ex Ausonii Fescenninis versibus, aut aliorum poetarum jocos, adjecerit, non inuidebo. Interim liceat mihi cum Statio dicere:

*Hic fuit ille dies : noctem canat ipse maritus
Quantum nosse licet. —*

F I N I S.



FRANCISCUS HOTMANUS, J.C.,
D E
S P O N S A L I B U S,
D E
VETERI RITU NUPTIARUM
E T
JURE MATRIMONIORUM,
I T E M
DE SPURIIIS & LEGITIMATIONE,





FRANCISCUS HOTMANUS, J.C.

D E

SPONSALIBUS.

C A P U T I.

Notatio nominis, & definitio sponsaliorum, proponitur & explicatur.

SPONSALIA à spondendo dicta esse, video inter omnes convenire: propterea quod veteribus plerumque moris fuit, stipulari & spondere sibi uxores futuras. Unde *sponsorum & sponsarum* nomina: ut ait *l. 1. l. 2. l. 3. D. h. t.* Quod idem Ser. Sulpicius tradit apud Agell. *lib. 4. cap. 4.* Ejusque consuetudinis exstant exempla in *l. si stipuler, 35. §. 1. D. de verb. obl.* & apud Plautum in *Pœnulo*:

A. Audin' tu patrue? dico, ne dictum neges, Tuam mihi majorem filiam despondeas.

P. Pactam rem habeto. A. Spondeſne igitur?

P. Spon deo.

A. Mi

A. *Mi patrue, salve. nam nunc es plane meus.*

Item in Trinummo :

Lys. *Sponden' ergo tuam gnatam uxorem mihi ?*

Char. *Spondeo, & mille auri Philippam dotis.*

Lys. *Istac lege filiam tuam sponden' mihi uxorem dari ?*

Char. *Spondeo.* Lys. *Et ego spondeo idem hoc.*

Dixi autem, *plerumque* interponi stipulationes. Nam interdum, etiam antiquissimis temporibus, sola pactio, & consensu nudo, ea conventio fiebat. Unde *pacta* puellæ dicebantur. ut *l. 2. l. 4. C. h. t. l. 4. l. 5. l. ult. D. eod. l. 7. C. de donat. ant. nupt.* Tametsi nulla stipulatio sine præcedente pacto contrahatur. *l. 1. §. pen. D. de pact.* Qua de re posterius, ubi de sponsaliorum forma differemus; planius exponetur. Definiuntur autem à Modestino Sponsalia hoc modo: *Mentio & repromissio futurarum nuptiarum. l. 1 D. eod.* Ubi jampridem docuimus, Græcum hominem *mentionem* dixisse, pro eo quod Græci dicunt *μνησὺν* vel *μνησίαν*. Quod cum Orientales vel non viderent, vel fortasse ne idem per idem explicarent, locum illum sic converterunt: *Μνησεία ἐστὶ μνήμη καὶ ἐπαγγελία τῶν μελλόντων γάμων.* Quod adversatur constitutioni Justiniani, qua sanxit,

xit, ne mentio, id est, commemoratio nuptiarum, sine matrimonio subsecuto ullius momenti habeatur. *l. sancimus, 24. C. de nupt.* non magis scilicet, quam mentio & collocutio de vendendo, vel locando, vel societate contrahenda. Quare, cum istarum colloctionum & (si loqui sic volumus) mentionum jus nullum sit; absurdum esset, quidquam illis obligationis tribuere. Definiri etiam possunt, *Mutua repromissio*: item, *Pactio vel conventio futurarum nuptiarum*. Ulpianus *spem matrimonii* adpellat, in *l. si uxor, 13. §. 1. D. ad leg. lul. de adult. l. 6. D. h. tit.* Vetustissimo jure definiri poterunt, *contractus*. Atque ita nominatim adpellantur à Ser. Sulpicio, eo, quem diximus, loco: propterea quod civilis obligatio ex sponsione mutua contrahebatur: ex eaque actio ex sponsu antiqua lege (opinor 12 tabul.) comparata erat. Posteriore jure definiri contractus non possunt, quoniam efficax nulla ex iis contrahitur obligatio; tantaque perditis reip. temporibus repudiorum libertas inducta est, ut ne ex subiecta quidem pœnæ stipulatione actio concederetur: quemadmodum posterius suo loco demonstrabimus. Festus *conventam conditionem* adpellat. *Cum primus sermo, inquit, de nuptiis & earum conditione habetur.* Quod de mentione intelligi non potest, cujus nul-

lum, ut dixi, jus fuit: sed potius de pacto sponsaliorum. Nam in sponsalibus nuptiarum pactiones fiebant, & de dote, donationibus, & promissionibus, & conditionibus quibusdam conveniebat. Qua de causa passim *conditiones* vocantur. velut in *l. capite*, 19. *D. de rit. nupt. l. ult. D. h. tit. l. 3. D. de proxenet. l. 2. D. de repud. Arnob. advers. gent. Vxores dii habent, atque in conjugalia federa conditionibus veniunt ante quasitis*. Ea denique de causa sponsaliorum nomine interdum donationes propter nuptias significantur. ut in *l. 2. C. de secund. nupt.* interdum arrhæ sponsalitiæ. de quibus posterius suo loco differetur. ut in *Rub. C. si rect. provinc. vel ad eum pertin. sponsalia dederint.* itemque in *l. 6. C. Th. de sponsal. l. 1. C. Th. si nupt. ex rescript. pet.*

C A P U T II.

De personis quæ sponsalia contrahere possunt.

PORRO, cum unica sit sponsaliorum species, atque idcirco eorum nulla divisio sit; nunc jam ad partitionem, instituto nostro accedemus. Quam tripertitam esse oportet: ut primo loco de personis, inter quas sponsalia jure contrahuntur; secundo de forma sponsaliorum; ad extremum de corundem

eorundem jure, differamus. De personis regula hæc traditur: ut, cum qua nuptiæ contrahi non possunt, plerumque nec eam desponderi liceat. *l. si quis tutor, 60. §. 5. D. de rit. nupt.* Cur autem *plerumque* dictum sit, sub finem hujus capituli exponemus. Nam illi regulæ hæc subjicienda est: Cum sponsalia consensu constant, removeri ab illis eas personas, quarum consensus, voluntas, intellectus nullus est. Quo in numero primi referuntur *infantes*, hoc est, septem annis minores; qui, quod agitur, non intelligunt. *l. in sponsal. 14. D. h. tit.* Quod etiam Leo Philosophus confirmavit, *Novell. 109.* Post eam ætatem recte sponsalia, parentibus auctoribus, contrahuntur: ita tamen ut puberum factorum voluntas in contrahendis nuptiis accedat. *l. 2. D. de rit. nupt. l. 134. D. de V. O.* Ex quo intelligitur, non servatum jus ab Augusto Imperat. institutum. Nam, cum lege Papia Popæa maritis præmia constituta essent, nonnulli (ut Dio, *lib. 54,* scribit) infantes sibi puellas despondebant, ut illius legis præmiis fruerentur. Itaque Augustus, cum, immaturitate sponsarum, & matrimoniorum crebra mutatione, vim legis eludi sentiret; tempus sponsas habendi coarctavit. Vetuit enim, ne quam habere sponsam liceret, nisi quam biennio post uxorem habere per ætatem

liceret ; ut Sueton. testatur : hoc est, non nisi jam annos 10 natam. Quam Augusti legem etiam Zonaras commemorat. Ad eundem numerum referendi quoque sunt *furiosi* & mente capti ; qui plerumque , propter eandem consensus & voluntatis penuriam , infantibus comparantur . *l. 1. §. ult. D. de obl. & act. l. furor, 8. D. h. tit.* ubi, cum Paulus ait , furem post sponsalia supervenientem non infirmare sponsalia , significare videtur , jus sponsaliorum durare : quasi pœna , repudiis sine causa factis imposita , sponsalia propter furoris causam repudianti infligatur : dum tamen dilucida intervalla furor habeat : quo tempore contrahi etiam sponsalia atque alia negotia licere , satis constat *ex l. 2. C. de contr. emt.* Nunc de liberis , qui in potestate parentum sunt , videamus. Ergo filii filiaque fa., neque sine suo , neque sine parentum consensu , obligari sponsalibus possunt. De suo, hæc ratio est , quoniam , etsi antiquo jure vendi emanciparique patris arbitrato poterant ; tamen , quoniam jus matrimoniorum non mere civile , sed magna ex parte pontificium erat , & sanctum habebatur (ut suo loco docebimus) , propter sanctitatem matrimonii , etiam filiorum filiarumque fa. consensus requisitus est : adeo ut consponsiones parentum sine liberorum adstipulatione , quamvis adjecta pœna fuisset ,

fuiſſet, nullius momenti haberentur. *l. Titia, 134. D. de verb. obl. l. ſponſalia, 11. & l. filioſ. 13. D. h. t. l. 2. D. de rit. nupt.* quamquam non tam requiritur ut conſentiant, quam ne juſta ex cauſa contradicant; veluti ſi turpem aut alioqui indignam adfinem pater elegerit. *l. ſed qua, 12. D. h. tit.* qua de cauſa etiam liberorum taciturnitas hoc caſu pro conſenſu numeratur: *d. l. ſed qua.* contra quam in procuratore conſtituendo. quod ſumme notandum eſt. *l. filius, 8. §. invitus, D. de procur.* De parentibus, civilis, civilis, inquam, non naturalis, hæc cauſa eſt; ne cui invito ſuus heres adgnaſcatur. *l. ſi ne proponis, 5. C. de nupt.* pontificalis, illa; ne ſacrorum ſocia patriſa. invito adſciſceretur. Nam propria & privata cujuſque familiæ ſacra fuerunt: uxor autem in ſacrorum viri communionem admittebatur. Mixta igitur hæc cauſa fuit, ne qua patreſa. invito in divini atque humani juris communionem admitteretur. *arg. l. 1. D. de rit. nupt.* Parentis igitur, cujuſ in poteſtate is, eave, cujuſ de ſponſalibus agitur, conſenſus requiritur, vel potius adprobatio, ſive expreſſa, ſive tacita. Nam & ratiſhabitio, & taciturnitas parentis, pro conſenſu habetur. *l. 7. in fin. D. h. t.* Atque hæc quidem de liberis, qui ſub parentum manu ac poteſtate ſunt. Nam eman-
cipati, jure civili parentum auctoritatem

non desiderant. *l. in potestate, 10. D. h. t.* Qua de causa, ne matris quidem, aut ejus parentis, cujus in potestate non sunt, auctoritatem filii filiæve expectant. *l. 2. l. 25. D. de rit. nupt.* Quamquam honestas, quæ in conciliandis nuptiis maxime spectatur, matris & propinquorum arbitrium desiderat. Quodsi inter illos non conveniat, præsidis arbitrium desideratur. *l. 1. C. de nupt.* Deinceps de iis, qui sub tutela sunt, videamus. De pupillis igitur hoc jus est, ut eorum consensus omnino requiratur, neque à tutoribus, nisi consentientes, obligari promissione nuptiarum futurarum possint: *l. 6. in fin. D. h. tit.* non magis quam ipsi sese inter se sine tutorum auctoritate obligare. ut paulo post intelligetur. Jam vero, tutorum auctoritatem in pupillorum sponsalibus requiri, vel hinc existimari potest, quod pupillus sine tutore auctore non modo civiliter obligari non potest, sed ne naturaliter quidem: *l. pupillus, 59. D. de oblig. & act. l. quod pupillus, 41. D. de condict. indeb.* præsertim si locupletior ea obligatione non fiat. *l. naturaliter, 13. §. ultim. & l. seq. D. d. tit.* Cum autem tutor, aut curator, auctor in rem suam esse non possit; sequitur, ut neque tutori neque curatori liceat sponsalia cum ea vel sibi vel filio suo contrahere, cujus tutelam curationemve gerit gessitve: ne rationum

tionum reddendarum obligatio conturbetur. *l. tutor, 15. in fin. D. h. t. l. si quis tutor, 60. §. 5. D. de rit. nupt. l. 5. C. de int. matr.* Cum autem bonis, non personæ, curatores dentur; consentaneum est, ne illorum in sponſalibus aut nuptiis contrahendis auctoritas requiratur, non magis quam propinquorum aut adfinium. *l. in copulandis, 8. C. de nupt. l. sciendum, 20. D. de rit. nupt.* Ad hunc locum pertinet earum personarum conditio, quæ in provinciis domicilium habent, & eorum potestati, qui officium aliquod in iis administrant, quodammodo subiectæ sunt. Ergo iis, qui officium gerunt, ita sibi despondere mulierem licet, ne tamen in ea provincia uxorem ducant; sed ut, deposito officio, cum potestate privati erunt, novus mulieris consensus requiratur. *l. si quis, 38. D. de rit. nupt.* Quin ne filio quidem suo uxorem ducenti consentire potest. *l. qui in provincia, 57. D. eod.* Quod etiam ad ipsorum propinquos & domesticos productum est. *l. 1. C. si rect. provinc. l. 1. C. de nupt. ex rescr. pet.* Quid? de filia quid juris? Sane illo jure collocare filias suas in matrimonium poterant. *d. l. si quis, in fin.* At Leo Philosophus etiam filiabus præsidum provinciæ à sponſalibus interdixit. *Novel. 23.* Ad eundem hunc de personis locum, illud pertinet edicti caput, quo vetitum est, ne

quis suo ejusve nomine, quem quamve in potestate habet, bina eodem tempore sponsalia habeat; aut qui filium filiamve constituere patitur, etiamsi nuptiæ injustæ aut nefariæ ac proinde nullæ futuræ essent. qui contra fecerit, infamia notetur. *l. 1. in fin. l. quid ergo, 13. §. 1. & seq. D. de his qui not. inf.* Superest tractatio de personis *absentibus, mutis & surdis.* Ergo, siquidem stipulatio in sponsalibus adhibeatur; certum est, & præsentiam & sermonem requiri. *l. 1. D. de verb. obl.* sin minus; æque per internuncium, aut per epistolam, aut nutum ac significationem constitui sponsalia, ut alii omnes contractus, possunt. *l. 4. l. 5. l. ult. D. h. tit. l. mutus, 73. D. de jur. dot.* Ex quibus, ita disputatis, concludi potest, verissimam esse Pauli regulam, quam supra tradidimus, tantam esse inter sponsalia & nuptias communionem, ut, cum qua persona constitui nuptiæ possunt, etiam cum ea constitui sponsalia liceat: vicissimque, cum qua contrahere nuptias non licet, cum eadem contrahere sponsalia plerumque non liceat. *l. si quis tutor, 60. §. 5. D. h. t.* Plerumque autem idcirco additum est, quia contrahi sponsalia inter impuberes possunt, nuptiæ non possunt. *l. in sponsalibus, 14. D. h. tit.* Qui officium in provincia gerit, contrahere sponsalia potest, nuptias non potest: ut supra dictum

Etum est. Quæ virum eluger, nubere non potest, desponderi potest. *l. solet, 10. §. 1. D. de his qui not. infam.*

CAPUT III.

*De septuplici sponsaliorum forma, ritu
& solennitate.*

S EQUITUR nunc, ut de sponsaliorum forma videamus: nam prima & potissima hæc videtur, ut ea conventio non clam, non furtim, & remotis arbitris, sed testatione adhibita fieret. *arg. l. 7. D. h. t. l. 3. D. de concub. & l. uxor, 7. C. de repud. l. instrumenta, 5. C. de probat.* Et si autem legitimus testium numerus nusquam in libris nostris prodatur; tamen probabile est, non minus decem adhiberi solitos, cum etiam in divortiiis septem adhiberentur. *l. nullam, 9. D. de divort.* Idque video D. Ambrosium non obscure significasse, *ad virg. laps. cap. 5.* Nam, *Si inter decem testes, inquit, confectis sponsalitiis, & nuptiis consummatis, quævis viro femina conjuncta mortali, non sine magno periculo adulterium perpetrat; quid putas fore, &c.* Quinetiam Romano more convivio amicorum hæc conventio celebrabatur; quod idcirco *sponsalia* dicebatur. Tull. ad Q. frat. lib. epist. 2: *Ad 8. idus April. sponsalia Crassipedi prabui. Huic convivio puer o-*

ptimus Quintus tuus, meusque, quod perleviter commotus erat, defuit. Quod eo magis notandum est, quia Decretalistarum concubitorium, post verba de præsentī furtim pronunciata secutum, matrimonii jure censendum putant, *c. 15. c. 30. de spons. & matr. c. 3. c. 5. & seq. de condit. adpos.* Atque antiquissimo quidem more scriptura plerumque adhiberi solebat. Ut ex illo Juvenalis versu, quem mox proferemus, cognosci potest. Itemque ex illo Tertull. loco in lib. de virg. veland. *Ha sunt tabella priores naturalium sponsaliorum & nuptiarum.* cæque à testibus obsignari solebant: ut apud Juvenal.,

— *Veniet cum signatoribus auspex.*

Dixi autem, *plerumque*; quoniam interdum nullum ea de re instrumentum conficiebatur, & nuda testatio sufficiebat. *l. 7. D. h. t.* quippe cum ne in nuptiis quidem scriptura desideretur. *l. 4. D. de fid. instr.* Secundum in forma sponsaliorum locum obtinet stipulationis & sponsionis formula. Quod ut intelligatur, illud sciri oportet, moris apud Rom. fuisse, ut pactis conventisque stipulationem plerumque adhiberent. *l. 7. §. quod fere, 12. D. de pact. l. Titia, 134. D. de verb. obl.* eaque verborum formula, quasi ritu aut certo aliquo carmine, suas conventiones stiparent, id est, munirent, & confirmarent. *l. 1. D. de prat. stip. §. 1. Inst. de verb. obl.*

Primum

Primum igitur inter eos, de quorum nuptiis agebatur, de nuptiarum conditionibus & legibus conveniebat, hoc est, de dote, de donatione propter nuptias, & de arrhis sponsalitiis. Hæc conventio si sine stipulatione fiebat, modo *pacta*, modo *destinata* mulier dicebatur; sin eo amplius stipulatio addebatur, *sponsa*: quemadmodum ex illo Arnobii loco, supra à nobis citato, videre licet. Juvenal. Sat. 6:

*Si tibi legitimis pactam junctamque tabellis
Non es amaturus. —*

Cicero ad Att. 5: *Nec dubitat Dejotarus, cujus filio pacta est Arthanasdis filia, quin Euphratem transiturus sit.* Quapropter haud scio, an vere Ser. Honoratus in illum Virg. locum, *Et gremiis abducere pactas*, ita scripserit, *Id est, sponsas.* melius dixisset, *destinatas*: quod verbum fuit in his conventionibus usitatissimum. Sueton. Julio: *Sibique filiam ejus in matrimonium petiit, Fausto Sylla destinata.* Quod apud eundem, & Vopiscum, Capitolinum, Spartianum, innumeris locis animadverti. Plin. epist. 3: *Iam destinata erat egregio juveni, jam electus nuptiarum dies.* Arnob. advers. gent. *Rex Midas matrimonio ejus suam filiam destinat.* Item: *Alienas virgines, jam destinatas, jam desponsatas, rapuit.* Neque mihi absurdum videtur, existimare, verbum hoc ex coemptionum consuetudine

suetudine manasse, cum arrhæ sponſalitix dabantur. nam *destinare* video veteres dixisse, pro, *arrham dare*. Plautus, Rudente :

Minis triginta sibi puellam destinat ;

Datque arrhabonem.

Idem in Persa :

— *Dii deaque te agitant irati, scelus,*

Qui hanc non properes destinare. —

Sed, ut in aliis compluribus, re sublata, nomen tamen retinetur ; l. *insula*, 56. in fin.

D. de *adq. rer. dom.* sic coemptionum formulis sublatiſ, *destinandi* tamen verbum retentum est, in iis potissimum, quæ jam pactæ fuerant.

Quamquam Jurisconsulti subtilius etiam pactas à destinatis distinxerunt. Nam

destinatarum verbum proprie ad eas, quæ non inter vivos pactæ, sed testamento pa-

tris designatæ & nominatæ fuerunt, restrinxerunt. Veluti in l. non est, 66. D. de rit.

nupt. *Non desponsam à patre, nec testamento destinata.* Cujus consuetudinis exem-

plum exstat in l. si patris, 6. C. de interd. matr. & l. pater, 101. D. de cond. & demonst.

Qua de causa credo equidem, glossematario accepto ferendum verbum *denomina-*

tam. in l. qui pupillam, 7. D. ad l. Iul. de adult. & l. tutor, 36. D. de rit. nupt. cujus

in fine non dubito, quin *conditionem nuptiarum* sit restituendum. Quemadmodum

autem *destinatarum* nomen, etiam post subla-

sublatam coemptionum consuetudinem in usu mansit; eodem modo desponsæ dici solitæ sunt, etiam quæ nuda tantum conventionem pactæ fuerant. postquam videlicet institutum fuit, ut sponsalia etiam sine stipulatione, ac proinde etiam per internuncium aut epistolam, inter absentes contraherentur. l. 4. l. 5. l. ult. D. h. tit. Itaque Imp. in l. 2. C. eod. *Qui puellam, inquit, suis nuptiis pactus est. & l. 4: Si pater pactum de filia nuptiis injecit. Quodsi præter pactum addi stipulationem placeret, utrumque adhibebatur. ut Ser. Sulpicius apud Agell. demonstrat, lib. 4. cap. 4. Terentius:*

Sponden' tuam gnatam filio uxorem meo?
Et alio loco:

Utro ad me venit, unicam gnatam suam

Cum dote summa filio uxorem ut daret.

Placuit, despondi: hic nuptiis dictus est dies.

Ubi Donatus, *Proprie, inquit, despondi. nam de sponso dicitur. quia spondet puella pater: despondet, adolescentis.* Et sic in Adelph.:

Quin jam virginem despondi.

Ubi Micio sponsi pater loquitur. Item Servius, lib. Æneid. 10: *Veteres spondebant, se consentire in jura matrimonii, & fidejussores dabant: unde vir à spondendo sponsus. Ceterum proprie sponderi puella est. Ergo sponsus, non quia promittitur, sed quia spondet, & sponsos dat. Sed futilis hæc grammaticorum ob-*

servatio est: nam *despondendi* verbum, videmus passim, promiscue, tum in adolescentis, tum in puellæ patre, tum etiam matre & fratre, atque ipso adolescente, usurpari. Cic. ad Att. 2: *Tulliolum C. Pisoni Frugi despondimus*. Pro Cluent. *Tum illa despondit ei filiam suam*. Paulus, l. Titia, 134. D. de verb. obligat. *Tempore matrimonii consenserunt, ut filia C. Seii filio Titia desponderetur*. Cicer. de Oratore: *Cum Ser. Galba Crassi filiam Caio filio suo despondisset*. Plaut. Trinummo:

—— *Vostrum herilem filium*

Lesbonicum suam sororem despondisse?

Cui homini despondit?

Ulp. in l. cum hic status, 32. §. ult. D. de donat. int. vir. *Si senator libertinam desponderit, vel tutor pupillam*. Atque ita Paul. in l. si quis inter, 60. §. 5. D. de rit. nupt. l. 4. D. de sponsal. Superest, ut de speratæ, pactæ, & sponsæ nominibus huc addamus ex Arnobii lib. adversus gent. 4: *Habent speratas, habent pactas, habent interpositis stipulationibus sponsas*. Ut sperata esse videatur, quæ jam petita, sed nondum promissa est: pacta, quæ nuda conventionione promissa est: sponsa, quæ interposita stipulatione. Sed Nonius hanc differentiam absurdissime sic explanat: *Inter speratam, dictam, & pactam, & sponsam, hoc interest: quod virgo, priusquam*

quam petatur, sperata dicitur. Plaut. Amph.

Amphitruo uxorem salutat latus speratam suam.

Inepte Nonius, & ridicule, uxorem jam gravidam, & ad pariendum vicinam, sponsam speratam dici putat. nam *speratam suam* Amphitruo dicit, pro *eam quam totam ex animo suam esse sperat*. Tum illud Virgiliū absurde huc retorquet :

Cui pater, & conjunx quondam tua dicta relinquitur ?

quasi *dictam*, pro *sponsam* Pub. Virgilius usurpasset. cum ordo & sensus hic sit: *Dicta quondam tua uxor*. Tertio loco ad ritum & formam sponsaliorum pertinent verba, quibus sponsalia concipiebantur. Nam in filiabus quidem fam. docuimus, ex Plauti comœdiis, usitatam hanc formulam fuisse: *Sponden' Caiam filiam tuam uxorem mihi dari ?* Cum autem mulieres innuptæ in perpetua tutela essent, probabile est, hanc in illis despondendis formulam adhibitam: *Sponden' Caiam, qua in tua potestate est, uxorem mihi dari ?* quod ex orat. pro Flacco existimare licet. Quinetiam, cum plerumque certis legibus ac conditionibus sponsalia contraherentur ; probabile est, conditiones pronunciari solitas. ut in illa Plauti :

Istac lege sponden' mihi filiam tuam uxorem dari ?

Quod

Quod vero disputari à nonnullis video, multum interesse, utrum sponsalia verbis in futurum aut in præsens tempus conceptis constituerentur; de eo commodius, ubi de sponsaliorum jure differemus, tractaturi videmur. Quarto loco in sponsalibus anulus pronubus plerumque adhiberi solebat. Nam moris fuit, ut sponsus sponsæ anulum, quasi pignoris loco, donaret; qui *pronubus* dicebatur. Cujus moris etiam vestigium exstat in nostris libris. apud Paul. in l. si donata, 36. §. ult. D. de donat. int. vir. & ux. Juvenal. Satyr. 6:

Conventum tamen, & pactum, & sponsalia, nostra

Tempestate paras, jamque à tonsore magistro

Pec̃teris, & digito pignus fortasse dedisti.
 Plin. autem, lib. 36, scribit, ætate sua anulum illum fuisse ferreum. Post vero aureus donari coëptus est. Tertul. in apol. adv. gent. *Aurum nulla mulier norat, præter uno digito, quem sponsus oppignerasset pronubo anulo.* Ubi tamen considera Ildor. de divin. off. *Quod in primis nuptiis anulus à sponso sponsa datur, sit nimirum vel propter mutua dilectionis signum, vel propter id magis, ut eodem pignore eorum corda jungantur. unde & quarto anulus ingeritur, quia in eo vena quadam sanguinis ad cor pervenit.* Idem,
 Etymol.

Etymol. 20: *Femina non usa sunt anulis, nisi quos virgini sponsus miserat: neque amplius quam binos aureos in digitis habere solebant.* Sic Nicolaus Papa, ad consultationem Bulgarorum 30. quæstion. 5. cap. 3: *Et postquam arrhis sponsam sibi sponsus per digitum fidei anulo insignitum desponderit.* Quintam ritus & solennitatis partem plerumque osculum obtinebat. Quod tamen arbitrarium fuisse, patet ex *l. cum veterum, 15. C. de don. ant. nupt.* Ad sextum locum munera sponsalitia referenda sunt. de quibus mentio fit *l. 1. §. 1. D. de donat. l. die sponsaliorum, 25. D. de pos. l. cum sponsus, 12. D. de Publ. act. l. 1. C. si advers. donat. l. si sponsus, 5. l. inter eos, 27. l. cum hic status, 32. §. si quis sponsam, D. de donat. int. vir.* Quæ tamen interdum ea lege fiebant, ut, nuptiis non secutis, revocarentur. *l. 2. l. si cum ante, 7. C. de don. ant. nupt. l. 2. C. Gr. si advers. don. spons.* Quod si nil nominatim convenerat, ratæ donationes manebant. *l. si tibi, 11. C. d. l. cum veterum, 15. C. eod.* Postea vero Constantinus jus earum esse hoc voluit, ut, si per donatorem steterit quo minus nuptiæ sequerentur, donum penes donatarium maneret: si per eum qui acceperat, restitueretur. Quod si mors nuptias impedisset, tum, siquidem osculum intervenisset, quod sponsus donas-

donasset, dimidia tantum ex parte repetere-
 tur: quod autem sponsa donasset, siue cum
 osculo, siue sine osculo, totum restitueretur.
d. l. cum veterum, & l. seq. C. eod. Septi-
 mum sponsalitiū ritus locum obtinent arrhæ
 sponsalitiæ, quas videlicet sponsus, quasi
 pignoris & arrhæ loco, dat, fore, ut eam
 uxorem ducat: nam illæ tantum à sponso
 ejusve nomine dabantur: à sponsa vero non
 dabantur. *l. 3. & l. 5. C. de spons. & arrh.*
spons. l. ult. C. de episc. & cler. l. si quis offi-
cium, 38. D. de rit. nupt. Itaque triplex in-
 ter arrhas & donationes sponsalitiās diffe-
 rentia perspicitur. Prima, quod illæ tan-
 tum à sponsi parte conferuntur: hæ vero
 utrimque. Illæ, si per sponsum fiat quo mi-
 nus nuptiæ sequantur, amittuntur: si per
 sponsam, tunc, si minor 25 annis ceperit,
 simplum reddit; si major, duplum. *d. l. 5.*
C. de sponsal. at in donationibus nulla dupli-
 ratio habetur. Postremo, arrhæ, morte al-
 terutrius, repetuntur. *l. 3. C. de sponsal.* do-
 nationes sponsalitiæ non repetuntur.

C A P U T IV.

*De multiplici jure sponsaliorum, eorumque
 cum nuptiis differentia vel communione.*

SUPEREST ut de jure sponsaliorum disce-
 ramus. Ac primum illud videamus, cu-
 jus

jus juris sponsalia sint. Quod uno verbo ita definiendum est: ut, si stipulatione & spon-
sione contrahuntur, juris civilis sint, sicuti
ceteræ omnes obligationes, quæ certis ver-
borum formulis & contrahuntur & dissol-
vuntur: *l. quoties, 14. D. de novat. l. 2. D. de divort.* sin nudo consensu & conven-
tione; sint juris gentium. *arg. l. 1. in fin. D. de contr. emt. l. 1. D. locat.* Secundo viden-
dum est, an, & qualis obligatio per sponsa-
lia contrahatur. Ergo antiquissimo jure, ex
sponsalibus civilis nascebatur obligatio, ex
eaque dabatur actio, quæ *ex sponsu* diceba-
tur, adversus eum eamve, per quem quamve
factum esset quo minus nuptiæ sequerentur:
siebatque condemnatio in id quod alterius
intererat; quemadmodum sup. ex Ser. Sul-
picio demonstratum est. Video etiam, mo-
ris fuisse, ut certa summa, pœnæ nomine, in
stipulationem deduceretur, sicuti paulo an-
te ex Varrone docuimus. Nam, cum ejus,
quod interest, æstimatio in causis omnibus
difficilis est, tum vero in conjugali adfe-
ctione difficillima: quam ipsam ob causam
pœnæ stipulationes interponi solitas, con-
stat *ex l. ultim. D. de prat. stip.* Post vero,
corruptis ac perditis civitatis Romanæ mo-
ribus, cum flagitiosa & detestanda repudio-
rum libertas increbuisse, institutum fuit,
ne ulla ex sponsalibus civilis obligatio na-
scereretur,

sceretur, sed libera renunciatio esset; neque
 ulla eo nomine actio, petitio, daretur: *l. 1. C. h. t. l. 2. C. de repud.* adeo ut, si pœna de-
 ducta in stipulationem fuisset, ne ipsius
 quidem nomine actio daretur. *l. Titio, 71. §. 1. D. de cond. & dem. l. 2. C. de inutil. stip. l. Titia, 134. D. de verb. obl.* idque etiam
 Imp. Leo Philosophus testatur, *Novell. 74.*
 Hæc fuit temporum illorum ratio; perditis,
 ut dixi, civitatis moribus; cum populus
 R. non modo promiscuos concubitus, pe-
 cundum ritu, sectaretur, verum etiam à con-
 jugiis abhorreret. Qua de causa legem il-
 lam omnium celeberrimam ferri oportuit,
 Papiam Popæam de maritandis ordini-
 bus. Qua lege & maritis præmia, & cæli-
 bibus pœnæ impositæ fuere. His igitur
 profligatis civitatis moribus, sensim contra
 juris directi regulas inductum fuit, ut li-
 bera esset sponsaliorum renunciatio. Quæ
 renunciatio proprie *repudium* dicebatur:
 cum eo verbo promiscue etiam in divor-
 tiis uterentur. *l. inter stuprum, 101. §. 1. D. de verb. sign.* Quinetiam repudii formula,
 vetustis, ut credi par est, temporibus institu-
 ta, obligationis vi tamen retenta est: *Con-
 ditione tua non utor. l. 2. §. 2. D. de divort.*
 ejusque perditæ & flagitiosæ repudiorum
 libertatis testimonio est, quod Papinia-
 nus cum sponsum irridet, qui mulierem
 sibi

sibi à patre desponsam idcirco adulterii accusare volebat, quod alteri à patre in matrimonium desponsa fuisset. *l. miles, 11. §. quærebatur, 7. D. ad l. lul. de adult.* Quæ cum ita sint, perspicuum est, primum sponsalia isto Digestorum jure non fuisse in contractuum numero, quoniam nulla ex iis efficax nascebatur obligatio: deinde, istius stipulationis (quod jus singulare ac novum est) non majorem hoc casu quam pacti nudi vim esse; quo, ut ait Paulus, cives R. non obligantur. *lib. sent. 2. tit. 14.* Sed quæri potest, an non ex illo sponsaliorum pacto naturalis tamen contraheretur obligatio; quæ, quoties naturalis subest æquitas, contrahi dicitur. *l. Stichum, 95. §. naturalis, D. de solut.* Quod certe probabilius videtur. Primum, quia in stipulationis formula vitium nullum fuit, sicut accidit in specie *l. 1. §. si ita quis, D. de verb. obl. l. 1. §. eum qui, D. de const. pec.* Deinde, quia ne liquido quidem affirmari potest, nullam nasci civilem ex sponsalibus obligationem, cum in iis dissolvendis præscripta repudii formula utendum esset. *id. l. 2. §. 2. D. de divort.* Ex quo, ut jam dixi, intelligitur, quamvis propter perditos civitatis mores nulla efficax ex sponsalibus nasceretur obligatio, tamen in rei veritate, & directo jure, aliquam contrahi: præsertim, cum alioqui stipulatio, ut jam dictum

dictum est, in qua vitii nihil est, ne pacti quidem vim haberet; quod valde absurdum esset. Secundum sponsaliorum jus est, ut per ea æque fere, ut per nuptias, adfinitas contrahatur. Nam & generi & nurus adpellatione sponsus & sponsa; item soceri & socrus adpellatione, sponсорum parentes continentur. *l. 6. §. 1. & l. 8. D. de grad.* Qua de causa, quæ lex vetat genero vel socero invito testimonium denunciari, ea & ad sponsum & sponsæ patrem producitur. *l. 4. & l. 5. D. de test.* Sic lex, quæ novercæ & nurus nuptias prohibet, etiam ad patris & filii sponsam perducitur. *l. si qua mihi, 12. §. 1. D. de rit. nupt.* &, quæ socerorum ac generorum necem parricidii crimine comprehendit, eadem etiam ad sponfos sponsasque porrigitur. *l. 4. D. de parricid.* Quod vero Neratius ait, inter sponsum & sponsam adfinitatem contrahi; non quasi proprie dictum accipiendum est, sed improprie: quasi dixisset, necessitudinem. *l. quod Servius, 8. D. de cond. caus. dat.* Tertium jus ex eo intelligitur, quod sponsalia multis casibus nuptiarum fere vim obtinent. Qua de causa Imp. testatur, multas ea de re controversias existisse. *l. 5. C. de bon. qua liber.* Itaque, quemadmodum qui binas uxores, sic etiam qui binas eodem tempore sponsas habet, ignominia notatur. *l. 1. D. de his qui not. infam.*

infam. Quod lege Julia cautum est, ne marito uxoris fundum alienare vel obligare liceat, idem etiam in sponsæ fundo valere responsum est. *l. 4. D. de fund. dot.* Sicut pro illata uxori injuria, marito injuriarum conceditur actio, *l. 1. in fin. D. de injur.* ita sponso pro injuria sponsæ illata. *l. item apud Labeonem, 15. §. sponsum, 24. D. eod.* Et, quod lege cavetur, ne dotalem uxoris fundum alienare liceat, etiam ad sponsæ fundum productum est. *l. 4. D. de fund. dot.* Quod constitutum est, ne quasdam uxores senatoribus ducere liceat, id ad sponsalia productum est. *l. oratio, 16. D. h. t. l. cum hic status, 32. §. ult. D. de don. int. vir.* Sicuti à marito quæsitæ, uxor non acquirit, nisi quoad usumfructum; ita nec à sponso quæsitæ, patri sponsæ aliter adquiruntur. *l. 5. C. de bon. qua lib.* Eo accedit, quod privilegium, uxori competens, etiam sponsæ conceditur: veluti, si dotem dederit, & sponsalibus renunciatum fuerit, in exigenda dote ceteris creditoribus præferatur. *l. quæsitum, 17. §. si sponsa, D. de reb. auct. jud. poss. l. si sponsa, 74. D. de jur. dot.* Item, quod dicitur, parricidii teneri eum qui uxorem occiderit, etiam adversus eum valeat qui sponsam interfecerit. *l. sed sciendum, 3. D. ad leg. Pomp. de parricid.* Quod constitutum est, ne tutor pupillam suam sibi filiove suo uxorem

uxorem adsciscat, id etiam ad sponsalia productum est. *l. tutor, 15. D. h. t. l. si quis tutor, 60. §. 5. D. de rit. nupt.* Postremo, jus accusandæ uxoris adulterii, quod lex Julia marito, jure quodam præcipuo, & ante extraneos, concesserat, Impp. Severi & Antonini rescripto etiam ad sponsum productum est, ut sponsus intra dies 60 extraneis præferatur. *l. si uxor, 13. §. divi, 3. C. §. si minor, 8. l. miles, 11. §. quarebatur, 7. D. ad l. Jul. de adult. l. propter, 9. C. eod.* Ac mihi non alienum videtur, insignem Philonis locum, & ad hoc institutum magnopere pertinentem, adscribere. est autem in illius lib. *de certis legib. ad Decal. pertinentibus.* Μέτριον ὑπολαμβάνουσιν πινες ἀδίκημ' εἶναι, φθορᾶς καὶ μοιχείας, ὑπεργάμιον, ὅταν ὁμολογίας μὴ ὑπερβύησωσι, μήπω δ' ἢ τὰ γάμων ἐπιτελεσθέντων, ἑτέρῳ ἀπαντήσας, ἢ καὶ βιάσασθαι, εἰς ὁμιλίαν ἔλθῃ. παρ' ἐμοὶ δὲ κρατὴ μοιχείας καὶ τῶν ἐν εἰδῶ. αἱ γὰρ ὁμολογίαι γάμοις ἰσοδυναμεῖσιν, αἷς ἀνδρὸς ὄνομα καὶ γυναικὸς, καὶ πᾶλλα πὰ ἐπὶ συνόδοις, ἐλθέσθαι. id est: Sunt, qui medium quoddam crimen esse censent, inter stuprum & adulterium, interceptum concubitum; cum post contracta sponsalia, nondum celebratis nuptiis, alter intervenit, qui vi, aut dolo, puellam comprimit. at, me judice, hac quoque adulterii species est: sponsaliorum enim eadem qua nuptiarum vis est: cum viri & uxoris nomina,

atque

atque alia quadam, in conventu & frequentia propinquorum perscripta sunt. Et in eandem sententiam Tertullianus, lib. de virg. vel. *Desponsata enim quodammodo nupta.* Tamen inter quodammodo & vere satis interest, duntaxat in hoc loco. Atque his quidem calibus magna inter sponsalia & nuptias communio est. In aliis autem quibusdam hæ notari differentię possunt. Nam inter impuberes contrahi sponsalia possunt; nuptię non possunt. *l. 7. l. 9. D. h. t.* Sponsalia promissione constant, ac proinde nec præsenti traditione & acceptione, nec nisi verbis futuri temporis contrahuntur: *l. 1. l. quasitum, 9. D. eod.* nuptię vero verbis præsentis temporis, & præsenti puraque traditione & acceptione, constituuntur. *l. pen. D. de don. int. vir.* Itaque in sponsalibus deductio in domum nullius momenti est; in nuptiis necessaria est. *d. l. pen.* Præterea, uxor in mariti familia esse dicitur, *l. quicumque, 10. C. de re milit. lib. 12. l. pen. §. Iulianus, D. quod fals. tut. auct.* & in ejus domo domicilium habere: *l. exigere, 65. D. de jud.* sponsa, ante nuptias contractas, non habet. *l. ea qua, 32. D. ad munic.* Donatio inter virum & uxorem non valet; inter sponsum & sponsam valet. *l. cum hic status, 32. §. pen. D. de don. int. vir.* Uxor virum lugere jubetur; sponsa

Q

spon-

sponsum non jubetur. *l. uxores, 9. D. de his qui not. infam.* Quæ luget, nubere sine infamia non potest; sponsalia vero, quia futuri temporis sunt, contrahere potest. *l. seq. eod.* Quod lex vetat, ne liberta, patrono nupta, ei invito nuncium mittat, ad sponsam non porrigitur. *l. in eo jure, 45. §. 4. D. de rit. nupt.* Superest postremum jus sponsaliorum, ut certis casibus impune ac sine fraude repudium mittere liceret. Quod etiam argumento illo confirmatur, quod superius dicebamus, Jus, ne pœnæ metu sponsalia adstringere liceret, perditis reip. temporib. inductum fuisse. Nam contrarii juris vestigia hæc remansere: quorum tamen quædam ad pœnam arrharum sponsalitarum pertinere constat: Si sponsus, qui in eadem esset provincia, nuptiis moram biennio longiorem faceret: *l. 2. C. h. t.* Si sponsus extra provinciam triennio amplius cunctetur, atque illa sua cunctatione sponsam sua spe frustretur: *l. 2. C. de repud.* Si qua turpitudine sponsi sponsæve detecta esset: si nova ipsius religio, vel superstitio potius, detecta vel suscepta fuisset: si quod in sponso vitium appareat virilis impotentiae, quod liberorum spem adimat. *l. 5. §. his illud, C. h. rit.* Atque hæc de sponsalibus juris civilis & Justinianici ratio fuit.

CAPUT V.

De jure sponsaliorum, ex lege Mosaica, & Christianorum, tam Græcorum, quam Latinorum, institutis.

PORRO, quid de sponsalibus pie & ad nostram religionem adcommode dici possit, considerandum est. Primum autem ex lege Dei totius disputationis fundamentum hoc constituendum est, Deut. 22: *Si quis cum ea puella, qua viro alicui, desponsa est, concubuerit; producitote & illum & illam ad portam urbis, eosque lapidibus obruitote: puellam, quia in urbe vociferata non est; virum, quia cum uxore propinqui sui concubuit.* Quibus ex verbis multa, quæ ad sponsaliorum jus pertinent, notari possunt. Primum, quod sponsalia non humana, sed divina lege instituta, atque à nuptiis distincta sunt; tempusque aliquod inter sponsonem & traditionem, inter sponsaliorum & nuptiarum diem, interpositum. Quod etiam Josephi & Mariæ exemplo, itemque Deut. cap. 20., aperte confirmatur: ubi Moses vetat eos, qui sponsalia contraxerint, prælium inire; & cum omnes in procinctuerunt, sic pronunciarì jubet: *Quis est, qui uxorem desponsavit, nec dum eam duxit? revertatur domum, ne in hoc prælio moriatur, & alius illam ducat.*

ducat. Item, *cap. seq.* ubi Moſes certis in cauſis ſpatium illud intermedium luctus feminarum adſignat. Quod cum ita ſit, conſentaneum eſt, nuptias inter Chriſtianos non ſatis pie, ſine præcedentibus ſponſalibus, copulari. Alterum eſt, quod eodem divino inſtituto ſuum cuique eorum jus proprium ac peculiare adtributum fuit : ut videlicet aliud ſponſi & ſponſæ, aliud mariti & uxoris jus eſſet : velut in concubitu, quem inter conjuges apoſtolus honeſtum adpellat, *1. Cor. 7. v. 3.*, inter ſponſum & ſponſam divina lege improbatur, *Deut. 20. 7.* Hinc illud Ambroſii, lib. *epiſt.*, ep. 66 : *Si quis deſponſata ſibi & tradita utatur, conjugium vocat : qui aliena expugnat pudorem, adulterium facit.* ubi ſine dubio ad illud Virg. alludit :

Conjugium vocat ; hoc prætexit nomine culpam.

Tertium eſt, ut, quantum ad perpetuam vitæ ſocietatem, par eademque ſponſi & ſponſæ, quæ conjugum, ratio haberetur, niſi quid ante nuptias vitii detectum eſſet, quod juſtum nuptiis impedimentum adferret. Nam mulier ſponſa ita proprie ſponſo devota, deſtinata ac decreta eſt, ut jam pro deſignata uxore numeretur. Quod etiam locus ille Matth. demonſtrat, *cap. 1. 20.* Μη φε-
 ρῇς ὁ ὄψαλας εἰς Μαριάμ τὴν γυναῖκα σου.

Ne

Ne metue Mariam uxorem tuam capere. id est, adsciscere & abducere. Quamquam haud scio, an non æque commode ita converti posset: *Ne metue Mariam tibi uxorem adsciscere:* quasi σὺ pro τῇ usurpatum esset. Sic ex contrario sponsus filiaē diserte nominatur gener, *Genes.* 19. ubi adolescentes, qui Lothi filias propediem uxores ducturi erant, ipsius generi vocantur. Itaque priscis ecclesiæ Christianæ temporibus synodus sexta in Trullo habita, *cap.* 98, in eandem sententiam ita decrevit: Ὁ τὴν ἐπὶ τῷ μνηστέρῳ, ἐπὶ τῷ ἀνδρὶ ζῶντι εἰς γάμον ἀναγάγου, πρὶν τῆς μοιχείας ἀποκείσθω ἐγκλήματι. id est: *Qui desponsam alteri mulierem, vivo ipsius sponso, in societatem nuptiarum adsciverit, criminis adulterii reus esto.* Quod decretum Imp. Leo Philosophus, religionis, ut apparet, studiosissimus, ratum in suo imperio iussit esse. *Novell.* 18. & *Novell.* 74. ubi etiam jus Romanorum antiquissimum restituit, ut poenæ adjectione sponsaliorum vinculum adstringere liceret. Ejus autem decreti rationem Imp. Alexius Comnenus hanc profert, quam Leo quoque prius indicarat; quia, Christianorum instituto, ab Israëlitis, ut credi par est, sumto, sponsalia certa precationis formula, quam ὁρκία adpellant, ita consecrabantur, ut *Deus illorum auctor, arbiter & conciliator adgnosceretur.* Nefas

igitur piis illius ætatis hominibus videbatur, quod Deo auctore constitutum erat, levium hominum arbitrio dissolvere ; ut Christus dixit, *Quos Deus conjunxit, homo ne dissungat*. Verba Comneni, propter illorum auctoritatem, adscribemus : Οὐκ ὀλίγον ἐν ταῦτα τὸ ἄτοπον ἐπισύρεται, τὰς παρεισυδίας τῆ γάμων ὁρχαὶ ἐπὶ μνηστείας συντελεσθείσας ὡσεὶ πρὸς ἐγκαίῳν καὶ συμπεφορημένων λογισαῖς, καὶ ἀδελφότητος ἐκλασθείς τὸ πρᾶγμα, ὥστε ἂν εἰ μὴ Θεὸς μίσειν τὸ συναπτεμένων παρ᾽ ὧν ἀλλὰ τῆ μνηστείας εἰσῆγετο. id est : *Non exiguum hic incommodum atque absurdum consequetur, precationem in nuptiis fieri solitam, in sponsalibus pronunciatam, pro vano quodam & inani additamento censeretur, & pro supervacanea numerari : quasi Deus inter personas per sponsalia conjungendas mediator sive arbiter adhibitus non fuisset. Et hac de causa Leo Philosophus, ut jus civile cum illo sextæ synodi decreto conciliaret, ac violandæ religionis occasionem præcideret, superstitione constituerat, ne usitata in sponsalibus precatio sive benedictio deinceps pronunciaretur, sed in diem & ad tempus nuptiarum differretur : Quoniam, inquit, tum demum vere dissoluta sponsalia videntur, cum post eam consecrationem pronunciatam repudium mittitur : Novell. Leon. 74. Commodius igitur*

tur Alexius, & ad synodi sententiam aptius, constituit, ut ea consecratio sponsalibus restitueretur: & ea demum sponsalia justa, id est, legitima, perfecta & absoluta haberentur, quæ inter puberes contracta, Dei precatione consecrata essent, atque ita non minus indissolubilia, quam ipsæ nuptiæ, haberentur. Τὰς τοιαύτας μνηστείας ἀμετάκινητῆς τε ἀλγεῖν, καὶ ἀλγεῖν πάντας, καὶ τὸ ὅλον αὐτούς, ὅτι Θεὸς μέτρον τῆ συναπλομένων εἰσαγαγόμεν, καὶ πλὴν πρώτου παρομπειδῆνός τε καὶ κρατύνοντ' ὁ βίος συναρμολῶ, ἀλλ' ἢ ἱεροτελεσμάτων ὄχλῳ. id est: *Talia sponsalia firma, inconcussa, indissolubilia maneant: quippe cum Deus arbitrum se atque auctorem, si-
ve mediatorem inter eos qui conjunguntur, interponat, & primam hanc vita conjunctionem per sacrarum precum initiationem confirmet.* Ac magnopere notandum est, cum illis Orientalibus Impp. etiam Occidentales in summo sponsaliorum jure consensisse. Nam Carolus Magnus, lib. Franc. leg. 1. cap. 163., *De conjugali*, inquit, *velatione requisisti, Si desponsatam alii puellam alter in matrimonium possit accipere. Hoc ne fiat, modis omnibus inhibemus: quia illa benedictio, quam nuptura sacerdos imponit, apud fideles sacrilegii cujusdam instar est, si ulla transgressione violetur.* Quatuor igitur hæc sponsaliorum jura à Christianis Impp. constituta

sunt. Primum; Ne nuptiæ sine præcedentibus sponsalibus constituerentur: quod juri quidem divino consentaneum est, Romanorum autem juri contrarium, *l. quasitum, 9. & simil. D. h. t.* Alterum, Ne iusta sponsalia ante pubertatem contraherentur: contra *l. sponsalia, 14. D. h. t.* quæ vero ante pubertatem, post annum tamen septimum, contractæ essent, nihil ad religionem pertinerent, sed eodem loco haberentur, quo ceteri contractus omnes; & ex juris civilis dispositione permetterentur, ut, quidquid de arrhis sponsalitiis & aliis rebus convenerat, servaretur. Tertium jus est; Ut sponsalia non minus rata, fixa, firma essent, quam nuptiæ; quæ individuæ nominantur, *l. 1. D. de rit. nupt.*; ac proinde, secundum synodi sextæ sanctionem, qui quæve cum alia persona constitutas nuptias haberit, adulterii reus haberetur, contra *l. 1. & alias consimil. C. h. t.* Atque hoc quidem & Orientalium & Occidentalium ecclesiarum institutum fuit: quod non modo cum antiquissima synodo, verum etiam cum scriptura sacra congruere apparet: ut, meo judicio, non incommode dicere possimus, in Christianorum nuptiis tres quasi gradus constitui. Primum, ut ante sponsalia, de nuptiarum conditionibus, de parentum, propinquorum amicorumque sententia, intra privatos parietes

res conveniat : hoc est, de dote, de donatione propter nuptias, de dotis incremento, & arrhis sponsalitiis: quemadmodum Romanorum instituto videmus ante sponsalia dotis conventiones fieri solitas, *l. si sponsalib. § 8. D. de jur. dot.* Secundus gradus est, ut, iisdem præsentibus, certe non paucioribus quam septem testibus convocatis, iisque maribus, & præterea pastore ecclesiæ, sponsus vel sponsa, vel eorum nomine octavus aliquis, palam pronunciet, ac Deum testetur, utrumque ab omni aliarum nuptiarum obligatione liberum esse, neque sibi esse conscium, quam ob causam ejus rei controversia sibi moveri possit: habere autem in animo, Titium quidem Caiam in uxorem ducere, Caiam vero Titio nubere. Ac tum Titius ita mulierem roget: Spondes, te mihi uxorem fore? Vicissimque mulier virum: Spondes, te mihi maritum fore? neque per te futurum, quo minus primo quoque tempore nuptiæ in ecclesia Dei celebrentur, ut eo auctore perpetuam vitæ societatem ineamus? Cum uterque responderit, Spondeo; tum, ut pastor ecclesiæ totius cœtus nomine precationem pronunciet, & quasi consecrationis formula Deo sponsalia commendet, cumque oret, ut ea res, utrique fauste, feliciter, prospereque eveniat. Quibus peractis, pastor illa sponsalia in

Q 5

eccle-

ecclesia promulget, palamque pronunciet, ut, si quid forte legitimi impedimenti adferre aliquis possit, cum fide id faciat, & senatui ecclesiastico denunciaret; ut omnia, quemadmodum Paulus statuit, recte atque ordine in ecclesia Dei gerantur. Nam hoc institutum non ab aliquo papa manasse, sed ex vetustissima ecclesiæ Christianæ consuetudine fluxisse, papa ipse Innocentius III fatetur. *in c. ult. ext. de clandest. desp.* ubi sic loquitur: *Quare secundum specialem quorundam locorum consuetudinem statuimus, ut, cum matrimonia fuerint contrahenda, in ecclesiis per presbyteros publice proponantur competenti termino praefinito, ut intra illum terminum, qui valuerit & voluerit, legitimum impedimentum opponat, &c.* Eaque promulgatio *bannum* Langobardico vocabulo vocatur, *in c. cum in tua, 26. ext. de sponsal. &c.* ex veteri consuetudine fluxisse dicitur, *in c. cum de tua, 6. ext. qui matrim. accus. poss.* Neque vero absurdum cuiquam videri oportet, quod tum demum sponsalia promulgantur, & eorum impedimenta exquiruntur, cum, jam consecrata precatione, ex Christianorum Imp. instituto, individua & indissolubilia sunt. Quæ causa Imp. Leonem Philosophum impulerat, ut adhiberi precationem vetaret. Nam, cum vir & mulier in contrahendis sponsalibus adfir-

adfirmarint, nullius se iusti impedimenti sibi esse consciōs; si quid postea comper-
tum sit, eadem illis pœna, quæ nuptia-
rum contractarum violatoribus, à magi-
stratu impendebat. Postremus nuptiarum
gradus erit, ut præstituta die nuptiæ co-
ritu celebrentur. quæ de re suo loco disce-
rendum erit.

CAPUT VI.

*An recte sponsalia inter impuberes con-
trahi possint: itemque inter absen-
tes. ex jure Christiano.*

Nunc etiam superest, ut quæstiones
aliquot ad sponsalia pie contrahendâ
pertinentes proponamus. Quarum prima
hæc est: An sponsalia inter impuberes pie
contrahi liceat. Nam, jure civili post an-
nos septem (intra quam ætatem infantes
adpellantur) contrahi sponsalia licuisse,
patet ex l. in sponsal. 14. D. hoc titul. &
Paul. lib. sent. 2. titul. de nupt. Eorumque hæc
vis erat, ut parentes tutoresve, qui spoponde-
rant, si repudium mitterent, pœnis sponsali-
tiis tenerentur, quas sup. exposuimus. Sed vi-
deamus, num satis ad normam religionis ad-
commodatum hoc jus sit. Primum, quia
d durum est, ætatem illam improvidam
gravi obligatione in perpetuum vitæ
suz

suæ tempus adstringi: cum jure civili nulla
 obligatione, ac ne naturali quidem, nisi qua-
 tenus locupletiores sunt, adstringantur. U-
 trum autem melior, an deterior, ipsorum
 conditio per illud immaturum matrimo-
 nium fiat, valde incertum est. Deinde, quia
 ne jure quidem civili impuberes parentum
 sponsalibus obligantur, nisi puberes facti
 conditionem ratam habeant. Itaque consul-
 tius facturi parentes videntur, si gravem il-
 lam sponsaliorum obligationem in id tem-
 pus differant. præsertim cum jure divino
 sponsalia designati matrimonii vim ha-
 beant: jure autem civili, mulier impubes, si
 in domum quasi mariti deducta sit, non ta-
 men prius nupta censeatur, quam apud
 eundem pubertatem adepta sit. *l. 2. in fin. D. de privil. cred. l. si uxor, §. si minor, D. ad leg. Jul. de adult. l. minorem, 4. D. de rit. nupt. l. pen. D. quando dies leg. ced. l. quod vir, D. de donat. int. vir.* Eo accedit, quod, si impubes parentis morte sui juris esse cœperit, impune patris sponsalibus renunciare poterit: certe quidem post adeptam pubertatem, qua ætate liberum arbitrium consecutus erit: atque ita sponsaliorum paternorum obligatio inanis erit. Itaque Imp. Alexius Comnenus lege lata sanxit, ne sponsalia, ante duodecimum aut decimum quartum annum contracta, justa
 & per-

& perfecta haberentur. Leo Philosophus, quamvis sponsalia post annum septimum permiserat, tamen ea consecrari ante illam ætatem vetuerat, *Novell. 174. & Novell. 109.* adductus illa Sapientis sententia, *Eccles. 3.* suam cuique rei maturitatem esse: cui nulla in re, inquit, tam commode locus est, quam in nuptiis contrahendis, quæ perpetuam vitæ obligationem inducunt. Sequitur secunda quæstio: An sponsalia jure Christiano constitui inter absentes possint. Dubitandi causam adfert Alexii constitutio, quæ jubet sponsalia, non nisi adhibito pastore ecclesiæ, & verba precationis præcunte, interpositaque consecratione, celebrari. Et profecto ita est, ut rite consecrari sponsalia, nisi utroque præsentem, non videantur. Jure civili non modo sponsalia, si modo sine stipulatione fuerant, verum etiam nuptias inter absentes contrahi, satis constat. *l. 4. l. 5. l. ult. D. h. t. l. mulierem, 5. D. de rit. nupt.* Sed, cum jure divino consecratio in utrisque requiratur; ea non rite, nisi utroque præsentem, fieri posse videbatur. Quod si ecclesiastico jure certa verborum formula, hoc est, interrogatio responsioque, exigitur; non dubium est, quin præsentia etiam requiratur. *l. 1. D. de verb. obl.* Ex contrario pugnat, quod jure divino quantumvis gravium & magnarum

confederationum pactiones etiam per legatos & internuncios fiunt. Item jure civili præter legis actiones nullum negotium est, quin per internuncios expediri possit: adeo ut etiam repudium & divortium per internuncios, non modo jure civili, verum etiam divino, fieri soleat. Unde usitata locutio, *nuncium mittere*. Et apud Hebræos, *libellum repudii mittere*. Quare probabilius videtur, sponsalia etiam inter absentes contrahi: dum tamen utraque pars separatim precatione & consecratione fungatur; hoc est, ut singuli testibus non minus septem convocatis, adhibito præterea ecclesiæ pastore, pronuncient, sibi esse in animo matrimonii societatem cum absente, quo de agitur, contrahere; voluntatemque absentis cum sua congruentis, non modo ipsius, verum etiam parentum atque idoneorum auctorum manibus subscriptam, edant; atque ad extremum pastor ei conventioni bene in nomine Jesu Christi præcetur.

CAPUT II.

De formulis sponsaliorum, quæ vulgo dicuntur verba de futuro, & verba de præfenti, adversus Canonistas instituta disputatio.

S EQUITUR altera quæstio, Quibus verbis sponsalia contrahenda sint. hoc est, utrum verbis in futurum, an in præsens tempus conceptis. Quæ Decretalistarum disputatio est, non modo in scholis, verum etiam in usum vitæ recepta: cum illam formulam, *Ego te in meam accipio; & , Ego te in meum;* adpellant verba de præfenti: at illam, *Ego te recipiam in meam; & , Ego te in meum;* verba de futuro. Per illa, matrimonii obligationem contrahi dicunt: per hæc, nudam fieri pactionem, & quasi quandam de nuptiis deliberationem. *c. commissum, 16. c. tua, 15. c. pen. & c. ult. ext. de sponsal. c. licet, 3. ext. de spons. duor.* Primum, quia verba *spondendi, promittendi, repromittendi,* vi ac natura sua futuri temporis demonstrationem continent; repugnantque, desponsam esse alicui aliquam, & eandem illi traditam in manum fuisse, atque (ut more Romano loquamur) in manum ipsius convenisse. Quapropter sponsalia definiuntur *repromissio futurarum nuptiarum;* quemadmodum

dum supra diximus, *ex l. 1. D. h. t. &*, alio loco, *spes futurarum nuptiarum, l. si uxor, 13. §. 3. D. ad l. lul. de adult.* Sponsus item definitur, qui nuptias quidem promisit, sed nondum maritus est. *l. 1. §. 2. D. pro dot.* Præterea, satis constat, inter sponsalia & nuptias non modo in re discrimen, verum etiam in tempore intervallum esse. Nam sponsalia verbis tantum & promissione constant: *d. l. 1. h. tit.* neque sola in mariti domum deductione constitui intelliguntur. *l. quasitum, 9. D. h. t. l. cum hic status, 32. §. pen. D. de donat. int. vir. l. dotis, 68. D. de jur. dot.* at nuptiæ traditione & acceptione constant, hoc est, datione in manum, & deductione in mariti domum, ut supra dictum est, *ex l. pen. D. de don. int. vir. l. 6. C. de don. ant. nupt.* Per sponsalia contrahitur adfinitas: *l. 8. D. de cond. caus. dat.* per nuptias justum conjugium. Per sponsalia contrahitur obligatio, siue naturalis, siue etiam ex parte civilis, ut supra demonstravimus: at per nuptias dissolvitur. Per sponsalia vir & mulier, sponsi & sponsæ nomine adpellantur: per nuptias mariti & uxoris nomen adsequuntur. *d. l. 6. C. de don. ant. nupt. l. 5. C. de bon. qua lib.* Quæ desponsa est, in patris & agnatorum familia est, vetusque domicilium retinet: *l. ea qua, 32. D. ad municip.* quæ jam uxor est, in domici-
lium

lium & familiam viri translata est. *l. quacunque*, 10. *C. de re milit. l. pen. §. lul. D. quod fals. int. aucl. l. 1. §. 15. D. de senat. Silanian.* Itaque sponderi & desponderi dicitur mulier, quæ promittitur fore ut in manum detur. Datur vero, cum in viri manum du-
cenda traditur. Denique, quemadmodum promittere & dare, vendere & tradere diversa sunt, neque in idem momentum cadunt; ita sponsalia & matrimonium cadere in unum idemque temporis punctum non possunt. Ex quibus intelligi potest, sponsalia per illa, quæ dicuntur verba de præ-
senti, constitui non posse, ne in unum idemque temporis punctum & promissio & datio, hoc est, obligatio & solutio, cadere dicantur: alioqui donatio inter spon-
sos nihilo magis quam inter conjuges valeret; contra *l. 6. C. de donat. ant. nupt. l. cum his status*, 32. *§. penult. D. de donat. int. vir.* sponsa sponsum lugere cogeretur; neque ante legitimum tempus luctus nubere, propter infamiæ poenam, auderet. contra *l. 10. D. de his qui not. infam.* Concludendum est igitur, cum sponsalia sint promissio futuræ præstationis, cum per ea futurarum nuptiarum obligatio contrahatur, ea non nisi per verba futuri temporis recte constitui: *Spondeo, me tibi maritum fore: Spondeo, me tibi uxorem fore.* Quod si verba præsen-
tis

tis temporis usurpantur, *Accipio te in uxorem, Accipio te in maritum*; tum per ea verba neque sponsalia contrahi (quia datur & accipitur, non promittitur: ut cum pontifex virgini Vestali dicebat, *Te, Amata, capio*, apud Agellium) neque matrimonium: quia jure civili matrimonium non verbis, sed solenni in domum deductione contrahitur, *d. l. 6. C. de donat. ant. nupt.* Jure autem divino matrimonium sine præcedentibus sponsalibus contrahi non potest, ut superius docuimus: quamvis Romano jure nonnunquam nuptiæ sine sponsalibus contraherentur; ut ex Plauti, & Terentii, & plerisque Jurisconsultorum locis intelligitur. quippe cum, perditis reipublicæ temporibus & profligatis civitatis moribus, etiam tacite & re ipsa, matrimonia sine ullo ritu, solo usu & consuetudine annua, contraherentur; sædo certe & turpi atque improbato more, ut inter omnes bonos constat. Nequaquam igitur probanda est illa Petri Lombardi argutia, qui, cum juris civilis minus quam theologiæ peritus esset, *lib. 4. dist. 28.* ita loquitur: *Aliud est promittere, aliud facere. qui promittit, nondum facit. Qui ergo promittit, se aliquam in uxorem ducturum, nondum eam in uxorem duxit; & , quæ sponsondit, se nupturam, nondum nupsit. Quid tum postea, jurisconsulte noster? Ergo, inquit,*
aliud

*aliud est per verba de futuro, aliud per verba de presenti sponsalia contrahere. Quippini? nam per illa, vera & iusta sponsalia contrahuntur: per hæc, neque sponsalia contrahuntur; quæ sua natura in futurum tempus conferuntur: neque nuptiæ; quæ nudis verbis sine solenni ritu & deductione non contrahuntur. Sed tamen non idcirco dicendum est, Quemadmodum aliud est promissio de vendendo, aliud venditio; sic aliud est promissio matrimonii, aliud matrimonium. Multo etiam minus hoc modo: Quantum interest inter pactionem de futuro contractu, & ipsum contractum; tantum fere distant sponsalia de futuro, à sponsalibus de præsentibus, quæ sunt ipse contractus conjugii. Hæc atque huiusmodi multa dici video à bonis theologis, sed non bonis jurisconsultis. Nam jure civili promissio de vendendo aut locando nullius momenti est, nudienim pacti nulla obligatio est. *l. si tibi, 27. C. de loc. & cond. l. nuda, 5. C. de contr. stip.* Nudæ pollicitationis, ait Paulus, obligatio nulla est: *lib. sent. 2. tit. 14. & lib. 5. tit. 12.* Sic promissio de donando, jure Digestorum non erat obligatoria, & perspicue à donatione separatur, *l. 1. D. de transaction. l. cum donationi, 34. C. eod. l. in adibus, 9. D. de donation. l. ex conducto, 13. §. Papi- nian. D. locat. l. 3. C. de repud. hered. Con- ventio**

ventio de redhibendo non est redhibitio. *l. quod si nolit, 31. §. illud plane, 18. D. de adil. edict.* At promissio de contrahendo matrimonio certam obligationem, si minus jure Digestorum efficacem, at certe naturalem & jure divino firmissimam parit. Sic igitur apte & cum jure civili congruenter dictum fuit, Quantum interest inter contractum emtionis, venditionis, & traditionem rei venditæ; tantum fere interest inter sponsalia & nuptias. nam per illam obligatio contrahitur. cujus vis non ea est, ut rem emtoris faciat; sed ut venditorem ad rem tradendam obliget, aut id, quod interest, præstandum. *l. 3. D. de obl. & act. l. 1. & pass. D. de act. emt.* Per hanc vero rei venditæ dominium, quod penes venditorem fuit, in emtorem transfertur. Quod si quis roget, qualis per sponsalia obligatio contrahatur; ita respondendum est: Si quidem dies nuptiis dictus est, esse obligationem in diem; sin autem dictus non est, puram esse. Dies autem aut certa est, veluti, *kal. Maii*; aut incerta, veluti, *cum utrique nostrum erit commodum.* Hoc casu, sicuti ex stipulationibus in diem, ita ex sponsalibus præsens obligatio contrahitur, sed præstatio in diem differtur; ac peti res, prius quam dies venerit, non potest. *l. obligationum, 44. §. 1. D. de obl. & act. l. centesimis, 46. D. de verb. obl.* Sin autem dici

diei mentio facta nulla est, præsens quidem obligatio nascitur; ac statim sponsa sponso debetur. *l. ei qui kalendis*, 41. *D. de verb. obl.* peti tamen prius non potest, quam tantum temporis præterierit, quo & commode & honeste fieri præstatio possit. *l. quod dicitur*, 105. *l. liber homo*, 118. *D. de verb. obl. §. ult. Inst. de inut. stipul.* Addidi autem, *honeste*; partim propter regulam juris civilis antiquam, Ut in matrimoniis non tantum, quod licet, consideretur, sed etiam quod honestum est. *l. semper*, *D. de reg. jur.* partim propter apostoli præceptum, qui jubet, omnia in ecclesia recte atque ordine administrari. Sed quæ tandem istius novi & antea inauditi juris in usum Christianorum inducendi causa fuerit, paulisper considerandum est. Nam mihi quidem sic videtur: Cum animadversum esset, nonnullos è Christianorum numero libertatem illam in repudiis mittendis amplecti, & sponsalia de futuro contracta pro nihilo ducere; commodius visum est, ea per verba de præsentī constituere, ut eo modo pura & præsens obligatio contraheretur. Verum intelligere debebant, primum, isto modo, Dei institutum in ecclesia & moribus Christianorum abrogari. Nam, cum Deus sponsalia nuptiis antecedere, primumque illum ad nuptias gradum esse voluerit; si sponsalia eodem, quo nuptias,

ptias, modo contrahimus, an non sponsaliorum usum ex ecclesia tollimus, & res inter se disjunctas confundimus? Deinde, illi levitatis & repudiorum malo Deus satis pro sua sapientia occurrerat; cum ei, qui sine causa repudium mitteret, adulterii crimen imposuerat. Atque hæc quidem de sponsaliorum verborum formulis & conceptionibus, à Decretalists institutis, dicta sint. Proximum est, ut, quod jus illarum formularum esse voluerint, consideremus. Primum autem hoc fuit, ut sponsalibus de futuro impune ac sine fraude renunciare liceret: quemadmodum societati, negotiationis causa contractæ, libere ab uno ex sociis renunciatur. *c. 2. & c. requisivit, 17. ext. de sponsal.* quod apertissime cum jure divino pugnare, supra multis locis demonstratum est. Secundum, hoc fuit, ut, qui cum muliere sponsalia per verba de futuro contraxit, idem cum altera per verba de præsentì contrahere sponsalia, atque adeo matrimonium, possit. *c. commissum, 19. c. pen. ext. eod.* Quod cum idem juri divino perspicue adversatur, tum etiam civili æquitati, ut, quemadmodum qui binas uxores habet, sic & qui binas eodem tempore sponsas habet, infamia notetur. *l. 1. D. de his qui not. infam. l. eum qui, 18. C. ad leg. Jul. de adult.* Quin etiam mulier, quæ ipsi nubit, ex civili æquitate, stupri

stupri tenebitur. *l. pen. D. ad leg. Iul. de adult.* Tertium est, ut sponsalia, de futuro facta, per insequentia verba de præsentì contracta, ipso jure evanescant. *c. sicut ex literis, 22. ext. eod.* contra naturalem & civilem æquitatem: qua constitutum est, ut, quo quidque modo contractum est, contrario modo dissolvatur; ac propterea certa in repudiis verborum solennitas usurparetur: *Conditione tua non utor. l. 2. D. de divort.* quippe cum æquitas, honestas, humanitas denique, postulet, ut mulieri honestæ; cui vir fidem dedit, si eam fallat, mature & testato, ut sibi consilium capiat, denunciât: neve minor sanctissimæ societatis inter virum & mulierem initæ, quam ejus quæ negotiationis causa contracta est, religio esse videatur, quæ sine renunciatione tacite pro socii libidine atque arbitrio dissolvi non potest. Quid multa? cum eodem civili jure, qui sciens, non rite atque ut oportet, repudiatam à marito uxorem ducit, adulterii teneatur. *l. pen. D. ad leg. Iul. de adult.* tantumque in observanda repudiorum forma momentum positum est, ut repudium, non rite, & ut Ulp. ait, non secundum legitimam observationem factum, pro infecto habeatur. *d. l. pen. & l. si non secundum, 35. D. de don. int. vir. & ux. l. un. in fin. D. und. vir & ux. l. nullum, 9. D. de divort.* Quartum jus est,

est, ut concubitus, sponsalia per verba de futuro secutus, pro justo & connubiali habeatur. *c. veniens*, 15. *c. cum is, qui fidem*, 31. *ext. de sponsal. c. de illis*, 3. *et c. per tuas*, 6. *ext. de cond. adpos.* Quod non modo divino & humano, verumetiam huic ipsi Decretalicio repugnat. Divino juri; quoniam nullus eo jure concubitus, nisi inter maritum & uxorem, justus & legitimus habetur. Maritus autem & uxor, ante nuptias & deductionem in domum, non dicuntur. *l. 6. C. de don. ant. nupt. l. pen. D. eod.* Civili juri; quia nuptiæ contra leges contractæ, hoc est, concubitus falsarum nuptiarum nomine admissus, pro stupro numeratur. *l. qui pupillam*, 7. *D. ad leg. Iul. de adult. l. præfectus*, *D. de rit. nupt. l. 3. §. 1. D. de don. int. vir. l. 4. C. de nupt.* Quintum est, ut concubitus sponsalia per verba de præsentī contracta secutus, pro legitimo & matrimoniali concubitu censeatur. *c. sicut*, 22. *ext. eod.* Quod à sanctissimo Dei instituto plane alienum est: qui, cum à nuptiis sponsalia distinxerit, sine dubio diversa illarum & horum jura instituit: quæ scelerate ac nefarie ab istis sacrilegis confunduntur.

CAPUT VIII.

Altera contra Canonistas disputatio de sponsalibus, quæ vel pure vel sub conditione & in diem contrahi dicuntur.

ALIA quæstio est, utrum pure, an sub conditione, & in diem, contrahi sponsalia possint. Nam eodem Decretalístico jure receptum est, ut sponsalia quandoque pure quandoque sub conditione contrahantur. *c. r. & c. per tuas, & pass. ext. de cond. adpos.* In eandemque sententiam & Petrus Lombardus, & plerique alii Sorbonistæ, multa disputant. Sed haud satis perite, meo quidem judicio. Sponsalia enim neque pure, neque sub conditione contrahi possunt. Pure idcirco non possunt, quia pure promissum statim peti potest. Sponsa autem peti jure divino, ut superius demonstratum est, nisi post tempus aliquod, non potest. Sub conditione non contrahuntur, quia promissio conditionalis obligationem suspendit; incertumque relinquit, utrum res debeat, an non, quoniam in incerti casus eventum obligatio collata est. *l. conditionales, 64. D. de verb. obl. §. 4. Instit. eod.* At sponsalia jure divino obligationem pariunt: ut sine adulterii crimine sponsus

R

alteram

alteram ducere, sponsa alteri nubere, non possit: quemadmodum superius expositum est. Quid ergo est? Dicendum scilicet fuerat, sponsalia in diem contrahi: vel certam; veluti, *kal. Maiis proximis*: vel incertam; veluti, *cum utrisque commodum videbitur*, ut in manum convenient, & nuptias celebrent. Nam, sicut ex stipulationibus in diem præsens nascitur obligatio, sed solutio in diem differtur: ac peti res prius quam dies venerit, non potest: *l. obligationum, 44. D. de obl. & act. l. centesimis, 46. D. de verb. oblig.* ita ex sponsalibus quidem confestim obligatio nascitur; sponsusque & sponsa debentur: sed petere alter alterum ante diem constitutum non potest: quemadmodum paulo ante dictum est.

FRANCISCUS HOTMANUS, J.C.,
 DE
 RITU NUPTIARUM
 ET
 JURE MATRIMONIORUM.

C A P U T I.

Matrimonium inter, & nuptias, differentia, & utriusque definitio proposita.

PRIMUM illud observandum est, quamvis matrimonii & nuptiarum nomina interdum promiscue usurpentur; velut in §. 1. *Instit. de pat. potest.* & l. si ita, 10. l. eos qui, 65. §. 1. D. h. tit. hanc inter illa differentiam observari posse: quod matrimonium est conventio inter virum & uxorem, de perpetua vitæ societate; nuptiæ vero, celebratio matrimonii, quæ certo ritu, pro variis cujusque civitatis legibus, instituta est. l. pen, D. de don. int. vir. & ux. Similiterque matrimonium à nuptiis distinguitur in d. l. si ita, & l. seq. D. h. tit. §. si adversus, *Inst. de nuptiis.* l. inter eos, 27. D. de don. int. vir. & ux. l. neque, 13. C. de nupt.

nupt. Sed facilioris disciplinæ causa conjugium pro generis nomine statui poterit, ejusque duæ species substitui: matrimonium, & nuptiæ. *Matrimonium* autem ita definie-
 mus, ut sit *justa viri & mulieris conventio de individua vita societate, liberorum qua-
 rendorum causa instituta.* Dixi, *justam*; quoniam conventio, quæ contra legum præcepta contracta est, neque nuptiarum, neque matrimonii jure censetur. §. *si adv. Instit. de nupt. l. 4. §. 8. D. de grad. l. 3. D. de jur. dot. l. 6. C. de incest.* Dixi, *de perpetua vita societate*; ut apud Justin. *tit. de patr. pot. l. 1. D. rer. amot. l. si rerum, § 2. D. de re jud.* nam etsi quodam tempore libera divortia fuerunt; tamen Dionysius Halic., *lib. 2.*, testatur, eam libertatem pri-
 mis & antiquis reip. R. temporibus non fuisse: ac propterea divortium Romæ per annos 520 nullum fuisse: quod Agellius confirmat, *lib. 4. c. 5.*, & Plinius *lib. 7. c. 9.*, & Tertull. *in Apologet.* Quinetiam quamvis Romano jure libertas illa retenta sit, tamen vel ominis causa non fuit hæc ad-
 jectio in definitione prætermittenda: cum eo animo matrimonia contraherentur, ut perpetua manerent. *l. si, cum dotem, 22. §. maritus, 7. D. sol. matr.* Dixi, *liberorum qua-
 rendorum causa*; quoniam id denum jure nostro legitimum matrimonium est, quod

ea causa est institutum. Ulp. tit. reg. 4: *Si uxorem duxerit, testatione interposita, quod liberorum quarendorum causa uxorem duxerit.* Quapropter inter eos, qui vel ætatis vitio generare liberos non possunt, contrahi legitimum matrimonium non potest, ut alibi jam dictum est.

CAPUT II.

De personis, quæ contrahere nuptias possunt: ubi de ætate, statu, patria, & conditione earum differitur.

DEINCEPS ad partitionem accedamus. Ac de personis primum videndum est. Quarum jus in his octo versatur: ætate, statu, patria, conditione, potestate, cognatione, affinitate, & adoptione. Ergo de ætate sic habendum est: Quantum ætatis tempus ad procreandos liberos idoneum fuit, tantum ad contrahendas nuptias legitimum fuisse: itaque, ut primum idoneum esse cœpit, legitimum esse cœpisse; simul atque desiit, simul etiam desiisse. Idoneum autem esse incipit à pubertate. Sed, cum de pubertate lex vetus (opinor 12 tab.) scripta esset, quæsitum est inter jurisconsultos, quot ex anno pubertas æstimeretur. Cassiani ex habitu corporis æstimabant. quod Justinianus interpretatur de pube à judi-

cibus inspecta: sed in maribus duntaxat : cum in feminis anni 12. exitus spectaretur. *pr. Inst. quib. mod. tut. l. ult. C. quando tut. vel cur.* Proculiani vero decimi quarti anni finem tantummodo requirebant. Priscus Javolenus utrumque; hoc est, & corporis habitum, & annorum numerum: ut *Ulp. reg. tit. 11.* testatur. Proculianorum sententia recepta est: qui, quod ἐπὶ τὸ πλεῖστον accidit, spectabant. Nam Macrobius, *Saturn. lib. 7. cap. 7.*, *Secundum jura publica*, inquit, *duodecimus annus in femina, & quartus decimus in puero, definit pubertatis aetatem.* Tertull. de virg. vel. *Tempus etiam ethnici observant, ut ex lege natura jura sua aetatibus reddant: nam feminas quidem à duodecim annis, masculos vero à duobus amplius, ad negotia mittunt: pubertatem in annis, non in sponsalibus aut nuptiis, decernentes.* hoc est, non quo tempore contrahere nuptias possunt. Quod idem Plutarchus in *Numa*, & *Dio lib. 54.* testantur. Legis autem hujus sanctio hæc fuit, ut, si nuptiæ ante id tempus celebratæ essent, hoc est, si puella ante id tempus in viri domum solenniter, adhibita pompa nuptiali, deducta fuisset; non ante justa legitimaque uxor haberetur, hoc est, non ante uxorium ei jus competeret, quam apud virum 12. annum impleisset: *l. minorem, 4. D. h. t.* veluti, ut dos ei deberetur.

retur. *l. dotis promissio*, 68. *D. de jur. dot.* Fuit autem inter veteres quæstio, Si nuptiæ ante mulieris pubertatem celebratæ essent, id est, si mulier impubes in viri domum deducta esset, cum vere proprieque nuptiæ non essent, an hæc tamen sponsalia dici possent. Qua in sententia Julianus fuit, opinor, ut, quod actum erat, aliquatenus valeret potius quam periret. sicuti acceptilatio per se inutilis, tamen pro pactione valet. *l. si unus*, 27. §. *pen. D. de pact.* Contrariam tamen sententiam Labeo, Papin. & Ulp. amplexi sunt: propterea quod sponsalia, non in domum deductio facit; *l. quæstum*, *D. h. t. l. cum hic status*, 32. §. *pen. D. de don. int. vir. & uxor. l. dotis*, 68. *D. de jur. dot.* sed expressa promissio futurarum nuptiarum. *l. 1. D. h. t.* Quod etiam valet ad refutandum inveteratum errorem, ex colluvie Canonistarum in usum vitæ importatum, ut verba præsentis temporis, in accipienda uxore pronunciata, sponsaliorum nuptiarumque vim habeant. Nam neque sponsalia hæc dici possunt, cum futurarum nuptiarum promissio nominatim facta nulla sit: neque nuptiæ, quia in pubere deductio fuit; in impubere, præter deductionem, eadem promissio. Atque hæc quidem de ætate dicta sint. Deinceps de statu videamus. Ergo de statu personarum hoc jus fuit, ut inter libe-

ros & servos connubium non effct. *l. Proculus, 67. D. de jure dotium.* ubi contractum inter liberum & ancillam matrimonium pro nullo haberi traditur. Itaque ex eo concubitu concepti, servi nascuntur. *l. 3. C. de incest. nupt. & apud Ulp. in regulis.* Quodsi mulier libera servo se alieno junxerat, jure antiquo, ex S. C. Claudiano, si denunciante domino non desistebat, ei domino cum suis bonis omnibus in servitutem addicebatur. Quod tamen à Justiniano abrogatum est. *l. 1. C. de senat. Claud. & apud eund. Ulp. reg. tit. 11.* Præterea, nec adscriptitio cum libera muliere connubium est, quamvis dominus consenserit. Qui tamen ex eo concepti sunt, liberi nascuntur, ex Justiniani constitutione. *l. ult. C. de agric. & cens. lib. 11. & Novell. 22. & Novell. 54.* Adscriptitiæ tamen cum homine libero connubium est: ex eoque concepti, adscriptitii nascuntur. *l. mulier, 16. & d. l. ult. C. de agric. & cens.* De patria jus hoc constitutum est, ut, qui cives R. non sunt, nisi civitate impetrata, connubii jus non habeant. *pr. Inst. de nupt.* adeo ut ex peregrino & cive R. natus, peregrinus esset, ex lege Mensia. de qua Ulpian. *tit. regul. 5. Seneca lib. de benef. 4: Promisi tibi filiam in matrimonium: postea peregrinus apparuisti: non est mihi cum extraneo connubium.* Itaque Livius, *lib. 37.* scribit,

scribit, Campanos non nisi civitate impetrata jus connubii cum Romanis mulieribus habuisse. Post, cum Antonini constitutione omnes, qui in orbe Romano erant, cives Romani effecti essent, *l. in orbe, 17. D. de stat. hom.* barbaris tantum jus connubii denegatum est. *l. un. C. Th. de nupt. gent.* Porro, conditio personarum partim in dignitatis gradu, partim in familiæ jure consistit. In dignitate, veluti utrum quis patricius sit, an plebeius. nam lege 12 sancitum fuerat, ut ne inter patricios & plebeios connubii jus esset. quam abrogatam fuisse Livius, *lib. 4.*, & Dionys., *lib. 11.*, testantur. Item, utrum quis ingenuus sit, an libertinus. Nam antiquo jure inter eos connubium non fuisse, patet *ex l. lege Papia, 23. D. h. t.* Ubi Celsus ait, lege Papia nominatim cautum fuisse, ut id deinceps extra Senatorum ordinem liceret. Sed & Dio, *lib. 54.*, scribit, cum major esset ingenuorum marium numerus quam mulierum, Augustum illa lege permitisse omnibus, præter senatores, ex libertino genere uxores ducere; justosque ex eo matrimonio liberos nasci statuit. Eadem tamen lege interdicta ingenuis matrimonia fuerunt cum infamibus feminis: veluti, lena; item à lenone lenave manumissa; item ea quæ palam corpore quæstum faceret, fecissetve; item quæ

in adulterio deprehensa, iudiciove publico damnata; vel quæ artem ludicram exercuisset, ut ait Ulp. *reg. tit.* 13. Eoque varii jurisconsultorum loci referendi sunt, ex eorum in leg. Juliam & Papiam commentariis sub hoc Digest. tit. descripti. veluti, *l. palam*, 43. *l. generali*, 34. *§. ream. l. reas*, 29. *eod.* Ad dignitatem præterea pertinet senatorii ordinis gradus: de quo lege Julia sancitum est, ne quis senator senatorisve filius, nepos, pronepos, libertinam aut infamem uxorem duceret: neve senatoris filia, neptis proneptisve ex filio, libertino infamisve viro nuberet. *l. orationi*, 16. *D. h. t.*

C A P U T III.

De patria potestate, patrumque in nuptiis consensu, & auctoritate tutorum: sed primo de rectoribus provinciarum.

S EQUITUR potestatis consideratio. Quæ tripartita est. Nam prima in provinciarum rectoribus, altera in parentibus, tertia in tutoribus & curatoribus versatur. Nam provinciarum rectoribus, eorumque officialibus, itemque filiis, interdictum est, ne inde oriundam, vel ibi domicilium habentem, uxorem ducant. *l. si quis officium*, 38. *D. h. t.*

D. h. t. Quod propter potentatus rationem institutum Papinianus scribit: ne videlicet non ducere, sed potius trahere, extorquere, eripere uxores viderentur. *l. præfectus*, 63. *D. eod.* Idque jus mandatis principum introductum fuisse, patet *ex l. eos qui*, 65. *D. eod. l. 6. C. de nupt.* quibus statuitur, ut, si post depositum officium ambo in eadem voluntate maneant, nuptiæ convalescant, liberique postea suscepti justî habeantur. Hoc autem etiam ad illorum propinquos, comites, & domesticos posterius productum est. *l. 1. C. si rect. prov.* De filiabus diversa ratio est: nam eas in matrimonium collocare suo arbitratu possunt. *d. l. si quis officium*, §. ult. *D. h. t.* Cujus diversitatis ratio summo labore à multis investigata est. Ego hanc expeditissimam & certissimam arbitror, quia filia deposito officio sic relinquitur in provincia, ut eam maritus suo arbitrio vel male ob patris injuriam multare possit, vel repudiare, & ad suos remittere. Utcunque sit, Leonis Philosophi constitutione etiam hæc familiarum matrimonia interdicta sunt. *Novell. 23.* Sequitur parentum potestatis consideratio. De qua ita statuendum est, Nuptias à filiis filiabusve fam., non jussu ejus, cujus in potestate sunt, contractas, injustas esse. *l. 2. D. h. t. pr. Inst. de nupt.* adeo ut nec distractæ reconciliari, sine

eorundem consensu, possint. *l. nuptia*, 18. *D. h. t. l. si, ut proponis*, 7. *C. de nupt.* Legis æquitatem Justinianus partim civilem esse scribit, hoc est, patriam potestatem; partim naturalem, quam jurisconsulti æque prope-
modum, ut illam, observant; nimirum honorem & reverentiam, quæ naturæ ju-
re parentibus æque omnibus debetur. *l. 2. D. de just. & jur. l. 6. D. de in jus voc.* Ita-
que Plutarchus, cum *in vita Numa* scri-
bit, cum Romuli legi, de patria liberorum
vendendorum potestate, derogasse, si modo
uxorem auctoritate & jussu patrum duxis-
sent: *εἰ δὲ πατρὸς ἐπαινεῖν καὶ κελύειν*
ὁ γὰρ γένος perspicue significat, si con-
tra ipsorum voluntatem duxissent, integram
legem reliquisse. Verum ex illa regula mul-
tiplex nascitur disputatio. Prima est de
personis parentum. Quid enim, si de nu-
ptiis nepotis aut neptis ex filio in potestate
retento quæretur; utrum & avi & filii con-
sensus requiratur, an avi solius sufficiat?
De qua quæstione, ut ingenue fatear, non
puto satis inter jurisconsultos convenisse.
Nam Paulus, *in l. 3. D. h. t.* solius avi con-
sensum sufficere adfirmat: at idem, *in l.*
oratione, 16. §. 1. etiam filii consensum re-
quirit. Ulpianus autem, cum *in l. si nepos*, 9.
sod. tit. scribit, ubi pater furit, avus sapit;
si nepos velit uxorem ducere, solius avi vo-
luntatem.

luntatem sufficere : an non aperte ostendit, si uterque sapiat, utriusque voluntatem exquiri? Neque me recepta & usitata solutio movet, quod in priore loco nepos ex uno filio, neptem ex altero, id est, frater patrue-
lis sororem patruelem, ducebat : in altero vero nepos extraneam ducebat : ac proinde invito suus heres adgnascebatur, contra juris regulam *in l. 6. D. de adopt. §. 7. Inst. eod.* Nam, cum inter omnes constet, suum heredem eum demum dici, qui primum in testatoris familia heredis locum obtinet ; pronepos ex illis nuptiis vivo filio nasciturus, filio suus heres adgnaturus non erat : nepos autem, qui volens nuptias contrahebat, dici invitus non poterat. Mihi autem probabilior Pauli sententia posterior ideo videtur, quia videmus, etiam in nuptiis nepotis ex filio emancipato, avi, qui in potestate non habet, consensum, si minus civili, at certe naturali jure, hoc est, honestatis ratione, requiri. *l. 3. §. si emancipatus, D. contr. tab.* Utcunque sit, illud constat, per illa regulæ superioris verba, *quorum in potestate sunt*, excludi primum matrem & avum maternum, deinde patrem emancipati filii filiæve. Verum id civili tantum ratione. Nam honestatis causa, quæ in conjunctionibus dominatur, *l. semper. 42. D. h. tit.* non modo matris, sed etiam

propinquorum consensus requiritur: quippe cum jure naturæ omnibus æque parentibus honos & reverentia debeat. *l. 2. D. de just. & jur. l. 1. & 2. D. de obseq. parent. l. 6. D. de in jus voc.* Pietas parentibus, etsi inæqualis est eorum potestas, æqua tamen debetur. *l. 4. D. de curat. furios.* Eademque ratione, patris etiam, aut avi, qui filiam emancipavit, consensus requiritur. *d. l. 3. D. contr. tab.* Quamquam jure civili, quo per emancipationem patria potestas dissoluta est, natus ex eo matrimonio usque adeo justus filius habetur, ut nepos natus ex eo filio emancipato, qui non jussu patris uxorem duxerat, patri suus heres adgnascatur. *l. filius, 23. D. h. t.* Atque hæc quidem de filiis ita se habent. Filiarum enim diversa causa est. Nam filia, quamvis vel emancipatione, vel patris morte sui juris sit; tamen, si minor sit ann. 25, non modo primas, sed ne secundas quidem nuptias, sine parentum & propinquorum curatorumve suorum consensu contrahere potest: inter quos si de marito eligendo minus conveniat, ejus rei arbitrium judici tribuitur. *d. l. 1. l. vidua, 18. l. in conjunctione, 20. C. de nupt.* Cujus rei exemplum exstat apud Livium, *lib. 14.* ubi scribit, magistratum secundum matris arbitrium nuptiarum jus dedisse. Major autem ea ætate filia, sine patris consensu nubens,

bens, exheredari non potest: sed minor potest. *arg. l. cum te*, 18. & *l. filia*, 20. *C. de inoff. testam.* & *Novell.* 115. Sequitur altera de parentum persona disputatio. Quid enim, si pater aut absit, aut furiosus existat? De absente hoc jus est, ut, si vel apud hostes sit, vel, ubi sit, ignoretur, triennium ei exspectando præfinitum sit; cum eo tamen moderamine, ut, si filius eas nuptias contraxerit quas improbaturus non esset, ratæ haberentur. *l. si nepos*, 9. §. 1. & *ll. seqq. D. h. t.* De furioso vero Justinianus scribit, antiquo jure in filia patris consensum non desideratum fuisse. de filio, dubitatum. neque dubitandi causam exponit. Parem tamen ex Paulo utriusque rationem habitam fuisse, patet *ex l. quoties*, 8. *D. de pact. dotal.* quippe cum à furioso exspectari consensus non possit. qua de causa contrahere matrimonium non potest. *l. oratione*, 16. *in fin. D. h. t.* Neque, opinor, illa fingi potest ratio, ne illi invito suus heres adgnascatur: cum, si ad sanitatem revertatur, idem, quod de absente domum reverso, dici possit: nimirum, ut, si honestæ nuptiæ sint, & quales sanus pater non improbaturus fuisset, pro legitimis habeantur. Itaque Justinianus idem in filio, quod in filia, jus constituit. *l. si furiosi*, 25. *C. de nupt. pr. Inst. eod.* Ubi autem de nepotis nuptiis agitur, & vel avus vel pater
solus

solus furit; ejus solius, ut jam diximus, qui sapit, auctoritas sufficit. *l. si nepos, 9. D. h. t.* Sequitur secunda disputatio, quæ ex verbo *jussus* oritur: Utrum scilicet consensus & adprobatio sufficiat: an vero *jussus* ex antefacto sit necessarius: cum illo verbo & prætor & ceteri utantur, in *l. 1. D. de his qui not. infam. pr. Inst. de nupt.* Sed intelligendum est, *jussus* verbum in patrefam. ulitatum esse pro voluntate, consensu, adprobatione. *l. 2. D. sol. matrim.* Itaque non modo consensus post nuptias expressus, non iustas nuptias iustas efficit, *l. dotis promissio, 68. D. de jur. dot.* sed etiam tacitus consensus sufficit. qui vel ex eo solo æstimatur, quod pater non aperte factum improbat. *l. in sponsalib. 7. D. de sponsalibus. l. si, ut proponis, 5. C. de nupt.* Superest illa ex fine regulæ disputatio, Ecqua illius, siue regulæ, siue legis, sanctio sit. id est, utrum nuptiæ, injussu patris factæ, ipso jure non consistant quidem, sed vel à patre, vel à magistratu rescindi possint; aut qui contraxerunt, aliqua pœna, veluti exheredationis, multari possint. Quam etiam quæstionem retulimus *Illustr. quæst. cap. 9.* Nam quod nuptiæ omnino nullæ sint, videtur ex illis verbis disputari posse: Nuptias hujusmodi non consistere: *l. 2. D. h. tit.* jure contractas non esse: Paulus, *lib. sent. 2.* justos ex iis liberos non nasci:

nasci: *l. 11. D. de stat. hom.* denique, ut
 Papin. ait, *nuptias non esse*: sic enim Flo-
 rentiæ scriptum est, *in l. dotis, 68. D. de jur.
 dot.* Quid verbis opus est? Nam Apuleius,
lib. 6., ita scribit: *Nuptia in villa, & patre
 non consentiente, facta, legitima non possunt
 videri: ac per hoc spurius iste nascetur.*
 Quod si verum est, sane difficile dictu est,
 magistratum filiis ex istiusmodi sive injustis,
 sive nullis nuptiis susceptis, jus redditurum;
 sive bonorum possessionem postulent, *l. 1.
 D. und. vir & ux.* sive inofficiosi agere in-
 stituant. Ne multis morer; credo, in hac
 quæstione idem dici posse, quod de falso te-
 stamento & falso modio dicitur *in l. Pau-
 lus, 221. D. de verb. sign. l. 2. D. test. quemad.
 aper.* nimirum, esse quidem testamentum
 & modium, sed *ὁμωνύμως* tantum. ut de
 magistratu Varro scribit: *Magistratus
 vitio creatus, nihilo secius magistratus est.*
 Et servus nefasto die à prætore liberatus,
 liber est, sed vitio liber. Atque has esse nu-
 ptias, quæ injustæ adpellantur *in l. si uxor,
 13. §. plane, 1. D. ad leg. lul. de adult.*
 totamque hanc quæstionem judicis pru-
 dentiae committendam, qui filii merita
 expendat, dicitur *in l. capite, 19. D. de rit.
 nupt.* Nam, etsi justæ nuptiæ non dicantur,
 quantum ad patrem aut avum; tamen
 videntur, quantum ad conjuges, ex perse-
 verantia

verantia eorum in matrimonio, nuptiæ con-
 valescere. *argum. l. si quis in senatorio*, 27.
 & *l. eos qui*, 65. *D. h. tit. l. si contra*, *C. de*
nupt. d. l. dotis, *D. de jur. dot.* Verum, ut sin-
 gulas istius quæstionis partes accuratius ex-
 plicemus, quantum ad primam attinet, qua
 quæritur, An pater filiam, quæ sine ipsius
 consensu nupserat, abducere à marito pos-
 sit; ita statuendum arbitror, Legem illam
 Numæ, de qua paulo ante diximus, non vi-
 deri ad filias productam; sed civili jure, mul-
 tis post Numam ætatibus, licuisse patri fa. fi-
 liam, etiam quam nuptum collocaverat, vi
 patriæ potestatis abducere: verum, ejus ju-
 ris acerbitem imperatorum constitutio-
 nibus mitigatam fuisse, & non modo ma-
 trimonium conservatum, verum etiam, nisi
 gravis & magna repudii à patre mittendi
 causa intervenisset, concedi solitam marito
 non modo exceptionem adversus patrem,
 interdicto de liberis exhibendis utentem,
 verum etiam interdictum de uxore exhiben-
 da, & ducenda, ad illius exemplum institu-
 tum. *l. cum hic status*, 32. §. *si socer*, 19. *D.*
de don. int. vir. l. 1. in fin. l. 2. D. de lib. ex-
hib. l. ult. C. eod. l. dissentientis, 5. *C. de re-*
pucl. Nov. 22. & l. 11. C. de nupt. Et secun-
 dum hoc jus postremum, imperatorum
 constitutionibus inductum, illud accipien-
 dum est quod ait Paulus lib. sent. 2. tit. 19.

filiorum

filiorumſa. matrimonia, ſine parentum voluntate contracta, injuſta quidem eſſe, ſed tamen vi patria poteſtatis non diſſolvi: propterea quod publica utilitatis ratio privatorum commodis præfertur. Nam illas ſententias Paulus ad juſ, quo tum utebatur plerumque, adcommo-
davit. Non igitur juſta erat uxor, non juſti liberi, neque iis de inofficio patris teſtamento querentibus juſ dicebatur. Præterea, cum dicit, *privatorum commodis*, non obſcure oſtendit, graviorem ejus dirimendi matrimonii cauſam non fuiſſe; ſed patri tantum ita fuiſſe commodum, & ſine alia graviore cauſa ita placuiſſe: ſicuti de matre dicitur in d. l. *filia*, 20. C. de inoff. teſt. Eoque illi Enniani verſus pertinent, ex lib. ad Heren. 2.:

Injuria abs te adſcior indigna, pater.

Nam ſi improbum eſſe Creſphontem exiſtimaveras,

Cur me huic locabas nuptui? ſin eſt probus,

Cur talem invitum invitam cogis relinquere?

At quæ filia emancipata nupſit, abduci à patre non poteſt, nec ejus matrimonium dirimi. d. l. 5. C. de repud. & d. l. cum hic ſtatus, §. ſi ſocer, D. de donation. inter vir. & uxor. Sequitur altera quæſtionis pars, An liberi, qui contra parentum voluntatem matrimonium contraxerunt, exheredari poſſint. Sane, novo Juſtiniani jure non eſſe juſtam

justam exheredationis causam, patet ex *Novell.* 125. ubi unam hanc ob causam nuptias contra parentis voluntatem contractas recenset, cum filia oblatam sibi à patre conditionem repudiavit, & aliam turpem delegit. At jure antiquo non dubito, quin illa causa probata centumviris fuisset; quorum de inofficiosis testamentis & exheredati meritis notionem fuisse, nemo ignorat. *l. 3. §. si emanc. D. de bonor. possess. contr. tabul. l. filius, D. de inoff. testam. l. si filiam, 19. C. eod.* Primum propter vim patriæ potestatis, de qua sup. diximus, ut non modo ex juris civilis regulis, verum etiam ex principum constitutionibus, liceret patri, si qua justa causa esse videretur, filiam à genero abducere, & matrimonium dissolvere. Deinde, quoniam edicto prætoris infamia notabatur filius, qui non jussu ejus, cujus in potestate est, uxorem duxerat. *l. 1. D. de his qui not. inf.* Tertio, quia Ulp. testatur, justam irarum causam videri etiam contra emancipatum filium, atque adeo contra nepotem ex eo susceptum, si filius injussu patris uxorem duxerit: &, si cum in suo testamento præterierit, ac velit nepos contra tabulas agere, judices ejus merita expensuros; nimirum, ut si justa irarum causa videatur, eum excludant. *d. l. 3. §. 5. D. contr. tab.* Neque obstat *l. cum te, 18. C. de inoff. test.* ubi dicitur,

tur, non fuisse justam causam exheredandi filiam, quod patri divortium imperanti parere nolisset. Primum, quoniam ex verbis legis intelligi non potest, neque utrum ea filiafa., an emancipata fuerit; neque, si filiafa. fuit, utrum consentiente, an dissentiente patre, nuptias contraxisset. Atque hæc quidem de filiisfa.. Nam, quod ad filias attinet, cum etiam in emancipatis & matris & propinquorum consensus requiratur, nequaquam dubium est, quin filiafa. minor annis 25, quæ non jussu patris nupserit, justam patri exheredationis causam præbuerit, non tantum novissimo jure, *d. Novell. l. 15.*, verum etiam antiquo. *arg. l. filia, 20. C. de inoff. test.* Sequitur tutorum & curatorum consideratio. Nam senatusconsulto cautum fuit, ut, qui tutor, curatorve, pupillam, adultamve, intra vicesimum & sextum annum suam duxit, filiove suo junxit, infamia notetur, & dotem datam restituat. *l. non est matrimonium, 66. D. h. t. l. si tutor, 7. C. de interd. matrim. l. 4. C. de excus.* Ubi juris istius æquitas hæc præfertur, Quoniam istis artibus tutelæ administratæ rationes conturbantur, & fraudes malæ administrationis reguntur. Quod idem traditur in *l. liberum, 64. & l. non solum, 67. §. 2. D. h. t.* Ejus autem S.C. sententia, quatenus produci aut arctari debeat, considerandum est. Produ-

citur

citur ergo hoc modo: Primum, ut etiam ad eos pertineat, qui tutores quidem non sunt, tutelæ tamen periculo suo nomine obstricti sunt; veluti, qui se falsis adlegationibus à tutela excusarunt. *l. si quis tutor*, 60. *eod.* Item, qui tutores honorarii fuerunt: nam ad hos quoque tutelæ periculum pertinet. *l. quod si forte*, 14. §. 1. *D. de solut.* Continentur etiam tutorum heredes, quamvis extranei: quippe qui reddendis tutelæ rationibus obstricti sunt. *l. libertum*, 64. §. 1. *D. h. t.* atque adeo, ejus qui tutor curatorve datus, non juste adpellaverit: quoniam præteriti temporis damnum, si quod pupilla sustinuit, debet agnoscere. *l. si quis tutor*, 60. §. *ultim. D. eod.* Item ad filios, siue in potestate sint, siue emancipati. *l. non est*, 66. *D. h. t.* & siue naturales, siue adoptivi; quamdiu scilicet durat adoptio. *l. quinetiam*, 55. *in fin. eod.* item, siue naturales, siue in adoptionem dati, atque in alienam familiam translati sint. *d. l. si quis tutor*, §. *quamvis*, & §. *naturales*. Item ad eorum nepotes. *l. senatusconf.* 59. *h. t.* Præterea non modo tutore vivo filius ab istis nuptiis arcetur, verum etiam post mortem ejus qui tutelæ rationes non reddidit. Item, siue ille heres exstiterit, siue abstinuerit, siue etiam exheredatus fuerit: quoniam fieri potest, ut patris bona, in eum collata, propter tutelæ rationes revocanda sint. *l. non solum*,

solum, 67. §. 1. *D. eod.* Similiter autem vice versa filiusf. tutor non modo patri suam pupillam nuptum dare prohibetur, verum etiam fratri, qui in ejusdem potestate est. *l. non solum*, 67. §. 2. *D. h. t.* Nam cum fratres, qui in ejusdem potestate sunt, quantum ad bonorum rationem, pro eadem persona censeantur; *l. frater à fratre*, 38. *D. de cond. indeb.* frater, qui pupillæ suæ, fratri suo nubenti, auctoritatem suam adcommo- daret, in rem suam auctor esse videretur, contra *l. 7. D. de auct. tut.* Nunc, quatenus S. C. sententia coerceri debeat, videamus. Nam, cum diserte ob tutelarum rationes factum sit; *l. non solum*, 67. §. 3. *D. h. t.* consentaneum est, primum, ut ad eos, qui aliis de causis debitores sunt, non producat; veluti ad eum qui pro tutore curatoreve negotia gessit, cum revera tutor curatorve non esset. *l. ult. C. de inter. matr.* item ad fidejussores nominatoresve tutorum, magistratusve qui eos dederunt; quamvis, tutoribus deficientibus, eorum periculum subeant. *l. etiam*, 3. *D. de fidejussor. & nominat.* item ad filiam pupillæ etiam ante rationes redditas defunctæ: quoniam non tutelar, sed hereditaria ratio est. *d. l. non solum*, §. penult. Similiter, cum hoc S. C. factum sit, ne res pupillorum familiaris intervertatur; *d. l. non solum*, §. 3. consentaneum est, ne tutores pupillis, curatoresve

resve adultis, filias suas nuptum dare prohibeantur, quia nullum potest ex ejusmodi matrimoniis periculum pupillaribus rationibus accidere. *l. libertum, 64. in fin. D. h. tit. l. curatorem, 5. C. de interdict. matrim.* item ne mater pupillæ cum filia suæ tutore, ipsiusve nubere filio vetetur. *l. 2. C. eod.* Hujus autem S. C. exceptiones tres reperio. Prima est, si puella à patre suo vel desponsata, vel testamento destinata sit suo tutori, ejusve filio. *l. si patris, C. de interd. matr. l. non est, 66. D. h. t. l. qui pupillam, 7. D. de adult.* Secunda est, si tutor rationes reddiderit, & puella annum ætatis 25. atque insuper annum utilem excesserit, intra quem petere in integrum restitutionem poterat. *l. quamquam, 62. §. ult. D. h. tit. d. l. qui pupillam, de adult. l. si patris, C. de nupt.* quem annum utilem Justinianus in continuum quadriennium mutavit. *l. ult. C. de temp. in int. restitut.* Tertia exceptio est, ut; qui suæ uxori curator absens & ignorans constitutus est, retinere uxorem possit; ita tamen, ut alium substituendum curet. *l. 4. C. de excus.* Nam etsi ejusmodi curatoris datio non valet, *l. maritus, C. qui dat. tutor.* tamen, qui non jure tutores curatoresve dantur, curare debent, ut alii sufficiantur; aut pupillorum propinquos, ut id faciant, admonere. *l. 1. §. ultim. D. de eo qui pro tut. l. tutores, 39. §. qui*

qui se, 2. D. de administr. tut. similiterque is, qui suæ nurui curator datus est, excusare se debet, dareque operam, ut alius curator constituatur. *l. licet, 17. C. de excusat. l. 3. C. de interd. matrim.* Sequitur ut de cognatione & adfinitate ex partitione nostra differamus. Verum quia juris hujus utriusque disputationi commodior alibi locus est; statim postremum caput, quod de adoptione est, adgrediemur.

CAPUT IV.

*De adoptione, qua nuptias vel impedit,
vel non impedit.*

ADOPTIO, adgnationis sive (ut jurisconsulti loquuntur) civilis cognationis species est. *l. 4. §. 2. D. de grad.* à jure tamen & ratione sanguinis plane aliena. *l. qui in adopt. 23. D. de adopt.* hoc est, ab omni veræ cognationis jure. *d. l. 4. §. 3. & l. si qua mihi, 12. §. ult. D. de rit. nupt.* Adfinitatem autem per adoptionem jure contrahi, alio loco ex eo probavimus, quod adfinitas juris naturalis est, adoptio vero civilis. qua de causa per minimam capitis minutionem adfinitas non tollitur. *l. 4. §. pen. D. de grad.* Abusive tamen adfinitatis nomina etiam in adoptione tribui, eodem loco demonstravimus. Itaque de nuptiarum jure
S hanc

hanc regulam proponemus, ut in linea directæ nuptiæ in infinitum interdictæ sint, non modo inter eas personas quæ adgnatorum jure sunt, sed etiam quæ cognatorum & adfinium nomen obtinent. Adgnatorum hoc modo: nam quæ per adoptionem filia neptisve esse cœpit, duci uxor non potest, etiamsi adoptio dissoluta sit. *l. quinetiam. 55. D. de rit. nupt. & §. ergo non omnes, Inst. de nupt.* Prioris juris æquitas orta ex nominum & adpellationum sanctitate videtur, ne, qui pater avusve dicitur, filiam, neptemve, in matrimonio habeat. Alterius vero hæc; pudoris & honestatis publicæ ratio: ne quæ suspicio nascatur, adoptatorem idcirco puellam emancipasse, ut, quæ clam placuerat, ea palam atque aperte frueretur. De adfinitate autem hoc jus est, ut patri adoptivo filii sui adoptivi uxorem habere in matrimonio non liceat, ne post emancipationem quidem: quoniam, ait Paulus, aliquando nurus ei fuit, vel potius quasi nurus. *in d. l. adoptivus, 14. D. h. t.* Quod eodem modo contra in reciprocatione servatur, ut filius adoptivus patris adoptivi uxorem, ne post emancipationem quidem, habere possit: quoniam, etsi nec matris loco ei est, nec cognata, *d. l. qui in adoptionem, D. de adoption.* tamen quasi novercæ locum apud eum obtinet. *d. l. adoptivus, in princ. & §.*

NUNC

nunc videamus, *D. de rit. nupt.* Cognationis autem nullam haberi rationem, ex eo constat, quod etiam uterinam patris adoptivi sororem ducere permittitur. *l. si qua mihi, 12. §. ult. D. de rit. nupt.* Videamus, an idem eodemque modo etiam de ipsius matre dici possit; quippe quæ omnino extranea est: nam neque illi adgnata est, cum ne patri quidem ipsius adoptivo adgnata sit; (mater, inquam, filio adgnata non est. *l. 7. D. de cap. min.* qua de causa dilucide Paulus scribit, eam aviæ loco filio adoptivo non esse. *d. l. 23. D. de adopt.*) neque vero cognata, & multo minus adfinis. Nam, cum per adoptionem cognatio non contrahatur, sequitur, ut neque patris adoptivi mater, neque ipsius cognati, adoptivo filio cognati sint. *d. l. 4. §. 2. D. de grad.* Quibus enim adoptatus adgnatus non fit, his nec cognatus fit. *l. qui in adoptionem, 23. D. de adopt.* Quid verbis opus est? Nam etiam patris adoptivi pater adoptato extraneus est; vicissimque nepos à filio adoptatus, patri adoptatori alienus est. *l. patris, 7. l. sed si hoc, 10. §. parentes, D. de in jus voc. l. quem filius, 26. D. de adopt.* quippe cum adoptare filiusf. non possit, sed is solus qui emancipatus est. nam, qui in sua ipse potestate non est, quomodo alios haberet? *l. si adrogatus, 22. D. de adopt.* Adversari tamen graviter videtur Caius, in *d. l.*

quinetiam, §. 1. ubi diserte scribit, Patris adoptivi matrem duci uxorem non licere. *quinetiam* adscribit, Tantisper eas nuptias prohiberi, dum adoptio permanet: nam hac dissoluta illam fieri extraneam. Quod sane (pace Caii jurisconsulti dixerim) perabsurdum videtur; cum, ut antea docuimus, ne constante quidem adoptione, ullum vel adgnationis, vel cognationis, vel adfinitatis jus haberet. Ne multis morer; potius, quam Caium tantæ incogitantiae arguamus, existimarem, dicendum esse, cum ipse *amitam* scripsisset, primum oscitantem librarium scripsisse *matrem*, mox alterum semidoctum ad glossam adjecisse *aut materteram*: errore consimili, quem nunc omnes agnoscunt apud eundem Caium, & eod. ad edictum lib. 1. *per adoptionem*, 17. *in fin. D. eod. tit.* ubi pro *amitam* absurdissime in vulgatis libris omnibus legebatur *materteram*. quod mendum primus Haloander animadvertit: post Florentini Codicis auctoritate sine controversia sublatum est. Hujus autem emendationis nostræ causa hæc est, quoniam utraque illi extranea semper fuit: nam neque mater, neque matertera patris adoptivi ullo vel adgnationis vel cognationis vel adfinitatis jure adoptato tenetur. quippe cum (quantum ad materteram attinet) ne uterina quidem ad-

optivi

optivi patris soror, quæ adoptivo filio matertera esse deberet, si qua inter illos cognatio contracta fuisset, ulla necessitudine illi devincta sit. *l. si qua mihi, 12. §. ult. D. eod.* Similiterque, in reciprocatione, Ulpianus eodem loco scribit, adoptivæ sororis filiam mihi esse extraneam, uxoremque duci etiam constante adoptione licere: quoniam, inquit, per adoptionem fieri avunculus non potest: non igitur matertera, nec matertera magna, nec major, nec maxima. vicissimque, pari eademque reciprocatione, sororis filius, nepos, pronepos, filia, neptis, pro extraneis habentur. Longe vero diversa ratio est & filiæ & sororis consanguineæ, & amitæ patris adoptivi, itemque neptis ex ipsius filio; de quo Caius eodem loco scribit: nam inter adoptatum & illas personas agnatio contracta est. De filia patris adoptivi testimonium est in *l. qui in adoptionem, 23. in fin. D. de adopt. l. si stipuler, 35. D. de verb. obl. l. per adoptionem, 17. D. de rit. nupt. & §. 5. Inst. de nupt.* ubi propterea suaderi dicitur iis, qui generum adoptare volunt, ut prius filiam emancipent; qui nurum, ut filium; ne videlicet soror fratri nupta videatur. alioqui generi nurusve adoptione matrimonium perimitur. *l. non solum, 67. §. 3. D. de rit. nupt.* ac Dio, lib. 60., memoriæ prodidit, Claudium, cum fi-

liam suam Neroni à se in filii locum adoptato collocare vellet, filiam prius emancipasse, ne fratri, inquit, sororem dare uxorem videretur. De sorore consanguinea patris adoptivi, quæ filio adoptivo amita est, testimonium est *in d. l. per adoptionem, in fin.* argumentum vero apertissimum *in d. l. si qua mihi, 12. in fin. D. eod.* Duobus autem modis amita mihi esse adoptiva potest: primum, si meus avus filiam adoptarit; deinde, si, qui me in nepotis locum adoptarit, filiam habeat. Jam, de amita patris adoptivi testimonium exstat *in d. l. per adopt. §. ult.* ubi adoptatus vetatur amitam magnam uxorem ducere. quod tamen de eo adoptato intelligendum est, qui patris morte, non autem emancipatione sui juris factus est: quia non modo patris amita, verum etiam soror consanguinea, per ipsius emancipationem illi fit extranea. quo casu illam sine dubio ducere adoptatus uxorem poterit, ut modo intellectum est ex *l. 7. & l. sed si hac, 10. §. parentes, D. de in jus voc.* De nepte ex filio, cui cum adoptato connubium non est, testimonium est *in d. l. quinetiam, §. 1.* argumentum vero ex reciprocatione *in d. l. per adoptionem, §. ult.* quoniam par eademque ratio est patruï adoptivi, & amitæ adoptivæ, & filii filiæque fratris adoptivi. Quod cum ita sit, ingenue fateor, à me non intelli-

gi, quo jure Maximianus in Panegyrico, ipsi & Constantino dicto, laudetur, quod filiam suam Constantino, in nepotis locum adoptato, in matrimonium collocavit: nisi dicamus, eam prius à Maximiano emancipatam fuisse: O *divinum*, inquit, *tuum*, *Maximiane*, *judicium*, *qui hunc tibi jure adoptionis nepotem*, *majestatis ordine filium*; *etiam generum esse voluisti*! Atque hoc quidem constantis adoptionis jus, est in transversis gradibus & adgnatis personis idem quod in directis gradibus: at ejus dissolutæ jus plane diversum est: nam in directa linea prohibitio nuptiarum etiam post dissolutam adoptionem durat, in transversa remittitur. *l. si quis*, 9. §. *ult. D. de lib. & post. l. per adoptionem*, 17. *D. h. t. §. 2. Inst. de nupt.* Cujus rei ratio prima specie esse hæc videtur, quoniam adoptatus per emancipationem efficitur extraneus, *d. l. quinetiam*, & *d. l. si stipuler*, *D. de verb. obl.* & quia, ut ait Ulp., post emancipationem in totum familiæ adoptivæ obliviscuntur. *l. si quis tutor*, 60. §. 6. *D. eod. l. 1. §. liberos*, *D. si tab. test. null.* Sed videamus, anne hoc idem etiam de patre & adoptata filia, & postea emancipata, dici possit, commodiorque & certior ratio hinc sumenda sit; quia, cum matrimonium cum filia jure gentium incestum sit, consentaneum videtur, propter illius nomi-

nis sanctitatem etiam ab emancipatæ nuptiis abstinere: at cum sororis nuptiæ solo civili jure incestæ habeantur, ut suo loco demonstravimus, nihil absurdi sit, institutum juris civilis, contrario ejusdem juris instituto, abrogari. *l. 8. D. de cap. minut.*

C A P U T V.

*De jure cognationis, quoad nuptias,
ex jure civili Rom.*

PROXIMUM est, ut de cognationis jure videamus. Qui locus aliquanto mihi, quam vulgo creditur, difficilior videtur. Nam, utrum lege aliqua populi R. certa jus istud definitum fuerit, an moribus tantum, & veteri consuetudine, difficile dictu est. De sororis nuptiis leges fuisse dicuntur *in l. si stipuler, 35. §. 1. D. de verb. obl.* cujus tamen in extremo *mores* nominantur, itemque *in l. 8. & l. sororis, 39. §. 1. D. h. t.* Quinetiam, *Si quis*, inquit, *ex his, quas moribus prohibemus uxores ducere, incestum committit.* At Corn. Tacitus, *lib. 12.*, Claudium Imp. ita loquentem facit: *At enim nova nobis in fratrum filias conjugia. sed aliis gentibus solennia, nec lege ulla prohibita. & sobrinarum, diu ignorata, tempore addito percrebuisse. morem adcommodari prout conducatur: & fore hoc quoque in his qua mox usurpentur.*

Cre-

Credibilis igitur est, jus antiquum de castis incestivæ nuptiis, totum pontificium fuisse. Itaque Tacitus, lib. 1., *Consulti per ludibrium pontifices*, inquit, *an concepto, nec dum edito partu, rite nuberet*. Quod idem pluribus verbis exponit Dio lib. 48., consultos à Cæsare pontifices, an Liviam Neronis uxorem gravidam sibi in matrimonium accipere liceret. Neque obstat, quod Paulus, in d. l. 35. de ver. obl. leges adpellat. nam probabile est, nonnullas leges, quæ ad jus pontificium adcommodatæ essent, latas de nuptiarum jure fuisse. quod etiam paulo post ex Plutarchi lib. de Ro. quæstionibus cognoscetur. Age, cetera videamus. Nam jus R. tribus regulis comprehendere potest. Quarum prima hæc est: Inter eas personas, quæ parentum liberorumque locum obtinent, in infinitum nuptiæ jure gentium incestæ ac nefariæ sunt. §. ergo, D. h. t. Dixi, *jure gentium*: quoniam, etsi veteres historiarum memorant, ejusmodi nuptias apud Assyrios, Persas, Medos, Parthos, Æthiopas, Indos, aliasque præterea nonnullas gentes, probatas atque usurpatas fuisse; tamen, cum eas gentes Romani pro barbaris & humanitatis expertibus haberent, juris gentium nomen ad eas non produxerunt. Sequitur secunda regula: Inter eas personas, quæ à latere sunt, fratris & sororis nuptiæ jure gentium

incestæ sunt : patrui vero & amitæ, avunculi & materteræ, jure civili tantum : idque in infinitum. De fratribus & sororibus testimonium exstat *in l. libertinus, 8. juncta l. sororis, 39. D. h. t.* Et certum est, apud complures exteras gentes, & barbaras, hujusmodi fratrum sororumque permissas nuptias fuisse. Quod autem de fratrum sororumque nuptiis constitutum est Romano jure, intelligendum est non modo de germanis, id est, ex utroque parente susceptis, verum etiam de consanguineis, hoc est, eodem patre natis, atque etiam de uterinis, id est, ex eadem matre susceptis. §. *inter eas, 2. Inst. de nupt.* adeo ut ne vulgo quidem quæsitæ sorores ducere liceat. *l. & nihil, 64. D. h. tit.* Porro de patrui, avunculis, amitis, materteris, impeditiior aliquanto disputatio est: magnum enim video nuper inveteratum errorem patefactum fuisse, de patrui & fratris filiæ nuptiis : cum par idemque antehac putavimus, jus esse de iis, quod est de avunculi & sororis filiæ conjunctione; quam jure civili, non gentium, Papin. incestam nominat, *in l. ult. D. de cond. sm. caus. & l. si adulterium, 38. §. 1. D. ad leg. Jul. de adult. l. etiam, 56. D. h. t.* qua de causa non matrimonium, sed contubernium adpellatur, *in l. miles, 11. §. 1. D. ad leg. Jul. de adult. & l. qui in provincia, 57. D. h. t.* Sed ex fragmentis veterum juriscon-

jurisconsultorum, nuper editis, intellectum atque animadversum est, leges illas omnes proprie & præcise ad sororis filiam pertinere. nam, qui locus in Ulpian. regulis mendosissime legebatur, nunc illorum Collectaneorum beneficio sic restitutus est: *Inter cognatos autem ex transverso gradu olim quidem usque ad quartum gradum (sic enim illo loco restituendum est) matrimonia contrahi non poterant: nunc licet uxorem ducere, sed tantum fratris filiam, non etiam sororis; nec amitam, nec materteram; quamvis eodem gradu sint.* Itaque continenter ex Paulo locus hic profertur: *Inter parentes & liberos matrimonia contrahi non possunt: nec filiam sororis aut neptem ducere possumus.* Itemque ex Papiniano ille: *Qui sororis filiam uxorem duxerat per errorem, antequam praeveniretur à delatore, diremit certum, &c.* Quinetiam imperatorum Maximiani & Diocletiani rescriptum subjicitur, quo, ex latere, amitæ tantum & materteræ, sororisque filiæ, & ex ea neptis, nuptiæ nominatim prohibentur: nulla de patruo, vel fratris filia mentione interposita. Quibus ex locis perspicitur, quod etiam à doctis. J. C. Pithæo animadversum est, eorundem Impp. rescriptum, quod à Triboniano relatum est in l. *nemini*, 17. C. de nupt. interpolatum ab eodem fuisse, atque his verbis ex novo Con-

stantini jure amplificatum: *præterea fratris filia, & ex ea nepte*. Quid ergo est? dicit aliquis: Cum Jurisconsulti scribunt, avunculi, amitæ, & materteræ nuptias idcirco incestas esse, quod illæ personæ parentum locum ac numerum obtinent, *l. sororis, 39. D. h. t. §. item amitam, 5. Inst. de nupt.* an patrum ex eo numero excludunt? Sane illud scire oportet, antiquo jure ac moribus, non minus patrum quam avunculum, parentis loco numeratum: ejusque nuptias pro incestis habitas fuisse. Cujus rei argumento est illud Catulli Epigramma ad Aufilenam:

Aufilena, viro contentam vivere solo,

Nuptiarum una est è laudibus eximiis.

Sed cui vis quamvis potius succumbere fas est,

Quam matrem fratres efficere ex patruo.

Nam liberi ex eo concubitu suscepti, suæ matri & filii & fratres patruales efficiuntur. Sed, cum Claudius imperator Agrippinam, Germanici fratris sui filiam, deperiret, eamque sibi justo matrimonio sociare cuperet, à senatu decretum efflagitavit, quo ejusmodi matrimonia justa pronunciata sunt: ut Sueton. *in illius vita*, & Tacit. *lib. 12.*, & Zonaras *tom 2.* testantur. Unde intelligitur, ea matrimonia usque ad illud tempus incesta nefariaque habitas fuisse. *Factum*, inquit Tacitus, *inter Claudium & Agrippinam matrimonium jam fama, jam amore illicito*

illicito firmabatur : nec dum celebrare solennia nuptiarum audebant. nullo exemplo deducta in domum patrui fratris filia. quin & incestum , ac, si sperneretur , ne in malum erumperet publicum , metuebatur. Suetonius autem, Verum, inquit, Agrippina, Germanici fratris sui filia, per jus osculi & blanditiarum occasionem pellectus in amorem, subornavit proximo senatu, qui censerent , cogendum se ad ducendam eam uxorem , quasi Reip. maxime interesset : dandamque ceteris veniam talium conjugiorum , que ad id tempus incesta habebantur. & aliquanto post : Ducturus contra fas Agrippinam uxorem, &c. Qua de causa Seneca in Octavia his versibus illas nuptias execratur :

Genitamque fratris conjugem captus sibi.

Toris nefandis flebili junxit face.

Hoc autem S.C. jus annos circiter ducentos quinquaginta duravit , hoc est , usque ad Constantini & Constantis imperium. Nam Capitolinus, in Anton. Philos., *Filiam suam Lucillam*, inquit, *fratri despondit.* Ergo Impp. illi primi nefarium illud jus abrogarunt, & capitis pœnam ei incesto imposuerunt, *l. 1. C. Th. de incest. nupt.* Eamque illorum constitutionem à consuetudine (ut credi par est) neglectam renovavit Imp. Zeno. *l. ult. C. de incest. nupt. itemque l. ult. C. si nupt. ex rescr. pet.*

Ex quibus, quantam labem unius tyranni infania, quantumque vitium in jus civile importarit, facile intellectu est. Quod eò etiam absurdius fuit, quia, cum patruì & fratris filix nuptiæ permitterentur, amitæ tamen & fratris filii matrimonium interdictum erat. *l. per adoptionem, 17. §. 1. D. h. t. §. item amitam, Inst. de nupt.* Ubi hæc ratio adscribitur, quia parentis loco est; proinde quasi patruus illo S.C. ex parentum numero sublatus esset. contra *l. 2. §. 1. D. de usufr. ear. rer.* Sed & Tacitus, *lib. 16.* testatur, amitæ consortium pro incesto habitum fuisse: ubi scribit, Neronem Silano accusatores submisisse, qui eum incesti postularent, quod cum amita sua Lepida rem habuisset. Quid ergo est, dicet aliquis, quod Xiphilinus in *Nerva* ita scribit? *Ενομοθέτησε δὲ καὶ ἀδελφιδῶν γαμεῖν.* Sane *ἀδελφιδῆς* nomen tum in fratris, tum in sororis filiam convenire, & Pollux & Hesychius testantur. Quare, cum de fratris filix interdictis nuptiis mentionem jurisconsulti nullam faciant, sed de sororis filia præcise tot locis commemorarent; credibile est, *ἀδελφιδῆς* nomen ad sororis filiam referendum esse: quam corrupte Ambrosius *neptem*, Æl. Spartianus *neptem per sororem* adpellat. nam, cum Xiphilinus de Adriano dixisset, *Τραϊανὸς ἀδελφιδῶν ἐγαγαμήκετ'* ille, *Traiani*, inquit, *per sororem neptem*

neptem uxorem accepit. Utcunque sit, tantum apud Romanos etiam perditissimis moribus, & seculo corruptissimo, sanguinis reverentia valuit, ut iidem auctores testentur, peradmodum paucos fuisse qui Claudii exemplum imitarentur. Quinetiam de Domitiano Tranquillus scribens: *Fratris filiam, adhuc virginem, oblatam in matrimonium sibi, pertinacissime recusavit.* Superest illa quaestio, Quid sit, quod, cum antiquo jure fratris filiam ducere liceret, Caius tamen ita scribat: *Patris adoptivi mei neptem ex filio uxorem ducere non possum.* l. quinetiam, § 5. §. 1. D. h. t. Nam, si naturalis fratris filiam ducere licuit, quanto magis adoptivi? Quid igitur, si legeremus, *neptem ex filia*? Sed perspicue refragatur l. si qua mihi, 12. §. ult. eod. Verius igitur est, quod contra juris rationem, & pudorem, & antiquum morem, receptum fuerat, restringendum potius, quam producendum fuisse. l. quod vero, 14. D. de legib. l. qua propter, 162. D. de reg. jur. Atque id exemplum, ut insigne & eximium, ac singulare, notandum puto; simulque deridendam Sisinii cujusdam Orientalis patriarchæ stultitiam: qui, cum de gradibus cognationis & adfinitatis, interdictisque nuptiis, non minus verbose quam confidenter in libro juris Orientalis secundo garriat; tamen ausus est adfirmare, nulla scripta lege

nomi-

nominatim interdictum, ne fratres fratrum filias in matrimonium accipiant: cum tamen *libro Basilic. 28.* multis, non modo tertius ille gradus, verum etiam quartus, qui consobrinorum est, itemque sextus, quo sobriini continentur, diserte prohibeatur. Sequitur tertia regula: Inter patruales, amittinos, consobrinos, nuptiæ novissimo civili jure permissæ sunt. §. *duorum, Inst. de nupt. l. celebrandis, 19. C. de nupt.* Varia autem & multiplex hujusce juris ratio observanda est. Nam antiquissimis temporibus ea conjugia injusta incestaque habita sunt, ut ex Cor. Taciti lib. 12. paulo ante demonstratum est: *Et sobrinarum, inquit, diu ignorata conjugia tempore addito percrebuerunt.* Itaque Plutarchus in *Romanis questionibus*, Πρώτερον, inquit, ὅτε ἐγάμεν πᾶς ἀφ' αἵματος, ὥσπερ ὁδὲ νῦν πλὴν ὁδὸς ὁδὲ ἀδελφῶν γαμέουσιν· ἀλλ' ὁπὲρ συνέχωρησαν ἀνεψιwaὶς συνοικεῖν. Prius, inquit, non accipiebant in matrimonium qua sanguinis ejusdem erant, ut ne nunc quidem amisas, aut materteras, aut sorores accipiunt: sed sero consobrinarum nuptias permiserunt. Deinde adscribit, cum quidam ad populi judicium ob consobrinæ matrimonium vocatus fuisset, absolutum; legemque latam, ut cum consobrinis connubium esset, propiore gradu non esset. Ἐνφυσία, inquit, πᾶσι ἐξείναυ γαμεῖν· ἄλλοις ἀνεψιwaὶς,

ψαῖν, πὲ ᾧ ἀνωτέρω κεκωλυῖται. Quamquam
 reperiō, eorum conjugiorum consuetudinem
 etiam ante Plutarchi tempora percrebuisse:
 atque hoc jus nequaquam tum fuisse, sed in
 eorum, qui abstinebant, continentia potius
 quam in certa lege positum fuisse. Nam &
 Cicero *pro Cluentio* ait, ejus sororem Meli-
 no consobрино suo nupsisse. Idemque Plu-
 tarchus scribit, Brutum Catonis avunculi
 sui filiam in matrimonio habuisse. Sed &
 Sueton. *in August.*, & Dio *lib. 53.* memo-
 riæ prodiderunt, Augustum filiam suam
 Juliam Marcello Octaviæ sororis suæ filio
 nuptum collocasse. Et Quintil., *lib. 6.*, fi-
 lium suum, immatura morte sibi ereptum,
 lugens, avunculo eum destinatum generum
 fuisse ostendit. Capitolinus de Antonino
 Philosopho, *Habuit uxorem*, inquit, *An-
 niam Faustinam, consobrinam suam.* Atque
 hinc videlicet illa Ulpiani regula nata est, vul-
 go in jure tanquam per manus tradita, Inter
 cognatos usque ad quartum gradum connu-
 bium non esse: quemadmodum sup. demon-
 stratum est. Quartum autem gradum juris-
 consulti, posita sumtaque superiore regula, in-
 telligebant, quæ inter eas personas, quæ pa-
 rentum liberorumque locum obtinent, con-
 jugia prohibuit: sicuti superius docuimus.
 Quasi hanc regulam ita concepissent: Extra
 eas personas, quæ parentum liberorum-
 que

que locum obtinent, connubium quarto gradu permittitur. Itaque, cum amitæ materteræque magnarum, itemque sororis neptis, conjugium prohibent, clausulam hanc subjungunt: *Quamvis quarto gradu sint. l. per adoptionem, 17. D. h. tit.* ejusque consobrinorum matrimonii crebra in libris nostris mentio fit. veluti in *l. 3. l. non solum, 67. §. 1. D. h. tit. l. uter, 23. & l. sequent. D. de condit. inst. l. Lucius, 78. §. filiam, D. ad Trebell. ac præsertim in l. 2. C. de inst. & subst.* ubi Antoninus scribit, Cassiam quandam probabili consilio sub hac conditione institutam, *Si consobрино nupsisset.* Primus, ut opinor, Theodosius major eas nuptias prohibuit, ut ipsius filius testatur in *l. un. C. Th. si nupt. ex resc. pet.* Itemque Sex. Aurelius Victor: *Tantum, inquit, pudori & continentia tribuens, ut consobrinarum nuptias vetuerit, tanquam sororum.* Eandem autem constitutionem ejusdem filii Arcadius & Honorius, primo imperii sui anno, confirmarunt, uti patet ex *l. 3. C. Th. de incest. nupt.* quæ tamen à Triboniano concisa & mutilata in Codicem Justinianum relata est. *l. si quis incesti, C. de incest. nupt.* Verum iidem, aliquot annis interjectis, & sua & patris constitutione abrogata, nuptias illas comprobarunt. *Celebrandis, inquit, inter consobrinos matrimoniis licentia, legis hujus*

jus salubritate, indulta est: ut revocata prisci juris auctoritate, restinctisque calumniarum fomentis, matrimonium inter consobrinos habeatur legitimum, siue ex duobus fratribus, siue ex duabus sororibus, siue ex fratre & sorore nati sunt; & ex eo matrimonio editi, legitimi, & suis patribus successores habeantur. l. celebrandis, 19. C. de nupt. Verum ecce rursus aliam mutationem, cum, qui illis successerunt, Impp. Honorius & Theodosius, eas nuptias, quasi communi jure damnatas, ex rescripto petendi potestatem fecerunt; patris, ut aiunt, exemplum imitati. l. 1. C. Th. si nupt. ex rescr. pet. cujus rescripti formulam videre licet apud Cassiod. Variar. lib. 7. Utrum autem jus Imp. Justinianus in Instit. suis sit secutus, liquido adfirmare non possumus. nam cum illam constitutionem in suum Codicem inseruit: in Inst. tum etiam, *Duorum autem, inquit, fratrum vel sororum liberi, vel fratris & sororis, conjungi possunt.* qui tamen locus cum in optimo Tigurino libro, tum etiam apud Theophilum, adjecta negatione legitur. quinetiam lib. βασιλικ. 28. ubi prohibita nuptia commemorantur, ita scriptum est: Ο μὲν γὰρ ἐκ τῶν θυγατέρων ὁ θείας, ἢ τῆς θείας, τέττις τῶν ἐξαδελφῶν μου. ἀλλ' ἐκ τῶν υἱῶν μου τῶν ἐκ τῶν αὐτῶν, οἵτινες λέγονται δισσεξάδελφοι. Similiter, inquit, neque patrui vel amita filiam, hoc est, consobri-

nata

nam meam: quin nec filius meus neptem ipsorum, qui inter se sobrini dicuntur.

CAPUT VI.

Intra quem cognationis gradum pie contrahi conjugia possint.

SED jam considerandum est, quæ leges pie in ecclesia Christiana de cognatorum conjugiiis instituendæ sint. Nam & Orientales & Occidentales in eo convenisse video, ut, quo longius personæ, de quarum conjugio quæritur, à genarcho distant, eo minus inter se cognatæ & consanguineæ videantur. Itaque passim in illo jure Orientali & Basilicis libris videre licet patriarcharum & episcoporum responsa, quibus nuptiæ intra septimum gradum prohibentur. Ut in decreto Demetrii Chomateni: *Ἡ τὴν ἐκ πλαγίᾳ δι᾽, μέχρι καὶ ἐξ ὁμοῦ βαθμῆ τῶν κάλυψιν ἔχουσα, ἐκ τὸτε τοῖς βυλομύθοις συνάπτειται τὸ ἄνετον ὡς καὶ τὸ νόμον λαμβάνει καὶ ἀνεμπόδιον. Ordo eorum, qui ex obliquo sunt, usque ad septimum gradum prohibitionem habens, postea copulari matrimonio volentibus facultatem à lege sumit. Apud Romanistas autem, ante Innocentii tertii protopapatum, connubium intra septimum gradum non fuit. De adfinitate consanguinitatis, inquit Gregorius, per gradus cognationis*

*nis placuit usque ad septimam generationem
 observare.* Nam & hereditates rerum, per
 legales definitiones sancitæ, usque ad septi-
 mum gradum protendunt heredum succes-
 sionem. Non enim succederent, nisi de pro-
 pagine sanguinis eis deberetur. *c. de adfinita-
 te, 35. q. 2. & q. 3.* idemque pluribus ver-
 bis commemoratur *in c. nullum, c. proge-
 niem, c. de consanguinitate, & quatuor seqq.*
 Sed multo verbosius, *55. q. c. ad sedem:* ubi
 Alexander, protopapa secundus, diris devo-
 vet, ac perpetui gladio anathematis eos ju-
 gulat, si quis eam legem abrogarit; causam-
 que duobus locis aperte describit: *Quoniam,*
*inquit, secundum Canones consanguinitas se-
 ptimo gradu terminatur.* At Innocentius III.
 Alexandri fulmen & minas nihil veritus, eam
 legem ad quartum gradum restrinxit. *Non
 debet, inquit, reprehensibile judicari, si secun-
 dum varietatem temporum, statuta quando-
 que varientur humana; præsertim cum ur-
 gens necessitas, vel evidens utilitas, id expo-
 scit: quoniam ipse Deus, ex his quæ in vete-
 ri testamento statuerat, nonnulla mutavit in
 novo.* Cum ergo prohibitiones de conjugio in
 secundo & tertio adfinitatis genere minime
 contrahendo, & de sobole suscepta ex secundis
 nuptiis cognationi viri non copulanda prioris
 & difficultatem frequenter inducant, & ali-
 quando periculum pariant animarum; cum
 cessante

cessante prohibitione cesset affectus, constitutiones super hoc editas, sacri adprobatione concilii, revocantes, presenti constitutione decernimus, ut sic contrahentes de cetero libere copulentur, prohibitio quoque copula conjugalis quartum consanguinitatis & adfinitatis gradum de cetero non excedat. Quaternarius vero numerus bene congruit prohibitioni conjugii corporalis: quia quatuor sunt humores in corpore, qui constant ex quatuor elementis. c. pen. ext. de consanguin. Eius autem erroris, quod videlicet cognatio septimo gradu terminetur, causa hæc fuit, quemadmodum superius demonstratum est, quoniam apud jurisconsultos legerant, ubi de naturali cognatione quæritur, non facile septimum gradum excedi: partim quia vix ultra eum gradum cognatorum vita consistit, l. 4. D. de gradib. partim quia in sexto gradu cognatorum nomina deficiunt. ultimi enim cognatorum gradus sobrinorum sunt, ut ait Paulus in l. ultim. §. ultim. D. eod. & lib. sentent. 4. tit. 11. Verum intelligere debebant, cum cognatio sit sanguinis communio, ut initio dictum est; inter quascunque personas sanguinis communio est, quantumvis longinqua sit, tamen inter eos cognationem intercedere. Itaque nihilo minor inter sobrinos cognatio est, qui sex invicem gradibus discrepant, aut sobri-

nis

nis natos, qui octo, quam inter fratres, qui duobus duntaxat. ut in rivulis uno ex capite accersitis, & quantumvis longe diductis, non minor, ut ita dicam, aquæ cognatio est, quam ubi inter se proximi sunt : & in arbore rami quantumvis disjuncti, non minus inter se succi communionem habent, quam qui trunco sunt proximi. Quod vero de sexto gradu à Jurisconsultis scriptum est, non eo pertinet, quasi cognatio, id est, sanguinis communio, eo gradu desinat; nam etiam ad decimum gradum adgnationis, ac proinde cognationis nomine, hereditates jure civili deferuntur : sed, quia, cum jus civile solis adgnatis hereditates detulisset : cognatos nullo numero habuisset ; prætor autem, jus civile corrigens, ad successionem eos vocasset ; non ultra sextum gradum eos edicto suo comprehendit. §. *ultim. Institut. de succes. cognat. l. pen. D. und. cogn.* Veruntamen, dixerit quispiam, cum in lege divina conjugium inter certas personas prohibeatur, ceteris permittatur ; an non ibi desinere cognationem ostenditur, ubi prohibitio desinit ? Responsio in promptu est : aliud videlicet esse propinquitatem, aliud cognationem. Matrimonium inter propinquos lex divina vetat ; inter cognatos non vetat. Itaque Moyses non scripsit, *Ne quis ad cognatum* ; sed hoc modo, *Ne quis ad propinquum*

pinquum sua carnis accedat; cum videlicet Israelii incesta apud Ægyptios conjugia vidissent, ut in procemio legis ostenditur. Cujusmodi etiam illud Atheniensium institutum fuit, de quo est apud Terent. in *Phorm.*

Lex est, ut orba, qui sunt genere proximi, his nubant: & illos ducere eadem hac lex jubet.
Itemque in *Adelph.*

— *Hac virgo orba est patre:*

Hic meus amicus illi genere est proximus:

Huic leges cogunt nubere hanc. —

Propinquorum igitur matrimonia lex divina prohibet, non cognatorum. Itaque *Gen. 24.* videmus, Abrahamum Isaaco filio uxorem summo studio petere ex gente & cognatione sua, Rebeccam scilicet, Labanis sororem, qui Nachoris, fratris Abrahami, erat nepos; Bethuelis, Isaaco consobrini, filius. Item, *ejusdem lib. cap. 28.*, Isaacus Jacobum in Mesopotamiam mittit, ut inde uxorem ex sua cognatione adducat: ducitque Rachelem Labanis avunculi sui filiam. Et *Num. ult. cap.* lex fertur, ut puella heres in paterna tribu & cognatione nubat: simulque puellæ aliquot patruorum suorum filiis matrimonio junguntur. Quinetiam jus hoc fuit, ut adgnato sine liberis mortuo, proximus quisque prolem ei ex uxore superstite excitaret, *Ruth. cap. 3.*

Qui

Qui vero propinquorum numero sint, non cujusquam homine nati, sed solius Dei judicium est: qua de causa Deus eadem lege illos ordine nominatim enumerat; ut facile intelligatur, quos non enumerat, propinquorum numero habendos non esse: quoniam, ut dici solet, quod lege prohibitoria vetitum non est, permissum intelligitur, *l. mutus, 43. §. 1. D. de procur. l. qui accusare, 8. D. de accusat.* Sed locus postulat, ut singula divinæ legis capita exponamus.

CAPUT VII.

Legis divinæ capita, quæ ad nuptias cognatorum pertinent, exposita.

I. Patris tui matrisve tuæ nuditatem ne detegito: mater tua est; ne detegito nuditatem ejus. Levit. 18. Levit. 20. Hoc primo capite duo animadvertenda sunt. Primum, quia propinquorum nomina relativa sunt, neque alterum sine altero intelligitur; cum lex, patris, matris, conjugia prohibet, simul filii filiæque matrimonia interdicere: quod etsi hoc principio facile intellectu fuit; tamen ad reliqua hujus legis capita, via nobis hoc præcepto munienda visa est. Pater igitur hoc capite filiam ducere uxorem vetatur; mater filio nubere: vicissimque filia patri nubere, filius matrem ducere. Alterum

T

autem

autem observatu dignum est, quod, quamvis ceteris insequentibus capitibus nusquam virile genus usurpetur, quasi apud solos viros hæc lex promulgetur; tamen, cum hoc primo capite pater nominetur, in ceteris, ex relationis natura, virile quoque genus subaudiendum esse. Ut, cum ita dicitur, *Ne quis amitam aut materteram uxorem ducat*, sic accipiatur, quasi etiam dictum esset, *Ne qua patruo aut avunculo suo nubat*. Postremo legis clausula notanda est. Nam illis verbis, *mater tua est*, legis ratio & æquitas demonstratur. quasi scriptum ita esset: Cum natura ipsa doceat, patri & matri reverentiam deberi, contra naturam esse, si quis eorum pudorem violaret, si quis eorum fœditatem nudaret. Quod accidit Chamo, Noachi filio; quem ob eam causam pater cum progenie sua detestatus est: *Gen. 9. 22.* itemque duabus Lothi filiabus; quarum idcirco suboles detestabilis fuit: *Gen. 19. 31. II. Nuditatem neptis tua ex filio, vel ex filia, ne detegito; nuditas enim tua sunt.* Cum avus prohibetur neptem ex filio filiave uxorem ducere, vi relationis nepos aviam paternam maternamve ducere prohibetur. Legis autem æquitas his indicatur verbis: *nuditatem enim tua sunt.* quod non modo ad hoc, verum etiam ad superius caput referendum est: ut pater filiæ, avus neptis fœditatem nudans, suam

suam ipsius fœditatem nudare, suum ipsius pudorem, id est, quem æque carum ut suum ipsius habere debuerat, abjicere videatur.

Ceterum quod de avo & nepte statuitur, idem de proavo & pronepte sine dubio intelligendum est. quod cum æquitatis paritas demonstrat, tum etiam ætatum ratio: ut nihil ad hanc rem demonstrandam adjectione opus fuerit. III. *Sororis tua nuditatem, sive illa ex utroque parente tuo, sive ex alterutro tantum nata sit, ne detegito.* Levit. 18. 9.

Item 20. 17. Deut. 27. 22. Tres sororum species significat. Nam aliæ ex eodem patre & matre, aliæ ex eodem patre tantum, aliæ ex eadem matre tantum gignuntur; ut superius suo loco docuimus. Duobusque recentibus doctissimis interpretibus adsentior, ut, quod Hebraice scriptum est, *sive domestica cognationis, sive extranea sit*, sic accipiat, ut domesticæ cognationis nomine paterna, extraneæ materna intelligatur; quoniam liberi patrem sequuntur, mater autem familiæ suæ & caput & finis est, ut ait l. pronuntiatio, 195. in fin. D. de verb. signif. IV. *Amita tua nuditatem ne detegito; patris enim tui propinqua est. Matertera tua nuditatem ne detegito; matris enim tue propinqua est.* Levit. 19. 12. 13. 14. Levit. 20.

19. Cum fratris filius amitam, sororis filius materteram ducere uxorem prohibetur, vi

ipsa relationis & analogiæ, vicissim patruus fratris, avunculus sororis filiam ducere prohibetur: primum, quoniam, ut superius diximus, brevitatis causa solius virilis sexus mentio fit: deinde, quia subjecta legis ratio æque in illis valet; quod videlicet, ut amita & matertera, sic etiam patruus & avunculus, parentis locum obtinent. Huc accedit nominum cognationis & adfinitatis (quæ sancta quodammodo habenda sunt) confusio: nam, ut, si quis amitam duceret; patrem adfinis, &, ut ita dicam, sororii haberet loco: soror autem fratri nurus efficeretur; frater sorori socer. Eodem modo, si qua patruo suo nuberet, patrem adfinis, & (ut ita dicam) læviri haberet loco: unus frater alteri fratri gener efficeretur, alter vero alteri socer. Præterea, si nuptiæ cum patrui uxore duobus locis prohibentur, *Levit. 18. 11. & Levit. 20. 20.*; quanto magis ipsius patrui prohibendæ sunt? Quod autem de patruo, avunculo, amita, matertera, hoc loco sancitum est, etiam ad propatruum, proavunculum, proamitam, promaterteram producendum esse, rationis paritas ostendit. nimirum, quoniam secundi patris, secundæ matris propinqui sunt: atque (ut jurisconsulti dixerunt) parentum locum ac numerum obtinent. Atque hætenus quidem Moses eos omnes, qui propinquorum

numero

numero habendi sunt, enumeravit: ex quo intelligi potest, cum consobrinos omiserit, eos in illum numerum referendos non esse. Itaque videmus, *cap. Gen. 28.*, Jacobum Rachelem, avunculi sui Labani filiam uxorem duxisse. Item, *Num. ult.*, Mosem Dei imperio auctorem fuisse quatuor Tzelophchadi filiabus, ut patruorum suorum filiis nuberent. Sed & *cap. Iehos. 15.* Othoniel Axam Calebi patrui sui filiam uxorem duxisse memoratur. Et in hanc sententiam August., lib., de Civit. Dei, 15. cap. 16. *Experti sumus*, inquit, *in connubiis consobrinorum, quam raro per mores fiebat, quod fieri per leges licebat; quia id nec divina prohibuit, & nondum prohibuerat lex humana.* Hæc Augustin., diligentior, ut apparet, legis divinæ observator, quam Ambrosius, qui *epist. 66. ad Paternum*, de his nuptiis illum consulentem, ita rescribit: *Quid est quod dubitari queat, cum lex divina etiam fratres patruelcs prohibeat convenire in conjugalem copulam, qui sibi quarto sociantur gradu?* Utcunque sit, memorabile est, quod eodem loco Augustinus scribit: *Fuit, inquit, antiquis patribus religiosa cura, ne ipsa propinquitas, se paulatim propaginum ordinibus dirimens, longius abiret, & propinquitas esse desisteret, eam nondum longe positam, rursus matrimonii vinculo colligare, & quodam*

modo revocare fugientem. Hæc Augustin. Primus autem Theodosius Imp. Christianus, ea consobrinorum matrimonia prohibuit: quam ipsius constitutionem & Ambrosius & August. vehementer probant. *Theodosius Imp.* (inquit eodem loco Ambrosius) *etiam patruales fratres & consobrilinos vetuit inter se conjugii convenire nomine.* Et August. eodem loco: *Veruntamen factum etiam licitum propter vicinitatem horrebatur illiciti; & quod fiebat cum consobrino, penè fieri cum sorore videbatur, quia & ipsi propter tam propinquam consanguinitatem fratres vocantur, & penè germani sunt.* Et aliquanto post: *Veruntamen quis dubitet, honestius hoc tempore etiam consobrinorum conjugia prohibita esse? quia nescio quo modo inest humana verecundia quiddam naturale atque laudabile, ut, cui quis debet, causa propinquitatis, verecundum honorem, ab ea contineat.* Hæc ille. Exstatque apud Cassiodor., lib. *Variat.* 7., formula veniæ ab imperatore petendæ, ut matrimonium cum consobrino contrahere liceret. ubi dilucide scribitur, idcirco eam veniam ab imperatoribus causa cognita fieri, quia lex, qua matrimonium illud interdictum fuerat, non Dei, sed hominûm erat, qui longius, quam lex Dei ferebat, pudicam observantiam (ut ejus formulæ verba usurpemus) posteris trans-

transmiserant. Post Theodosium tamen, quæ varietas juris istius acciderit, supra, cum de civili jure ageremus, expositum est. Nam etiam in *Basil.*, lib. 28. titul. de *injust. nupt.*, interdicuntur nuptiæ non modo inter consobrinos, qui ἐξάδελφοι dicuntur, verum etiam inter sobrinos, qui διτεξάδελφοι eodem loco adpellantur. Quinetiam Deme- trius Chomatenus, in *jure Orientali*, scri- bit, synodalibus quibusdam decretis in- terdictas fuisse nuptias usque ad septimum gradum: *ut non liceat*, inquit, *sobrino so- brini sui filiam accipere, cum sit ejus ἀνε- ψιά*. Quod idem Alexius patriarcha testa- tur, legem fuisse, quæ connubium iis per- mittebat, qui octo inter se gradibus dista- rent; qui vero sex, prohiberet. Sed, præter- quam quod superius docuimus, hanc septi- mi gradus prohibitionem ex manifesto eo- rum errore natam esse, qui cognationem eo gradu desinere existimabant; videmus, D. Augustinum, eo, quem paulo ante citavi- mus, loco, istam Græcorum superstitionem repudiassè, & sobrinorum sobrinarumque matrimonia probasse. Antiquos enim patres religiosos laudat, quibus curæ fue- rat, propinquitatem (hæc illius verba sunt) nondum longe positam rursus ma- trimonii vinculo adligare, & quodammodo revocare fugientem. Ex quibus de Cano-

nistarum, & qui Canonistas secuti sunt, imperitia existimare licet, qui in genealogia nuptiarum prohibitionem usque ad quartum à genarcho gradum produxerunt; hoc est, usque ad sobrinis natos natasque, qui jure civili octavo inter se gradu disjuncti sunt.

CAPUT VIII.

Decreta ex lege Dei, ad nuptias adfinium pertinentia.

I. **N**uditatem uxoris patris tui ne detegito; nuditas patris tui est. II. Nuditatem mulieris & filia ipsius (id est, privigna tua) ne detegito: filiam filii ipsius, aut filiam filia ipsius, ne uxorem ducito: propinqua sunt patris tui, flagitium esset. Levit. 18. 8. III. Is qui cum uxore patris sui concubuerit, nuditatem patris sui detexerit, ambo necantor. Lev. 20. IV. Execrabilis, qui cum uxore patris sui concubuerit; quia detexit oram vestimenti patris sui. Deut. 27. De directo adfinium ordine, qui parentum & liberorum locum obtinent, duæ sunt leges; quarum priore connubium interdicitur inter privignum & novercam, provitricum & proprivignam: causaque hæc profertur, quia vitricus matris propinquus, noverca patris propinqua facti sunt; hoc est, per conjugium quasi alteri parentes effecti sunt. quapropter nudando ipsorum pudore,

pudore, simul nudari parentum pudor, hoc est, violari parentum verecundia intelligitur. Quam rationem Philo in ejus legis ratione exposuit: Τοσούτῳ ἢ ὁ ἡμίτερος νόμος φυλακὴν ποιεῖται τῷ πατρὶ καὶ τῇ μητρὶ, ὥστε ἐὰν πατρὶος τελευτήσῃ πατὴρ ἢ μήτηρ, ἐφ' ἧς, ἀλλ' οὐκ ἐπὶ τὴν εἰς τὸν πατέρα μὲν, καὶ διότι μητρὶα καὶ μητρὸς ὄνομα συγγενές, εἰ καὶ μὴ τὸ τῆς ψυχῆς σύνωδον πάθος· ὁ γὰρ ἀλλοτριῶς ἀπὸ τοῦ πατρὸς ὁ πατὴρ καὶ ὁ μήτηρ, πολὺ μᾶλλον ἀφίξεται τῇ φύσει μητρὸς. Id est, *Ac tantam hac in re lex cautionem adhibuit, ut ne privigno quidem permiserit patre mortuo novercam in matrimonium accipere; cum ob patris reverentiam, tum quia μητρὶα καὶ μητρὸς nomina cognata sunt. nam qui ab aliena sibi temperare didicerit, quoniam ei μητρὶα dicebatur, multo magis ab ea, quæ mater naturalis est, se continebit.* Item aliquanto post: Μὴδ' αὖ πατρὶον, χήραν, ἢ παρθένον. Ζώσης μὲν τῆς γυναικὸς ἐπάγοιται, ἀλλὰ μὴδ' ἀποθανόντος. δυνάμει γὰρ ὅτι πατρὸς πατρὸς, ὁφείλει τὴν ἐν τῇ γυναικὶ ἐν τῇ πατρὶ καὶ τῇ μητρὶ πῶς. Privignam, inquit, ducere non licet, neque viduam, neque virginem, non modo uxore vivente, sed ne illa quidem mortua. Cum vitricus patris locum obtinuerit, æquum est, ut uxore sua natam filia loco habeat. Hæc Philo. Atque hanc legem securus Paulus, 1. Cor. 5. conjugium novercæ ut incestum.

& nefarium detestatur. I. *Nuditatem nuptus tua ne detegito: uxor filii tui est; ne detegito nuditatem ejus.* Levit. 18. 15. II. *Qui mulierem & matrem ipsius uxorem duxerit; scelus admiserit: ambo igni cremantor; ne inter vos flagitium maneat.* Levit. 20. 14.

III. *Exsecrabilis, qui cum socru sua concubuerit.* Deut. 27. 28. Sequitur alterum caput legis de directo adfinium ordine, quo conubium diferte interdicitur inter socerum & nurum, generum & socrum. Ex legis autem sententia, etiam superiorum & inferiorum, ut ex priore legis capite cognosci licet: ex quo eadem legis hujus ratio perspicitur, nimirum, quia cum hi parentum liberorumque loco sint, nudari eorum pudor non potest, ut non simul reverentia, quæ parentibus debetur, lædatur. Γαμβροὶ ὃς ἀνὴρ ἡμῶν πινυτοῖς, καὶ ἀνὴρ πινυτῶν γαμβροῖς πινυτοῖς inquit Philo, lib. de Monarch. 2. id est, Generi suis soceris filiorum loco sunt; vicissimque soceri suis generis loco parentum.

I. *Nuditatem uxoris fratris tui ne detegito; nuditas fratris tui est.* Levit. 18. 15. II. *Qui acceperit uxorem fratris sui, facinus exterminatione dignum admiserit, nuditatem fratris sui detexerit; sine liberis sunt.* Levit. 20. 21.

III. *Nuditatem filia uxoris patris tui, cognationis patris tui; soror tua est; ne detegito nuditatem ejus.* Levit. 18. 11. Quod jam superioribus

rioribus legis capitibus demonstratum est, non tantum verba legis, sed etiam sententia spectanda est. Itaque cum uxoris fratris nuptiæ nominatim prohibeantur, quia quasi soror est, ex sententia legis. & paritate rationis earum quoque omnium personarum interdictæ nuptiæ intelliguntur, quæ sororum fratrumve locum obtinent. Itaque intelligendum est, Conjugium non esse cum quondam fratris uxore, sororis marito, mariti fratre, uxoris sorore. quæ personæ omnes vere propriæque adfines sunt. Eundemque in numerum referendam arbitror filiam uxoris patris; de qua, *Levit. 18., vers. 11.*, cautum est. ut superioribus versibus prohibita intelligantur sorores natæ ex priore matrimonio, cum frater ex posteriore sit natus; hoc autem versu, natæ ex posteriore. Atque ita video locum à quibusdam conversum. Neque enim iis assentior, qui nuper sic vertunt: *Nuditatem filia uxoris patris tui, cognationis patris tui*, hoc est, quæ per matris suæ nuptias patris tui cognata facta est, *ne detegito*: ut scilicet comprivigna intelligatur. Quod comprobare idcirco non possum; quia, ut jam superius aliquoties demonstratum est, cum cognatus adfinis mei mihi adfinis non sit, sequitur, ut comprivigni adfines dici non possint. *l. generali, 34. §. 2. D. de rit. nupt.* Neque ullus (ut opinor)

in lege Dei alius ostendi locus potest, quo ista quasi ad finitas nominetur, & ad leges nuptiales referatur. Utcunque sit, Philo de duarum sororum nuptiis ita scribit: Πάλιν δύο ἀδελφὰς ἄρχας τὸ αὐτὸν σὺν ἐπιτέτῃ, ἔτ' ἐν τῷ αὐτῷ, ἔτ' ἐν ἀφ' ἐκείνων χρόνοις, καὶ τῇ χῆρ' ἕως τῷ παρθένῳ ἀπὸσπῶν. Ζώσης γὰρ ἐπὶ τῇ συνοικίᾳ, εἴτε καὶ ἀπὸ ἀλλοτρίων, εἴαν τε χερύσει, εἴαν τε καὶ ἑτέρῳ γαμήθῃ, τὸ ἀδελφῶν ἔχ' ὅσον ὑπέλαβεν ἐπὶ τῇ ἡτυχηκυίας παρέρχομαι παρθένων ταύτας, τὰ συγγενικὰ δίκαια μὴ λύειν, μηδὲ ἐπιβαίνειν πᾶσι τοῖς ἐπὶ τῇ ἡνωμένης καὶ γένεσθαι, μηδ' ἐναδρύνεσθαι καὶ ἐν τρυφῇ περὶ τοῦ ἀδελφῆν ὑπὸ τῷ ἐχθρῷ ἐκείνης καὶ ἀνὴρ περὶ οὐρανὸν αὐτῆς. Id est, quemadmodum nos quidem convertimus: Præterea non permittit lex, unum duas sorores habere in matrimonio, neque eodem tempore, neque diversis: ac ne tum quidem, cum priori missum est repudium. Nam, dum prior vel in matrimonio est, vel repudiata est, sive vidua maneat, sive alteri nubat, legislator non pium putavit, hanc in illius infirmata bona venire; docuitque illas, cognationis iura servare, neque in earum miseras, quæ sanguine ipsas contingunt, insultare, atque insolenter cum eorum inimicis oblectari. Hæc Philo. Porro, ne hoc quidem prætereundem videtur, quod Deut. 25. vers. 5. alia lex profertur, qua huic nostræ abrogatur; ut, si unus è duobus

bus fratribus, indivisam adhuc paternam hereditatem simul possidentibus, alter sine liberis moriatur, superstes ejus viduam vel ducat, vel dotet: ut, qui primus ex eo matrimonio nascetur, demortui fratris nomen ferat, ejusque filius censeatur. qui specialis casus est, proprie, peculiariter & restricte ad civitatis Israëlitarum rationem adcommo-
 tus, neque ad gentem aliam ullam produ-
 cendus, atque propter cujusque familiae & heredioli rationem à legislatore exceptus: ut Josephus *lib. Antiquit. 4.* testatur. Ubi vero frater liberos reliquerat, nefariae cum ipsius vidua nuptiae censebantur. Itaque idem, *lib. 17.*, de Archelao loquens: Τῷ πατρί, inquit, ὡς πατὴρ ποιεῖται, Γλαφυρὸν μὲρ τὴν Ἀρχελαΐαν θυγατέρα, Ἀλεξάνδρον δὲ τὸν ἀδελφὸν κατέτινεν γυναικί, ἐξ ἧς καὶ τέκνα ἔω αὐτῇ, αἱ πρῶται δὲ Ἰουδαίοις, κατέτινεν ἀδελφῶν ἀγαθὰ, κατεῖν. I. *Nudi-
 tatem fratris patris tui ne desegito, ad uxorem
 ipsius ne accedito; amita tua est.* Levit. 18.
 14. II. *Qui cum amita sua concubuerit, nu-
 ditatem patru sui detexerit, sine liberis mo-
 riuntur.* Levit. 20. 20. Cum patru uxoris
 nuptiae ob eam causam interdicuntur, quo-
 niam amitae locum ac nomen obtinent; ex
 legis sententia & rationis paritate sequitur,
 ut etiam cum amitae marito interdictae in-
 telligantur, quia quasi patruus est: item-

que ex altero latere, ut connubium non sit cum avunculi uxore & materteræ marito; quoniam illa materteræ, hic avunculi locum & nomen obtinet: vicissim autem etiam in lineis inferioribus, ne connubium sit cum fratris sororisve filii uxore, fratris sororisve filiæ marito, vel cum filia fratris aut sororis meæ uxoris: denique, ut summam complectamur, ut, quibus in cognationis gradibus nuptiæ interdictæ sunt, iidem in affinitatis gradibus prohiberi intelligantur: hoc est, ut conjunx à conjugis cognatis æque ut à suis absteat; propter rationem ab ipso Deo multis locis designatam, Quia vir & uxor per matrimonium una persona censentur.

CAPUT IX.

*Index nominum cognationis, eorumque
expositio.*

HOc loco peropportuno videtur, cognatorum omnium nomina & appellationes exponere, tam eorum qui ad directam lineam, quam qui ad transversam pertinent. Ac primum omnium, *pater* dicitur, ex quo quis natus est; & cum filio conferitur, ac primo gradu numeratur. *l. 1. §. 3. C. l. ult. §. primo gradu, D. de grad.* Sed *Perius* primum, secundum, tertium patrem facit,

facit, ex quo quis prima, secunda, tertia generatione natus est, hoc est, avum & proavum : ut Cornutus in illis versibus interpretatur, quos sup. protulimus :

*Quare ex me, quis mihi quartus
Sit pater, &c.*

Mater à nostris ea sola dicitur, quæ genitrix est, non etiam nutrix, ut apud alios auctores, quemadmodum Nonius testatur : & cum filio filiave confertur, ac primo gradu numeratur. *d. §. 3. de grad.* Plaut. Menæch.

Ita forma simili pueri, ut mater sua

Non internosse posset, qua mammam aabat,

Neque adeo mater ipsa, qua pepererat.

Avus dicitur, patris vel matris pater, & cum nepote confertur, ac secundo gradu numeratur, *d. l. ult. §. secundo gradu.* Sed alius est paternus, alius est maternus. ille confertur cum nepote nato ex filio ; hic cum nepote nato ex filia. *Proavus*, avi vel avix pater, patris vel matris avus ; & cum pronepote confertur, ac tertio gradu numeratur. *d. l. ult. §. tertio.* Sed alius est paternus, alius maternus : ille confertur cum pronepote ex nepote, nato ex filio vel filia ; hic cum pronepote ex nepte, nata ex filio vel filia. *Abavus*, proavi vel proavix pater, avi vel avix avus, patris vel matris proavus : confertur autem cum abnepote, & quarto gradu numeratur. *d. l. ult. §. quarto.* *Atavus* & *adavus*,

abavi

abavi vel abaviæ pater, proavi vel proaviæ avus, patris vel matris abavus : confertur cum atnepote, & quinto gradu numeratur. *l. ult. §. quinto gradu, D. de grad. Tritavus* ataviæ vel atavi pater : & cum trinepote confertur, ac sexto gradu numeratur. *d. l. ult. §. sexto gradu. Parentes* generali nomine dicuntur pater, avus, proavus, abavus, atavus, tritavus : & cum liberis conferuntur. *Majores* restricto nomine dicuntur, qui supra parentes sunt : & cum posteris conferuntur : neque proprium in Latina lingua nomen habent. *l. 4. §. parentem, D. de injus voc. l. ult. §. parentes, 7. D. de grad.* Generaliter autem *majorum* nomine parentes continentur. Plaut. in Milit. glor.

Ibi majores sunt siti, pater, avus, proavus, abavus.

Item in Persa :

Nam nunquam quisquam majorum meorum fuit,

*Quin parasitando parverit ventrem suum :
Pater, avus, proavus, abavus, atavus,
tritavus.*

Vnde hunc ego quæstum obtineo, & majorum locum.

Parentes autem adpellantur generali nomine, non modo qui per patrem, avum paternum, proavumve paterni avi patrem, verum etiam qui per matrem, aviam, proaviam, Titium

tium contingunt. *l. adpellatione, § 1. D. de verb. sign.* nisi forte illa differentia adjungatur, *parentes virilis sexus: velut in l. si quis, §. 2. D. de agnosc. lib.* Filius cuique dicitur, qui ex eo genitus est: & cum patre confertur, ac primo gradu numeratur. *d. l. 1. §. primo gradu.* Nepos vere proprieque dicitur, qui ex filio filiaeve natus est: & cum avo confertur, ac secundo gradu numeratur. *d. l. ult. §. secundo gradu.* sed ille usitate his verbis designatur, *nepos ex filio*; hic vero, *nepos ex filia*. Depravata autem consuetudine nepos vulgo dicitur, fratris sororisve filius, ut *in gloss. l. 1. C. de success. edict.* contra Latini sermonis rationem. nam hic nullum in Latina lingua nomen habet, sed hoc modo designatur, *fratris sororisve filius*, ut Paulus testatur *in l. ult. §. tertio gradu, D. de grad.* Et illam depravatam consuetudinem video non modo D. Ambrosii temporibus usurpatam fuisse; à quo, *lib. epist. 8. ep. 66.*, neptis perspicue ad avunculum refertur: verum etiam Spartiani; qui *in Hadriani vita* sic scribit: *Ad amicitiam Trajani pleniorē rediit, nepte per sororem Trajani uxore accepta.* Quod Xiphilinus sic expressit: Τῆς αἰνῆς ἀδελφίδης ἐγγαμῆκῃ. Nepos ex fratre promiscue dicitur, idem qui nepos fratris. Nepos ex sorore, idem qui sororis nepos. *l. 7. D. de legit. tut. §. 1. Inst. de leg. agn. tut. l. nemini, 17. C. de nupt.* Nepos mei fratris neptisve

neptisve me patrum magnum adpellant, inquit Paulus *d. l. ult. §. quarto gradu, D. de grad.* *Pronepos* est, qui ex nepote ex filio filiarve natus est; & ad proavum refertur, ac tertio gradu numeratur. *d. l. ult. §. tertio gradu, D. de grad.* *Abnepos*, pronepotis proneptisve filius, nepotis neptisve nepos, filii filiarve pronepos; confertur cum abavo, & gradu quarto numeratur. *d. l. ult. §. quarto gradu.* *Adnepos*, sive *adnepos*, abnepotis vel abneptis filius; confertur cum atavo, & quinto numeratur gradu. *d. l. ult.* *Trinepos*, filii filiarve adnepos; confertur cum tritavo, & sexto numeratur gradu. *d. l. ult.* *Poster*, proprie & stricte dicuntur, qui infra trinepotem sunt. *l. ult. §. parentes, D. de grad.* & cum majoribus conferuntur. Generaliter autem eo nomine liberi omnes continentur. *l. quod his, 83. §. ult. D. de leg. 3.* Itaque tyrannicum illud Caligulae fuit, de quo Sueton. *Negabat, inquit, jure civitatem Romanam usurpare eos quorum majores sibi posterisque eam impetrassent, nisi filii essent: neque enim intelligi debere posteros ultra hunc gradum.* *Frater* tribus modis dicitur: nam aut per eundem patrem tantum, aut per eandem matrem tantum, aut per utrumque eundem accipitur. *l. ult. §. secundo gradu, D. de grad.* Qui ex eodem patre & eadem matre natus est, *germanus* adpellatur:

latur: ut Corn. Fronto testatur. Plaut. Menæchm.

— *Hi sunt gemini germani duo:*

*Nam & patrem & matrem commemorant
pariter, qui fuerint sibi:*

& paulo post:

*Spes mihi est, vos inventuros fratres ger-
manos duos,*

*Geminos, una matre natos, & patre uno,
una die.*

Qui vero ex eodem patre tantum natus est, consanguineus dicitur; qui ex eadem matre tantum, uterinus. l. fratres, 27. C. de inoff. testam. l. 3. C. de legit. tut. l. pen. & l. ult. C. de legit. hered. §. 1. §. ceterum, Inst. de leg. adgnat. success. Cæsar comment. Gall. 1. Sororem ex matre, & propinquas suas, nuptum in alias civitates collocasse. Illi, adgnati sunt; hic, cognatus tantum. l. ult. C. ad senat. Tereyll. Conferuntur autem promiscue omnes inter se germani, consanguinei & uterini; & secundo numerantur gradu. l. ult. §. secundo gradu, D. de grad. Sane animadverti, antiqua lege Pompeia, quos germanos & consanguineos adpellavimus, patruels ex patris persona dici: quos vero uterinos, ex matris persona patruels. l. 1. D. ad l. Pomp. de parric. qua de re in obser. 5. disputavimus. Consanguinitas apud auctores nostros non generaliter pro cognatione, & communio-

ne sanguinis, usurpatur; sed specialiter pro adgnatione, quæ est inter fratres & sorores ex eodem patre natos: & species adgnationis dicitur in §. pen. *Inst. de succ. cognat.* Videturque id non legis 12 tab., sed legis Voconia verbum fuisse. Nam, cum in l. 12 simpliciter ita scriptum esset: *Si intestato moritur, cui suus nec exstat heres, adgnatus proximus familiam habeto*: Voconia lex ei abrogavit, statuitque, ut adgnata, nisi consanguinea, succederet; eo verbo fraternitatem ex patre significans, l. 1. §. pen. *D. de suis & legit.* non tantum naturali, verum etiam adoptivo. §. 1. *Inst. de legit. adgn. tut.* l. 2. §. *sed etsi ipsa*, 19. l. 3. *D. ad Tertyl. Sanguinis* autem nomine proprie in libris nostris communio sanguinis, id est, naturalis cognatio, designatur. l. 2. *D. und. cognat.* l. 8. *D. de regul. jur.* l. 23. *D. de adopt.* l. 12. *D. de man. vind.* Consanguinei autem frequentissime ab adgnatis separantur. velut in l. 2. §. 1. *D. und. legit.* l. 2. *D. de suis & legit.* Fratris nomen etiam patrui filio tribuitur, sed cum patruelis adjectione. Itaque duorum fratrum filii, quia secundi patris filii sunt, fratres inter se adpellantur. Cic. de Fin. 5.: *Cicero frater noster, cognatione patruelis, amore germanus.* Plaut. in *Pœnulo*: *Carthaginenses fratres patruelos duo fuere.* Et multo post, Agorastocles, patruelis alterius filius, Pœnum

num sibi propiorem sobrino, qui patris sui frater patruelis fuerat, idcirco patrum adpellat: *O patrue mi patruissime*. Pœn: *Quid est, fratris mei gnate?* hoc est, fratris mei patruelis. Nam paulo post una ex filiabus sic loquitur: *Hic suos cognovit modo, & hunc sui fratris filium*. nimirum patruelis. Itaque non multo post, in eadem scena, mendum esse oportet, in loco, *Vos estis amba mea filia, & hic est cognatus vester, Huiusce fratris filius Agorastocles*. Nam pro huiusce legendum adfirmo, *Iachonis*; quem fratrem ipsius patruelem fuisse, ex superioribus scenis intelligitur. *Sororis* eadem, quæ fratris, adpellatio est. *Fratris filius* is dicitur, qui cum patruo & amita confertur. *l. fratris, 21. C. de inoff. test.* & tertio gradu numeratur. *l. 3. C. de legit. her. & d. l. ult. §. tertio gradu.* qui tamen, ut sup. diximus, depravata consuetudine, nepos nominatur. *Sororis filius* is dicitur, qui cum avunculo vel matertera confertur. *d. l. fratris.* & tertio numeratur gradu. qui tamen, eadem corrupta consuetudine, nepos adpellatur. *Fratris nepos* dicitur, qui cum propatruo confertur; & quarto numeratur gradu. *d. l. ult. §. quarto gradu.* qui interdum *nepos ex fratre* dicitur, ut sup. docuimus. *Sororis nepos* dicitur, qui ad avunculum magnum refertur; qui & *ex sorore nepos* interdum adpellatur; & quarto nume-

ratur

ratur gradu. *d. §. quarto gradu. Fratris, sororis pronepos* dicitur, qui ad patrum avunculumve majorem refertur; & quinto numeratur gradu. *d. §. quinto gradu. Patruus* dicitur frater patris; & cum fratris filio confertur, ac tertio numeratur gradu. *d. l. ult. §. tertio, D. de grad. l. 2. §. 1. D. de suis & legit. l. patruo, 7. C. de legit. her. l. pen. D. de legit. tutor.* Interdum autem *patruum* vocari fratrem patris patruelem, à fratris patruelis filio, paulo ante, ex Plauti Pœnulo demonstravimus; quippe cum patruelis filius, fratris filius adpelletur. *Propatruus* dicitur, qui & *patruus magnus*, avi frater; & cum fratris nepote confertur, quartoque reperitur gradu. *l. ult. §. quarto gradu, D. de grad. l. pen. D. de leg. tut. Patruus major*, est proavi frater, patris & matris patruus magnus; & cum fratris pronepote confertur, quintoque reperitur gradu. *d. l. ult. §. quinto, vers. patruus major. Patruus maximus*, est abavi frater; qui & *abpatruus* dicitur; & ad fratris abnepotem refertur, sextoque reperitur gradu. *d. l. ult. §. patruus maximus. Amita*, est patris soror; & cum fratris filio confertur: ac tertio gradu ab illa est. *l. ult. §. tertio gradu, l. 5. C. qui pet. tut. Amita magna*, vel *proamita*, avi paterni soror; & cum fratris nepote confertur; à quo quarto gradu est. *l. 1. §. quarto, l. ult.*

ult. §. quarto, D. de grad. §. per adoptionem, 17. §. ult. D. de rit. nupt. l. pen. C. qui pet. tut. *Amita major*, est proavi paterni soror; & cum fratris pronepote confertur, quintoque reperitur gradu. d. l. ult. §. quinto gradu. *Amita maxima*, est abavi paterni soror; & cum fratris pronepote confertur, & sexto numeratur gradu. d. l. ult. §. sexto gradu. *Avunculus* dicitur frater matris; & cum sororis filio confertur, l. fratris, 21. C. de inoff. test. ac tertio numeratur gradu. l. penult. D. und. legit. l. ultim. §. tertio gradu, D. de grad. l. 6. C. commun. de success. *Avunculus magnus* dicitur, qui avix frater est; & cum sororis nepote confertur, quartoque numeratur gradu. l. ult. §. quarto gradu, de grad. *Avunculus major* dicitur, qui proavix frater est; & cum sororis pronepote confertur, quintoque reperitur gradu. l. ult. §. quinto gradu. *Avunculus maximus* dicitur, qui abavix frater est; & cum sororis abnepote confertur, sextoque numeratur gradu. d. l. ult. §. sexto. Idem etiam *abavunculus* adpellatur. l. 3. D. eod. *Matertera*, dicitur matris soror, quasi *mater altera*, (ut Festus scribit,) & cum sororis filio comparatur. d. l. fratris, C. de inoff. test. ac tertio numeratur gradu. d. l. ult. §. tertio, D. de grad. l. patruo, 7. C. de legit. hered. *Matertera magna*, dicitur

dicitur avix soror; & cum sororis nepote
 confertur, quartoque numeratur gradu, *d. l.
 ult. §. quarto. Matertera major*, dicitur
 proavix soror; & cum sororis pronepote
 comparatur, quintoque numeratur gradu.
d. l. ult. §. quinto. Matertera maxima, dici-
 tur abavix soror; & cum sororis abnepote
 comparatur, sextoque numeratur gradu.
l. 3. & d. l. ult. §. sexto, de grad. Patruels,
 interdum præcise, interdum conjuncte *fra-
 tres patruels*, invicem dicuntur duorum
 fratrum filii; qui propterea semper inter se
 conferuntur: veluti in *l. dotem, l. 6. §. 1. D.
 de castr. pecul.* similiterque *sorores patruels*,
 quæ duobus ex fratribus natæ sunt: & quarto
 gradui adscribuntur. *§. 3. Inst. de grad.* Ne-
 que unus dici patruelis potest, quin eodem
 quoque nomine alter vicissim adpelletur.
 Nam patruelis, est patrui filius, filia, *l. 1. §.
 quarto gradu. & l. ult. §. eod. grad.* Vetu-
 ste tamen *patruels fratres* dicuntur, in le-
 ge Pompeia de parricidis, qui ex eodem
 patre nati sunt, ut sup. notavimus. *Conso-
 brinus* proprie & specialiter est materteræ
 filius. Itaque dupliciter hoc nomen usurpa-
 tur, cum aut duæ materteræ sunt, aut una
 tantum. Nam qui duarum sororum filii sunt,
consobrini dicuntur, quasi *consororini*. ac tum
 inter se referuntur; estque alter alteri conso-
 brinus, quippe alter alteri materteræ filius.

Rurfus

Rursus consobrinus dicitur, cum ex una parte matertera est, ex altera avunculus : ut puta cum ex fratre & sorore filii prognati sunt ; tum enim ambo invicem consobrini appellabuntur , atque inter se conferuntur , quippe cum ille avunculi, hic materteræ filius sit. *l. 1. §. quarto. l. ult. §. eod. gradu, D. de gradib.* Sed recepta consuetudine latius hoc nomen productum est , ut generaliter patrui , amitæ , avunculi , materteræ filios comprehendat, quartoque numerentur gradu. *l. 1. §. quarto. l. ult. §. eod. gradu, D. de grad. l. 1. C. und. legit.* Quod cum ita sit, nihil mutandum est apud Paulum, *lib. sent. 4.* ubi sic legitur : *Consobrinus, consobrina, id est, avunculi & matertera filius, filia. Amitinus, amitina, id est, amita filius, filia. Itemque consobrini, qui ex duabus sororibus nascuntur.* Ubi video, esse, qui absurdissime delenda hæc verba censent, & matertera. Item illa, itemque consobrini, qui ex duabus sororibus nascuntur. *Amitinus, amitina, amita filius, filia,* inquit Paulus, *lib. sent. 4. t. 11.* Itaque usurpatur in *l. 5. C. commun. de succ.* Confertur cum consobri- no; ut, qui mihi, ex amita mea natus, amiti- nus est, eidem ego, ex avunculo ipsius natus, sim consobrinus. *Amita tua filii* (inquit Ju- stin.) *consobrinum te adpellant, tu illos amiti- nos.* §. quarto gradu, *Inst. de grad.* Quod cum

aptissime quadret atque conveniat, permirum mihi videtur, quod & Caius, *in l. 1.* & Paulus, *in l. ult. §. quarto gradu, D. de grad.*, amitinos inter se, sicut & patruales inter se, conferri scribunt; quasi amitini sint, ut Nonius scribit, fratrum maris & feminae filii, hoc est, fratris & sororis filii inter se. Quod mihi usque eo novum videtur, ut verear, ne tribus locis mendum inrepperit apud Justinianum, Caium, Paulum. Difficile hoc dictu est. Sed certe apud Justinianum oratio non cohæret. nam, cum ita scripisset, *At, eos, qui ex fratre & sorore progenerantur, amitinos proprie dici, putant*: mox contrarium subjungit, *Itaque, inquit, amita filii consobrinum te adpellant, tu illos amitinos*. Quæ nemo sanus congruere adfirmabit. Cogitandumque arbitror, ecquid potius ita scripserit: *Eos, qui ex fratre & sorore progenerantur, consobrinos & amitinos proprie dici, putant*. Nam, quid est argumenti aut rationis, eum, qui ex avunculo natus est, amitinum adpellare? Itaque apud Caium commodius ita legeretur: *Item consobrini, consobrina, amitini, amitina, id est, qui quæve ex fratre & sorore propagantur*. *l. 1. D. de grad.* Et apud Paulum: *Ex fratre & sorore consobrinos, consobrinas; amitinos, amitinas*: ut (quemadmodum superius dictum est) consobrinus cum amitino, vicissimque


simque hic cum illo conferatur: quod & Justiniani testimonium, & nominis ratio, & Pauli locus in Sententiis, apertissime flagitant. *Sobrini* proprie sunt, inquit Caius, qui ex fratribus patruelibus, aut consobrinis, aut amitinis, undique propagantur. Itaque in themate cognationis, patruui magni, amitæ magnæ, avunculi magni, materteræ magnæ nepotes, sobrini dicuntur ei de quo quæritur. Constanterque veterem sententiam meam retineo, ut apud Caium, in l. 3. D. de grad., sic emendetur: *Item patruui magni, &c., nepos, neptis, qui ex fratribus patruelibus, aut consobrinis, aut amitinis, undique propagantur; & proprie sobrini vocantur.* alioqui bis idem eodem loco numeraretur. Conferuntur ergo inter se sobrini. nam qui me illo nomine adpellat, eundem ego vicissim eodem nomine adpello. qui & sexto à me numeratur gradu. *Proavi pronepotes*, ait Paulus, *ei, de cujus cognatione quæritur, sobrini sunt, & invicem huic illi sobrini.* d. l. ult. §. sexto gradu, versic. ex quibus. Quod ad eorum sententiam refellendam valet, qui hos inter se consobrinos dici putant, propter eos Pauli locos, ubi sic nominantur. ut lib. sent. 4. tit. 11. §. sexto gradu: *Patruui magni nepos, neptis, id est, propioris sobrini filius, filia; qui consobrini vocantur.* Et §. seq. ubi consobri-

in filium, filiam, septimum in gradum refert. Itemque *l. ult. §. quarto gradu, D. de grad.* ubi sic legitur: *Sororum fratrumque meorum nepotes, neptes, item mei, inter se consobrini sunt.* Nam, pro consobrini legendum ac restituendum esse *sobrini*, cum utriusque nominis differentia diligenter ubique servata convincit, tum etiam aliorum locorum sexcentorum auctoritas, in quibus constanter istæ adpellationes distinguuntur. *Cic. lib. offic. 1. 2. Sequuntur fratrum conjunctiones, post consobrinorum, sobrinorumque.* Ælius Gallus jurisconsultus, apud Festum: *Sobrinus est patris mei, matrisve mee, consobrini filius. Sobrino natus, dicitur sobrini filius, septimoque censetur gradu: confertur autem cum propatru, proamitæ, proavunculi, promaterteræ nepote.* Quem enim ego sobrino natum adpello; is me vocat propatru sui nepotem. Causa autem adpellationis est, quia in sobrinorum gradibus cognationis nomina desinunt. Qua de causa, cum sobrini filius proprium in Latina lingua nomen non habeat, demonstrativo nomine adpellabitur. *l. ult. §. ult. D. de gradib. §. ult. Inst. de succ. cogn. l. 1. §. 2. D. und. cogn. & apud Paul. d. lib. sent. 4. tit. 11. §. ult. & §. pen. ubi tamen mendose legi consobrini filii, filia, restituendumque, sobrini, sup. demonstravimus.*

Propior

Propior sobrino (qui & *propius sobrino*, & *propior sobrinus* adpellatur) is demum dicitur, qui propatruī, proamitæ, proavunculi, promaterteræ filius est, quasi qui uno gradu citior est quam sobrinus : atque idem ipse patri ejus, de cujus cognatione quæritur, consobrinus est ; quintoque numeratur gradu. *l. 1. in fin. l. 2. l. ult. §. quinto gradu, D. de grad. & apud Paul. lib. sent. 4. tit. 11. & Justin. §. quinto gradu, Inst. de grad.* Ex quo intelligitur, propiorem sobrino cum eo tantum conferri, qui patruelis, amitini, ac generaliter consobrini filius est ; ut, quem ego sobrino propiorem nomino, is me consobrini sui filium adpellet. Similiterque Paulus, *in d. l. ult. §. sexto gradu*, dilucide scribit, patruī majoris filium, patri ejus, de cujus cognatione quæritur esse propiorem sobrino. Et, paucis versibus interjectis, patrem ejus, de quo quæritur, pronepoti proavi esse propiorem sobrino. Item, *in §. seq.*, patruī maximi filium, qui septimo gradu est, avo ejus, de cujus cognatione quæritur, propiorem sobrino adpellat. & paulo post, patruī majoris nepotem, avo ejus, de cujus cognatione quæritur, propius sobrino.

Itaque in hac tabula,
Thare



in qua Laban Jacobo sobrinus est, Bethuel erit Jacobo propius sobrino: vicissimque cum Jacobus Labano sobrinus sit, Isaacus Labano dicetur propior sobrino; utpote qui uno gradu, quam sobrinus, citerior sit. Et, cum *Genes. 24.* dicatur Isaacus Rebeccam, Labani sororem, in uxorem duxisse; Latine sic effereamus: Rebecca propiori sobrino nupsit; Isaacus consobrini filiam duxit. Atque ita videmus, propiorem sobrino vocari, *in l. 2. C. commun. de succ.* Quod cum ita sit, idque perspicue à Paulo Massurii auctoritate confirmetur, ac tam multis locis constanter à jurisconsultis tradatur, neminem dubitaturum arbitror, quod apud Festum mendose sic legatur: *Propius sobrino mihi est consobrini mei filius*: proinde quasi nomen hoc recipietur, sicut sobrini aut consobrini appellatio: ut, quemadmodum propatruus filius

filius Titio est propior sobrino, ita vicissim
 Titius illi propior sobrino sit. In quo vitium
 est apertissimum. Nam, cum propior so-
 brino sic dicatur, qui sobrino citerior est,
 ut jam diximus; satis constat, consobrini
 nepotem sobrinum non esse. Præterea
 Caius, Paulus, Imperator, iterumque Pau-
 lus consobrini filium à propiore sobrino
 semper accurate distinguunt, eosque in
 computandis quinti gradus personis sepa-
 ratim enumerant; ut ea nomina confundi
 sine temeritate non possint. Quo probabilior
 mihi eorum sententia videtur, qui in *l. 2. C.
 und. legit.* verba illa, *id est, à consobrina na-*
tum, glossema vel indocti, vel semidocti in-
 terpretis fuisse arbitrantur, sub illis Imp.
 verbis subjecta, *Cum propiorem sobri-*
num, &c. præsertim cum de jure propioris
 sobrino consulenti, nihil opus glossemate
 fuerit; non magis quam in *l. 2. C. comm.
 de succ.* De propiore sobrino mentio fit in
*l. 5. D. de injur. l. 1. D. ad leg. lul. repet. l. 3.
 D. ad leg. Pomp. de parricid. & in Collecta-*
neis, tit. 9.

CAPUT X.

Index nominum adfinitatis, eorum-
que inter se relatio.

SOCER, est viri aut uxoris pater. *l. 4. §.
 6. D. de grad. & ad generum nurumque*
V. 4.
refertur.

refertur. *Socrus*, est viri aut uxoris mater; & ad generum nurumque refertur. late tamen etiam ad uxoris aviam & proaviam producitur. *d. l. 4. §. & quid, 6. D. de grad. l. 14. §. ult. D. de rit. nupt. Profocer* (qui & *socer magnus* dicitur) est uxoris aut mariti avus; & ad progenerum & pronurum refertur. *d. l. 4. §. 6. & l. 3. §. ult. D. de postul. Profocrus* (quæ & *socrus magna* dicitur) uxoris aut mariti avia est; & ad progenerum pronurumque refertur. *d. l. 4. §. 6. Lenër*, filia maritus; & cum socero socruve confertur. *d. l. 4. §. & quid. Capitolin. in Anton. Pio: Gener per majorem filiam Lamia Syllanus; per minorem, Marcus Antoninus, fuere. Nurus*, filii uxor; & cum socero socruve rationem habet. *d. l. 4. §. 6. Late* tamen etiam ad nepotis ex filio filiave mea nati uxorem hoc nomen producitur. *l. 6. D. eod. l. adoptivus, 14. §. 4. D. de rit. nupt. Vitricus*, maritus alter matris; & cum privigno, privigna, confertur. *d. l. 4. §. 6. & l. 3. C. commun. de success. Noverca*, altera patris uxor; & cum privigno, privigna, confertur. *d. l. 4. §. 6. D. de grad. Late* tamen etiam ad avi & proavi uxorem hoc nomen producitur. *l. adoptivus, 14. §. 4. D. de rit. nupt. Privignus*, uxoris filius ex alio marito, itemque mariti filius ex alia uxore natus; & cum vitrico vel no-

verca

verca confertur. *d. l. 4. §. 6. D. de grad.* Late tamen etiam ad uxoris nepotem & pronepotem hoc nomen producitur. *l. 14. §. 4. D. de rit. nupt.* Transfertur etiam hoc nomen ad eum, qui ex non nupta, quæ post alteri nupsit, natus est. *l. privignus, 7. D. eod.* Sed in eo, qui ex uxore mea, quæ post divortium alteri nupsit, & filium susceperit, proprie non usurpatur. *l. si qua mihi, 12. §. 4. D. de rit. nupt.* *Privigna*, uxoris filia ex alio marito, itemque mariti filia ex alia uxore nata; & cum vitrico vel noverca confertur. *d. l. 4. §. 6. & quid.* *Consoceri* dicuntur inter se, quorum unius filius alterius filiam uxorem duxit. Tranquill. Claudio: *Appium Silanum consocerum suum occidit.* Superius autem dixerat, Claudium filiam suam Octaviam Silano adolescenti, Appii filio, desponsasse. Credo, eadem ratione *compri-vignos* dici posse, quorum unus novercæ filius alteram vitrici filiam, aut ex contrario, uxorem duxit. velut in *§. mariti, Inst. de nupt. l. cum hic status, 32. §. si socer. & pass. D. de don. int. vir.* Atque hæc quidem eorum nomina sunt, qui parentum liberorumve locum obtinent. *§. ad fin. Inst. de nupt. l. ultim. D. de rit. nupt.* Sequitur eorum recensio, qui fratrum & propinquorum numerum obtinent. quorum nomina in Latina lingua perpauca exstant, sed

disciplinæ causa nobis fingenda, & supponenda erunt. *Fratria*, fratris uxor. Quamquam Nonius, *Fratria*, inquit, *adpellantur fratrum inter se uxores*. Quod si verum est, mendum esse apud Modestinum videtur, ubi sic legitur: *Duorum fratrum uxores, janitrices dicuntur, apud Græcos εὐαγγισσες*. Corrigendumque, *fratria*. l. 4. §. 6. in fin. D. eod. *Fratrissam* autem fratris uxorem Canonistæ adpellant, 35. q. 5. c. quod autem. Cicero, pro Cluentio: *Nam cum esset gravida Auria fratris uxor. Sororius*, sororis maritus: novum & commentitium. Nam (ut Isidorus testatur, lib. Etym. 10. c. 7.) nullum in Latina lingua nomen habet. Cicero, pro C. Rabirio: *Cariorem huic sororis maritum, quam sororis filium fuisse*. Idem, Philipp. 2.: *Dixit in sororis sue vitrum; vitricum tuum. Levir*, frater mariti; vetus est. l. 4. §. 6. *Levir*, inquit Nonius, *dicitur frater mariti, quasi levus vir. Profrater*, frater uxoris; novum, & à nobis fictum, quoniam ei Latinum (ut eodem loco Isid. testatur) nomen deest. Cicero, pro Domo: *Quis ergo adfuit? Frater*, inquit, *uxoris mea*. Tranquill. in Jul. L. Cinna, *uxoris fratri, reditum in civitatem confecit*. *Glos*, soror mariti; vetus est. l. 4. §. 6. D. de grad. Et apud Festum: *Glos*, inquit, *viri soror*, à Græco γάμος. Nonius etiam fratris uxori

uxori hoc nomen tribuit. *Glos*, inquit, *ad-*
pellatur mariti soror, atque *eadem fratris*
uxor. *Prosoror*, soror uxoris; novum est, &
 à nobis excogitatum, quoniam (ut eodem
 loco *Isid.* scribit) Latinum nomen non ha-
 bet. Porro in patrui & amitæ, avunculi &
 materteræ gradibus, Latina nulla exstant
 adfinitatis nomina. Itaque efferre illa sic
 cogemur: *Patrui vel avunculi uxor*; *ami-*
ta vel matertera maritus. *Capitolinus*, in
Anton. Philos.: *Alexandria, filia Cassii, &*
Druncianus, gener, commendati amita ma-
rito. Item: *Amita Martii virum Antoninum*
Pium Adrianus ea lege in adoptionem legit.
 Item in *Anton. Pio*: *Ita sibi ille adoptaret*
M. Antoninum, fratris uxoris sua filium.
 Quod idem de propatruis, proavunculis,
 proamitis, promaterteris, ceterisque supè-
 rioribus intelligendum est. Conferuntur
 autem inter se hoc modo:

La vir, frater mariti. Fratria, fratris uxor.

Fratria, fratris uxor. Glos, soror mariti.

Sororius, sororis ma- *Profrater, frater u-*
ritus. xoris.

Sororius, sororis ma- *Prosoror, soror uxoris.*
ritus.

F I N I S.

FRANCISCUS HOTMANUS, J.C.,

D E

S P U R I I S,

E T

LEGITIMATIONE.

C A P U T I.

*Spuriorum definitio, nominis notatio,
& divisiones multiplices.*



PURIUS, generale nomen est, quod iis omnibus convenit, qui sine patre justo nati sunt: Cujus adpellationis originem haud scio an satis commode jurisconsulti ad Græcam notationem retulerint: quasi qui *απογενόμενοι* concepti sint. nam si ita esset, hoc quoque nomen usurpatum à Græcis fuisset. Quare videamus, num probabilius sit, quod Plutarchus scribit: Cum ii qui sine patre justo nati essent, iisdem literis designarentur, quibus prænomen Romanum *Spurius* scribitur, hoc est, SP.; tandem eo rem consuetudine lapsam esse, ut *spurii* adPELLARENTUR. Quam multi
autem.

autem ejusmodi primis urbis Romæ incunabulis fuerint, cum ex Dionysii *lib. 4.* intelligi potest, tum etiam ex eo, quod Livius *lib. 10.* testatur, reliquos sane non multos *patricios* esse nominatos: quasi qui patrem ciere possent: itemque *ingenuos*. *An unquam fando audistis*, inquit, *patricios primo esse factos, non de calo delapsos, sed qui patrem ciere possent.* id est, nihil aliud quam ingenuos. Spurius ergo est, qui sine justo patre natus est: hoc est, qui patrem demonstrare non potest: vel qui potest quidem, sed non eum, qui jure Quiritium probatus est. Hinc illud, sive Valerii Maximi, sive alterius: *Spurii dicuntur, patre incerto nati: quasi ἀπατροπες.* Et Ulpianus, tit. regul. 4: *Qui matre*, inquit, *certa, patre autem incerto, nati sunt, spurii adpellantur.* Itaque, quoniam, ubi legitimæ nuptiæ sunt, patrem liberi sequuntur, *l. cum legitima, 19. D. de stat. hom.* proinde jus postliminii, patri competens, etiam ei, qui apud hostes ex eo & uxore ipsius natus est, competit: ac rescriptum est, eum qui cum sola matre in civitatem revertisset, spurium habendum esse: quippe qui tum demum, cum in civitatem adfertur, nasci videatur. *l. divi, 25. D. de captiv.* Nam, ut patrem definimus eum, quem nuptiæ demonstrant, *l. l. 19. D. de stat. hom.* eodem modo filium nominamus eum, qui ex viro & uxore

ipsius nascitur. *l. filium, 6. D. de his qui sunt sui vel alien.* Denique, spurii in libris nostris passim opponuntur justis liberis. ut *l. 4. in fin. D. de in jus voc. l. ult. C. quand. mul. tut. offic. l. ult. C. qui petant tut.* quemadmodum apud Græcos νότοι opponuntur γνησίοις. ut *Novell. 89. & apud Euripidem in Andromacha: Νότοι τε πολλοὶ γνησίων ἀμείνονες.* De hoc autem *nothorum* vocabulo Quintilianus, *lib. 3. c. 6.*, ita scribit: *Nothum, qui non est legitimus, Græci vocant.* Latinum rei nomen (ut Cato quoque in oratione quadam testatus est) non habemus, ideoque utimur peregrino. Jam vero spurii passim in iisdem libris nostris *vulgo quæsit* adpellantur. ut *l. vulgo quæsit, 23. D. de stat. homin.* proque iisdem nomen hoc usurpatur. uti patet ex collatione *l. 2. & l. 4. D. und. cognat. eum Ulpiani tit. reg. 5.* Unde, quemadmodum spurii justis liberis; sic etiam vulgo quæsit, jure quæsitis opponuntur. *l. patronus, 18. D. de bon. libert. l. si quis liberis, 5. §. 3. D. de adgnos. lib. & justus pater opponitur matri quæ vulgo concepit. l. lege Julia, 44. §. 3. D. de rit. nupt.* Rursus, adpellantur & filii naturales. ut *in rub. C. de nat. lib. & l. ult. D. de his qui sunt sui vel alien. l. omnes, 17. §. 1. D. qua in fraud. cred. l. naturalis, 5. D. de prescript. verb. l. ult. C. de confirm. tut. l. ult. C. qui pet. tut.*

tut. Qua de causa pater naturalis confertur cum filia vulgo quæsitæ. *in l. adoptivus, 14. §. 2. D. de rit. nupt. & l. 3. D. de lib. caus.* Spuriorum autem divisio est multiplex. Nam alii ex concubinato nascuntur, alii ex scortatione, alii ex stupro, alii ex adulterio, alii ex incestu. Vel hoc modo planius: Ex concubina, ex meretrice, ex virgine, vel vidua honestæ existimationis, ex adultera, ex cognata, ex serva non concubina, aut ex peregrina. *l. 25. D. de captiv. ex uxore injusta*; ut ea, quæ sine patris jussu ducta est. *Apul. lib. 6.: Impares nuptia, & præterea in villa, & patre non consentiente facta, legitima non possunt videri: ac per hoc spurius iste nascetur.* De quibus omnibus eo, quem proposuimus, ordine differendum est. Ac primum de iis qui ex concubinis nascuntur, De quibus ipsis nonnihil prius explicandum est. Nam earum genera duo in libris nostris reperio: unum, quod ante Justinianum in usu fuit: alterum, quod à Justiniano nove inductum est, & suis legibus atque conditionibus definitum.

CAPUT II.

De concubinis, & earum jure.

ERGO, quod ad antiquum jus attinet, *concubina* dicebatur mulier, sive serva, sive

sive libera, innupta, quam quis non uxoris loco, sed concubinatus tantum causa, sine stupri crimine, habebat. Nam servas quoque pro concubinis haberi solitas, patet ex *l. denique, 8. D. de pignor. l. pen. D. de reb. auct. jud. possid. l. ult. C. comm. de man.* & qui ex iis nascebantur, servi erant; filii-que naturales dicebantur. *l. ult. de his qui sui vel. l. naturalis, D. de praeser. verb. l. ult. C. de confirm. tut. l. naturali, 7. D. eod. l. ult. C. quand. mul. tut. effic.* neque aliud juris, quam alii servi, habebant. *l. 3. C. de incest. nupt.* Rursus, harum concubinarum duo erant genera. Nam aliae, honestae, matronae, matresf. adpellabantur: veluti ingenuae; quae, testatione interposita, sese alicui in concubinatum dabant. *l. 3. D. de concub. aut libertae; quae suis se patronis jungebant. l. probrum, 41. §. 1. D. de rit. nupt. l. 3. §. 1. D. de don. int. vir. & ux. l. si uxor, 13. D. de adult.* ubi matronae & matresf. adpellantur. atque adeo traditur, eas, si sese alteri prostituerint, adulterii accusari posse: non tamen jure mariti, sed jure extranei. Aliae vero, probrosae & turpes habebantur: veluti, quae, libertae, sese alteri quam patrono in concubinatum tradebant. *d. l. probrum, §. 1. & l. cum tabulis, 16. §. 1. D. de his qua ut indign.* De quo §. idcirco paulo copiosius explicandum est, quoniam ex eo maxime

maxime tota pendet illa disputatio, An ex concubina nati, spurii, & vulgo quæsit, dici antiquo jure possent. Cum enim viri unius cum una muliere concubinaria consuetudo est, neque sine patre certo natus ex ea filius videtur, neque vulgo quæsitus. Huic hominum nonnullorum disputationi obijcimus primum auctoritatem *l. 2. & 4. D. und. cogn.* itemque *§. vulgo; de succ. cogn.* ubi traditur, bonorum possessiones unde cognati iis concedi qui spurii & vulgo quæsit sunt. de quibus enim potius illud accipiendum est, quam de iis qui ex honesto concubinato nati, & jure civili probati sunt? qui si spuriorum nomine non intelliguntur, ecquonam, quæso, alio nomine illa bonorum possessio iis deferetur? Præterea Ulpianus, *in d. l. cum tabulis*, rem omnem perspicue demonstrat. Cujus hanc esse sententiam arbitror, longe ab aliorum opinione dissidentem: *Cassianus senator Rusinam ingenuam, pleno & maritali honore dilexerat, ex eaque puellam susceperat.* Honos autem ille non concubinas, sed uxores facit, extra quam si corpore quæstum fecerint. *l. in libera, D. de rit. nupt. l. 3. §. 1. D. de don. int. vir. & uxor. l. 3. D. de concub. l. donationes, 31. D. de donat.* Cum Cassianus testamentum faceret, filiam illam, ex ea conjunctione natam, heredem instituit. mortuo

Cassia-

Cassiano, legitimi heredes institutionem oppugnabant, hac de causa, quod dicerent, Rufinam, imprudente Cassiano, vulgo corpore quæstum fecisse: tametsi non palam: *ut in d. l. probrum, de rit. nupt.* ac proinde tantum abesse, ut illa uxor fuerit, ut ne concubinæ quidem loco habenda sit: stuprum enim cum ea commissum fuisse. *d. l. in libera. & l. 3. D. de concub.* Imperatores tamen rescripserunt, institutionem valere: quia concubinæ sine dubio hereditatum capaces sunt: siue illæ honestæ, siue probrosæ sint. quod si cum concubinis testamenti factio est, multo magis cum iis qui ex ipsis nati sunt. Postremum argumentum sumi potest *ex l. Imperatores, 29. §. 1. D. de probat.* ubi natus ex adulterio uxoris, spurius adpellatur: nam, si ex uxoris adulterio natus, spurius est; quanto magis qui ex concubinæ scortatione susceptus erit? Atque hoc nimirum illud est, quod Papinianus scribit, apparuisse post Cassiani mortem, filiam illam vulgo quæsitam fuisse: hoc est, Rufinam, imprudente Cassiano, vulgo corpore quæstum fecisse. Neque movet, quod hæc non Cassiani, sed Rufinæ filia nominatur: quia, cum apparuerit, eas nuptias non fuisse, Cassiani filia dici non potuit. Quare, ut rem in pauca conferam, non puto, Rufinam veram uxorem fuisse; post ejus au-

tem

tem è vita excessum, filiam ejus in concubinatum à suo vitrico adscitam esse. Et in fine, ut nonnulli putant, corrigendum, *vulgo quæstam fuisse apparuit*. Primum, quia nulla exstat litera, unde significetur, puellam istam in concubinatum habitam fuisse. Deinde, arbitror, *ex l. 1. §. 3. D. de concub.* privignæ concubinatum pro nefario & flagitioso numerari, quandoquidem, utrum mulier patri se & filio prostituerit, an vero vir cum matre & filia rem habuerit, nihil intersit. *l. si qua mihi, 12. §. 1. D. de rit. nupt.* Præterea, quorsum, quæso, ad propositum illa adjectio pertineret, puellam vulgo quæstum fecisse? Atque hæc quidem & de veteris juris concubinatu & de primo spuriorum genere dicta sint. Secunda species spuriorum, est eorum propria, qui ex meretrice nati sunt. Tertia vero eorum, qui ex virgine, vel vidua. honestæ existimationis, quæsitæ sunt. de quibus testatur *l. si qua illustris, 5. C. ad Orphic. & l. privignus, 7. D. de grad. l. ex libera, 6. C. de suis & legit.* Quarta, eorum est, qui ex adultera nati sunt: de quibus apertissime loquitur *l. Impp. §. 1. D. de probat. & Caius lib. Inst. 1. c. 4.* Quinta, eorum, qui ex cognata per incestum suscepti sunt: de quibus *l. spurii, 6. D. de decurionib. & l. 2. C. Th. de incest. nupt. & Caius, lib. Inst. 1. c. 4.* Unde Ulp. reg. tit. 5.

Si quis, ait, eam, quam non licet, uxorem duxerit, incestum matrimonium contrahit: ideoque liberi non fiunt; sed, quasi vulgo concepti, spurii sunt. Hæc cum ita sint, tamen, ut in plerisque aliis juris nostri quæstionibus, disciplinæ causa, singulæ res singulis nominibus distinguuntur. Similiter in hoc tractatu, interdum vulgo quæsitum nomen ei proprie & peculiariter tribuitur, qui ex ea, quæ corpore quæstum fecit, natus est; & ab eo separatur, qui ex honesta concubina susceptus est: velut in *l. privignus, 7. D. de gradib. & adfin.* Similiter spurius ab eo qui ex incestu natus est. *l. spurii, 6. D. de decurionibus.* Sed hæc hæctenus. Nunc consequens est, ut de novo concubinarum genere, quod solum à Justiniano probatum est, differamus. Ergo, ex Justiniani jure, concubina est mulier libera, innupta, quam vir cælebs domi concubinatus causa solam habet. Liberam enim concubinam esse oportere, satis ex eo intelligitur, quod intestato succedit. *l. si qua illustris, §. 1. C. ad Orphic.* itemque *Novel. 89. §. εἰ τις τοῖ- νου ποιεῖται.* ubi Julianus, *Concubinam*, inquit, *dicimus talem, quæ, libera constituta, in domo defuncti erat.* itemque *Novell. 18. §. βλέψωμεν*, his verbis: *εἴη ἡ αὐτῷ καὶ τῷ οἴκῳ, ὡς περὶ αὐτῶν, ἐλευθέρῃ τε γυνή, ἐν παλαιᾷ στήματι συνιῇ.* Quinetiam Justin.

in l. ult. C. commun. de manum. statuit, ut, si quis forte ancillam suam pro concubina habuerit, neque de ipsa, nativæ ex ea, quidquam in testamento statuerit; tum & ea, & ex illo concubinato nati, post domini mortem liberi sint. Innuptam autem esse eam oportere, non modo Justinianico, sed etiam vetere jure, propter adulterii crimen, superius dictum est. *ex l. si uxor, 13. D. de adulter.* Addidimus autem, concubinam à viro cælibe tantum haberi posse, propter Constantini constitutionem *in l. 1. C. de concub.* & *l. ult. C. commun. de manumiss.* Qua ex re differentia inter veteres concubinas & has recentes intelligitur. Nam, ut in commentario de verbis juris docuimus, jure vetere etiam maritis habere concubinas licuit. Solam autem, addidimus, propter hæc Justiniani verba, quæ in utraque illa Novella posuit: *Εἰ δὲ ἐκκεχυμένον τὰ ἐπιθυμίας αὐτῶν γένοιτο, καὶ ἄλλας ἐπ' ἄλλαις ἐπεισκαλέσθαι τῇ ἐσθιέει παλλακίς, καὶ πλεῖστον ἔχει γυναικῶν πορνόουμένων, (ἔτι καὶ εἰπεῖν κἀλλίον,) μισητὸς μὲν ἡμῖν ὁ ποιῶν, &c.* Id est: *Quod si profusa ipsius libido fuerit, &, præter primam concubinam, alias super alias inducat, pluresque habeat meretrices, (sic enim verius adpellanda sunt,) odio is nobis erit: neque hujus legis beneficio fruetur.* Hæc cum ita sint, illud intelligi debet,

debet, è quinque spuriorum generibus, quæ antiquo jure probabantur, quatuor à Justiniano sublata fuisse: unumque id solum eorum comprobatum, qui ex concubinis nati essent: quos Græco nomine νόθες, interdum etiam ex Romana consuetudine φυσικῆς, adpellat. quorum tamen duo hæc genera observavimus: unum eorum, qui ex certis concubinis; alterum eorum, qui ex non justis uxoribus suscepti erant. id est, ex iis mulieribus, quæ uxoribus quidem animo habebantur, sed, contra leges & præscripta Justiniani ductæ, uxoribus jure non censebantur. Quod Justinianus, in fin. Novellæ 74., his demonstrat verbis: Εἰ δὲ τῶν τούτων γένειοι, μὴ μὲν τοι ἐκ κατὰ δίκασμόν τινος παρ' ἡμῶν φιλοκνηθέντων τοῖς νόθοις, εἴτε ἐκ ἀδελφικῆς, εἴτε ἐξ ἀδελφικῆς, τούτοις.

CAPUT III.

*De spuriorum & nothorum jure
veteri & novo.*

Nunc proximum est, ut de spuriorum jure consideremus. Hæc autem consideratio duplex est: primum ex veteris juris ratione; tum deinde ex novi, quod à Justiniano introductum est. Ac veteris quidem juris ratio hæc fuit, ut spurii omnes, gentilitatum

tilitatum & adgnationum expertes essent :
 quippe cum adgnatio à patre sit : patrem
 autem spurii non habeant. *l. 2. & l. 4. D.
 und. cognat.* Sed cum vulgo concepti ma-
 trem sequantur, ut ait *l. cum legitima, 19. D.
 de stat. hom.* ac proinde cognationem per
 matrem adepti sint : quod caput prætor in
 edicto de cognatis posuit : id caput etiam
 ad spurios productum est. *d. l. 4. & §. vulgo
 quasitos, 4. Inst. de succ. cogn.* Quod cum ita
 sit, facile intellectu est, quam inepte à non-
 nullis dubitetur, utrum spurii cives Roma-
 ni, an vero peregrini essent. Quamquam
 ejus rei dubitationem Justinianus, *initio
 Novell. 89.*, adtulisse videtur. ubi sic scribit :
 Τὸ τῶν νοθῶν ὄνομα τῇ Ρ' ὡμαίων νομωθεσία
 πρῶτον ἐ διεσπένδατο· ἐδὲ πρὸς τὴν αὐτὴν
 φιλανθρωπίαν, οἷα ὡς ἐκφυλὸν πρὸς πάντε-
 λῶς ἀλλότριον τῇ πολιτεύματι ἐνομίζετο.
 Nam, si nothi pro exteris & plane à civitate
 alienis numerabantur ; quomodo Rom. ci-
 ves haberi potuissent ? Quod etiam video
 Alciatum adfirmasse, *lib. parerg. 4. cap. 6.*
 Sed, cum *in l. 1. §. 2. D. ad Tertyl. & §. ult.
 ad Orphic.* legitima matris hereditas iis ex
 Orphiciano S.C. deferatur ; item *in l. 2. & 4.
 & l. Modestinus, D. und. cogn. & §. 4. Inst. de
 succ. cogn.* bon. possessio unde cognati, iis &
 inter se, & inter matrem & ipsos concedatur :
 quid stultius est, quam dubitare, an cives R.
 fuerint ?

fuerint? Præterea, cum *in l. 4. in fin. D. de in
 jus voc.* in jus vocatio iis adversus matrem
 denegetur; perspicuum est, eam adversus alios
 omnes iis dari. *l. ex eo, 18. D. de testib.*
 Item videmus, eos heredes institui, & cum
 iis testamenti factionem esse. *in l. cum tabu-
 lis, 16. §. quoniam, D. de his qua ut indign.*
Et l. Lucius, 45. D. de vulg. subst. l. Lucius;
88. §. Dama, D. de leg. 2. l. ult. D. de jur.
de lib. l. omnes, 17. §. 1. D. qua in fraud.
cred. neque id tantum, verum etiam de in-
 officioso matris testamento queri posse:
l. si suspecta, 29. §. 1. D. de inoff. test. Item
in l. 3. §. 1. Et l. 6. D. de decur. spurios in
 decurionum ordinem adlegi: atque adeo
 etiam eos, qui ex incestu nati sunt. Ad illa
 ergo Justiniani verba, quæ sane nimium
 effuse concepta sunt, ita respondendum est:
 spurios omnis civilis juris expertes fuisse,
 duntaxat quod ex adgnatione comparatur.
 quoniam, ut ait Ulp. *in l. 4. D. und. cogn.,*
 adgnatio per patrem quæritur: spurii au-
 tem patrem non habent. Itaque nihil nos
 moveat, quod eodem loco Alciatus objicit
ex l. 1. Et l. nec apud, C. de inst. hered. Et
l. 1. §. 2. D. de leg. 3. nam ibi nulla omnino
 spuriorum mentio est: sed deportatorum
 aut peregrinorum duntaxat. Denique ἀνό-
 τερος Justinianus eadem immoderatione di-
 cendi usurpavit. qua usum eundem vide-
 mus,

mus in *Novella* 153. *de infantib. exposit.* & *Constantinum*, in *l. 1. C. de natur. lib.* Atque hæc quidem juris antiqui ratio fuit. Justiniani autem *Novellis* constitutionibus omnes (ut superius dictum est) spuriorum species, præter unam nothorum, sublatae sunt. Nothos autem definit, qui ex concubina nati sunt: hoc est, ex muliere innupta, quam vir cælebs domi concubinatus causa solum habuit. Hujus autem juris origo prima ad *Constantinum Imp.* referenda est: quemadmodum testatur *Justinianus*, *initio Novell. 89.*, & *Zeno*, in *l. divi, 5. C. de natur. lib.* Sed ea ratio, semel ab illo inchoata, postea à consequentibus imperatoribus mirifice amplificata est, usque ad tempora Justiniani: hoc est, per spatium annorum ducentorum. Ergo de Justinianico jure videamus. Id autem duplex est. nam prius, est de spuriorum conditione: alterum, de legitimatione. Spuriorum ergo conditio hæc à Justiniano definita est, ut ex intestati causa, si quidem justiliberi existent, boni viri arbitratu alantur: si non existent, sextans eis debeatur. Ex causa vero testamenti, si justiliberi existent, sola eis uncia relinqui possit. si testatoris parentes existent, bes: si soli, quantumvis. *Novell. 89.* at in matris bonis, ut pro justis liberis habeantur. *l. si qua illustris, C. ad senat. Orphic.*

Hoc autem loco aliquot pragmaticorum quæstiones necessario tractandæ sunt. Quarum prima hæc est, An nothis aliqua legitima debeatur. Qua quæstione nihil absurdius fingi potest. Nam, cum legitima in locum querelæ inofficiosi introducta sit, quomodo pater in illos inofficiosus dici poterit, cum justis liberis existentibus non liceat ei amplius uncia illis relinquere? ut modo *ex Novella 89.* dictum est. Et si autem ex causa quidem intestati, si justi liberi non existent, sextans iis debeatur: qua de causa tertia sextantis pars eorum legitima esse videretur: tamen, cum legitima non nisi ex testari causa debeatur, quomodo inofficiosus dici poterit, qui etiam si inofficiosissimus esse cupiat, tamen non nisi in uncia esse possit? Quare concludendum arbitror, nihil iis legitimæ nomine deberi: sed ejus nomine alimenta boni viri arbitratu adtribuenda esse. Altera quæstio est, An filiæ nothæ dos à patre debeatur. Nam exstat Ulpiani testimonium *in l. uxorem, 41. §. pater naturalis, 11. D. de legat. 3.* ubi aperte scribitur, patrem non teneri dotem spurix filix constituere. Indeque vulgaris nata opinio est, patrem nothis puellis dotem non debere. Sed videamus, an lex illa nihil ad jus novum, hoc est, à Justiniano inductum, pertineat. nam jure antiquo pater naturalis filiam alere non co-
gebatur.

gebatur. l. 5. §. 4. D. de agnoscend lib. tantum abest, ut dotare teneretur. Sed cum jure novo boni viri arbitrato alimenta debeantur; statuendum putarem, ex boni quoque viri arbitrato, pro facultatum paternarum modo, ei dotem, quæ quodammodo alimentorum locum obtinet, constituendam esse. Tertia quæstio est, Ad quem dos, si qua nothæ constituta est, soluto matrimonio revertatur. De quo quia nihil toto jure constitutum est, non dubitarem, ad eum modum nobis respondendum esse, quem de ceteris dotibus in lib. de Dotib. explicavimus.

CAPUT IV.

De nothorum paternis & maternis hereditatibus.

NUNC consequens est, ut de nothorum hereditatibus differamus. Nam Justinianus, *Novella* 89. §. 13., statuit, ut, quod jus nothis in parentum hereditatibus tribuitur, idem parentibus in illorum successione concedatur. Quod non ita facile ad explicandum videtur. Nam, siquidem nothus liberos habeat, verum est, patrem ipsius egentem, arbitrato viri boni, ipsius facultatibus alendum esse. Quod ad alterum caput adinet, quo constitutum est, ut, si pater justos liberos non habeat, sextans notho,

decunx legitimis patris heredibus adtribuantur; non video, quemadmodum in nothi persona recipiari possit. Nam, si nothus liberis careat, non sextans, sed as integer patri debetur ex causa autem testati, jus hoc manifestum est, ut nothus, liberos habens, patri suo unciam relinquere debeat. sed si pater liberos non habeat, patrem habeat; dictum est, eum posse bessem notho relinquere, trientem patri debere. quod quemadmodum contrariam in partem verti possit, obscurum est. pater enim patri suo trientem tantum debet: cum notho bessem relinquat. at nothus, liberos non habens, poterit extraneis bessem relinquere: suo vero patri, trientem. Postremus autem articulus, in quo dictum est, si pater neque patrem, neque liberos habeat, totum assem posse notho relinquere; reciprocationem non admittit. Quæ quidem omnia de patrum hereditatibus ultro citroque deferendis dicta sunt. Nunc de maternis videamus. Nam antiquo jure multiplex spuriorum jus in maternis hereditatibus fuit. Septuplex autem observavimus. Primum, ut ex Orphiciano S. C. matris intestatæ heredes essent legitimi. *l. 1. §. 2. C. ad Tertyl. §. 3. Inst. de Orphic.* Secundum, ut iis legitima in bonis maternis deberetur: alioqui inofficiosi querela uterentur. *l. si suspecta, 29. §. 6. D. de inof.*

inof. test. Tertium, ut bonorum possessio unde cognati iis deferretur. *l. 2. l. 4. D. und. cogn. §. vulgo quasitus, Inst. de succ. cognat.* Quartum, ut mater illos alere cogeretur. *l. 4. l. si quis à liberis, §. 4. D. de adgnos. lib.* Quintum, ex Justiniani constitutione; ut una cum justis liberis æquis ex partibus succederent. *l. si qua illustris, §. C. ad Orphic.* Sextum, ut patronæ liberi vulgo quæsitæ, materni liberti bonorum possessionem acciperent. *l. patrona, 18. D. de bon. libert.* Septimum, ut mater iis tutorem petere cogeretur. *l. ult. C. qui pet. tut.* Verum exoritur quæstio, utrum jus illud omne per Justiniani Novellam confirmatum, an vero abrogatum sit? Quod potius videtur: cum §. 1. ita scribat: Καλῶς ἔχειν ἡγήσασθαι, ἐν μὲν ἀρχαῖς τὸ πᾶν συναγαγεῖν, ἥ τις αἰντὶ πάντων δρᾷ· σὶ τὰ ἀεὶ τῶ νόθων διορθώσῃ τε καὶ νομοθετήσῃ. id est, *Optimum factu putavimus, jus omne de nothis unam in constitutionem conferre, quæ pro omnibus sufficiat, ad ea, quæ ad nothos pertinent, & emendanda, & constituenda.* Cum enim dicat, se jus nothorum omne in eam Novellam contulisse; omne, quod reliquum est, abrogasse intelligitur. Alterum argumentum sumi potest ex §. 4. ubi Justinianus scribit, eum nothum, qui legitimatur, soli patri legitimum fieri: reliquis omnibus patris adgnatis, cognatisve, non fieri;

fieri; neque ullam cum ejus cognatione partem aut communionem habiturum. Tertium, quod, cum in Novellam 118. omne jus legitimarum hereditatum contulerit, in Novellam autem 18. omne id, quod est de Falcidia liberorum; nullam tamen in utraque spuriorum mentionem faciat. Atque hæc quidem ita disputari possunt: sed cum Justinianus nihil de maternis nothorum hereditatibus statuerit, probabilius arbitror, ubi de juris antiqui abrogatione non constat, eo standum esse. *arg. l. sancimus, C. de leg. præst. & l. precipimus, 32. §. ult. C. de adpell.*

C A P U T V.

An nothi, ex nobilibus nati, nobilitatem retineant.

DE I N C E P S illa tractanda quæstio est, de qua passim à pragmaticis disputatur, An nothi, ex nobilibus parentibus nati, nobilitatem retineant. Videndum est autem, quid utramque in partem adferri possit. Cum enim maternam cognationem retineant, qua de causa bonorum possessio unde cognati inter ipsos defertur, *l. 2. l. 4. l. Modestinus, D. unde cognat.*; difficile dici est, eos posse cognationem sine nobilitate retinere, quippe, cum matris conditionem

nem sequi dicantur. *in l. 1. in fin. D. ad municip. l. cum legitima, 19. l. lex natura, D. de stat. hom.* Præterea, quod ad novum jus attinet, hodie nothi sine patre dici non possunt. Nam ex Novellis Justiniani tam certum habent patrem, certamque matrem, quam qui ex justissimis nuptiis procreati sunt. Itaque etiam ab intestato patri heredes designantur. Quodsi legitimati sunt, quia tunc in patrum potestatem redacti sunt, ut posterius intelligetur, *ex l. ult. D. de adopt. & ex l. ult. D. de his qui sunt sui vel al.* probabiliter disputari posset, eos suitatatem usquequaque adeptos esse; quasi jus suitatis individuum sit: quemadmodum videmus, *in l. qui in provincia, § 7. §. 1. D. de rit. nupt.* statum eorum, qui ex incestu nati fuerant, ab Imp. ita confirmari, ut plane pro legitimis habeantur. Sic videmus, *in l. divi, §. C. de nat. lib.* legitimatos duobus locis adpellari suos, & potestati patris subjectos: item *in l. 6. & l. 7. eod. tit.* Contra tamen, quod ad matris familiam attinet, illa pugnant. Primum, quod nobilitas jure nostro definitur claritas generis: ac proinde ex majorum origine defertur. *l. 1. C. de dignit.* Spuriorum autem origo ex eò tantum die, quo nati sunt, numeratur. *l. ejus qui, 9. D. ad municip.* Ejus, inquit, *qui justum patrem non habet, prima origo à matre, eoque die quo ex ea editus est,*

numerari debet. Præterea mulier familiæ suæ & caput & finis est. *l. pronuntiatio, 195. in fin. D. de verb. sign.* feminarum autem liberi in familia earum non censentur. *l. seq. eod.* Denique Justinianus, in *l. si qua illustris, C. ad Orphic.*, si bene lex attendatur, concubinatus & spuriorum nomen à nobilibus feminis apertissime removet. Etsi autem novo jure certum patrem habeant, non tamen filii jus adipiscuntur: quia suitas, filiation, adgnatio, cognatio, sunt, uti superius diximus, individua. *l. quesitum, 34. D. de adopt.* Quod autem ad legitimatos attinet, jus antiquum, quo per principis rescriptum suitatem adipiscebantur, aperte *per Novell. 89.* abrogatum est: ubi Justinianus sanxit, ut legitimati soli patri legitimati sint, non etiam generi: idque certæ duntaxat portionis causa. Unde adparet, legitimatorem esse jus quoddam definitum, & certis tanquam terminis ita circumscriptum, ut longius produci non possit. Cum autem claritas generis per totam familiam diffusa & plane individua sit, atque in adgnatione & gentilitate posita; quomodo ex ea sola parte nobilitatem adsequerentur? Præterea, nobilitas, est jus familiæ: cujusmodi est jus sacrorum. *l. familiaria, 5. D. de relig. l. jus familiarum, & l. pen. C. eod.* Atque hæc quidem ex nostris libris, & Justinianici
jufis

juris ratione sic disputantur. Sed, cum nobilitas omnibus ætatibus ex variis cujusque gentis institutis æstimata sit; consentaneum est, receptam consuetudinem sequendam esse: quemadmodum videmus, apud Germanos, Venetos, aliasque gentes nonnullas, spurios postremorum hominum numero haberi: apud Delphinates autem, quod Guido Papius testatur, eos, qui ex nobili patre nati, & ab eo adgniti sunt, nobiles censer. Jure vero civili, quod libris nostris continetur, absurdum est, existimare, nobilitatem iis etiam per legitimatorem concedi. Legitimatior enim, ut constat ex *Novel. 89.*, jus ex sola patris persona tribuit. nobilitas autem, totius generis & familiæ communis est. Ea vero jura esse inter se diversissima, perspicue traditur in *l. 3. D. de interd. & relegat.* Atque hæc quidem de primo nothorum gradu ita se habent. Ante vero quam ad legitimatorem accedamus, pauca de secundo dicenda sunt. nam Justinianus, d. *Novel. 89. §. 12. in fin.*, statuit; ut, quæ in Codice de istiusmodi nepotibus dicta sunt, teneantur. Constitutum autem fuerat in *l. ult. C. de natur. lib.* ut, siue ex justo filio nepos naturalis susceptus esset, siue ex naturali filio justus nepos; si justus liberi exstent, unciam ei relinqui liceat: sin minus, quantumvis. Ab intestato vero, ut hujusmodi nepotibus;

successionis jus nullum esset. Quid ergo, si avus, quo de agitur, patrem habeat? an beselem relinquere nepoti poterit, ut patri suo trientem legitimarium relinquere cogatur? Quod certe prima specie videtur: sed constitutionis illius verba repugnant. *In nepotibus*, inquit, *non eadem observatio est, ubi legitima soboles minime facit impedimentum*. Item: *Ea enim subsistente, veterum constitutionum tenorem, &c.* Quod cum ita sit, nulla sobole subsistente, sequi videtur, ut veterum constitutionum tenor non observetur: ac proinde nepos ab avo institui in besele non possit. Quod sane concoquere non possum. Et, vere ut dicam, nimium perplexe ac tenebrosae lex illa concepta est. Nam, si pater suo notho tantundem potest relinquere; quidni avus legitimo nothi filio perinde, ut cuivis extraneo, poterit?

• C A P U T VI.

DE LEGITIMATIONE.

Et quatuor tractata quaestiones in hoc argumento.

HACTENUS de spuriorum jure & conditione satis dictum esse arbitramur: nunc tempus est, ad eorundem legitimatorem accedere. Sed prius, quid sit legitimatio, considerandum est. Quod enim vulgo natalium restitutio definitur *ex Novell. 74.*

ex

ex parte quidem verum est, sed non ex toto. Natalium enim restitutio, jus omne, quod quis integris natalibus adipisci potest, adtribuit. *l. 2. de natal. rest.* Legitimationis vero tantum abest ut jus adgnationis integrum alicui præstet, ut soli patri legitimum faciat: ab aliis vero omnibus trium generum adgnatis prorsus eum alienum relinquat. *Novel. 89. §. 4.* Quin ne integrum quidem adgnationis jus ei in parentis persona tribuit: hoc est, ut suitatem obtineat. quemadmodum olim factum fuisse, argumento est *l. ult. D. de adopt.* Nam legitimisationis jus omne hoc est. primum, ut justis liberis exstantibus legitimari nothus, nisi per conjugium & decurionatum, non possit. deinde, ut legitimatus soli patri ab intestato heres sit: ceteris non sit. institui tamen ab omnibus heres possit: sed à patre non majore ex parte, quam quæ minima alicui adtributa est. Quod cum ita sit, videndum, an legitimisationis definitio commode tradi hæc possit: *Legitimationis est, cum ex concubina susceptus, ita patri suo heres ab intestato designatur, ut etiam institui ab eo heres possit: dum tamen ne majorem, quam quis ex justis liberis, hereditatis partem capiat.* Quibus verbis omne, ut opinor, legitimatorum jus, quod quidem ad successiones pertinet, continetur. Proba-

turque definitio hæc ex *Novell.* 74. & *Novell.* 117. §. 2. ubi *γνησίης ποιεῖν* Justinianus eos dicit, quos recepta in scholis consuetudine legitimari dicimus. Tribus autem modis legitimatio contingit: per decurionatum, concubinæ matrimonium, & principis rescriptum. Primum autem à Theodolio posteriore institutum fuisse, Justinianus testatur in *Novel.* 89. ejusque constitutio exstat in *l. 3. C. de natur. lib.* sed ea tota ratio à Justiniano emendata, formam hanc habet: ut liberi, sive ex concubina, sive ex ancilla suscepti, atque hi quidem manumissi, per cooptationem incuniam, & suitatis, & gentilitatis, & adgnationis jus adipiscantur: aut, si feminæ sunt, per decurionis matrimonium. Secunda legitimationis ratio, à Constantino primura instituta, postmodum à Justiniano ita confirmata est, ut matrimonium cum concubina contractum, sive ea ingenua, sive libertina, sive serva & postea manumissa fuerit, liberos, & ante & post matrimonium conceptos, legitimos faciat. *l. divi, §. l. cum quis, 10. & l. seq. C. de natur. lib.* & *Novell.* 89. Tertiam fieri diximus per principis rescriptum: ut, si pater, aut ipsi nothi, ex patris testamento imperatori preces obtulerint, jus legitimorum adsequantur; si modo legitimi non existent. Nam si legitimi ex-

stent,

stent, nothi non poterunt, nisi per decurionatum & consequens parentum matrimonium, legitimari. *eadem Novel. §. καὶ κεῖνο*, 9. & §. 11. Ex his igitur patere arbitror. quidnam ad illam quæstionem respondendum sit, An per legitimationem integrum filiis, jus, hoc est, suitas, adquiratur. Quod propterea videri posset, quia Justinianus, in §. 2. *de hered. qua ab intest.* his utitur verbis: *Heredum suorum jura nanciscuntur. item, justos & in potestate patris fieri.* Quibus consentanea sunt quæ ab eodem scribuntur in §. ult. *de nupt.* & in l. 5. l. 6. l. 7. & l. 11. *C. de nat. lib. in Novell. 74.* *ὑπεξούσιος ἔχειν.* item, *μὴδὲ τὸ νόμιμον παῖδων ἀλλοτρίων.* Sed verius est, legitimatione non integram suitatem adquiri: verum ex parte tantum; hoc est, quatenus ad solam patris personam pertinet. quippe, cum legitimati, ut superius *ex Novell. 89.* dictum est, ab omnibus aliis patris propinquis & cognatis, ab omni, inquam, ipsius cognatione & familia, plane alieni sint. Quoniam de nothorum jure & legitimatione diximus, superest, ut de ceteris spuriiis, quorum quatuor genera superius protulimus, breviter explicemus. Summa autem eorum; quæ Justinianus de iis statuit, hæc est: ut spurii, aliunde quam ex concubinato susceptus, neque nothus, neque naturalis adpel-

letur; neque ullum in patris hereditate, vel ex testati, vel ex intestati causa, jus habeat: ac ne à suis quidem parentibus ei alimenta debeantur. *Novel. 74. C. 89. in fin.* Verba autem illius hæc sunt: Τὸς γὰρ ἀπὸ τῆς κατὰ πατέρα ἡμῶν μεμνημένων τε, καὶ ἀπὸ τοῦ κεκολυμένων γάμων, ἀρτίζοντες, καὶ οὐ νόμος κλητίον, καὶ οὐ μετὰ δότιον αὐτοῖς ὑδεμισῶς φιλανθρωπίας, ἀλλ' ἔστι καὶ τῷ τοῦ ἡμετέρας τῆς πατρῴων, τὸ γνώσκειν, ὡς καὶ ὅτι οἱ τὸ ἀμαρτάνουσι ἐπιθυμίας αὐτῶν ἔξοσι παῖδες. Hujus autem hæc: Περίτερον μὲν γὰρ πᾶς ὁ ἐν συνελούσειν (καὶ γὰρ καλίστῳ μὲν γάμων) ἢ νεφελίαν, ἢ ἰγκέσων, ἢ δαμνάτων ἀρτίζον, καὶ τῷ καὶ οὐ φουσιῶς ὀνομαζήσεται, καὶ οὐ ἀπὸ τῆς φουσιῶς ἀπὸ τῆς γυνείων, καὶ οὐ ἐξ ἑνὸς ἀρτίζον πὺν παρὸν-τα νόμον μελίσσιαν. Sed quæri video, utrum natus ex viro marito, & muliere soluta, in nothorum, an vero in spuriorum numero censeatur. Qua quæstione vix ulla absurdior est. Et tamen pragmatici, ut opinor, omnes, nothorum iis jus sine controversia concedunt. in his Alexander, Salicetus, Paulus Castrensis, Socinus, &, qui argutissime hanc sententiam defendit, Philippus Decius, *consil. 306.* Primum autem & summum illorum argumentum ducitur *ex l. 1. C. de adulter.* quasi ea lege tradatur, mariti scortationem lege nulla vindicari. Itaque sic argumentantur:

Soli

Soli ex damnato concubitu procreati ab hereditatibus repelluntur. Scortatio mariti, lege non damnatur. Ex ea igitur scortatione nati, ab hereditate repellendi non sunt. Sed adsumptio falsa est. Non enim, si uxor agere lege Julia non potest, ut ibi traditur; continuo verum est, mariti scortationem legibus non damnari. Præterea, si nati ex concubina, quam vir maritus habeat, repelluntur, *l. 1. C. de contub. & Novell. 89.*; atque adeo ex secunda concubina suscepti, ut *Novell. 18. & 89.*: quanto magis, qui ex ea, in qua stuprum aut scortatio committitur, repudiandi sunt? Denique, quo nomine intestati hereditatem peterent, cum neque nothi, neque naturales adpellentur, ut Justinianus *in fin. Novell. 89.* apertissime testatur? Sed de matris hereditate Socinus urget vehementius. nam, olim spurios omnes matri successisse, superius dictum est. quod si abrogatum non fuit, quidni etiam nunc valeat? Quæ fuit mens aut Sotini, aut aliorum, cum illa tam dilucida verba *l. si qua illustris, C. ad Orphic.*, non animadverterunt? Si concubina procreaverit liberos ex licita consuetudine, ab homine libero habita, &c. Quid enim plinius dici potest, ut intelligatur, si non licita consuetudo fuerit, matri liberos non successuros? Altera eorundem quæstio, aliquan-

aliquanto obscurior, hæc est: An ex meretrice natis relinqui testamento possit. Quod illi summa contentione defendunt, hanc unam ob causam, quia meretricius concubitus extra legis pœnam est: *l. si ea qua*, 22, & *l. qua adulterum*, 29. *C. de adulter.* ac proinde ex meretricio concubitu nati, inter eos, qui ex damnato concubitu nati sunt, censendi non sint. Quid ergo est? Qui in *Novell.* 18, & rursus *Novell.* 89., tam acriter eos repellit qui ex secunda concubina procreati sunt; eos ne admittet, qui ex meretrice, quæ longe tetrior est, susceptierunt? Quorsum igitur *Novell.* 69. tam aperte exquirat, ut, qui ad legis beneficium admittentur, nati sint ex concubina, domi retenta, nomine & titulo concubinæ? τοῖς γὰρ τοιούτοις μέντοι ταῦτα νομοθετήματα, ἐνταῦθα πάντεσσι ἀναμφισβήτητος ἐστὶν ἢ τε τῇ παλλακῆς καὶ τῇ οἰκῇ χεῖρας, ἢ τε τῇ παιδῶν ἐκείσε γυνὴ καὶ πατρὶ. Neque mihi sophista nescio quis cavillettur, ibi de causa intestati Justinianum loqui: cum satis constet, omnem illam concubinarum & nothorum definitionem non ad illius loci angustias restringendam, sed fuscè ad integrum *Novellæ* discursum producendam esse, ut verba illa modo prolata demonstrant. Denique, ne multis morer, contendo, scortationem omnem ex novo jure *Novella* 14., quæ est de *lenonibus*, inter damnatos concubitus

cubitus numerandam esse: cum aperte Justinianus ibi sanxerit, ne meretrices vel palam in fornicibus & lupanaribus, vel clam in ædibus privatis habeantur, sed omnes è Christianorum civitatibus tanquam pestes exterminentur. Ad hunc ipsum locum illa quoque vulgaris pragmaticorum quaestio pertinet, An parentes natis ex damnato concubitu alimenta debeant. quippe cum Imp. *Novella 89. in fin.* his utatur verbis: *ἔδὲ ἀποτρύφῃσται. ὡς δὲ τὸ γυνέων, ἔδὲ ἐξείπναι ὡς τὴν πατρὸν νόμον μετρίαν.* Et *Novell. 74:* *ἀλλ' ἔστω καὶ τὴντο πτωρία τὸ πατέρων, τὸ γινώσκων, ὡς ἔδ' ὅτι οἱ τὸ ἀμφεργύνεισιν ἐπιθυμίας αὐτῶν ἔχουσιν παῖδες.* Quo eodem illud Ulpiani pertinet, *in l. 1. §. 2. D. de adgnosce. lib.* ubi ait, patrem cogi alere filiam, dum tamen juste quaesita sit. Denique, si iis alimenta legare liceat, fraudis facultas dabitur: cum id legatum in totam vitam pertineat. *L. Mela ait, 34. D. de alim. legat.* Contra tamen illud pugnat quod dici solet, acerbum esse, parentum delicta liberorum poenis lui: *l. crimen, 26. D. de poen. l. spuriiis, 6. D. de decurion.* item, naturæ legem, & sanguinis vim, civili ratione non extinguere. *§. ult. de legit. adgnat. tut. & l. eas. obligationes, 8. D. de capit. minuit.* Qui vero alimenta denegat, necare videtur, *l. necare, 4. D. de lib. adgnosce.*

Ut in.

Ut in pauca conferam, cum eos alere mater jure civili jubeatur, *d. l. 5. §. 4. D. de agnosc. lib.* ex æquo & bono statuendum putarem, si mater, unde ipsos alat, non habeat, & fortunæ tenuis sit, non modo patrilocere iis alimenta relinquere, sed etiam magistratus imperio cogendum esse, usque dum sese spurii exhibere possint. *arg. d. l. 5. §. sed si filius, 7. eod.* Legare autem iis, tanquam extraneis, nullo modo permittendum est; ne, quod una ratione prohibitum est, altera concedi videatur. contra *l. scire oportet, 21. §. 1. D. de tut. & cur.* &, quod in eorum odium inductum est, ut ἀλλότριος censeantur, in eorum favorem contorqueatur, contra *l. si quis solidum, 72. D. de hered. inst.* Quod enim pragmatici quidam obijciunt *ex l. extraneum, 9. C. de hered. instit.*, plane absurdum est. non enim quia extranei sunt, propterea illis legare non licet; sed, quia Justiniani lege, ut indigni & incapaces, repudiati sunt. quemadmodum deportatis non propterea legare non licet, quia extranei sunt, sed quia peregrini, & civitatis jure multati sunt. Nunc de nepote, qui ex spurio natus est, videamus. Nam Bartholus, *consil. 118.* quem alii secuti sunt, respondit, eum institui heredem posse, propter *l. emancipatum, 7. D. de senat. l. 3. D. de interdict.*

interdict. & releg. l. 1. §. pen. D. contr. tab. Verum animadvertere debuerat, leges illas agere de nepote, cui jus agnationis una cum hac luce quæsitum est. quod in his nepotibus locum non habet. Præterea, illo Bartholi instituto magna fraudandæ legis facultas aperitur: quia ususfructus saltem ad patrem spurium reverteretur. *l. cum oportet, 6. C. de bon. qua lib.* Et, cum avi in nepotem benevolentia per filii personam transeat, *l. dotem, 6. D. de collat. bon.* hoc casu, avi in filium benevolentia locus, jure quidem civili, nullus est. Sequitur illa disputatio, An spurii, si-ve, ut pragmatici loquuntur, bastardi nomen, convitiandi animo in quempiam conjectum, injuriarum actionem ei pariat. Cujus quæstionis argumentum nostri sumserunt *ex l. 3. D. de lib. & post.* cum pater in suo testamento ita locutus est: Ex mea uxore natus exheres esto. Quod non arbitror; cum injuriarum actio, non ex adfectu tantum convitiantis, sed ex eventu, id est, læsa alterius existimatione, nascatur. *l. cum qui, 18. D. de injur.* Si tamen legitimatus spurius fuisset, quoniam per legitimacionem illa macula eluitur; dandam actionem existimarem. cum etiam ei, qui, ut debitor, adpellatus est, cum debitor non esset, ea actio concedatur.

l. item

fieri; neque ullam cum ejus cognatione partem aut communionem habiturum. Tertium, quod, cum in Novellam 118. omne jus legitimarum hereditatum contulerit, in Novellam autem 18. omne id, quod est de Falcidia liberorum; nullam tamen in utraque spuriorum mentionem faciat. Atque hæc quidem ita disputari possunt: sed cum Justinianus nihil de maternis nothorum hereditatibus statuerit, probabilius arbitror, ubi de juris antiqui abrogatione non constat, eo standum esse. *arg. l. sancimus, C. de leg. præst. & l. præcipimus, 32. §. ult. C. de appell.*

CAPUT V.

An nothi, ex nobilibus nati, nobilitatem retineant.

DE INCEPS illa tractanda quaestio est, de qua passim à pragmaticis disputatur, An nothi, ex nobilibus parentibus nati, nobilitatem retineant. Videndum est autem, quid utramque in partem adferri possit. Cum enim maternam cognationem retineant, qua de causa bonorum possessio unde cognati inter ipsos deferretur, *l. 2. l. 4. l. Modestinus, D. unde cognat.*; difficile dici potest, eos posse cognationem sine nobilitate retinere, quippe, cum matris conditionem

nem sequi dicantur. *in l. 1. in fin. D. ad municip. l. cum legitima, 19. l. lex natura, D. de stat. hom.* Præterea, quod ad novum jus attinet, hodie nothi sine patre dici non possunt. Nam ex Novellis Justiniani tam certum habent patrem, certamque matrem, quam qui ex justissimis nuptiis procreati sunt. Itaque etiam ab intestato patri heredes designantur. Quodsi legitimati sunt, quia tunc in patrum potestatem redacti sunt, ut posterius intelligetur, *ex l. ult. D. de adopt. & ex l. ult. D. de his qui sunt sui vel al.* probabiliter disputari posset, eos suitatem usquequaque adeptos esse; quasi jus suitatis individuum sit: quemadmodum videmus, *in l. qui in provincia, § 7. §. 1. D. de rit. nupt.* statum eorum, qui ex incestu nati fuerant, ab Imp. ita confirmari, ut plane pro legitimis habeantur. Sic videmus, *in l. divi, §. C. de nat. lib.* legitimatos duobus locis appellari suos, & potestati patris subjectos: item *in l. 6. & l. 7. eod. tit.* Contra tamen, quod ad matris familiam attinet, illa pugnant. Primum, quod nobilitas jure nostro definitur claritas generis: ac proinde ex majorum origine defertur. *l. 1. C. de dignit.* Spuriorum autem origo ex eo tantum die, quo nati sunt, numeratur. *l. ejus qui, 9. D. ad municip.* Ejus, inquit, qui justum patrem non habet, prima origo à matre, eoque die quo ex ea editus est,

numerari debet. Præterea mulier familiæ suæ & caput & finis est. *l. pronuntiatio, 195. in fin. D. de verb. sign.* feminarum autem liberi in familia earum non censentur. *l. seq. eod.* Denique Justinianus, in *l. si qua illustris, C. ad Orphic.*, si bene lex attendatur, concubinus & spuriorum nomen à nobilibus feminis apertissime removet. Etsi autem novo jure certum patrem habeant, non tamen filii jus adipiscuntur: quia suitas, filiationis, adgnatio, cognatio, sunt, uti superius diximus, individua. *l. quesitum, 34. D. de adopt.* Quod autem ad legitimatos attinet, jus antiquum, quo per principis rescriptum suitatem adipiscebantur, aperte per *Novell. 89.* abrogatum est: ubi Justinianus sanxit, ut legitimati soli patri legitimati sint, non etiam generi: idque certæ duntaxat portionis causa. Unde adparet, legitimatorem esse jus quoddam definitum, & certis tanquam terminis ita circumscriptum, ut longius prædici non possit. Cum autem claritas generis per totam familiam diffusa & plane individua sit, atque in adgnatione & gentilitate posita; quomodo ex ea sola parte nobilitatem adsequerentur? Præterea, nobilitas, est jus familiæ: cujusmodi est jus sacrorum. *l. familiaria, 5. D. de relig. l. jus familiarum, & l. pen. C. eod.* Atque hæc quidem ex nostris libris, & Justinianici
jufis

juris ratione sic disputantur. Sed, cum nobilitas omnibus ætatibus ex variis cujusque gentis institutis æstimata sit; consentaneum est, receptam consuetudinem sequendam esse: quemadmodum videmus, apud Germanos, Venetos, aliasque gentes nonnullas, spurios postremorum hominum numero haberi: apud Delphinates autem, quod Guido Papius testatur, eos, qui ex nobili patre nati, & ab eo adgniti sunt, nobiles censer. Jure vero civili, quod libris nostris continetur, absurdum est, existimare, nobilitatem iis etiam per legitimationem concedi. Legitimatione enim, ut constat ex *Novel. 89.*, jus ex sola patris persona tribuit. nobilitas autem, totius generis & familiæ communis est. Ea vero jura esse inter se diversissima, perspicue traditur *in l. 3. D. de interd. & relegat.* Atque hæc quidem de primo nothorum gradu ita se habent. Ante vero quam ad legitimationem accedamus, pauca de secundo dicenda sunt. nam Justinianus, *d. Novel. 89. §. 12. in fin.*, statuit; ut, quæ in Codice de istiusmodi nepotibus dicta sunt, teneantur. Constitutum autem fuerat *in l. ult. C. de natur. lib.* ut, si ex justo filio nepos naturalis susceptus esset, si ex naturali filio justus nepos; si justis liberi essent, unciam ei relinqui liceat: sin minus, quantum vis. Ab intestato vero, ut hujusmodi nepotibus;

successionis jus nullum esset. Quid ergo, si avus, quo de agitur, patrem habeat? an bessem relinquere nepoti poterit, ut patri suo trientem legitimarium relinquere cogatur? Quod certe prima specie videtur: sed constitutionis illius verba repugnant: *In nepotibus*, inquit, *non eadem observatio est, ubi legitima soboles minime facit impedimentum*. Item: *Ea enim subsistente, veterum constitutionum tenorem, &c.* Quod cum ita sit, nulla sobole subsistente, sequi videtur, ut veterum constitutionum tenor non observetur: ac proinde nepos ab avo institui in bese non possit. Quod sane concoquere non possum. Et, vere ut dicam, nimium perplexe ac tenebrosae lex illa concepta est. Nam, si pater suo notho tantundem potest relinquere; quidni avus legitimo nothi filio perinde, ut cuivis extraneo, poterit?

• C A P U T VI.

DE LEGITIMATIONE.

Et quatuor tractatae quaestiones in hoc argumento.

HACTENUS de spuriorum jure & conditione satis dictum esse arbitramur: nunc tempus est, ad eorundem legitimatorem accedere. Sed prius, quid sit legitimatio, considerandum est. Quod enim vulgo natalium restitutio definitur *ex Novell. 74.,*

ex parte quidem verum est, sed non ex toto. Natalium enim restitutio, jus omne, quod quis integris natalibus adipisci potest, attribuit. *l. 2. de natal. rest.* Legitimationis vero tantum abest ut jus agnationis integrum alicui præstet, ut soli patri legitimum faciat: ab aliis vero omnibus trium generum agnatis prorsus eum alienum relinquat. *Novel. 89. §. 4.* Quin ne integrum quidem agnationis jus ei in parentis persona tribuit: hoc est, ut suitatem obtineat. quemadmodum olim factum fuisse, argumento est *l. ult. D. de adopt.* Nam legitimisationis jus omne hoc est. primum, ut justis liberis exstantibus legitimari nothus, nisi per conjugium & decurionatum, non possit. deinde, ut legitimatus soli patri ab intestato heres sit: ceteris non sit. institui tamen ab omnibus heres possit: sed à patre non majore ex parte, quam quæ minima alicui adtributa est. Quod cum ita sit, videndum, an legitimisationis definitio commode tradi hæc possit: *Legitimationis est, cum ex concubina susceptus, ita patri suo heres ab intestato designatur, ut etiam institui ab eo heres possit: dum tamen ne majorem, quam quivis ex justis liberis, hereditatis partem capiat.* Quibus verbis omne, ut opinor, legitimatorum jus, quod quidem ad successiones pertinet, continetur. Proba-

turque definitio hæc ex *Novell.* 74. & *Novell.* 117. §. 2. ubi *ἡνωτός ποιεῖται* Justinianus eos dicit, quos recepta in scholis consuetudine legitimari dicimus. Tribus autem modis legitimatio contingit: per decurionatum, concubinæ matrimonium, & principis rescriptum. Primum autem à Theodosio posteriore institutum fuisse, Justinianus testatur in *Novel.* 89. ejusque constitutio exstat in *l. 3. C. de natur. lib.* sed: ea tota ratio à Justiniano emendata, formam hanc habet: ut liberi, sive ex concubina, sive ex ancilla suscepti, atque hi quidem manumissi, per cooptationem incuriam, & suitatis, & gentilitatis, & agnationis jus adipiscantur: aut, si feminæ sunt, per decurionis matrimonium. Secunda legitimationis ratio, à Constantino prima instituta, postmodum à Justiniano ita confirmata est, ut matrimonium cum concubina contractum, sive ea ingenua, sive libertina, sive serva & postea manumissa fuerit, liberos, & ante & post matrimonium conceptos, legitimos faciat. *l. divi, §. l. cum quis, 10. & l. seq. C. de natur. lib.* & *Novell.* 89. Tertiam fieri diximus per principis rescriptum: ut, si pater, aut ipsi nothi, ex patris testamento imperatori preces obtulerint, jus legitimorum adsequantur; si modo legitimi non existent. Nam si legitimi ex-

stent,

stent, nothi non poterunt, nisi per decurionatum & consequens parentum matrimonium, legitimari. *eadem Novel. §. καὶ εἴτε*, 9. & §. 11. Ex his igitur patere arbitror. quidnam ad illam quæstionem respondendum sit, An per legitimationem integrum filii fa. jus, hoc est, suitas, adquiratur. Quod propterea videri posset, quia Justinianus, in §. 2. de hered. qua ab intest. his utitur verbis: *Heredum suorum jura nanciscuntur. item, justos & in potestate patris fieri.* Quibus consentanea sunt quæ ab eodem scribuntur in §. ult. de nupt. & in l. 5. l. 6. l. 7. & l. 11. C. de nat. lib. in Novell. 74. *ὑπεξαιρέσει ἔχει.* item, *μὴδὲ τὸ νομίμων παίδων ἀξιώματα.* Sed verius est, legitimatione non integram suitatem adquiri: verum ex parte tantum; hoc est, quatenus ad solam patris personam pertinet. quippe, cum legitimi, ut superius ex Novell. 89. dictum est, ab omnibus aliis patris propinquis & cognatis, ab omni, inquam, ipsius cognatione & familia, plane alieni sint. Quoniam de nothorum jure & legitimatione diximus, superest, ut de ceteris spuriiis, quorum quatuor genera superius protulimus, breviter explicemus. Summa autem eorum, quæ Justinianus de iis statuit, hæc est: ut spurius, aliunde quam ex concubinato susceptus, neque nothus, neque naturalis adpel-

letur; neque ullum in patris hereditate, vel ex testati, vel ex intestati causa, jus habeat: ac ne à suis quidem parentibus ei alimenta debeantur. *Novel. 74. C. 89. in fin.* Verba autem illius hæc sunt: Τὴς γὰρ ἀπὸ τοῦ πατρὸς παρ' ἡμῶν μεμισημένων τε, καὶ ἀπὸ τοῦ κεκολυμένων γάμων, παρούσας, καὶ δὲ νόθας κλητέον, καὶ δὲ μετὰδοτέον αὐτοῖς εὐδαιμονίας φιλανθρωπίας, ἀλλ' ἔστι καὶ τὸ τοῦ ἡμιωρίου τοῦ πατρὸς τὸ γινώσκειν, ὡς καὶ ὅτι οἱ τὸ ἀμαρτανόσεως ἐπιθυμίας αὐτῶν ἔχουσιν παῖδες. Hujus autem hæc: Πρώτερον μὲν γὰρ πᾶς ὁ ἐκ συνελούσεων (καὶ γὰρ καλίσσιν γάμων) ἢ νεφελίων, ἢ ἰγκέσεων, ἢ δαμνάτων παροχθίων, ἔστι καὶ δὲ φυσικῶς ὀνομαζήσεται, καὶ δὲ ἀποτροφήσεται τῶν τοῦ γυναικῶν, καὶ δὲ ἐξ ἑκείνων πρὸς τὸν παρόντα νόμον μετρίαν. Sed quæri video, utrum natus ex viro marito, & muliere soluta, in nothorum, an vero in spuriorum numero censeatur. Qua quæstione vix ulla absurdior est. Et tamen pragmatici, ut opinor, omnes, nothorum iis jus sine controversia concedunt. in his Alexander, Salicetus, Paulus Castrensis, Socinus, & qui argutissime hanc sententiam defendit, Philippus Decius, *consil. 306.* Primum autem & summum illorum argumentum ducitur *ex l. 1. C. de adulter.* quasi ea lege tradatur, mariti scortationem lege nulla vindicari. Itaque sic argumentantur:

Soli

Soli ex damnato concubitu procreati ab hereditatibus repelluntur. Scortatio mariti, lege non damnatur. Ex ea igitur scortatione nati, ab hereditate repellendi non sunt. Sed adsumptio falsa est. Non enim, si uxor agere lege Julia non potest, ut ibi traditur; continuo verum est, mariti scortationem legibus non damnari. Præterea, si nati ex concubina, quam vir maritus habeat, repelluntur, *l. 1. C. de concub. & Novell. 89.*; atque adeo ex secunda concubina suscepti, ut *Novell. 18. & 89.*: quanto magis, qui ex ea, in qua stuprum aut scortatio committitur, repudiandi sunt? Denique, quo nomine intestati hereditatem peterent, cum neque nothi, neque naturales adpellentur, ut Justinianus *in fin. Novell. 89.* apertissime testatur? Sed de matris hereditate Socinus urget vehementius. nam, olim spurios omnes matri successisse, superius dictum est. quod si abrogatum non fuit, quidni etiam nunc valeat? Quæ fuit mens aut Socini, aut aliorum, cum illa tam dilucida verba *l. si qua illustris, C. ad Orphic.*, non animadverterunt? Si concubina procreaverit liberos ex licita consuetudine, ab homine libero habita, &c. Quid enim planius dici potest, ut intelligatur, si non licita consuetudo fuerit, matri liberos non successuros? Altera eorundem quæstio, aliquan-

aliquanto obscurior, hæc est: An ex meretrice natis relinqui testamento possit. Quod illi summa contentione defendunt, hanc unam ob causam, quia meretricius concubitus extra legis pœnam est: *l. si ea qua*, 22, & *l. qua adulterum*, 29. *C. de adulter.* ac proinde ex meretricio concubitu nati, inter eos, qui ex damnato concubitu nati sunt, censendi non sint. Quid ergo est? Qui in *Novell.* 18, & rursus *Novell.* 89., tam acriter eos repellit qui ex secunda concubina procreati sunt; eos ne admittet, qui ex meretrice, quæ longe tetrior est, suscepti erunt? Quorsum igitur *Novell.* 69. tam aperte exquirat, ut, qui ad legis beneficium admittentur, nati sint ex concubina, domi retenta, nomine & titulo concubinæ? τοῖς γὰρ ποικίλοις μέθοις ταῦτα νομοθετήματα, ἐνθα πάντεσσι ἀναμφισβήτητος ἐστὶν ἢ τε τῆ παλαικῆς καὶ τῆ οἰκονομικῆς, ἢ τε τῶν παιδῶν ἐκείσε γινέσθαι καὶ προσφῆ. Neque mihi sophista nescio quis cavillettur, ibi de causa intestati Justinianum loqui: cum satis constet, omnem illam concubinarum & nothorum definitionem non ad illius loci angustias restringendam, sed fusa ad integrum *Novellæ* discursum producendam esse, ut verba illa modo prolata demonstrant. Denique, ne multis morer, contendo, scortationem omnem ex novo jure *Novella* 14., quæ est de lenonibus, inter damnatos concubitus.

cubitus numerandam esse: cum aperte Justinianus ibi sanxerit, ne meretrices vel palam in fornicibus & lupanaribus, vel clam in ædibus privatis habeantur, sed omnes è Christianorum civitatibus tanquam pestes exterminentur. Ad hunc ipsum locum illa quoque vulgaris pragmaticorum quæstio pertinet, An parentes natis ex damnato concubitu alimenta debeant. quippe cum *Imp. Novella 89. in fin.* his utatur verbis: *ἐδὲ ἀποτρύφεται. ὡς δὲ τὸ γένειον, ἐδὲ ἐξείπναι ὡς τὴν πατρὸς νόμον μετρίαν.* Et *Novell. 74:* ἀλλ' ἔστω καὶ τὸ το πτωρία τὸ πατέρων, τὸ γνώσκων, ὡς ἐδὲ ὅτι ἐν αἱ τὸ ἀμελεῖται τῆς ἐπιθυμίας αὐτῶν ἔχουσιν παῖδες. Quo eadem illud Ulpiani pertinet, *in l. 1. §. 2. D. de adgnos. lib.* ubi ait, patrem cogi alere filiam, dum tamen juste quæsitæ sit. Denique, si iis alimenta legare liceat, fraudis facultas dabitur: cum id legatum in totam vitam pertineat. *L. Mela ait, 34. D. de alim. legat.* Contra tamen illud pugnat quod dici solet, acerbum esse, parentum delicta liberorum pœnis lui: *l. crimen, 26. D. de pœn. l. spuris, 6. D. de decurion.* item, naturæ legem, & sanguinis vim, civili ratione non extingui. *§. ult. de legit. adgnat. tut. & l. eas obligationes, 8. D. de capit. minuit.* Qui vero alimenta denegat, necare videtur, *l. necare, 4. D. de lib. adgnos.*

Ut in.

Ut in pauca conferam, cum eos alere mater jure civili jubeatur, *d. l. 5. §. 4. D. de agnosc. lib.* ex æquo & bono statuendum putarem, si mater, unde ipsos alat, non habeat, & fortunæ tenuis sit, non modo patri licere iis alimenta relinquere, sed etiam magistratus imperio cogendum esse, usque dum sese spurii exhibere possint. *arg. d. l. 5. §. sed si filius, 7. eod.* Legare autem iis, tanquam extraneis, nullo modo permittendum est; ne, quod una ratione prohibitum est, altera concedi videatur. contra *l. scire oportet, 21. §. 1. D. de tut. & cur.* &, quod in eorum odium inductum est, ut ἀλλότριοι censeantur, in eorum favorem contorqueatur, contra *l. si quis solidum, 72. D. de hered. inst.* Quod enim pragmatici quidam obijciunt *ex l. extraneum, 9. C. de hered. instit.*, plane absurdum est. non enim quia extranei sunt, propterea illis legare non licet; sed, quia Justiniani lege, ut indigni & incapaces, repudiati sunt. quemadmodum deportatis non propterea legare non licet, quia extranei sunt, sed quia peregrini, & civitatis jure multati sunt. Nunc de nepote, qui ex spurio natus est, videamus. Nam Bartholus, *consil. 118.* quem alii secuti sunt, respondit, cum institui heredem posse, propter *l. emancipatum, 7. D. de senat. l. 3. D. de interdict.*

interdict. & releg. l. 1. §. pen. D. contr. tab.

Verum animadvertere debuerat, leges illas agere de nepote, cui jus agnationis una cum hac luce quæsitum est. quod in his nepotibus locum non habet. Præterea, illo Bartholi instituto magna fraudandæ legis facultas aperitur: quia ususfructus saltem ad patrem spurium revertetur. *l. cum oportet, 6. C. de bon. qua lib.* Et, cum avi in nepotem benevolentia per filii personam transeat, *l. dotem, 6. D. de collat. bon.* hoc casu, avi in filium benevolentia locus, jure quidem civili, nullus est. Sequitur illa disputatio, An spurii, si-ve, ut pragmatici loquuntur, bastardi nomen, convitiandi animo in quempiam conjectum, injuriarum actionem ei pariat. Cujus quæstionis argumentum nostri sumserunt *ex l. 3. D. de lib. & post.* cum pater in suo testamento ita locutus est: Ex mea uxore natus exheres esto. Quod non arbitror; cum injuriarum actio, non ex adfectu tantum convitiantis, sed ex eventu, id est, læsa alterius existimatione, nascatur. *l. cum qui, 18. D. de injur.* Si tamen legitimatus spurius fuisset, quoniam per legitimationem illa macula eluitur; dandam actionem existimarem. cum etiam ei, qui, ut debitor, adpellatus est, cum debitor non esset, ea actio concedatur.

l. item

l. item apud, 15. §. si quis, 33. D. eod. tit. Antequam autem finem huic libro imponamus, operæ pretium est, veteris & novi juris comparisonem breviter strictimque percurrere. Nam illo jure, quinque spuriorum genera, æqueque omnia, probabantur: novo jure, unum duntaxat, nothorum scilicet. Illo, spurii jus cognationis habebant: hoc, non habent. Illo, legitimi matris heredes erant: hoc, sunt etiam matris heredes, atque adeo, justis exstantibus liberis. *l. si qua illustris, C. ad Orphic.* Illo, legitimam in matris bonis habebant: hoc, neque in patris, neque in matris, habere possunt. Illo, patris intestati nulla ex parte heredes erant: hoc, patris intestati ex sextante tantum heredes sunt; si modo justiliberi non exstent: nam si exstent, boni viri arbitrato alendi sunt. Illo, à patre institui quavis ex parte poterant: hoc, à patre, si justiliberi exstent: non plus uncia; si parentes, besse; si neutri, asse integro locupletari possunt. Illo, per solum principis rescriptum legitimari poterant: hoc, duobus amplius modis, per decurionatum, & insequens matrimonium. Illo, justis exstantibus, legitimari non poterant, primum, quia per solum principem legitimabantur. deinde, quia non tam bona erant conditione quam adoptati. constat autem, eum,
qui

qui justos habet liberos, adoptare non posse. *l. nec ei, 17. §. 3. D. de adopt.* Hoc vero jure, justis exstantibus, per matrimonium & decurionatum legitimari possunt; per principem non possunt. *Novell. 74.* & aliis supra prolatis locis. Quod autem ad veteris & novæ legitimæ comparationem attinet, sic habendum est. Nam similitudo quidem hæc est: quod, sicut antiquo jure legitimatus etiam ab intestato plane legitimus heres erat; ita & novo jure: sicuti cum aliis ab intestato pariter æquabiliterque succedebat; ita hoc jure, justis exstantibus, ab intestato æquabiliter succedit: sicut olim legitima ei debebatur; ita hoc jure, cum ab intestato succedat, debetur. Differentia autem triplex est. nam olim legitimatio uno modo fiebat; nunc tribus. olim jus suæ integritatis tribuebat; nunc mutilum, & respectu patris duntaxat. olim legitimatus institui à patre quavis ex parte poterat; nunc non majore ex parte quam quivis ex justis liberis.

CAPUT ULT.


An Christianis concubinas habere liceat.

ATQUE hæc quidem ita conclusa sunt: tametsi quasi coronidis loco non alienum fore arbitrør, vulgatam illam questionem explicare, An Christiano jure concubinas habere liceat: cum Justinianus, qui florentissimis ecclesiæ temporibus vixisse creditur, earum habendarum potestatem faciat; dum tamen una duntaxat, & à viro cælibe, habeatur: quod ipsius ætate à Christianis usurpatum fuisse, nemo, opinor, negaverit. Eo accedit, quod in antiquis religionis nostræ monimentis, aliquot concubinarum mentio fit ejusmodi, ut non aperte damnentur: veluti de Agar, Bala, Zilpa, & illa Gedeonis, quæ non nominatur. Postremo, quod vulgo dictitatur, concubinatum jure Canonico interdictum esse propter *c. dicat aliquis*, 32. q. 4. (bona venia dictum sit,) pugnare apertissime arbitrør cum *c. is qui non habet*, & *seq.*, *distinct.* 34. ubi ex concilio Toletano verba hæc proferuntur: *Is qui non habet uxorem, & pro uxore concubinam habet, à communione non repellatur: tamen ut unius mulieris,*
aut

aut uxoris, aut concubina sit conjunctione contentus. Quod enim magnus quidam seculi nostri Theologus, in *lib. Iud. cap. 8.* verba illa interpretatur de iis, quæ vere concubinæ non erant, sed uxorum animo domi habebantur, quamvis solenniter ductæ non fuissent, nemo ex Justiniani Novellis non videt quam alienum sit: cum perspicue appareat, concubinas domi habere licuisse, neque animo, neque dignitate uxoris. Alioqui enim, liberæ mulieris consuetudinem non pro concubinato, sed pro matrimonio jure civili haberi, satis constat *ex l. in libera, 24. D. de rit. nupt. l. donationes, 32. D. de donat.* Hæc cum ita sint, tamen veriorrem contrariam esse sententiam, vel hinc licet intelligatur: quia D. Paulus, leges ecclesiis describens, statuit, ut quisque vitandæ scortationis causa uxorem ducat: & quotics de maris & feminæ conjunctione præcepta dat, diserte maritos & uxores nominat: ut facile intelligatur, illam Justinianici seculi maculam fuisse: quemadmodum, de patrum veteris testamenti vitiis in concubinarum & plurium uxorum habendarum consuetudine, satis jam inter nostros theologos convenit. Eodem accedit, quod Leo Philosophus, Imp. Constantinopolitanus, illam ætatis Justiniani licentiam repressit: & *Novell. 91.* constituit, ne Christianis concubinas

504 FR. HORMAN. DE SPUR. ET LEGIT.
nas habere liceat ; præclaram illam ex So-
lomonis proverbiiis rationem subjungens ,
indignum esse, cum è fonte ipso puram
aquam haurire possis, lutulentam quære-
re; neque cuiquam difficile sit, vitæ sociam
& consortem invenire. Cujus exemplum
imitatus Constantinus Porphyrogenneta,
constituit, ut apud Christianos nullum dis-
crimen inter concubinatum & scortatio-
nem putaretur: neque cuiquam Christia-
ni nominis habere concubinas liceret :
quemadmodum Harmenopulus testatur
lib. 4. cap. 7.

F I N I S.



944751

RERUM

RERUM & VERBORUM,

Auctorum item,

Qui vel emendantur, vel notantur,

I N D E X.

A.



Abducere filiam vi patria potestatis. 402, 403, 404

Absens, & furiosus pater, in quam re similes? 399

Absens, & invitus. Vide, Patronus.

Acceptilatio inutilis, pro pactione valet. 391

Accipiter circus, nuptiarum augurium. 39

Accursus, notatus. 230

Ἀδελφιδῆς nomen. 422

Ἀδελφῶν ἔτυμον. 326

Adfines persona. 443

Adfines conjugis, alterius conjugis cognati. 446

Adfinitas, & conjugium. 376

Adfinitas, & necessitudo. 358

Adfinitas, per adoptionem. 409, 410

Adfinitatis & cognationis gradus ad nuptias prohibiti, iidem. 446

Υ

Adfini-

INDEX.

<i>Adfinitatis nominum & graduum index.</i>	463
<i>Adgnasce. 29, § 18. invito nemo potest heres.</i>	341, 397
<i>Adgnatio, genus consanguinitatis. 451, 452.</i>	
<i>civilis cognatio, adoptionis genus. 409. ex</i>	
<i>adoptione quam? 412, 413. cognatio,</i>	
<i>filatio, suitas, individua. 488. à patræ.</i>	479, 480
<i>Adgnatorum nomina, & appellationes, eo-</i>	
<i>rumque sanctitas.</i>	410
<i>Adoptatus; & mulier in familiam transiens</i>	
<i>mariti.</i>	314
<i>Adoptatus non adgnatus, nec cognatus fit.</i>	411
<i>Adoptare, & emancipare, contrarii civiles</i>	
<i>actus.</i>	111, 182, 204
<i>Adoptare, solius emancipati.</i>	411
<i>Adoptio. 22. adrogatio.</i>	120
<i>Adoptio, quasnam impediat nuptias? 202,</i>	
<i>204. quas cognationes contrahat? 204</i>	
<i>Adoptio, qua nuptias impedit, vel secus. 409</i>	
<i>Adoptio spuriorum.</i>	500, 501
<i>Adoptio, legitimatio.</i>	500. 501
<i>Adoptionis constantis, & dissoluta, jura di-</i>	
<i>versa.</i>	415
<i>Adoptione jus originis non mutatur.</i>	109
<i>Adrogatio, & conventio in manum.</i>	25
<i>Adrogatio an ingenuitatis jura conferat? 120.</i>	
<i>Libertini.</i>	

Ad-

I N D E X.

<i>Adscriptitii connubium.</i>	392
<i>Adstipulatio liberorum, & consponsiones parentum.</i>	340
<i>Ælia Sanctia lex.</i>	18
<i>Æs & libra.</i>	295, 310, 312
<i>Affectus & animus habentis, concubinatum vel matrimonium discernit.</i>	34, 35, 36
<i>Agnus femina, pellicis sacrificium.</i>	37
<i>Alciatus, notatus.</i>	479, 480
<i>Alexander, l. C., notatus.</i>	494
<i>Alimenta denegans, necare videtur.</i>	497
<i>Alloquium depennatum.</i>	67
<i>Ambrosius, notatus.</i>	422, 437, 449
<i>Amita adoptiva, & patris adoptivi.</i>	414
<i>Amitinorum nuptia.</i>	424
<i>Ἀναγγελωθήσα.</i>	264, 277
<i>Analogia. Vide, Legis.</i>	
<i>Ancilla, usu in uxorem acquiri potest.</i>	102
<i>Ἀνεψία, quam? 220. Sobrini filia.</i>	439
<i>Anianus, l. C., notatus.</i>	223
<i>Animus. Vide, Affectus.</i>	
<i>Annus utilis, & continuus.</i>	187, 408
<i>Ἀνκφέρεν, & φέρεν.</i>	259, 260
<i>Antoninus, Caracalla.</i>	
<i>Anulus sponsalitiis. 4, 5. pronubus. 4, 267,</i>	311, 317, 352
<i>Anulorum aureorum jus.</i>	121, 122
<i>Ἀπόλεια.</i>	276, 277
<i>Ἀποτήμημα, quid?</i>	259, 262
<i>Apuleius, emendatus.</i>	83
Υ 2	Ἀρι-

I N D E X.

<i>Apuleii seculum.</i>	243
<i>Aqua, Neptunus, terram obnubens.</i>	50.
<i>Ignis.</i>	
<i>Arrha sponsalitia. 4, 267, 338, 354. provincialibus mulieribus data, quomodo restituenda, vel secus.</i>	192
<i>Arrharum sponsalitiarum pœna.</i>	362
<i>Arfica, id est, Artaxerxis, & Cyri, controversia.</i>	111
<i>Arthemenis & Xerxis controversia.</i>	110
<i>Artis ludicra effectus in jure. 122, 124. quales artes?</i>	127, 128, 129
<i>As Caianus.</i>	283
<i>Asses tres nuptiales sponsa.</i>	71, 295
<i>Affidui lex.</i>	18
<i>Attellana.</i>	125
<i>Auguria nuptiarum.</i>	37
<i>Augustinus, emendatus.</i>	157, 158
<i>Augustus cum Iulia filia incestum committit.</i>	198
<i>Avi benevolentia in nepotem per filii personam transit.</i>	499
<i>Auspices.</i>	37, 254, 255, 276
<i>Avunculus nemo fit per adoptionem.</i>	204

B.

B <i>Annum, quid?</i>	370
<i>Barbara gentes, Romanis quam?</i>	417
<i>Barbaris</i>	

I N D E X.

<i>Barbaris jus connubii à Romanis denegatum.</i>	393
<i>Basium, & osculum.</i>	269
<i>Bastardus, spurius,</i>	499
<i>Boethii avum. 17. is notatus, & emendatus.</i>	18, 19
<i>Βασίλειος, caesaries.</i>	285

C.

C & D, quid notent?	73, 283
<i>Caius, Caia, maritus & uxor, dominus & domina.</i>	73, 283, 303
<i>Caia Cacilia, prima conjux textrix vel lanifica, 42, 73, 283. Tanaquil.</i>	63, 68
<i>Caius, l. C., emendatus. 224, 412, 458, 459</i>	
<i>Calathus.</i>	87
<i>Calendarum novarum dies posterius, nuptiis infasti. 8. ipsaeque calenda.</i>	276
<i>Caligula mater ex incesto, quod Augustus cum filia Iulia commisit, procreata.</i>	198
<i>Caligula, vel tricesimo die pater fieri ex uxore, gloriosum duxit. 247. monstrum, cum omnibus sororibus stupri consuetudinem fecit. 203. notatus.</i>	450
<i>Camilla, praeministra.</i>	70
<i>Camillus, quis?</i>	68, 69, 70, 71
<i>Canonicum jus, notatum.</i>	502
<i>Canonistæ. Vide, Decretalistsæ.</i>	
<i>Cantus. Lydius.</i>	
<i>Capillus. Crinis.</i>	

I N D E X.

<i>Capillos & ungues in nave deponere, religio-</i> <i>sum olim.</i>	286
<i>Capitis diminutionum exempla.</i>	19, 22, 26
<i>Caracalla, novercam ducit.</i>	199
<i>Carpimus, ad faces nuptiales.</i>	58
<i>Cassianorum secta.</i>	389
<i>Castor, quis?</i>	65
<i>Castrensis, notatus.</i>	494
<i>Cato Censorius octogesimo exacto anno filium</i> <i>genuit.</i>	155
<i>Causa ab origine invalida, quomodo effectum</i> <i>tandem acquirat.</i>	117, 118
<i>Cella inscripta, lupanarium.</i>	144
<i>Cerei nuptiales. 60. Faces.</i>	
<i>Χαυγαίτης, sponsa conductor.</i>	281
<i>Χοῖς &, porca virginea.</i>	326
<i>Χευδαίρυρον, tributum meretricium.</i>	148
<i>Cicero, emendatus. 77. incestum cum filia</i> <i>committit.</i>	197, 198
<i>Cimo Atheniensis sororem germanam in ma-</i> <i>trimonio habuit.</i>	202
<i>Cingulum nova nupta.</i>	42, 328
<i>Cinxia Iuno.</i>	43, 44, 49, 75, 328
<i>Clarissimatus dignitas.</i>	110
<i>Claudianus, emendatus.</i>	94
<i>Claudius Agrippinam fratris filiam uxorem</i> <i>ducit.</i>	207
<i>Claudii imperatoris uxor luparia.</i>	144
<i>Claves nova nupta matrisfamilias. 77, 268,</i> <i>311, 317</i>	
<i>Clodius,</i>	

I N D E X.

<i>Clodius, incestus cum sorore suspitione laborans.</i>	205
<i>Coemptio viri & mulieris. 17, 19, 20, 27, 294, 295. matrisfamilias propria. 21, 298. domina bonorum mariti. 317. ejus nomen.</i>	30
<i>Cœna nuptiales.</i>	80, 81, 82
<i>Cognatus adfinis mei, mihi non adfinis.</i>	443
<i>Cognati conjugis, alterius conjugis adfines.</i>	446
<i>Cognatorum conjugia prohibita. 425. usque ad quartum gradum. 425, 429. septimumque. 428, 429. & sextum.</i>	439
<i>Cognatorum nomina in sexto gradu deficiunt.</i>	430
<i>Cognatio, quid? 430. adgnatio, filiatio, suitas, individua.</i>	488
<i>Cognatio, & propinquitas.</i>	431, 432
<i>Cognatio civilis, adgnatio; adoptionis genus. 409. ejus ratio in nuptiis.</i>	411
<i>Cognatio domestica, & extranea.</i>	435
<i>Cognatio naturalis, sanguinis communio.</i>	452
<i>Cognitionis jus, quantum ad nuptias. 416. gradus pro nuptiis licitis. 428. eorum qui octo gradibus distarent. 439. gradus ad nuptias prohibiti, iidem & adfinitatis. 446. nominum & graduum index.</i>	446
<i>Collocare nuptam.</i>	94

I N D E X.

<i>Colus nuptialis.</i>	63
<i>Comari, liberorum hominum.</i>	285
<i>Communicatio sacrorum, 310, 311. & bonorum, inter virum & uxorem. 315, 316, 341. usu ductam. 319. Socia.</i>	
<i>Comprivigni, non sunt adfines.</i>	443
<i>Concubitus à Decretalists pro connubiali habitus.</i>	384
<i>Concubitus sponsi & sponsa divina lege improbat.</i>	364
<i>Concubitus, stuprum.</i>	384
<i>Concubina. 471, 472, 476. an uxori adiungi possit?</i>	240
<i>Concubina & uxores. 33, 34, 35, 36, 297, 298</i>	
<i>Concubinas habere, an Christianis licitum?</i>	502
<i>Concubinis nati.</i>	473, 493
<i>Concubinatus, scortatio.</i>	504
<i>Concubinatus, & nuptia.</i>	298
<i>Concubinatus qua aetas habilis?</i>	101
<i>Confarreatio. 16, 17, 292, 293</i>	
<i>Conjugium. Matrimonium. Nuptiæ. genus matrimonii & nuptiarum.</i>	388
<i>Conjugium, & adfinitas.</i>	376
<i>Conjugii contractus, sponsalia de presenti.</i>	379
<i>Connubium, quid? 278. Matrimonium. Nuptiæ.</i>	
<i>Consanguinitas, agnationis species. 451, 452.</i>	an

I N D E X.

<i>an gradu septimo terminetur?</i>	429, 430,
	439
<i>Consensus tacitus.</i>	400
<i>Consobrina. Sobrinæ.</i>	
<i>Consobrini, an propinqui?</i>	437. eorum nu-
<i>p̄tia. 424. διαξαδελφον</i>	<i>matrimonium le-</i>
<i>ge humana prohibitum.</i>	439
<i>Consp̄siones parentum, & liberorum adstipulatio.</i>	340
<i>Constantinus, in l. 1. C. de natur. lib., nota-</i>	
<i>tus.</i>	481
<i>Constitutum quodque modo contrario dissol-</i>	
<i>vitur.</i>	383
<i>Consuetudo, & matrimonium.</i>	34
<i>Contubernium, & matrimonium.</i>	418
<i>Conventio viri in manum mulieris. 307. &</i>	
<i>mulieris in manum viri. 16, 19, 20, 21,</i>	
<i>293, 301, 317, 318. capitis minima mi-</i>	
<i>nutio. 22. cum tutorum auctoritate. 25.</i>	
<i>quid efficiat? 26 ejus species. 26, 27. jura.</i>	
<i>28. per usum annum.</i>	33
<i>Convivia, sacrificia.</i>	325
<i>Corona nova nupta.</i>	41, 50
<i>Corporis partes numinibus consecrata.</i>	272
<i>Corylus, ad faces nuptiales.</i>	58
<i>Crinem summittere, sordidoque capillo &</i>	
<i>promisso siue demisso prodire, lugentium.</i>	287
<i>Crines senis, nupta nova cultus.</i>	39, 280
<i>Cumerum, vel cumeræ, quid?</i>	68, 69, 282.

I N D E X.

<i>Curator, & tutor.</i>	269
<i>Curator, & cessicus tutor.</i>	322, 323
<i>Curator, an & quando pupillam ducere possit?</i>	405
<i>Curatoris auctoritas. 342. heredes, tutela periculo obstricti. 406. datio. 159, 188, 343</i>	
<i>Curatores, & pupilla.</i>	180, 181, 188
<i>Curis, hasta.</i>	40
<i>Cyri & Artaxerxis controversia.</i>	111

D.

D <i>Amnata persona, quam?</i>	133
<i>Darii liberorum controversia.</i>	110
<i>Deberi ex testamento, ex stipulatione.</i>	313
<i>Decius, notatus.</i>	494
<i>Decretalista, notati. 346, 375, 381, 382, 383, 384, 391, 440. sacrilegi.</i>	384
<i>Deductio in domum.</i>	361, 390, 391
<i>Δελφάκιον, pudendum virgineum. —</i>	326
<i>Δέλφαξ, porca virginea. —</i>	326
<i>Depennatum alloquium.</i>	67
<i>Deportatio.</i>	19
<i>Δέποινα, uxor.</i>	304
<i>Despondendi verbum.</i>	349, 350
<i>Desponsata, quodammodo nupta.</i>	361
<i>Desponsata, & nova nupta, ex mutatione domicilii discreta.</i>	55
<i>Δισπότης, & κύριος.</i>	306
<i>Destinandi verbum.</i>	347, 348
<i>Destinata.</i>	

I N D E X.

<i>Destinata puella.</i>	347
<i>Diffarreatio.</i>	17
<i>Dicis causa.</i> 20, 292. νόμος χάριν.	312
<i>Dicta virgo.</i> 253. uxor.	351
<i>Dictum, verbotenus pronunciatum.</i>	258
Διεγερτικὸν ἐπιθαλάμιον.	331
<i>Dies, naturalis, & civilis; & illius initium.</i>	276
<i>Dijovis filius, Διόσκυρος, Castor, Σάγκλος,</i> <i>Hercules.</i>	65
<i>Diminuendi verbum.</i>	27
<i>Dionis interpres, notatus.</i>	7
<i>Dionysius Halicarnassensis, emendatus.</i> 212, 213, 218, 219. Vide & Halicarnassensis.	
Διόσκυρος, quis?	65
Δισεξάδελφοι, sobrini.	439
<i>Divortium Roma per annos DXX nullum fuit.</i>	388
<i>Divortium per internuncios.</i>	374
<i>Divortii libertas, qualis olim?</i>	388
<i>Divortii legitima causa, absentia virorum</i> <i>longa.</i>	310
<i>Dius Fidius.</i>	65
<i>Dius Camillus.</i>	69
<i>Divum, id est, calum.</i>	65
<i>Doarium.</i>	263
<i>Dolo malo facta auctoritas, lege non habetur</i> <i>rata.</i>	159
<i>Domicilium etiam in villa.</i>	292
<i>Domicius, deus.</i>	49, 328

I N D E X.

<i>Domiduca, Iuno.</i>	44, 49, 75
<i>Domiducus, deus.</i>	49, 328
<i>Dominium plenum, & non plenum.</i>	315.
<i>Esse alicujus.</i>	
<i>Dominii continuatio; successio.</i>	318
<i>Dominus, domina, quomodo de marito, & uxore intelligenda?</i>	303
<i>Dominus absque jure vita necisque, quisnam?</i>	305
<i>Dominus, & possessor.</i>	297
<i>Dominus bonitarius.</i>	316
<i>Domitianus cum Iulia fratris filia, tanquam uxore, palam versatur.</i>	208
<i>Donatus, notatus.</i>	266
<i>Donatio immodica, quatenus revocetur.</i>	160
<i>Donatio pupilla à tutore facta.</i>	185
<i>Donationis nomen, 259. dote minor.</i>	261
<i>Donationes. Munera. in concubinam collata.</i>	
<i>35. quasi inter conjuges. 115. quasi ad conjuges. 184. inter conjuges. 29, 317. nulla. 361, 377. ante nuptias. 101. propter nuptias. 259, 260, 261, 338</i>	
<i>Donationes invalida.</i>	160, 191
<i>Δόρυ, xύερος.</i>	41
<i>Dos, an donationum species, vel contractus?</i>	
<i>320. donatione major. 261. an osculo amittatur?</i>	270, 271
<i>Dos, & matrimonium.</i>	183, 184, 191
<i>Dotis petitio. 100. datio, dictio, promissio. 158, 159, 160. promissio, & futurum matrimonium.</i>	

INDEX.

<i>monium.</i>	229.	<i>forma.</i>	321.	<i>& ritus.</i>	257.
<i>& natura.</i>	319.	<i>nomen, ante usucapio-</i>			
<i>nem.</i>					102
<i>Dotis nomine praestita.</i>					315
<i>Dotis nomine, id est, in bonis suis tantum,</i>					
<i>non in dominio.</i>					320
<i>Doti dicta.</i>			315, 316, 319		
<i>Dotem dicere, promittere.</i>					258
<i>Dotes inanes injustarum nuptiarum, & in-</i>					
<i>cestarum.</i>					114, 115
<i>Dotalitium, dotarium.</i>					263
<i>Ducere. Uxorem.</i>					
<i>Ducere, & nubere.</i>					50

E.

E <i>Logium, titulus, inscripti lupanarii.</i>	144,
	145
<i>Emancipare, & adoptare, contrarii civiles</i>	
<i>actus.</i>	111, 182, 204
<i>Emancipata abduci à patre non potest.</i>	403
<i>Emancipatus injussu patris uxorem ducens.</i>	
	404, 405
<i>Emancipati justas citra parentum consensum</i>	
<i>nuptias contrahunt.</i>	230
<i>Emancipatio patriam solvit potestatem.</i>	398
<i>Emancipationis rescissio.</i>	232
<i>Emere, provincialibus interdictum.</i>	191
<i>Ἐπώνυια.</i>	96, 264. postridie nuptiarum.
	277

I N D E X.

<i>Epithalamiorum usus priscus.</i>	331
<i>Epula geniales.</i>	81
<i>Esse in bonis ejus, & fieri ejus.</i>	32, 296, 315
<i>Ἐξάδελφοι, consobrini.</i>	439
<i>Exheredationis justa causa an matrimonium contractum contra parentum voluntatem?</i>	403, 404, 405
<i>Ἐξώπεισι.</i>	263
<i>Extramurana meretrices.</i>	— 143
<i>Εὐγενής, ingenuus.</i>	135

F.

F <i>Aces nuptiales.</i>	56, 57, 58, 59, 60, 78, 281, 291
<i>Factum, non voluntas, apprehenditur. de artium ludicarum exercitio.</i>	132
<i>Familia emtor.</i>	312
<i>Far, quid? 15. an ζῆα? 293. nuptiarum & sacrificiorum.</i>	12, 16, 293
<i>Februarius, infernalis mensis, reliquorum mensium confrater.</i>	41, 55. ejus nonnulli dies nuptiis habiti ominosi. 10, 41. parentalia nempe.
<i>Femina. Mulier.</i>	275
<i>Femina, & servi, eodem apud barbaros gradu habita.</i>	305
<i>Fenus exercere, provincialibus interdictum.</i>	191
<i>Feria, nuptiis religiosa & infausta.</i>	276
<i>Fescen-</i>	

I N D E X.

<i>Fescennini versus.</i>	90, 91, 284, 332
<i>Festus, emendatus.</i>	462, 463
<i>Fidius, Hercules, Σάγκτος.</i>	64, 65, 66
<i>Filiatio, adgnatio, cognatio, suitas, individua.</i>	488
<i>Filius, quis?</i>	469
<i>Filii appellatione continetur & filia, non nepos.</i>	113
<i>Filiorum conditio, & honor, natalibus partus.</i>	111, 112, 113
<i>Filiorum & filiarum, emancipatorum, non idem juris.</i>	233
<i>Filiorum genera.</i>	406
<i>Filii naturales.</i>	470, 472, 478, 493
<i>Filii & filia provincialium. 193. & tutorum.</i>	194, 195
<i>Filiarum nubentium jura.</i>	398
<i>Filias abducendi jus an patri competat, quae sine ejus voluntate nupsissent?</i>	234
<i>Flagella, servile supplicium.</i>	129
<i>Flamines, & flaminica.</i>	70
<i>Flaminius, camillus.</i>	69
<i>Flammeum, velum nubentis flaminica.</i>	50.
<i>luteum.</i>	53
<i>Fornicaria, πόρνη.</i>	141
<i>Fortunatis vel trimestres nasci liberos.</i>	247
<i>Fratri filiam an ducere liceat?</i>	206, 423, 424
<i>Eratrum duorum eadem conjux.</i>	214, 216, 444, 445
<i>Fulgen-</i>	

I N D E X.

<i>Fulgentius Placiades, emendatus.</i>	67
<i>Funalia Faces nuptiales.</i>	
<i>Furiosus & absens pater, in qua re similes?</i>	399
<i>Furiosi, inter invitos.</i>	170
<i>Eutinus, deus.</i>	328

G.

Γ <i>Αμῆλι & Iuno.</i>	45
<i>Generi & nurus adoptio.</i>	413
<i>Geniales epula. 81. tada. Faces.</i>	
<i>Genitrix, mater.</i>	447
<i>Genius, deus.</i>	330
<i>Γνήσιοι, justi liberi. 470. legitimi.</i>	491
<i>Γνησίαις ποιείσθαι, legitimari.</i>	492
<i>Gradus sextus cognatorum.</i>	430, 431
<i>Gradus quartus cognationis secundum Canonistas, octavus secundum jus civile.</i>	440
<i>Gravida. Prægnans.</i>	
<i>Grundiles lares.</i>	327

H.

H <i>Alicarnassensis, emendatus.</i>	66
<i>Halicarnassensis interpres, notatus & emendatus.</i>	66
<i>Hasta, summa armorum & imperii. 40. calibaris.</i>	40
<i>Ημιζαμ & γυνή.</i>	300
<i>Heraclii.</i>	

I N D E X.

<i>Heracii illicita cum fratris filia conjunctio.</i>	208
<i>Hercules, Fidius, Σά[κ]λ[ος].</i>	64, 65, 66
<i>Heredes sui.</i>	29, 327
<i>Heredum successio ad septimum usque gradum.</i>	
429. & decimum.	431
<i>Hesychius, emendatus.</i>	211
<i>Ἡερεῖς οἱ ἐπ' οἰωνοῖς.</i>	37
<i>Honorius duas Stiliconis filias, unam post alteram, in matrimonio habuit.</i>	217
<i>Honestas nuptiarum, quid requirat?</i>	342
<i>Honestatis publica ratio.</i>	410
<i>Honor & reverentia, legis aequitas naturalis.</i>	
396, 398. Sanguinis.	
<i>Humores quatuor in corpore, & quatuor gradus prohibitorum connubiorum.</i>	430
<i>Hymeneus.</i>	84
<i>Υ' πρόβολον. 261. Υ' πρόχρων χωρίον.</i>	262

I.

I Dus, nuptiis infausæ & religiose.	276
I gnis & aqua nuptiarum.	78, 288, 289,
	311
<i>Ignorans, & invitus. Patronus.</i>	
<i>Imperitia, id est, juris legumque inscitia.</i>	
	190
<i>Impuberum nuptia nulla. 361. Sponsaliorum personæ.</i>	
<i>Incesta. Nuptiæ.</i>	

Infan-

I N D E X.

<i>Infantes, inter invitos.</i>	170. <i>quinam?</i>	371	
<i>Ingenius, ὁ γένιος.</i>	135. <i>quis?</i>	136, 469	
<i>Inscripta cella, lupanarium.</i>		144	
<i>Invitus. Patronus.</i>			
<i>Isidorus, notatus.</i>		48	
<i>Iterduca Iuno.</i>		43, 49, 75	
<i>Iudicata rei auctoritas.</i>		137	
<i>Iuga Iuno.</i>		48, 49	
<i>Iugales dii.</i>	329. <i>tada. Faces.</i>		
<i>Iugatinus, deus.</i>		49, 328	
<i>Iuglandes, Iovis glandes.</i>		89, 331	
<i>Iugum conjugatorum, quale?</i>		48, 49	
<i>Iulia lex, de maritandis ordinibus, explicata.</i>			
	105, 107, 113, 124, 127, 132, 149,	161	
<i>Iulianus Patricius, emendatus.</i>		179	
<i>Iunia lex.</i>		256	
<i>Iunia idus, fausti nuptiis dies.</i>	10, 11, 276		
<i>Iunii mensis etymon.</i>		46, 47	
<i>Iuno, sorore dulcior.</i>	331. <i>Cinxia.</i>	43, 49,	
	75, 328. <i>Curitis.</i>	41. <i>Domiduca.</i>	44, 49,
	75. Γαμήλιος, vel Γαμηλία.	45. <i>Iterdu-</i>	
	<i>ca.</i>	43, 49, 75. <i>Iuga, Ζυγία.</i>	48, 49. <i>Τε-</i>
	<i>λεία.</i>	44, 45. & <i>Τελείας víctima.</i>	45, 46.
	<i>Vnxia.</i>		43, 49, 75
<i>Iupiter Τέλειος.</i>			44, 45
<i>Iure gentium, id est, usu.</i>			309
<i>Iure quasiti, iusti liberi.</i>			470
<i>Ius dominii, & matrimonii.</i>			304
<i>Ius gentium ad barbaros se non extendit.</i>			417
			<i>Ius</i>

I N D E X.

<i>Ius plenum, & ius Quiritium.</i>	307
<i>Ius naturale non scriptum, sed natum. contra incestum.</i>	197, 201
<i>Iussum voluntas.</i>	229
<i>Iussus verbum patrisfamilias in matrimonio à filio contrahendo.</i>	400
<i>Iusti, legitimi.</i>	35
<i>Iustinianici seculi macula.</i>	503
<i>Iustinianus, emendatus. 458, 463. notatus.</i>	480, 481

K.

K <i>ἀδωλοι, camilli.</i>	70
<i>Κάλαθος.</i>	87
<i>Κάμαρα, ιυραπαρ.</i>	141 -
<i>Κατακριμηνήκον ἐπιθαλάμιον.</i>	331
<i>Κυάσιλλον.</i>	85
<i>Κυρία, quanam Epiſteto?</i>	304
<i>Κύριος, & δεσπότης.</i>	306
<i>Κύριοι, tutores.</i>	25
<i>Κύρις, δόρυ.</i>	41

L.

L <i>Aſtantiuſ, emendatuſ.</i>	93
<i>Lanarium ſuperſtitioſa religio.</i>	73, 74
<i>Laniſicia, matronarum priſcarum cura.</i>	87
<i>Largitates ſponſalitia.</i>	267, 275
<i>Lares grundiſ.</i>	327
<i>Leſtiuſ</i>	

I N D E X.

<i>Lectus nuptialis.</i> 91, 92. <i>genialis.</i>	330
<i>Legatum inutile.</i>	30
<i>Legitimi, sui.</i>	487
<i>Legitimatio.</i> 488, 489, 490, 491, 492, 493.	
<i>adoptio.</i> 500, 501. <i>vetus; & nova.</i>	501
<i>Legitimi, iusti.</i>	35
<i>Lex, emendata.</i>	348
<i>Leges, notata.</i>	449, 490
<i>Lex Papia, Popaa.</i> 356. <i>Julia.</i>	
<i>Lex pro aliquo scripta, contra eum valere non debet.</i>	232
<i>Legis beneficio indignus, qui commisit contra.</i>	167
<i>Legis non verba tantum, sed paritas & sententia, ac reciproca consequentia, spectanda.</i> 358, 413, 414, 418, 420, 422, 433,	
434, 436, 442, 443, 445	
<i>Leges ea, quae ἐπὶ τὸ πλεῖστον accidunt, spectant; non quae ἐκ τῶν ἀλόγων.</i>	155
<i>Leges. Sumtuariae.</i>	
<i>Lena, quanam? —</i>	137
<i>Libellum repudii mittere.</i>	374
<i>Liberi iniusti.</i> 403. <i>quorum natales parentum deteriore sequuntur sortem & conditionem, ut conclusio in syllogismo.</i> 104, 392,	
472, 486	
<i>Liberi iusti, γνήσιοι.</i> 470. <i>patrem sequuntur.</i>	
435, 469. <i>sub potestate, & emancipati.</i>	341
<i>Liberorum ius, & solidi capio.</i>	158
<i>Liberis</i>	

I N D E X.

<i>Liberis suscipiendis quam aetas idonea.</i>	152,
	153
<i>Liberta divorcium.</i>	170
<i>Liberti, quinam fiant cives Romani?</i>	224
<i>Libertini & liberti alieni adrogatio non ad-</i>	
<i>missa.</i>	121
<i>Libertus ingenuus.</i>	122
<i>Limen, Vesta sacrum.</i>	76, 290
<i>Livius, emendatus.</i>	213, 314
<i>Lombardus, notatus.</i>	378, 385
<i>Lucius Tarquinius Superbus; & Tullia, Arun-</i>	
<i>tis fratris uxor.</i>	210
<i>Luctus tempus.</i>	241, 242
<i>Ludovicus Vives, notatus.</i>	45
<i>Lugere, in quam cadat?</i>	361, 377
<i>Lupanaris vocabulum.</i>	141-
<i>Luparia.</i>	143-
<i>Lydi cantus modus querulus.</i>	84

M.

M <i>Ajugena, sponsaliorum numen priscis.</i>	255
<i>Maius mensis nuptiis infestus.</i>	8, 275
<i>Mancipationum solennia.</i>	20
<i>Mancipatio senum coemtionaliū.</i>	313, 314
<i>Marturna, dea.</i>	49, 328
<i>Manumissionis iura.</i>	162
<i>Μαγιστρος, & σέβας.</i>	213
<i>Marcus Cato in Originum fragmentis, emen-</i>	
<i>datus.</i>	64
<i>Marcus</i>	

I N D E X.

- Marcus Crassus fratris defuncti uxorem duxit.* 214
- Maritus. Vir. quando?* 291, 384. *qualis dominus?* 305, 307. *pater familia; successor, & heres in bonis uxoris.* 317, 318, 319
- Mariti eligendi ambiguitas arbitrio judicis committenda.* 398
- Mariti deductio.* 292
- Maritorum novorum sumtus in convivium & sportulas erogandi.* 83
- Martianus Felix, emendatus.* 43, 44
- Martii mensis. Saliorum.*
- Masiniſſa rex, post octoginta sex annos Methymnum genuit.* 154
- Matertera patris adoptivi, filio extranea.* 412.
- & mater.* 411
- Mater, qua vulgo concepit.* 470
- Matri turpitudine præ patris spectata.* 124
- Mater. Mulier.*
- Materfamilias. 12, 294, 296. quam?* 21.
- & qualis?* 317
- Matrifamilias bona omnia, dotis nomine, viri fiunt.* 315
- Matrimi pueri.* 62, 69, 281, 293, 330
- Matrimonium. Nuptiæ. Sponsalia. quid?* 278, 279, 388. *unde dictum?* 21. *mente coeuntium, non tabulis, contrahitur.* 36.
- per as & libram.* 295, 310, 312. *justum, an dirimi possit, debeatve?* 118, 119. *injustum, sed convalescens.* 401, 402, 403.
- provin-*

I N D E X.

<i>provincialium.</i>	190, 193. <i>contra parentum voluntatem contractum,</i>	400. <i>an iusta exheredationis causa?</i>	403, 404, 405
<i>Matrimonium, & consuetudo.</i>			34
<i>Matrimonium, & contubernium.</i>			418
<i>Matrimonium, & dos.</i>	183, 184, 191		
<i>Matrimonium, & nuptia.</i>			387
<i>Matrimonii soluti iura.</i>	320, 321		
<i>Matrimonio ingenuorum quanam persona idonea, vel secus?</i>	101, 102, 104, 105, 122, 133, 135, 136, 150, 151, 152		
<i>Matrimonium captivitate solvi.</i>	172, 173, 176		
<i>Matrimonium confarreare.</i>	15, 293		
<i>Matrimonia solennibus stabilita.</i>			95
<i>Matrimonia farreacea.</i>			293
<i>Matrimonia bene concordantia, jure patriæ potestatis non conturbanda.</i>	234, 235, 309		
<i>Matrimoniorum verus finis, liberi quærendi.</i>	152, 255, 256, 388, 389. <i>persona.</i>	389, 391, 393. <i>species. Vide, Uxorum quærendarum modi. honestas consideranda.</i>	381.
	<i>ea quid requirat?</i>	397. <i>jus, quale?</i>	340.
	<i>injustorum ratio & causa.</i>		186
<i>Matrona, quanam?</i>	21. <i>uxor.</i>		34
<i>Μεδίος Φίδιος.</i>			66
<i>Medioximus, semideus.</i>			67
<i>Mens. Vi le. Affectus.</i>			
<i>Mensia lex, natura derogans.</i>			104
			<i>Mentio.</i>

I N D E X.

<i>Mentio</i> , <i>μνηστία</i> , <i>μνηστὺς</i> . 336. & <i>pañtum</i> .	337, 338
<i>Mercurius</i> , <i>Camillus</i> .	70
<i>Meretrix</i> , & <i>prostibulum</i> .	146
<i>Meretrices</i> , <i>publicarum libidinum victima</i> .	
140. <i>nuda prostare solita</i> .	146
<i>Meretricum professio</i> , <i>apud adiles nomen edere suum coactarum</i> . item <i>vestimenta</i> . 147.	
<i>quæstus</i> , <i>vectigali obnoxius</i> , 148. <i>conditio</i> .	148
<i>Meretrice nati</i> .	496
<i>Methymnus</i> , <i>filius Masinissa</i> , <i>post annum ejus octogesium sextum natus</i> .	154
<i>Minor duodecim annis domum ducta</i> , <i>quomodo justa uxor fiat?</i>	117
<i>Miscella lex</i> .	298, 299
<i>Μνηστὺς</i> , <i>μνηστία</i> . <i>Mentio</i> .	
<i>Modestinus</i> , <i>emendatus</i> .	466
<i>Modius falsus</i> .	401
<i>Mola salsa</i> . 13, 14. <i>farrea</i> .	15
<i>Moschopulus</i> , <i>emendatus</i> .	15
<i>Mosis interpretes quidam nuperi</i> , <i>notati</i> .	443
<i>Mulier</i> , <i>familia sua & caput & finis est</i> . 435.	
<i>nam liberi in familia earum non censentur</i> .	488
<i>Mulier in familiam mariti transiens</i> ; & <i>adoptatus</i> .	314
<i>Mulier</i> , & <i>pupillus</i> .	24, 323
<i>Mulieris perpetua tutela</i> .	304
<i>Mulieris libera consuetudo</i> , <i>matrimonium</i> . 503	
<i>Mulie-</i>	

I N D E X.

<i>Mulieres, illicitis nuptiis maculantes sese; & pupilla, laqueis tutoris irretita.</i>	186
<i>Munera nuptialia. 96, 264. sponsalitia. 353.</i>	
<i>& arrha.</i>	354
<i>Mutinus, deus.</i>	328
<i>Mutuum dare pecuniam, provincialibus interdictum.</i>	191

N.

N <i>āngs, quid?</i>	77, 78
<i>Nascendi causa.</i>	79
<i>Natalium restitutio.</i>	122
<i>Natales. Liberi.</i>	
<i>Natus ex viro marito, & muliere soluta.</i>	494
<i>Natis ex damnato concubitu an alimenta debeant parentes?</i>	497
<i>Naturalis filius, adoptivus. 109, 111. emancipatus. 111. in servitute quasitus, libertinus manet. 121. ut & emancipatus.</i>	111
<i>Necessitudo, & adfinitas.</i>	358
<i>Nefariorum nomen, unde?</i>	293
<i>Nepos non jussu patris uxorem ducens, patri tamen heres adgnascens. 398. ex spurio, an heres instituat?</i>	498
<i>Nepotis, & neptis, in contrahendo matrimonio jura. 196, 197, 227, 228, 396, 397, 399, 400. vocum abusus.</i>	449, 453.
Z	Nepti

I N D E X.

<i>Nepti ex filio, cum adoptato non est connu-</i> <i>bium.</i>	414
<i>Neptuni nomen.</i>	50
<i>Neronis Sporus. Pythagoras.</i>	
<i>Nobilitas, quid? 487. spuriorum.</i>	488, 489
<i>Nona, nuptiis infasta & religiosa.</i>	276
<i>Nonius Marcellus, emendatus. 79, 80. nota-</i> <i>tus.</i>	350, 351, 458
<i>Notha filia dos.</i>	482, 483
<i>Nothi. 470, 478, 481, 495. Vide, Spurii.</i> <i>ἀπαίτες. hodierni patrem habent. 487,</i> <i>488</i>	
<i>Nothis an debeatur aliqua legitima?</i>	482
<i>Noverca, patris propinqua.</i>	440
<i>Nubere, quid?</i>	50
<i>Nubere, & nubes, à tegendo.</i>	279
<i>Nubentes. Nuptæ novæ.</i>	
<i>Nuces spargi novis maritis, consuetum olim.</i> <i>88. quare? 88, 89, 331. qua in tutela Io-</i> <i>vis.</i>	331
<i>Nuncium mittere.</i>	362, 374
<i>Nupta nova, & desponsata, ex domicilii mu-</i> <i>tatione discreta. 55. in altum tolli solita.</i> <i>60. & sublimis vehi. 61. & manu duci.</i> <i>62. limen transsiliebat. 75. in lecto colloca-</i> <i>ta.</i>	94, 330
<i>Nupta nova. Uxoris. ades, earumque orna-</i> <i>tus. 71. postes. 73, 287. asses tres, ad ma-</i> <i>ritum delati. 71, 295. claves data. 77,</i> <i>268, 311, 317. cultus. 39, 50. deductio</i> <i>in</i>	

I N D E X.

in cubiculum. 330. *pellis lanata.* 77. *un-*
ctio. 74. *utensilia, qua ante illam gesta-*
bantur. 68

Nuptia, & sponsa, jura. 166, 167

Nuptias novas, rari solitum. 53. *& traduci in*
virum domum noctu. 54, 55, 57, 59

Nuptia. Matrimonium. quid? 28. *& un-*
de dicta? 279. *τέλος.* 45. *sancta federa*
tada. 60. *an inter absentes?* 373. *uti con-*
trahantur? 378. *ante pubertatem.* 390,
391. *in linea recta in infinitum interdicta.*
410. *cognatorum.* 433. *adfinium.* 440.
incesta. 196, 198, 199, 200, 248. *& in-*
justa. 226, 241, 415, 420. *quomodo con-*
ualescant? 116, 117, 118, 119. *illegiti-*
ma. 292. *contra leges, stuprum.* 384. *in-*
tempestiva. 152. &c. 156

Nuptie, & concubinatus. 298

Nuptia, & matrimonium. 387

Nuptia, & sponsalia. 381, 382

Nuptiarum consensus, eorum in quorum
sumus potestate. 226, 227. *vel non su-*
mus. 230

Nuptiarum dies. 8, 275, 325. *& postridie*
nuptiarum, & dies crastinus, vel repotio-
rum. 277. *Nuptiarum deducularum fre-*
quentatio. 82. *aqua & ignis.* 78. *tres gra-*
dius. 368. &c. *jus antiquum, totum pon-*
tificium. 417. *jus Romanum, & ejus re-*
gula. 417. *nomen.* 50. *numina.* 44, 49.

Z 2

verba,

I N D E X.

<i>verba, cujus temporis?</i>	361.	<i>injustarum effectus.</i>	114, 115
<i>Nuptiis quam aetas habilis?</i>	98.	<i>ante quam tamen filiam locare permissum patri.</i>	101.
<i>ac marito domum ducere.</i>	117		
<i>Nuptiales cœna.</i>	80, 81		
<i>Nuptiale pretium.</i>	21		
<i>Nutrix, non est mater.</i>	447		
<i>Nyctelia sacra.</i>	328		
<i>Νύμφα ζωῆς.</i>	281		
<i>Νύμφης ἔτυμον.</i>	279		

O.

O <i>Bnubere, quid?</i>	50		
<i>Obrogari, quid?</i>	157		
<i>Observantia pudica ultra propinquitatis gradus in lege Dei expressos.</i>	438		
<i>Οἶκημα, lupanar.</i>	141, 142		
<i>Omina, auguria.</i>	38		
<i>Ὀπίηεια.</i>	264, 278		
<i>Oscula solita, & quotidiana.</i>	273		
<i>Osculum sponsaliorum.</i>	353		
<i>Osculum, & suavius.</i>	269, 270, 271		
<i>Otho germanam in modum justæ uxoris propalam habuit.</i>	203		
<i>Ovidius, notatus.</i>	10;		
<i>Ὀὐλαὶ κερδιναί.</i>	15		

P. Paḥa

P.

- P** *Acta puella, pacta nuptia, pactum matrimonium.* 253, 336, 347, 350. *Pacta dotalia.* 319
- Pactum, & mentio sponsaliorum.* 337, 338, *nudi nulla obligatio.* 357, 379. *Pactiones etiam gravissima inter absentes.* 373, 374
- Παῖδας ἔχειν, quid?* 214
- Palam, quid?* 139, 149
- Panis farreus.* 293
- Paphnutius episcopus in Niceno concilio, omnes alios aliter sentientes in suam opinionem adduxit.* 169
- Papia lex. Julia.*
- Papinianus, emendatus.* 475
- Papyrius Camiliam sororem gravidam fecit.* 203
- Papyrii pueri prudens figmentum, quo matrem, instantius percontantem quid in senatu egissent patres, elusit.* 237, 238
- Παρθένεμοφοι.* 254
- Παρθένετρα.* 263, 315, 324
- Parentalia, nuptiis ominosi dies.* 10, 41, 275
- Parentum potestas.* 233, 308, 309, 310, 395, 396, 398, 399
- Πάρροχος, sponsa conductor.* 281
- Participem fieri omnium bonorum; humani juris.* 317
- Partus. Liberi.*

I N D E X.

<i>Parysatis filiorum controversia.</i>	110
<i>Pater, quis?</i>	123, 469, 470, 471, 482
<i>Patris appellatione an avus comprehendatur?</i>	123
<i>Patria potestas. Abducere. Parentum.</i>	
<i>Patriciorum nomen.</i>	469
<i>Patrimi pueri.</i>	56, 62, 69, 281, 293, 330
<i>Patronus, in lege Julia, quis?</i>	162. ejus jura.
	163, 167, 170
<i>Patronus invitus.</i>	167. ignorans, & absens.
	168, 169
<i>Patroni jus integrum conservandum.</i>	121, 122
<i>Patruelum nuptia.</i>	424
<i>Patruī & amita, filii filiaque fratris, adoptivorum, par ratio.</i>	414
<i>Paulus Diaconus, emendatus.</i>	221
<i>Paulus, l. C., emendatus.</i>	78, 125, 458, 459
	460. notatus.
	449, 494
<i>Peculium, quod ad virum, & quod ad mulierem.</i>	324
<i>Pecunia aliena numeratio.</i>	117
<i>Pellex.</i>	37, 240, 298
<i>Pellis lanata nova nupta.</i>	77
<i>Peregrini, ex cive Romana.</i>	104
<i>Pertunda, Dea.</i>	49, 329
<i>Petronius Arbiter, emendatus.</i>	146
<i>Πέρην, & ἀντιΠέρην.</i>	259, 260
<i>Φυσικὸν, naturales filii.</i>	478
<i>Pietas in parentes inaequalis potestatis, aequalis tamen.</i>	398
	Picumnus,

I N D E X.

<i>Picumnius, vel Pilumnus, deus.</i>	39
<i>Πίστιος Ζεύς. Fidius Hercules.</i>	65, 66
<i>Plautus, emendatus.</i>	453
<i>Πλόκαμρος, casaries.</i>	285
<i>Plutarchus, emendatus.</i>	46, 47, 68, 75, 76
<i>Plutarchi interpres, notatus.</i>	44, 45, 220
<i>Pœnitentia anteacta vita maculam non abolet.</i>	196
<i>Pœtarum assentatoria natura in Ovidio notata.</i>	105
<i>Polliceri, & promittere.</i>	257, 258
<i>Polygamia. Uxores duas.</i>	
<i>Pompa nuptialis.</i>	280
<i>Popæ lex. Julia.</i>	
<i>Porcus, nuptiis immolari solitus.</i>	16
<i>Porca nuptialis.</i>	326, 327
<i>Possessio. Usus.</i>	
<i>Possessor, & dominus.</i>	297
<i>Postium ornatus in nuptiis.</i>	73, 74, 287, 288
<i>Prægnans, an in aliis manum convenire possit?</i>	244
<i>Prætextatus sermo.</i>	284
<i>Præmatici, notati.</i>	494
<i>Præma mater, dea. —</i>	49, 329
<i>Priapus, deus. 329. ejus fascinum.</i>	92, 93.
<i>terriculamentum. —</i>	93
<i>Privigna, cognata vitrici.</i>	443
<i>Προάλκω.</i>	276, 277
<i>Proculianorum secta.</i>	390
<i>Promittendi. Spondendi.</i>	
Z 4	Promit-

I N D E X.

<i>Promittere, & polliceri.</i>	257, 258
<i>Promissa puella.</i>	253
<i>Promissio nimia invalida. 159, 160. conditio-</i> <i>nalis, obligationem suspendit.</i>	385
<i>Pronubi.</i>	254
<i>Pronuba. 255, 330. nuptam in lecto collocare</i> <i>solita.</i>	94, 330
<i>Προθεμία τῶ γάμων.</i>	275
<i>Προτίλεια. 45. quid? 211. τὰ & ἀετίλεια.</i>	252
<i>Πρωτόλεια, quid sint?</i>	211
<i>Propinqui, quinam?</i>	433, 440
<i>Propinquitas, & cognatio. 431, 432. Vide,</i> <i>Cognationis.</i>	
<i>Prosesta, meretrix.</i>	146
<i>Προσφεκτήρια.</i>	264
<i>Prostibulum, & meretrix.</i>	146
<i>Prostibulorum nudorum prostandi mos.</i>	146
<i>Provincialis mulier quomodo in uxorem possit</i> <i>duci officium gerenti?</i>	193
<i>Provincialis mulier, & pupilla.</i>	191, 192
<i>Provincialium filii & filia. 193, 194. pote-</i> <i>stas. 394. sponsalia, nuptiaeque.</i>	343
<i>Provincialibus, qua interdicta?</i>	190, 191
<i>Proxeneta.</i>	253
<i>Pubertatis aestimium ex annis.</i>	390
<i>Pudentilla cum viri mortui fratre tabulas fa-</i> <i>cit nuptiales.</i>	215
<i>Puella Suburrana.</i>	142
<i>Pueri patrimi, & matrimi. 62, 69, 293, 330.</i>	
	<i>Pultis</i>

I N D E X.

<i>Pulsus usus priscis Romanis, quam panis, frequentior.</i>	13
<i>Pupillus, & mulier.</i>	24, 323
<i>Pupillorum jus in nuptiis promittendis.</i>	342
<i>Pupilla, laqueis tutoris irretita; & cetera mulieres, illicitis nuptiis maculantes sese.</i>	186.
<i>& provincialis mulier.</i>	191, 192
<i>Pupillarum nuptia prohibita.</i>	179, 186, 405, 406, 407
<i>Puriter facere. i. sacrificare.</i>	289
<i>Pythagoras Neronis.</i>	51, 55

Q.

Q <i>Vasillum.</i>	85
<i>Quasi adfinitas.</i>	444
<i>Quasi conjuges.</i>	184
<i>Quasi extranea persona.</i>	184
<i>Quasi filius,</i>	112, 113
<i>Quasi ingenuus.</i>	137
<i>Quasi nepos.</i>	113
<i>Quasi patroni.</i>	163

R.

R <i>Adi comam, lugentium.</i>	287
<i>Ratio naturalis, animis nostris divinitus indita atque impressa. contra incestum.</i>	197, 201
<i>Receptilia bona.</i>	263
Z	5
	Rela-

I N D E X.

<i>Relatio. Legis.</i>	
<i>Religiosa, id est, infausta nuptiis dies.</i>	276
<i>Remancipata.</i>	30
<i>Repentalia.</i>	96
<i>Repotia.</i>	95, 277
<i>Repromittendi. Spondendi.</i>	
<i>Repudium sine causa, adulterii crimen.</i>	382
<i>Repudium, & ejus multa.</i>	274
<i>Repudium infectum.</i>	383
<i>Repudium, quodnam tempus exigat expectandum priusquam in alius manum conveniat repudiata?</i>	244
<i>Repudium per internuncios.</i>	374
<i>Repudium mittere.</i>	362
<i>Repudii formula. 357. & sollemnitas.</i>	383
<i>Rei judicata auctoritas.</i>	137
<i>Res uxoria.</i>	315, 323
<i>Reverentia. Honor. Sanguinis.</i>	

S.

S <i>Acra nuptialia. 310. nyctelia. 328. eorum molestia. 311. & interemptio. 311, 313</i>	
<i>Sacrificia nuptialia.</i>	325, 326
<i>Salicetus, notatus.</i>	494
<i>Saliorum dies, nuptiis infausti habiti. 10, 275</i>	
<i>Salva fruges.</i>	13, 14
<i>Salutationes, sacrificia.</i>	325
<i>Salutationes perfunctoria. 273. & quotidiana.</i>	273
<i>Sanctia</i>	

I N D E X.

<i>Sanctia lex.</i>	13
<i>Sanctitas nominum & appellationum inter agnatos.</i> 410, 415, 416. & cognatos atque affines.	436
<i>Sangus, Sancus, Saga, Σά[κ]λος.</i> 63, 64, 65, 66. <i>semideus.</i>	67
<i>Sangi Fidii simulacrum.</i>	66
<i>Sanguinis ratio, vera cognatio.</i>	409
<i>Sanguinis communio, naturalis cognatio.</i>	452
<i>Sanguinis reverentia, quantum valeat?</i>	423.
<i>Honestas. Honor.</i>	
<i>Σέβας, & μέγας.</i>	213
<i>Scavola, l. C., emendatus.</i>	78
<i>Scortatio, an lege damnata?</i> 494, 495, 496,	497
<i>Semones dii.</i> 67. <i>semidei.</i>	67
<i>Senatoris filius.</i>	109
<i>Senatusconsultum de pupillarum nuptiis.</i> 405,	406, 407
<i>Senex capularis, testatoribus aliquibus usui.</i>	
311, 312, 313. <i>coemtionalis.</i> 313, 314	
<i>Senes comitiales.</i>	314
<i>Senum generantium exempla.</i>	154, 155
<i>Sepulcrorum jura,</i>	313
<i>Servus dotalis.</i>	320
<i>Servus hostium factus, pro nullo habetur.</i>	173
<i>Servus vitio liber.</i>	401
<i>Servum non fuisse domini, sed tantum in ejus bonis.</i> 296. & <i>qui domini fiat?</i>	300
Z 6	Servi,

I N D E X.

<i>Servi, & femina, eodem apud barbaros habita gradu.</i>	305
<i>Servi, qui cives Romani efficiantur?</i>	224
<i>Serva partus, servus.</i>	472
<i>Servitus libera mulieris.</i>	306
<i>Servius, emendatus. 21. notatus. 48, 266,</i>	301, 347, 349
<i>Sextus Pompeius Ruffus, emendatus. 66, 69</i>	
<i>Silentium, quandoque pro jussu & consensu.</i>	229
<i>Simplones, vel simpulones, sponсорum amici.</i>	329
<i>Simpulum, quale vas?</i>	329
<i>Sisinnius, notatus.</i>	423
<i>Sobrini filia, ἀνψία.</i>	439
<i>Sobrini, διοεξάδελφοι.</i>	439
<i>Sobrinorum & sobrinarum diu Roma ignorata conjugia. 220. probata. eorumque nati nataque quo gradu distent?</i>	439, 440
<i>Socci nova nupta.</i>	50
<i>Socia sacrorum nulli patrifamilias invito adsciscenda.</i>	341
<i>Societas leonina.</i>	317
<i>Societas matrimonii, & negotiationis, comparata.</i>	383
<i>Societas vita, quodammodo dominam facit.</i>	28, 29, 318
<i>Socinus, notatus.</i>	494, 495
<i>Solidi capio.</i>	157, 158
<i>Sorbonista, notati.</i>	385
	<i>Sororum</i>

I N D E X.

<i>Sororum species tres.</i>	435
<i>Sororum duarum nuptia. 217. omni modo prohibita.</i>	444
<i>Sororis germana incestus.</i>	203
<i>Soror consanguinea patris adoptivi, filio adoptivo amita.</i>	414
<i>Σξ pro σι, in Matth. c. i. v. 20.</i>	364, 365
<i>SP. sine patre, justo scilicet; id est, spurius.</i>	468
<i>Spartianus, notatus.</i>	422, 449
<i>Sperata nuptia, sperata puella, & speratus.</i>	252, 253, 350, 351
<i>Spina alba nuptiarum facibus auspiciatissima.</i>	56, 57, 58
<i>Spondendi, promittendi, repromittendi verba, futuri temporis demonstrationem continent.</i>	375
<i>Sponsus, sponsa, ante nuptias, & post sponsalia. 100. eorum nomina.</i>	1, 2, 335
<i>Sponsus. 266. gener. 365. ejus definitio. 376. cultus.</i>	284
<i>Sponsa. 347, 350. designata uxor.</i>	364
<i>Sponsa, & sponsalia. 253, 264, 265, 266</i>	
<i>Sponsa, & uxor. 358, 359, 360</i>	
<i>Sponsa asses tres nuptiales. 71, 295. ingressus in domum mariti. 290. raptus in nuptiis. 53,</i>	290
<i>Sponsa, & nupta, jura. 166, 167. Uxoris.</i>	
<i>Sponsa velari solita.</i>	50, 274
<i>Sponsalia, an contractus? 357. in diem contrahun-</i>	

I N D E X.

- trahuntur. 386. an jure, vel sub conditione, contrahantur? 385. quid? 380. ea quid faciant? 391
- Sponsalia, & nuptia. 381, 382
- Sponsalia de futuro, & presenti. 379
- Sponsaliorum verba, cujus temporis? 352, 361, 375
- Sponsaliorum nomen. 1, 2, 251. etymologia, stipulatio, & definitio. 335, 336, 337, 338, 375, 376. forma. 345, 346, 351, 352, 353, 354. consensus. 3. atas. 6, 8. jus 354, 355, 358, 362. jura, ex lege Mosaisca & Christianorum. 363. quatuor. 367, 368. quamam obligatio? 357, 380, 385. persona. 338, 343, 367, 368, 371, 373. ἑλκεύει. 365, 366, 367, 373, 374. ἐα-
na. 82. hora. 277
- Sponsaliorum & nuptiarum aequalis vis & communio. 344, 358, 361, 367, 368. differentia in re & tempore. 361, 376, 380
- Sponsalibus an renunciare liceat? 382
- Sponsalitia pœna. 355, 356, 358, 371, 382
- Sporus. Pythagoras.
- Spurius, à notho, & naturali, distinctus. 493, 494. bastardus. 499
- Spurii. Nothi. Vulgo quæsitii.
- Spurii. 227. ἀπαίτορες. & ideo agnationis expertes, sed cognationem per matrem habent: & cives sunt Romani. 469, 479, 480. nobilesque. 486
- Spurio-

I N D E X.

<i>Spuriorum nomen</i>	468.	<i>definitio.</i>	469.	<i>divisiones.</i>	471, 475, 478, 481.	<i>adoptio.</i>	500,
							501.
						<i>hereditates.</i>	483, 489, 491.
						<i>jus.</i>	478,
							479, 500.
						<i>conditio & nobilitas.</i>	481, 486,
							487.
						<i>origo.</i>	487
<i>Stipulatio nulla sine precedente pacto : non vicissim.</i>							336
<i>Stipulationis in sponsalibus jus singulare ac novum.</i>							357
<i>Stipulationes in diem.</i>							386
<i>Stuprum. 34. quid ?</i>							384
<i>Suavium, & osculum.</i>							269
<i>Subarrharc.</i>							269
<i>Subigus pater, deus.</i>							49
<i>Submœniana uxores.</i>							142.
<i>Suburrana puella.</i>							142
<i>Successio ; continuatio dominii. ; 8. reciproca inter virum & uxorem.</i>							319
<i>Suidas, emendatus.</i>							86
<i>Suitas, 487, 491, 492, 493, 501. filiatio, adgnatio, cognatio, individua.</i>							488
<i>Sumtuaria leges.</i>							81, 96, 329
<i>Συωικτιρ, quid ?</i>							214

T.

T	<i>Abula sponsaliorum. 3. 4. non faciunt matrimonium. 36. nuptiales.</i>	215,
		266
<i>Taciturnitas, quando assensus ?</i>		341
	<i>Tacitus</i>	

I N D E X.

<i>Tacitus consensus.</i>	400
<i>Tada jugales, geniales.</i> 56, 57, 58, 59, 60.	
<i>Faces.</i>	
<i>Talantum, calathus.</i>	85
<i>Τάλαρος.</i>	86, 87
<i>Talassio.</i> 84. <i>quid?</i>	85, 86
<i>Ταλάσιος, Ταλασία.</i>	86
<i>Tanaquil. Caia Cæcilia.</i>	
<i>Τελεία Ἡῤα.</i>	44, 45
<i>Τελείας Ἡῤας ἱερεῖον.</i>	45, 46
<i>Τέλειος Ζεύς. Τέλαιοι, οἱ γεγαμηκότες. Τει- λειωθῆναι, γῆμα. Τέλος, nuptia.</i>	44, 45
<i>Testamentum falsum.</i>	401
<i>Testamentum per as & libram.</i>	312
<i>Testamenta feminis citius quam masculis fa- cere licet.</i>	99, 100
<i>Teuchira, urbs Cyrenaica præfectura.</i>	62
<i>Textrix prima, conjux.</i>	42
<i>Theologus magnus, notatus.</i>	503
<i>Theologi, non boni jurisconsulti. notati.</i>	379
<i>Θεώρητα, τὰ, Θερίλεια.</i>	45, 264, 278
<i>Θεῖξ ἀνδραποδῶδης.</i>	285, 286
<i>Tibia nuptialis. 83. zygia.</i>	83
<i>Titulus, elogium, inscripti lupanarii.</i>	144, 145
<i>Titus, imperator, Domitiani fratris uxorem in deliciis habuit.</i>	216
<i>Tonsura lugubris.</i>	287
<i>Torus genialis. Lectus.</i>	
<i>Tribonianus, notatus.</i> 173, 174, 177, 223, 309, 419, 426	
<i>Tribu-</i>	

I N D E X.

<i>Tributum meretricium.</i>	148 —
<i>Triens</i> τριῖς ὀβολος.	262
<i>Tunica nova nupta.</i>	42
<i>Tutela qua aetate absolvatur?</i>	99
<i>Tutela perpetua.</i> 304, 322. & non perpetua.	24
<i>Tutela periculo obstricti.</i>	406
<i>Tutor, an & quando pupillam ducere possit?</i>	405, 407
<i>Tutor cessicus.</i> 322, 323. <i>fiduciarius.</i> 30. <i>usu-</i> <i>suaria uxoris.</i>	322
<i>Tutor, & curator.</i>	265
<i>Tutores, κῦελοι.</i>	25
<i>Tutores honorarii.</i>	406
<i>Tutores, & pupilla.</i>	179, 180, 184, 185
<i>Tutorum constitutio.</i> 22, 23. & <i>differentia.</i> 23. <i>potestas.</i> 25. <i>datio.</i> 158, 188. <i>auctori-</i> <i>tas.</i> 318, 323, 324, 342. <i>fili & filia.</i> 194, 195, 196. <i>heredes, tutela periculo</i> <i>obstricti.</i> 406. <i>velitas nuptias copulantium</i> <i>pœna.</i>	189

V.

V <i>Arro, emendatus.</i>	57, 60, 79, 80, 88
<i>Velle, quid?</i>	229
<i>Velum nova nupta.</i>	50
<i>Venus, dea.</i>	329
<i>Verrius Flaccus notatus.</i>	2
<i>Vesta, numen castitatis.</i>	76
<i>Vestalium</i>	

I N D E X.

<i>Vestalium nuptia incesta.</i>	243
<i>Viduarum nubentium deductio infrequens.</i>	83
<i>Vincula virginalia.</i>	43
<i>Virginensis, dea.</i>	49, 329
<i>Viri auctoritas in administratione rei uxoria.</i>	323, 324
<i>Vir. Maritus.</i>	
<i>Vir & uxor, una persona per matrimonium.</i>	446
<i>Vir absens, quomodo uxorem ducat?</i>	282
<i>Virerum absentia longa, divortii legitima causa.</i>	310
<i>Vitricus, propinquus matris. 440. cognatus privigna.</i>	443
<i>Vlpianus in regulis, emendatus.</i>	419
<i>Vngues & capillos in nave deponere, religiosum olim.</i>	286
<i>Vnicuba & univira decus.</i>	94, 95
<i>Vnxia Iuno.</i>	43, 49, 75
<i>Voluntas. Vide, Affectus.</i>	
<i>Vsus, possessio, veteribus. 31, 297. quâ fiat proprietas?</i>	300, 301
<i>Vsus promiscuus.</i>	316, 317
<i>Vsu, id est, jure gentium.</i>	309
<i>Vsu quasita, partaque, uxores. 31, 32, 33, 102, 294, 296, 298. quâ fiant matres usucapta?</i>	300
<i>Vsu ducta mulier, & dominus bonitarius.</i>	316
<i>Vsu contracta matrimonia.</i>	378
<i>Vsuca-</i>	

I N D E X.

<i>Usucapionis nomen.</i>	31
<i>Usurpatio uxorum.</i>	32
<i>Utilitas publica privatis commodis praefenda.</i>	403
<i>Vulgo quasi, spurii, 35, 470, 471, 476. matrem sequuntur. 479, 486, 487. Liberi iniusti, & eorum natales.</i>	
<i>Vulgo questorum pater, populus.</i>	124
<i>Vxor, & concubina,</i>	297, 298
<i>Vxor, & sponsa.</i>	358, 359, 360, 382
<i>Vxor. Materfamilias. Mulier. nomen dignitatis. 33, 36. διαποικια. 304. in mariti familia. 361. quando primum dicatur? 291, 384. an in potestate mariti? 301. capite deminuta. 22, 304, 305. marito ceu filia, heres. 29, 304, 317. & filio sororis loco, & in consanguineorum numero. 318. quid inscio marito juris habeat? 325. non omnis materfamilias. 12. simplex, usu ducta. 316, 317. injusta.</i>	403
<i>Vxoris inane consortium. 32. deducenda cultus. 280. & velatio. 280. deductio. 291, 292. etymon. 74. patrimonium, dos. 320. peculium.</i>	324
<i>Vxorem ducere.</i>	54
<i>Vxores, quasi unxores.</i>	74, 288
<i>Vxores, & concubina.</i>	33, 34, 35, 36 —
<i>Vxores submœniana.</i>	142 —
<i>Vxorum quarendarum modi. 11, 34, 35, 292.</i>	emen-

I N D E X.

<i>emendarum mos.</i>	20, 21.	<i>ducendarum.</i>	1;
	16.	<i>genera.</i>	11, 294, 296, 298, 315, 316.
<i>usurpatio.</i>			32
<i>Vxores aliis elocare, quomodo usitatum Ro-</i>			
<i>manis, & Atheniensibus?</i>			299, 300
<i>Vxores duas habere eodem tempore, Roma non</i>			
<i>licuit.</i>			235, 239

X.

X <i>Erxis & Arthemenis controversia.</i>	110
<i>Xiphilini interpres, notatus.</i>	142
<i>Xylander, notatus.</i>	135

Z.

Z <i>E'α, an far?</i>	293
<i>Zδὺς Πίστος· Dius Fidius.</i>	66
<i>Zona Diana.</i>	328
<i>Zonara interpres, notatus.</i>	135
<i>Zυγία Iuno.</i>	48, 49.

F I N I S.







1

adw 8/31

